

CHYMISTA SCEPTICVS;
 VEL,
 DVBIA ET PARADOXA
 CHYMICO-PHYSICA,
Circa SPAGYRICORVM Principia, vulgò dicta HYPOSTATICA,
Proui proponi & propugnari solent à Turba
 ALCHYMISTARUM.

Cui Pars præmittitur
 Alterius cuiusdam Dissertationis ad idem Argumentum spectans.
Ab Honoratissimo

ROBERTO BOYLE
 NOBILI ANGLO, è SOCIETATE REGIA.



GENEVE,
 Apud SAMVELEM DE TOVRNES.
 M. DC. LXXX.



PRÆFATIO

Ad Sequentem TRACTATVM

INTRODVCTORIA.



T rationem Lectori reddam, cur sequens Tractatus ita mutilus & imperfectus permittatur in publicum prodire, cum oportet illum edoceam, dudum jam esse, quod, in ingeniosi cujusdam viri obsequium, nonnullas ex Notionibus, quæ me inhibebant, quominus vel in *Peripatetica*, vel in *Chymica* de Materialibus Mixtorum Principiis doctrina penitus acquiescerem, literis mandaveram.

Hujus Dissertationis, quosdam post annos in cruditorum aliquorum manus incidentis, ea fors erat, ut tam benignè, eaque cum laude exciperetur, ut illicis plusquam solitis ad eam publicandam inductus, consultum judicaverim ipsam revidere, ut quædam, quæ non conveniebant Lectori cuivis exhiberi, refecarem, nonnullaque alia ex his, ex experimentis, observationibusque, exinde à me factis, mihi occurrerant, substituerem. Quid de Chartis meis factum, id alibi in quadam præfatione querulus commemoro. At ex quo illam scripsi, complures reperi paginas, ad ea Argumenta pertinentes, quæ nunc explicatum eo. Quare cum viderem, tantum de Dialogo primo in manibus meis esse, ac ad statum quæstionis formandum requireretur,

P R Æ F A T I O

Introductionemque suppeditaret, tum ad *Carneadis* cum *Eleutherio* colloquium, tum ad alios quosdam Dialogos, qui suis de causis nunc hic una non eduntur; animum inducebam, Contenta scripti illius pro viribus supplere, quod ad secundam ex sequentibus Dissertationibus pertinebat, quodque, licet primas teneret omnium, nulla ratione poteram recuperare. Cumque secunda vice, Amicorum, sed non eorundem, de imperfecto hoc Opere sententiam explorassem, eam talem deprehendebam, ut desiderijs ipsorum obsecundans concederem, non modò ut ederetur, sed etiam ut, quamprimum id fieri commodè posset, ederetur. Equidem per omnes Dialogos de me ipso sum loquutus, ut de Persona tertia; isti quippe cum sermones continerent, qui ex numero erant primorum Tractatum, quos componere dudum de rebus Philosophicis periclitabar, cum ratione cupiebam, uti Pictor ille, *Latere pone Tabulam*, & hominum de iis judicia intelligere priùs quàm Auctorem eorum me profiteri. Verùm præterquam quod nunc percipio, non ignotum jam pluribus esse, quisnam esset eorum scriptor, persuasum mihi volunt abs re non esse, ut constet, edi illos à Viro, rerum Chymicarum non omninò imperito. Ac eo minùs dubitabam, eos absque ultima manu in publicum emittere, partim quod occupationes meæ, dataque jam fides nonnullos alios Tractatus publicandi, vix me sperare sinunt, fore mihi brevi facultatem, hos Dialogos ad umbilicum perducendi: partim, quod credere non reluctor, eos tempestivè satis, cù non in Auctoris existimationem, in alios tamen fines, prodituros. Observo enim, novissimis annis Chymiam cœptam esse, uti meretur, à viris Doctis, qui priùs eam spreverant, excoli, ejusque scientiam à pluribus, qui, ipsam nunquam coluerunt, arrogari, ne eam ignorare existimentur. Vnde factum, quod complures Chymicorum de rebus Philosophicis Notiones sumptæ sunt pro concessis, atque in usum versæ, & sic ab eximijs admodum scriptoribus, tum Physicis, tum Medicis, adoptatæ. Jam autem vereor, ne quid hinc detrimenti solidæ Philosophiæ incrementum capiat: quantumvis enim Chymicorum Experimentorum sim amantissimus, licet etiam complura Medicamenta Chymica non parvi æstimem; hæc tamen ab illorum Notionibus de causis rerum, earumque generationis modo probè distinguo. Et quantum quidem hætenus di-

gnosceræ

INTRODVCTORIA.

gnoscere possum, millena sunt naturæ *Phænomena*, præter plurima Accidentia, ad Corpus humanum spectantia, quæ liquido & sufficienter vix explicabantur, ab iis, qui tam angustis se cancellis coercerent, ut res à Sale, Sulphure & *Mercurio*, cæterisque, quæ Chymicis peculiares sunt, Notionibus deducant, nec diligentius, multò, quam solent, animadvertant ad Motus & Figuras minutarum Partium Materię, reliquasque magis Catholicas fætasque Corporum affectiones. Quapropter intempestivum fortè nunc non erit, *Carneadem* homines monere, ne Capitali illi Chymicorum doctrinæ de Tribus Principiis *Hypostaticis* assentiantur, donec illud sub examen vocaverint, perpenderintque, quomodo, liberare eam ab objectionibus ejus possint; quarum fortè quædam sunt, quæ iis in mentem nunquam venerint; cum vel Chymicus aliquis eas velit, & non; alius nisi Chymicus eas *posset* proponere. Spes etiam me tenet, Ingratum non fore multis Viris ingeniosis (qui determinare non amant ullam momenti alicujus Controversiam, sine prævia consideratione eorum, quæ in utramque partem afferri possunt, & majori tamen desiderio flagrant res Chymicas intelligendi, quam opportunitate gaudent eas addiscendi) hic in cumulum adducta invenire, tum complura ex meis propriis Experimenta, de industria facta ad Elementorum doctrinam illustrandum, tam multa alia vix aliter nisi sparsim in pluribus Chymicorum libris occurrentia, junctaque hæc Experimenta sic tradita reperire, ut mediocris Ingenii Lector dummodò usitata apud Chymicos vocabula Technica norit, faciliè ea intelligere, & vel cautus aliquis tutò iis fidere possit. Hæc propterea à adiicio, quod qui vel ullatenus in rebus Chymicis est versatus, non possit non ex obscuro eorum ambiguo & ferè Ænigmatico tradendi, quæ docere præ se ferunt, modo, percipere, ipsis consilium non esse ut intelligantur nisi à *Filiis Artis* (ut vocant), nec vel ab his quidem sine difficultate & incerti successus Experimentis. Aded ut eorum nonnulli vix unquam tam candidè loquantur, quam quando trita inter ipsos sententia utuntur; *Vbi palam locuti sumus, ibi nihil diximus*. Atque uti obscuritas eorum, quæ nonnulli Scriptores tradunt, difficultatem parit ea intelligendi; sic nimis multorum verat improbitas quominus in iis recumbamus. Etenim, invitum licet, teneor tamen, in Veritatis gratiam, & Lectoris, ipsum monere, ne credere Experimenta Chymica properet, quando per Præscriptionum, non verò

P R Æ F A T I O

per Narrationis modum sunt consignata, id est, nisi is, qui ea tradit, se id facere fide propria dicat, vel Viri alicujus fide digni Relatu, qui ex propria sua Experientia eorum veritatem asserat. Etenim malè me haber, quod querelas fundere teneor, vel Egregios Scriptores, tum Medicos, tum Philosophos, quos facile mihi erit, si opus fuerit, nominare, eo usque sibi imponi proximis annis passos esse, ut Experimenta Chymica in publicum emiserint, iisque superstruxerint, quæ absque dubio ipsi nunquam exploraverant; id enim si fecissent, æquè ac ego Falsitatem eorum deprehendissent. Et certè esset optandum, ut cum jam illi allegare Chymica Experimenta incipiunt, qui ipsi Chymicarum Operationum non sunt periti, desistant Scriptores à vago illo modo, Chymicorum de his illisque dicta assertionesque citandi, ac potius in singula, quæ citant, Experimenta, Auctorem, vel Auctores nominent, cujus fide ea commemorant. Hac enim ratione seipsum à suspitione falsi tutos præstarent (cui recepta hæcenus consuetudo ipsos exponit) Lectorique judicandum permitterent, quid ipsi sit consultum de eo, quod traditur, credere, dum magna sua nomina in dubiarum Narrationum patrocinium non adhibent, suum etiam tribuerent Inventoribus Editoribusve Experimentorum verorum, æquè ac Obtrusoribus falforum. Cum generali illo Chymicos allegandi modo, scriptor candidus laude sua peculiari defraudetur, & impostor probum ipsi nominatim debitum evadat.

Quod præfandum superest, in eo insumam oportet, ut nonnihil in *Carneadis*, aliquid etiam in mei ipsius gratiam dicam.

Et primò, *Carneades* sperat, Lectorem existimaturum, satis se urbanè & modèste disputasse, si consideret, se partes Antagonistæ & Sceptici sustinere debuisse. Et si alicubi videatur Adversarii sui Opiniones & Argumenta vilipendere, id spectari velit tanquam ad id inductus, non tam sua de illis Opinione, quam *Themistii Philoponique* exemplis, & consuetudine talium Disputationum.

Deinde, si quædam ex Argumentis ejus non esse existimentur ex maxime Cogentium classe, consideratum iri sperat, non debere, ex isto ut sint genere, expectari. Etenim, ipsius partes præcipuæ cum sint, nonnisi Dubia & scrupulos proponere, suo perfungitur munere, si ostendat, Adversarii sui Argumenta non satis validè concludere, etiamsi nec id agant sua propria. Et si fortè dissidium aliquod inter ea, quæ locis diversis tradit,

INTRODVCTORIA.

tradit, reperiatur, perpenſum iri ſperat, neceſſarium non eſſe, ut omnia, quæ Scepticus proponit, ſibi conſtent; quandoquidem, cum ipſius ſit munus, dubia adverſus Opinionem, quæ in dubium vocat ſuggerere, ipſi integrum eſt, ut duas plureſve diverſas de re eadem *Hypotheſes* proponat, dicatque rationem ejus reddi poſſe hoc modo, vel illo, vel alio, quamvis hi fortè modi inter ſe invicem non compatiantur. Sufficit enim ipſi, ſi *Hypotheſum* propoſitarum alterutra parem cum ea, quam in dubium vocat, habeat probabilitatem. Ac ſi plures proponat, quarum unaquæque ſit probabilis, eò magis ſua dubia ſtabilit, dum oſtendit, tantò difficilius quem certum eſſe poſſe, quod id, à quo illa ſemper diſcrepant ſit verum. Et *Carneades* noſter, dum Negativam ſuſtinet, hoc habet Compendii, quod ſi ex omnibus illis *Instantias*, quas ad *Vulgarem* omnem eorum, quibuſcum diſputat, doctrinam enervandam aſſert, ulla aliqua ſit irrefragabilis, ea ſola ad evertendam illam Doctrinam ſufficit, quæ univerſaliter aſſerit, quod ille oppugnat. Etenim Verum eſſe nequit, omnia Corpora qualiſcunque, quæ inter perfectè mixta referuntur ex ejuſmodi determinato talium vel talium Ingreſſientium Numero eſſe compoſita, ſi ullum tale Corpus poſſit produci, quod ita compoſitum non ſit. Sperat etiam, accuratum diſſerendi modum tantò minùs ab ipſo expectatum iri, quod teneatur ex inſtituto ſuo tales in Chymia Opinionem tueri, idque Chymicorum præcipuè Argumentorum ope, quæ ipſis Chymicorum Principiis adverſantur: à quorum ſcriptis non eſt idcirco veriſimile, ullum ex ipſorum intentione adminiculum ei ſuppeditatum iri, ſi loca quædam exceperis Audacis Ingenioſique *Helmontii*, à quo tamen in multis diſſidet, (quæ ipſum adigunt, ut complura *Phænomena* Chymica juxta alias Notiones explicet;) & cujus Ratiocinationum non modò nonnullæ videntur admodum extra Oleas vagari, ſed & cæteræ, tanti eſſe momenti non ſolent, ut ejus Experimenta. Ac licet verum omninò ſit, quosdam *Ariſtotelicos* data occasione calamum ſtrinxiſſe in Chymicorum Doctrinam, quam ipſe oppugnat, attamen cum id juxta Principia ſua fecerint, cumque *Carneades* æquè teneatur ipſorum ac *Spagyricorum* impugnare *Hypotheſin*, ſua ipſius arma in adverſarios adhibere tenebatur, cum *Peripatetica* inepta ſint, ſi non noxia illi, qui tales, ut ipſe, Opinionem fovet; præterquam quod *Ariſtotelici* iſti (ſaltem ii, in quos ipſe incidit) quæ contra Chymicos ſcripſere, tam parum in rebus Chymicis.

P R Æ F A T I O

micis Experientiz habuisse videntur, ut crebris suis hallucinationibus, & imperito Oppugnandi modo sæpè nimis seipfos Adversariis deridendos propinarint, propterea quod tam audacter calamo ea impetant, quæ aded parum intelligere se produnt.

Denique *Carneades* sperat, se de Viris ingeniosis hoc ipso benè meritum, quod, dum ita Chymicorum Doctrinam ex obscuris fumosisque eorum Laboratoriis protraxit, atque tum in apicum eam protulit, tum infirmitatem ostendit probationum, quæ hæcenus ad eam asserendam adduci consueverunt, vel judiciosis viris deinceps permittetur, sedatè debitòque factò scrutinio fidem ei negare; vel doctiores illi Chymici, qui existimationi ipsius impensius favent, clarius loqui tenebuntur, quam hæcenus factum, eamque potioribus Experimentis & argumentis tueri, quam sunt ea, quæ *Carneades* examinavit: aded ut speret, Curiosos alterutro modo vel satisfactionem, vel instructionem à conatibus ipsius derivaturos. Atque uti paratus est, datam in calce Dissertationis suæ fidem liberare, melius informari pronus, ita expectat informationem solidam, vel silentium. Licet enim, si ullis verè peritis Chymicis visum fuerit, humaniter & cum ratione ullam de Argumento, quod sub manu est, veritatem ab ipso nondum perspectam ei ostendere, *Carneades* vel admittere, vel agnoscere Convictionem non detrectabit; attamen si quis ineptus, vel ad gloriam sibi parandum, vel qualemcunque alium ob finem, † malitiosè vel ex incuria à Controversiæ statu aberraret, vel sensum Argumentorum ejus perperam intelligat, vel rationum loco convitia spargat, uti editis Libris nuper à Chymicis quibusdam factum; vel denique si calamum in ea inaniloquum stringat, id est, ambiguè obscurisve terminis sua proferat, vel ab Experimentis non satis intelligibiliter traditis arguat, *Carneades* profitetur, se otium suum tanti pendere, ut responsionem ad ejusmodi nugas jacturæ illius parem non existimet.

His jam ita pro *Carneade* dictis, Lectorem mihi concessurum spero, ut & in meam ipsius gratiam aliquid addam.

Et primo, si qui morosi Lectores vitio vertant, me interlocutores secum invicem elegantius pro re nata certantes introducere, meque ferè per omnia hos Dialogos stylo concinniori, quam solet esse merè Scholasticorum, exarasse, spero me apud eos excusatum iri, qui perpende-

rint,

† G. & F. & H. allique in libris suis contra se invicem scriptis.

INTRODUCTORIA.

rint, ad servandum in sermonibus *Decorum*, par fuisse, ut Libri à Viro Nobili scripti, & in quo nonnisi Nobiles colloquuntur, stylus esset venustior, sermōque urbanior, quam fert scribendi modus Scholarum. Nec sanè piger, hanc mihi ortam occasionem docendi exemplo meo modum, etiam Disputationes humaniter agitandi, unde nonnulli fortè Lectores discant, discrimen inter elocutionis Morositatem & Soliditatem ratiocinationis dignoscere, reperientque, posse quem esse Veritatis Patronum qui non sit hostis Urbanitatis, posseque refellere Opinione, nec tamen illos convitiari, qui eam tuentur: quos qui convincere cupit, non verò irritare, oportet eum comitate erga personas, severitatem adversus errores eum compensare, teneturque quantum potest parum de cætero dicere, quod eos offendant, quando dicit, eos in errore versari.

Verum alii Lectores minùs fortè faciles erunt ad criminandum disputantium meorum Urbanitatem, quam futuri sunt Chymici, lectis quibusdam sequentis Dialogi locis, ad *Carneadem* Asperitatis accusandum. Verumenimvero, si Scepticum meum introduxi contemptum subinde de Opinionibus, quas impugnàt, loquentem, nil fuisse factum reperietur, spero, præter quod eum decebat, cujus erat opponentis partes sustinere: Imprimis, si quæ ipsi dicenda dedi cum iis conferantur, quæ, ipse Oratorum Romanorum Princeps & Magnis Viris & Amicis de suis invicem Opinionibus dicenda tradit in eximiis illis Dialogis *De Natura Decorum*. Et vix potero ego suspicionem studii partium in hoc casu incurrere apud eos qui advertunt tantundem planè (si non multum amplius) libertatis, Opiniones Adversariorum despiciendi, in eorum quibuscum *Carneades* disputat, sermonibus reperiri. Nec erat necessum, interlocutores aliter à me introduci, quam liberè Philosophantes in Dialogo, in quo satis superque erat significatum, mihi animum non esse, meam ipsius sententiam de Argumentis propositis, multò minùs de tota ipsa Controversia aperire, nisi quæ attentus Lector ex quibusdam locis *Carneadi* possit coniicere; (quibusdam locis dico, cum non omnia, quæ ille dicit, maxime in Disputationis æstu, mea faciam) partim in hac Dissertatione, partim in aliis quibusdam inter eosdem Interlocutores Dialogis (et si illi immediate de Elementis non agant)

P R Æ F A T I O

qui dudum apud me fuere asservati, fatumque, quod præsentēs hosce sermones manet, expectant. Et sanè, multum illi de me hallucinabuntur, qui ex eo, quod jam in publicum emitto; inferunt, inè Chymiam odio prosequi, vel Lectores meos odio ejus inflammare anniti. Spero, ea *Specimina*, quæ nuper edidi de Tentamine, utilitatem ex Chymicis Experimentis ad Philosophos Contemplativos manantem, ostendente, Lectoribus eorum aliam de me Opinionem Conciliatura & Consilium meum erat (sed decrat opportunitas) una cum his Charris Specimen aliquod, quod asservo, prælo committendi, cujus pars potior Apologiam pro uno genere Chymicorum continet. Ac Saltem, quoad eos, qui me norunt, spero, meos in Igne labores, tum argumento ipsis Demonstrativo fore, me nequaquam Chymicorum Artem odisse (etiã si amicus plurimorum non sim, qui ei infamiam inurunt, dum eam profirentur) tum iis persuasuros, ut fidem mihi habeant declaranti, me inter istos Chymicos discrimen facere, qui vel sunt Impostores, vel nonnisi Laborantes, & inter veros *Adeptos*; à quibus postremis, si eorum mihi commercio frui daretur, & lubenti & grato animo cuperem doceri de Natura imprimis & Generatione Metallorum; & illi fortè, qui norunt, quam parum de priori meo studio Experimenta Chymica faciendi remiserim, facilè credent, unum ex Scepticæ hujus Dissertationis finibus fuisse, non tam Chymix detrabere, quam callentioribus ejus Magistris occasionem præbere, & necessitatem quandam imponere genium istum occultabundum nonnihil exuere, ac Theoriam Chymicam vel melius explicare, vel probare, quam Vulgus Chymicorum hæctenus præstitit, vel quibusdam ex nobilioribus eorum Arcanis nos locupletando evincere, artem ipsorum potis esse, vel Theoriæ eorum defectus compensare. Atque hoc amplius addere hic ausim, plurimum nos Chymix derogaturos, si existimemus, eam docere nos non posse multò tum rei Medicæ tum Philosophicæ utiliora, quam sunt ea, quæ Chymicorum Vulgo hæctenus sunt perspecta. Et nihilominus quod inferioris subseclii *Spagyricos* ipsos spectat, illi laboribus suis tam benè de Republica Litteraria sunt meriti, ut deplorandum mihi videatur, unquam ipsos

INTRODVCTORIA.

ipſos à Veritate aberrare , quam tanta cum induſtria quaſivere. Ac licet Theoricam Artis eorum partem non admirer , conjecturæ tamen meæ vehementer me fallunt , ſi pars Practica non multò inferior inveniatur ſit cultores , quam hætenus factum , & ſi illa non ſit adhibitura ope & Philoſophiæ , & Philoſophorum , iſque conſtituendis uſui futura. Nec velim ego , quem alia ſtudia æquè ac Negotia diſtinguere , videri , profundam mihi ſumere in Arte *Spagyrica* ſcientiam , dum tam multa in ea Doctrina culpo , in qua omnes ferè Chymici acquieſcere non dubitant. Etenim , præterquam quod ut plurimum longè eſt facilius , *Objectiones* adverſus ullam propoſitam *Hypotheſin* formare , quam *Hypotheſin Objectionibus* non expoſitam proponere , præter hoc (inquam) non eſt tanti , ſi , cum Tyrones in Chymicis paſſim ſimul & ſemel Theoria & Operationibus ſuæ profeſſionis imbuantur , ego , cui fors favebat , ut Operationes diſcerem ab illiteratis , quorum Auctoritate ad adoptandam ullam circa ipſas opinionem haud ſollicitabar , res minori cum præjudicio , proindeque aliis Oculis , quam facit Vulgus Diſcentium , ſpectaverim , mentemque magis diſpoſitam habuerim ad *Phænomena* , quæ mihi occurrebant , aliis Notionibus accommodandum , quam Placitis *Spagyricorum*. Cumque primum ſuſpicionem foviſſem , Vulgaria Principia minus eſſe Generalia , & Comprehenſiva , vel minus conſultè , quam credebat ex Operationibus Chymicis deducta ; difficile mihi non erat , tum complura obſervare *Phænomena* , à Viris præoccupatis ſuſque deque habita , quæ cum Doctrina *Hermetica* non ita bene videbantur congruere : tum Experimenta quædam excogitare , ſuppeditandis mihi contra ipſam Objectionibus commoda , ignota multis qui diutius fortè in Chymicæ praxi exercitati , quam ego quidem vel vixi , longè majori , quam ego proceſſuum particularium Experientia inſtructi fuerint.

Ut ſinem faciam , ſintne Notiones , quas propoſui , & Experimenta , quæ communicavi , alicujus momenti vel minus , aliis libenter judicandum permitto ; hoc unicum duntaxat in mei gratiam dicam , Me ſtudiſſe Rem facta ea fide tradere , ut æquè juvare poſſim minùs peritos Lectores ad Chymicorum *Hypotheſin* examinandum , ac provocare Phi-

PRÆFATIO INTRODUCTORIA.

lōsophos *Spagyricos* ad eam illustrandum : quod si fecero, opinio vel Chymica, vel Periparetica, vel ulla alia de Elementis Theoria, discrepans ab ea, in quam ego maximè propendo, intelligibiliter mihi explicata, debitèque probata fuerit, quæ hactenus disserui, non obstant, quo minùs in castra sua Virum pertrahat, cui tam parum placet judicii Fluctuatio ut ab ea velit quovis modo, à quo errandi absit periculum, liberari.



CHYMISTA



CHYMISTA SCEPTICVS;

Vel,

DVBIA ET PARADOXA
CHYMICO-PHYSICA.

Quibus præmittuntur

CONSIDERATIONES PHYSICÆ

Circa Experimenta allegari solita ad adstruendum vel quatuor

Elementa Peripatetica, vel tria Principia Chymica

Corporum mixtorum.

PARS PRIMI DIALOGI.



VLTIUS amicorum meorum mirum valdè videri intelligo, me aded, ut sum solitus, hæsitanter de iis rebus loqui, quæ à nonnullis statuuntur Elementa, ab aliis Principia omnium Corporum mixtorum. Ego verd agnoscere non erubescō, multò minùs gravatè me fateri, quod dubito, quando dubito, quam jactate me scire quod nescio. Et spem multo, quam fovere hætenus ausim, firmiorem conciperem de solidè stabilienda Philosophia, si magis sollicitè distinguere homines inter ea vellent, quæ norunt, & ea, quæ ignorant, vel tantum opinantur; tum verdè perspicuè ea explicare, quæ intelligere se concipiunt, ingenuè agnoscere quæ ipsos latent, & ita candidè profiteri suas dubitationes, ut ingenio valentium industria ad ulteriorem investigationem stimuletur, nec minus perspicacium credulitati imponatur, Verum cum forrè à me expectetur, ut specialiore rationem reddam, cur non modo

a non

non acquiescam in Peripatetica, sed nec in Chymica de Principiis Corporum Doctrina, faciet fortassis ad meam istam h[ab]itationem apud alios excusandam, si Narrationem sequentem perlegerint, quæ ea recitat, quæ non ita dudum in vitorum diversimodè sentientium congressu, in loco, quem hic nominare non attinet, contingere: ubi Argumentum, quod modo memoravimus, fusè & variè fuit examinatum.

Sereniore hujus Ætatis die accidebat, ut à curioso *Eleutherio*, me conveniente, invitarer ad Amicum ejus *Carneadem* una cum ipso visitandum. Facile huic invitationi auscultabam, dicebamque, dummodò mihi facultatem concederet me ipsum in loco quodam haud longè dissito excusandi, ubi me cum aliis, ad expediendum aliquod, licet haud grave, aut more plane impatiens, negotium, eadem hora conventurum condixeram, me dehinc extemplo ipsum comitaturum, quippe qui norim, quam familiare sit *Carneadi* cum Natura & Furnis commercium, quamque parum vulgi sit adstrictus opinionibus, unde spes sit, ipsum ingenioso aliquo Paradoxo nientes nostras suaviter exerciturum, & fortè solida quadam Doctrina ornatum. *Eleutherius* igitur, cum prius locum cum, ubi me excusare debebam, una mecum adiisset, ad *Carneadis* ædes comitabar ubi intromissis nobis famuli nuntiabant, ipsum cum Amicorum pari (quorum, nomina etiam nobis significabat) in horti sui Arboretum aliquod secessisse, ut suavi umbræ refrigerio molestum etiamnum Solis æstus temperarent.

Eleutherius, illi horto familiarissimus, mox me ducebat ad Topiarium, eaque fretus necessitudine, quæ ipsi inoleverat cum *Carneade*, me, qui nefas credi posse existimabam, incautum in secessu opprimere, reluctantem frustra, manuque arreptum, nulla facta præmonitione, secum in Viridarium pettravit, ubi *Carneadem*, *Philosophum*, atque *Themistium*, orbiculari mensulæ, charta, calamis, & atramento, ac duobus tribusve Libris adaperitis instructæ, assidentes reperiebamus. *Carnader* neutiquam videbatur ægrè ferre adventum hunc inopinatum, sed à mensa surgens Amicum suum serena fronte & ambabus ulnis excipiebat, meque etiam humaniter admodum, ut ei solenne est, salutato, ut sedem caperemus, nos rogabat: quæ in re, quamprimum solitam cum Amicis ejus (qui & nostri erant) urbanitatem reciprocassemus, ipsi morem gerebamus. Quo facto, ipse, clausis mox libris, vulvique aridente ad nos converso, accingere se ad familiare ejusmodi colloquium videbatur, quale in promiscuis congressibus tempus teteret, dicam? an perdere consuevit.

Verum *Eleutherius*, institutum ejus conjectans, hunc in modum loquutus id ipsum prævertebat: Libri modo à te clausi, *Carneades*, gestusque, quos in vobis conspexi, Viris, inquam, ad colloquia seria natis assuetisque, palam faciunt, agitasse vos sermonem Philosophicum, ad quem spero vos vel esse reversuros, nobisque ejus auscultandi copiam, in liberi nostri vobisque inexpectati adventus redhostimentum, facturos, vel certè nobis permissuros, ut injuriam, quam alias vobis inferremus, redintegrata, quam interrupimus, libertate resarciamus, nostramque ipsi audaciam, commercii vestri beneficio nos orbantes, mulctemus. Hisce verbis vix finitis, ille & ego, surgentes, abitum parabamus; sed *Carneades*

manus.

manus ipsi confestim injiciens, gradumque ejus sistens, ridente vultu sic eum alloquebatur: Non tam proni sumus, ut vos credere videmini, jacturam facere proficue societatis, maxime cum cupidos vos sentiamus sermonem illum vestra ornandi presentia, quem de istiusmodi Argumento, quale tractabamus vobis accedentibus, sumas habituri: illud quippe cum sit Numerus Elementorum, Principiorum, seu Materialium, quæ Corpora constituunt, est equidem disquisitio, cujus Veritas tanti ponderis est, tantæque difficultatis, ut æquè mereri videatur ac deposcere sedulam peritorum adeo, ac vos estis, Naturæ scrutatorum investigationem. Et hoc causæ est, quod audacem juxta & acutum invitavimus *Leucippum*, ut aliquam nobis lucem Atomicis suis Paradoxis fœneraretur, unde tanti momenti expectabamus monita, ut molestus admodum nobis fuerit ille nuntius, qui inventi eum non posse nuper significabat. Ac vestram quoque presentiam & super hac se cogitata implorasset, ni modo dictus famulus nobis nuntiasset, se, ad ædes vestras euntem, vos versus aliam Urbis plagam tendentes conspexisse. Atque ista hæc expectatio adventus *Leucippi*, qui ipsa hesternæ vespere hodiernum mihi congressu, ubi visum foret, pollicebatur, cum diu admodum colloquium nostrum de prædicto Themate suspenderit, id ipsum recenter adeo inchoatum fuerat, cum vos ingrederemini, ut vix quidquam repetere sit opus ad vos de iis instruendos, quæ adventum vestrum prægressa sunt: adeo ut benigno plane Augurio contigisse credam, vos tam tempestivè advenisse, quos non Auditores modo, sed & interlocutores in sermone nostro fore omninò speramus. Equidem non modo vestram hic admittimus presentiam, sed & opem desideramus: quod tum ob alias addo rationes, tum propterea, quod, licet eruditi hi viri (sic inquebat, vultu ad ambos amicos suos converso) non habeant quod vereantur coram quibuscvis Auditoribus disserere, dummodo ingenio ad eos assequendum satis valeant, quoad me tamen, (sic pergit, iterum subridens) non ausim mea cogitata coram virorum tam sagacium pari depromere, nisi vos loquendi vices alternaturos promiseritis. Vos mihi permittetis meas, impugnandi scilicet quæ dicta fuerint. Addebat ipse & amici ejus varia, quæ nobis persuaderent ipsos & cupere, ut eos audiremus, & obfirmasse animos in contrarium, nisi & nos consentiremus, ut & illi interdum nos audirent.

Elenbrius, frustra aliquam diu conatus impetrare veniam silenti, promissæ se rupturum nonnunquam silentium, dummodo pro Genii sui & Philosophandi libertate, sibi concederetur, modo in hujus, de hoc Argumento, modo si ratio subesse videretur, in prioris Antagonistæ, aliud argumentum urgentis, sententiam ire, nullis præscriptis limitibus, quæ certa ulli parti aut opinioni ipsum manciparent: quod ipsum, re nonnihil disceptata ipsi fuit concessum. Sed ego, meæ mihi tenuitatis conscius, obfirmatè illis asseverabam, me inter viros tam doctos, circa Argumentum adeo reconditum tanto lubentior, quanto essem aptior, auditorem quam interlocutorem fore: meque proinde ipsos obsecrare, ut, nulla mihi imposta propalandi imbecillitates meas necessitudine facultatem concedant silenti disertationis ipsorum auscultatione easdem sanandi: cui ut me interesse paterentur, nihil mihi suppetere, quod ipsos ad id inducere posset, nisi

quod inde haustæ instructiones intelligentiorem ipsorum Admiratorem me essent reddituræ. Addebam me omnino nolle penitus otiosi, dum ipsi essent negotiosi, sed; si ita visum esset, me, consignando quæ traderentur, scriptura compendiarie sermones illos quos nossem dignos, qui non interciderent, conservaturum, *Carneades*, ejusque par amicorum primitus huic petico meo planè refragabantur: & quidquid mea in eo constantia efficere poterat huc rediit, ut in *Eleutheris* acquiescerent propositione, qui cum me ed adduxisset, suum esse ratus, quasdam mihi, utur languidas, ferre suppetias, rem ita dirimere sategit, ut ego literis Argumenta mandarem eo consilio, ut dissertatione finita ipsis mentem meam de subjecto ejus, Elementorum scil. seu Principiorum numero, depromerem, quod me sub finem disceptationis, si tempus id permitteret, vel proximo congressu facturum promittebat. Cumque hoc in se susciperet meo nomine, licet citra meum consensum, illi, qui conveniant, Protestationem à me in contrarium allatam repellabant; conjectis interim in *Carneadem* omnibus in univèrsum oculis, unanimi juncto silentio, ipsum ad initium faciendum invitabant: quod [brevè interposita mora, qua durante *Eleutherium* meque contuebatur] hunc in modum peregit.

Nec arguta ratiocinia Peripateticorum, in libris eorum à me reperta, nec scita experimenta Chymistarum, in laboratoris eorum mihi ostensa, tantum apud me [adeo sum diffidentisne dicam? an hebetis ingenii] valent, ut non existimem, si neutri eorum argumenta magis cogentia ad evincendam assertionis suæ veritatem producere possint, quam quæ solent, sat consentaneum esse rationi, de ipso sive Elementorum, sive Principiorum, mixta constituentium, numero etiamnum hæsitare. Equidem apud me reputans, opiniones de Elementis tanti esse inter Physiologiæ dogmata momenti, quanti Elementa ipsa sunt inter corpora universi, solidè fundatas me deprehensurum sententias illas sperabam, quibus tot aliæ superstruuntur. Verum cum examinandis sine affectu corporibus-ipsis, quæ ex mixtis Elementis dicantur pullulare, confessionique Principiorum constituentium ab ipsis extorquendæ operam impenderem, mox inducebar, ut sentirem, de numero Elementorum majori conatu Philosophos contendisse, quam successu. Hanc meam hæsitantiam nitrati sunt admodum hi duo spectabiles viri [*Themistium & Philoponum* innuens] qui licet inter se circa quæstionem à nobis tractandam tam longe quasi dissideant, ac ego ab ipsorum alterutro, uterque tamen in eo optimè conveniunt, determinatum esse numerum ejusmodi Elementorum, qualia modo memoravimus; arque quis sit ille numerus, non dico posse [quid enim tanti viri non persuadeant?] sed solere clarè satis demonstrari ratione & experientia. Hæc, inquam, præsentis nostri colloquii fuit occasio: etenim sermo hic noster pomeridianus cum ab uno argumento ad aliud delapsus in hoc, quod jam innuis, tandem hæreret, suæ singuli opinionis veritatem mihi demonstrare ex utrisque Topicis modo allegatis in se suscipiebant. Verum prius illud [Rationem scilicet strictè acceptam] hac vice seponēbamus, ne tempus nobis deficeret ante eam & Rationes & Experimenta quoque expediendi; quorum posterius maxime sollicitum requirere examen

unanimes

unanimesi studebamus. Velim igitur vos animadvertere, Amici colendi (pergebat *Carneades*) non tenere me impræsentiarum opinionem meam de Argumento, quod sub manu est, sic declarare, ut vel asseram, vel negem, sive Peripateticæ, sive Chymicæ de numero Elementorum Doctrinæ veritatem, sed vobis duntaxat ostendere, haud valida satis argumenta fuisse, quibus probare Authores neutrum horum dogmatum sategerunt. Adde ut, si reapse dignoscam (uti me forsân facere puto) de harum opinionum altera rationem reddi posse recepta probabiliorē, liber utique maneam, quidquid etiam nunc in me suscepim, illam ipsam amplectendi: cum obvium sit vobis omnibus observatu propugnari passim non aliis, quam imparibus argumentis solidam veritatem. Nec opus esse credo huic declarationi addere pensum meum me non obstringere ad respondendum argumentis, quæ in gratiam opinionis vel *Themistii* vel *Philoponi* deducuntur à Topico Rationis, ut opposita Experimentis, cum hæc posteriora duntaxat mihi examinanda incumbant, nec quidem hæc omnia, sed illa tantum ex eorum numero, quæ alterutri visum fuerit urgere, quæque hætenus adduci consueverunt vel asserendis quatuor Elementis Peripateticis, vel tribus principis Chymicis omnium corporum compositorum. Hæc (subjungebat *Carneades*) tenebar præfari, partim ne præclaris hæc Viris (*Themistius* & *Philoponus* indigant, iisque arridens) essetis injuriæ illorum ingenium ex argumentis æstimando, quæ in medium sunt allaturi, cum colloqui nostri leges ipsos adstringunt ad ea adhibendum, quæ Philosophorum vulgus (quippe & vulgus inter ipsos reperias) in rem præsentem præsto habet; partim etiam, ne arrogantia me coarguatis, quod adversus ejusmodi viros disputare aggrediar, de quibus non aliam mihi victoriam polliceri possum, quam ex contraversiæ nostræ genio vel legibus non derivem, in qua mihi non nisi Negativa tuenda incumbit, quæque interdum, opinor, in partes meas conjiciet alteruter dissentientium invicem Adversariorum.

Philoponus & *Themistius* mox hanc urbanitatem reciprocabant, quæ cum eos occupatos percipiebat *Elench.* ad prævertendum ulteriorem temporis jacturam, quod haud redundare ipsis videbatur, iis suggerebat, rem præsentem depolcere; non certare elegantius, sed argumentis: tumque, sermone ad *Carneadem* translato, Non tenuem (ait) fortunæ indulgentiam reputo, me hoc vespere tam auspiciato huc advenisse. Diu quippe dubitationes mentem transversam egerunt de hoc ipso subiecto, quod jamjam estis discussuri. Et quandoquidem istius momenti contraversia nunc est discipienda à viris, qui tam varias de ea opiniones tuerentur, quique & tanto valent ingenio ad investigandam veritatem, & affectu ad oblatam amplectandam, à quocunque, vel quacunque demum id fiat, occasione, non possum non mihi polliceri me ante discessum vel levatum iri meis dubiis, vel eorum, inquam, levandorum me omni spe esse casurum. Nec hic sisebat *Elench.* sed ad anticipandam illorum responsum, eodem quasi anhelitu hæc subiungebat; Nec parum me juvat, quod statuisse vos intelligo hac vice experientis potius insistere, quam Syllogismi. Equidem ego, & sine dubio vos etiam, jam pridem observavimus, Argutias illas Dialecticas, quas Scholarum Magistri

sæpe nisi in Myſteriiſ Phyiſicis adhibent, multo ſolere magis ingenium teſtari utentis, quam augere cognitionem, vel tollere dubitationes veritatem amantium. Et captioſæ ejuſmodi triçæ reverà sæpè crucem figunt, & aliquando imponunt ſilentium; aſt raro ſatiſfaciunt: ſimiles Agyrtarum præſtigiis, quibus non dubitant homines ſe deludi, quamvis, quibus circumveniantur technis, sæpè nequeant explicare. Ideoque vos ſapienter admodum ſeciſſe arbitror, quod ſatagatis Phænomena circa præſentem Quæſtionem conſiderare, quæ ſuppeditantur ab Experimentis; maximè cum injurium videri poſſit ſenſibus noſtris, quorum interventu tam magnam illius partem, quam habemus de rebus corporeis, acquirimus, ad rem longè petitis & abſtruſas recurrere Ratiocinationes, ut ſciamus ſcilicet, quænam ſenſibilia ſint Elementa rerum iſtarum ſenſibilium, quas quotidie videmus, & verſamus, quaſque arbitramur nos habere facultatem in primæva, unde conſtant, corpora (ut ſic dicam) retexendi. Subneſcebat habere ſe propterea in votis, ne ſeparatam ipſius voluptatem longius proteſtent, niſi, quod verebatur diſceptationi ſuæ quid præliminare eſſent obſtici, definire ſcilicet quid *Principii* vel *Elementi* vocabulo in toto hoc ſermone intelligendum. *Carneades* gratias ei agebat pro hoc monito, ſed & indicabat rei adeo neceſſariæ ipſos immemores non fuiſſe: verum cum ſint viti ingenui, & ab inani de verbis notionibuſve litigandi pruritu valde alieni, inter ipſos ante eorum adventum conveniſſe, Elementorum & Principiorum vocabulis Technicis promiſcuè ſeu Equipollentibus pro libitu utendi, per utrumque intelligentes primæva illa & ſimplicia corpora, ex quibus mixta componi, & in quæ ultimo reſolvi dicuntur. Et eandem ob cauſam (pergebat) diſſerere conſentiebamus de opinionibus examinandis, uti eas propugnatas invenimus ab omnibus ſere aſſertoribus quatuor Elementorum ab una parte, & à Sectatoribus trium Principiorum ab altera, haudquaquam nos aſtringentes ad anxie inquirendum, quam notionem vel *Ariſtoteles*, vel *Paracelſus*, vel hic, illeve interpres, vel Sectator alterutriuſ magnorum illorum virorum de Elementis Principiis formaverit; cum ſit inſtituti noſtri examinare, non quid hi, vel illi Authores conceperint, docuerintve, ſed quod obviam invenimus, & maxime receptam opinionem eorum, qui Peripatetici Chymicive de hoc argumento dogmatis Fautores cenſeri amant.

Non video (inquit *Eleuth.*) cur non protinus initium faceretis arguendi, dummodo conſenſus eſſet uter ex pari tuorum ſibi adverſantium amicorum prior ſit audiendus: reque mox dirempta, *Themifiſtium* debere priorum ſuæ opinionis argumenta proferre; quippe quæ antiquior eſſet latiuſque diſfuſa: ſi haud longa interpoſita mora ſermonem ſuum ad *Eleuth.* ceu virum minimè omnium in hac controverſia ſtudio partium addictum, hunc in modum dirigebat.

Si nuperam ſatis notaſtiſ factam à *Carn.* confeſſionem quam (licet eam urbanitas ejus aulicis ornaret Elegantiis) ipſius juſticia ab eo exigebat, facile ſentiat, arbitror, me hanc controverſiam non ſine gravibus peculiaribuſque diſpendiis mitè, præter illa, quæ ipſius acumen meaque tenuitas ulli alii cauſæ, à me adverſus ipſum tuendæ, eſſent allatura. Ipſe enim jure metuens vim veritatis, licet haud adhibentis linguam mea ſacundiorẽ, hanc præcipuam noſtri certaminis legem

legem sanxit, ut meliora, quæ mihi suppetunt, quæque omnium optimè tractare novi, arma supponerem: cum è contra, si mihi liberum esset, dum causam ego quatuor Elementorum, argumentis uti, mihi à Ratione ad ea demonstranda suggestis, tam parùm ferè de vobis in magistrorum istorum indivulforum veritatis & *Aristotelis* partes pettrahendis ambigerem, ac de candore & iudicio vestro dubito. Vtrinque spes me tenet, vos vobiscum reputaturos, magnum illud delictum insignemque interpretem Naturæ, *Aristotelem*, qui (testante ipsius *Organo*) maximus omnium, quos ulla vidit æras, Logicæ fuit artifex, modum illum rejecisse ab aliis Philosophastris (tam vetustis quam modernis) usurpatum, qui, coheræntia & sequelis suarum opinionum neglectis magis sunt solliciti, ut singulis seorsum opinionibus, independentem ab aliis speciem concilient, quam ipsas ita contexere, ut non modo secum invicem consistent, sed & opem sibi mutuam ferant. Etenim magnus ille vir amplissimo suo Intellectu singulas suas Notiones ita formabat, ut, in unum Systema accuratè digestæ, nulla earum ullo indigeat alio propugnaculo, quam quod mutuus ipsarum Nexus suppeditat, uti in Arcuata fornice singuli lapides, qui à cæteris separati forsitan corruerent, totius cujus pars sunt, Fabricæ soliditate & integritate firmitudinem nanciscuntur. Quam justè applicari hoc possit rei, quæ sub manu est, facilè vobis ostenderem, si mihi concessum esset vobis exponere, quam egregiè *Aristotelis* de Elementis Dogmæ cæteris ipsius Philosophiæ Principiis consonet, & quam ingeniosè ipsorum numerum ex quatuor primatum Qualitatum combinationibus, ex simplicis Motus ad simplicia corpora pertinentibus speciebus, & ex nescio quot aliis Naturæ Principiis, & Phænomenis elicuerit, quæ cum ipsius de Elementis doctrina sic conspirant, ut mutuum sibi invicem robur & sustentaculum præstent. Sed, quoniam fas mihi non est hujusmodi immorari Animadversionibus, pergam vobis narrare, quod, licet quatuor Elementorum Assertores tanti faciant Rationem, indeque Argumentis ad adstruendum quaternarium ipsorum numerum satis superque sint instructi, quamvis nemo unquam sensibili ullo experimento numerum eorum detexerat: non tamen experimentis destituantur, quibus alios, qui sensu magis quam Ratione duci solent, convincant. Atque hoc Experimentiæ testimonium exponere aggrediar, postquam vos prius monuero, si homines adeò, ut fas est; Ratione valerent, tam fore supervacaneum, ac mancum esse solet, hoc à sensibus ductum genus Probandi. Multo quippe sublimius est & magis Philosophicum, res à Priori, quam à Posteriori explicare. Vnde Peripatetici de coacervandis ad probandum sua Dogmata Experimentis non admodum fuere solliciti, satis habentes pauca solum allegare ad eos, qui excellentiorem arguendi modum non capiunt convincendum. Et sane adhibent Experimenta ad illustrandum potius sua Dogmata, quam demonstrandum, haud aliter ac Astronomi Sphæris utuntur familiaribus, ut eorum se accommodent captui, qui per sensus docendi sunt, eo quod ad purè Mathematicarum Notionum & Veritatum limpida intelligentiam haud pervenerint. Hæc ideo tantum dico *Eleutherie* (subjungebat *Themistius*) ut jus Rationis illibatum præstem: non vero, quod Experimentali probationi diffidam, quam nunc allegatum eo. Licet enim unam dun-

taxat

taxat in medium sim allaturus, ea tamen illius est momenti, ut soliditate sua cæterarum omnium superfluitatem sit ostensura. Etenim si modo consideres viridis ligni frustum aliquod in camino ardens, protinus in dissociatis ejus partibus dignosces quatuor Elementa, ex quibus ipsum, & reliqua mixta corpora esse composita docemus. Ignis in flamma sua ipsius luce se detegit; Fumus, dum ad camini fastigium fertur, ibique cito in aëtem, fluminis in mari absorpti instar, evanescit, latis superque indicat, ad quodnam Elementum pertineat lubensque reverteratur; Aqua in sua ipsius forma ad urentis ligni extremitates cum sibilo ebulliens, pluribus uno sensibus nostris semel prodit; Cineres demum pondere, fixitate, & ariditate sua, omni dubio procul Elemento terræ se vendicant. Si verba facerem [pergebat *Themistius*] ad viros minus doctos fortassis me excusarem, quod *Analysis* adeo obvius atque facili superstruam, sed foret, vercor, injurium, non existimare supervacaneam apud vos esse hujusmodi Apologiam, qui subactiori valeatis iudicio, quam ut vel necessarium ducatis, Experimenta probandis veritatibus obviis longè esse petenda; vel mirum putetis, inter tot mixta corpora, quæ ex quatuor composita sunt Elementis, nonnulla eorum tam levi facta *Analysis* adde manifestè ingredientia, unde constant, exhibere. Præsertim, cum valde sit congruum benignitati naturæ, etiam in quibusdam ex maximè obviis Elementis, ab hominibus factis, tanti momenti veritatem, tamque observatu necessariam expromere. Præterquam quod *Analysis* nostra, quanto magis obviam eam facimus, tanto eam reddimus istius Doctrinæ genio congruentiorem, cui probandæ adhibetur, quæ cum patem afferat intellectui juxta ac sensui claritatem, haud mirum est, humani generis eruditum ordinem tam diu tamque longè lateque ipsam amplectari. Hoc quippe dogma multum differt à *Chymistarum* aliorumque hujus temporis innovatorum commentis; de quorum Hypothesibus observare est, quod Physici de minis perfectis Animalibus notant: ea scilicet, uti properè formantur, sic ferè brevis ævi esse. Sic quippe ista, uti sæpè hac concinnantur, ita fortè proxima septimana risu excipiuntur, cumque non nisi duobus pluribusve Experimentis fortuito superstruantur, tertio, quattuove evertuntur; cum è contra quatuor Elementorum dogma ab *Aristotele* structum fuit, postquam maturè expendat illas priorum Philosophorum Theorias, quæ magno nunc applausu quasi ævis hæcè novissimis detectæ reviviscunt: ac postquam tanto iudicio parefecerant, suppleveratque priorum de Elementis *Hypothesum* errores, atque defectus, ut ipsius de iis doctrina semper meritoque ab litterato hominum ordine exinde recepta fuerit: omnibus ipsum prægressis Philosophis ad hujus dogmatis perfectionem suo singulis ævo contribuentibus, uti Philosophi sæculorum succedentium in eo acquievere. Nec indubiam vocata fuit *Hypothesis*, adeo consulto & maturè stabilita, donec superiori sæculo *Paracelsus*, & pauci quidam alii, Cinisifones Empirici potius, quam [uti seipfos nuncupare tenentur] Philosophi, obtenebratis eorum oculis, cerebrotque fumis furnorum suorum vertiginem passo, insectari doctrinam Peripateticam, ipsorum ignorantia superiorum, inciperent, creduloque mundo narrarent, tria tantum esse ingredientia Corporum Compositorum, quæ, ut existimationem Inventorum sibi compararent,

rarent, nominibus Salis, Sulphuris, & Mercurii, Inani *Hypoſtaticorum Principia-*rum titulo tumentibus, loco nominum Terræ, & Ignis, & Vaporis velare conabantur; at vero, cum ad ea deſcribenda ventum eſſet, prodebant, quam parum quid per ea ſibi vellent intelligerent, tam longè diſcrepantes à ſe invicem, quam à veritate, in qua impugnanda conveniebant. Etenim æquè obſcurè tradunt *Hypotheſes* ſuas, ac Operandi Præſcripta; eſtque cuius attentio viro pariter ſerè impoſſibile ſenſum ipſorum repetire, ac eſt iſtis invenire lapidem ſuum Philoſophorum. Et ſanè Philoſophiam ipſorum niſi ampullata verba & molimina diſſeminant; queis tamen omnibus non obſtantibus (inquit ſubridens *Themiffius*) vix quidquam ſcio ab iis præſtitum, quod admirationem mereatur, niſi quod *Philoponum* in ſuas partes pettrahere valuerunt, eumque ad haud intelligibilem *Hypotheſin* tuendam inducere, qui pernovit, Principia, Adamantum ad inſtar, valdè dilucida æquè ac petfectè ſolida eſſe debere.

Themiffii ſilentio ipſum indicante ſinem feciſſe dicendi; *Carneades* ad *Eleutherium*, ut fecerat ejus Antagoniſta, converſus, hanc reſponſionem repoſuit: Sperabam Demonſtrationem, ſed percipio ſperare *Themiffium*, eludere ſe me poſſe compra oratione, qua haud majorem de ingenio ſuo exiſtimationem mihi conciliavit, quam de *Hypotheſi* ſua ingeſſit diſſidentiam; ſiquidem Vir etiam tam eruditus validiora in ejus gratiam argumenta nequit aſſerre. Ad ſermonis ipſius Rhetoricationem, licet haud minimam ejus partem faciat, niſi regeram, Argumentativam duntaxat examinaturus, reliſta *Philopono* ad ea reſpondendi provincia, quæ vel *Paraceſum*, vel *Chymiſtus* ſpectat. Præter hæc igitur, quæ dixit, in eo ipſum eſſe animadverto, ut hæc duo præſtet: Alterum, proponere, & explicare Experimentum ad demonſtrandam communem circa quatuor Elementa opinionem; alterum inſinuate nonnulla, quæ reparare poſſe putat Argumenti ipſius ab Experimenti ducti imbecillitatem, aliisque nominibus præteritum aliquod addere illi alias imbelli doctrinæ, quam tueretur.

Vt igitur ab experimento ejus de ardente Ligno exordiar, expoſitum id mihi videretur non paucis, quæ momentum habent, exceptionibus.

Et quidem primo, ſi animus eſſet rigidè jam agere cum Aderſario meo, ipſum Probandi modum in dubium vocare poſſem, quo ipſe, aliique ſine ulla hæſitatione utantur, ut evincant Corpora, Mixta vulgo appellata, ex Terra, Aere, Aqua, & Igne conſtitui, quæ & Elementa nuncupare conſueverunt; Videlicet, ad ſuppoſitam igne ſictam prioris generis *Concretorum Analyſin* emergere ſolere Corpora iſtis ſimilia, quæ ipſi pro Elementis habent. Equidem, ne hic illud anticipem, de quo agendi, quantum proſpicio, deinceps occaſio dabitur, quando ſermo mihi erit cum *Philopono*, quo ſcil. Jure genuinum & univerſale mixta corpora diſſolvendi instrumentum habeatur ignis; ne id, inquam, antecipiam, poſſem, ſi eſſem litigioſus, allegare, *Themiffii* Experimentum oſtendere potius, ea, quæ vocat, Elementa ex iis fieri, quæ appellat Corpora Mixta, quàm Corpora Mixta ex Elementis. In *Themiffii* quippe reſoluto ligno, inque aliis per ignem diſſipatis & alteratis corporibus, apparet, & fatetur ipſe, ex Concreto illa fieri, quæ ipſe Elementarem Ignem & Aquam eſſe exiſtimat; non verb apparet, Con-

b

cretum

cretum ex Igne & Aqua factum fuisse. Nec vel ipse, vel quicumque alius, quantum quidem ego scio, ipsius opinioni addictus, hactenus probavit, obineri per ignem à corpore nihil posse, quod non in eodem præstitit.

Ad hanc inexpectatam objectionem non Themisium modo, sed & cæteri, qui in consorcio erant, haud parum attoniti videbantur; sed inresecto aliquo spatio, *Philoponus* suam æquè, ac *Aristotelis* sententiam ista objectione peri intelligens, Haud equidem (*Carneadi* air) alio consilio hanc Difficultatem, ne dicam Cavillam, quam in exercitium ingenii, non vero ex ponderis, quod ei insit, opinio- ne, pores in medium asserit: quomodo enim separari illud à re aliqua potest, quod in ea non extiterit? Quando, exempli causa, Aëris Separatioris peritus Aurum & Plumbum miscer, hancque mixturam in Testa violentiæ ignis exponens, hac ra- tione eam in putum fulgensque Aurum, atque Plumbum dissociat (quod Plun- bum, una cum Auri scoriis secretum, *Auri Lithargyrum* vocatur) potestne quis, qui duas hasce substantias, adèd discrepantes, à Massa separatas videt, ambigere, eas in eadem, priusquam igni committerentur, Præstitisse?

Admitterem (regerebar *Carn.*) Argumentum iuum aliquid probare, si, quem- admodum Separatores capere prius & Plumbum & Aurum ad Massam; de qua lo- quimur, confidam videmus, similiter Naturam conspiceremus Elementi Ignis, quod nescio quot leucarum abhinc millibus orbi Lunæ congruam hærere ima- ginantur, particulam avellere, ac ceteræ singulorum ex tribus reliquis Elementis quantitati miscere, ad mixtum quodvis corpus componendum; quo iterum solu- to, Ignis Ignem, Terramque, & cætera nobis exhibet. Et addere mihi liceat, *Philopone*; ut ratiocinatio tua cogat, probandum prius esse, Ignem duntaxat se- jungere Ingredientia Elementaria, non verò ullo alio modo alterare. Alioquin enim obvium est, Corpora præbere posse substantias, quæ in iis non præexis- tant;uri caro, diu nimis asservata, producit termites, & cæcus annosus galbas, quæ à te affirmari haud crediderim ingredi corporum istorum constitutionem. Iam vero, Ignem non merè separare semper partes Elementares, sed inrerdum saltem alterare etiam corporum Ingredientia, nisi expectarem occasionem illud probandi commodiorem, probabile reddere ex tuo ipsius exemplo possem, in quo nihil Elementare intensa ignis vi separatur; cum Aurum, & Plumbum, quæ sunt duo per *Analysin* separata Ingredientia, omnibus facientibus, sine corpora ad- huc perfectè mixta, & *Lithargyrum* equidem sit Plumbum, attamen tale, quod consistentia, aliisque qualitatibus ab eo, quod erat ante, discrepat. Cui subjun- gam necesse est, me interdum, & te sine dubio multò sæpius vidisse quasdam Vitri- porriunculas Testæ ad hærentes; hoc tamen Vitrum, licet æquè ac Aurum, & *Lithargyrum*, ex *Analysi* tua emergens, haud concedes, spero, tertium fuisse Massæ illius Ingredientis, ex qua Ignis id produxit.

Et *Philoponus* & *Themisius* ad respondendum se accingebant, cum *Eleutherius*, temporis, quod melius collocari possit, iacturam, si Disputationis hujus filum produceretur, veritus, consultum judicabat illud prævertere, *Carneadem* hunc in modum affatus: Ex parte saltem nobis es pollicitus, cum hanc objectionem Primo proponebas, te nolle (saltem hoc loco) ei insistere, neque sanè causa

tua

tua absolute requirere videtur, ut id facias, Etenim quantumvis dares, esse Elementa, haud sequeretur necessum esse, ut præcisè sint quatuor. Quare spe ducor, te progressurum ad alias easque majoris momenti adversus opinionem *Themistii* objectiones proferendum; maximè, cum tanta sit in mole disparitas inter Terram, Aquam, & Aërem ab una, & parvas istas substantiarum illis similium portuncululas, quas ignis ex Concretis separat, ab altera parte, ut vix credere possim, te seridè agere, quando, ne quidquam, quod in rem tuam contra Adversarium tuum facit, tibi pereat, negare videris esse rationi consentaneum, concludere, magna hæc simplicia Corpora esse Elementa, non vero producta Compositorum.

Quod adfers (reponit *Carn.*) de Terræ & aquæ immanitate me faciliè induxit, ut concederem esse eas materiæ moles, quæ quidem in mundo hoc sublunari se offerunt, maximas, & præcipuas; veruntamen me ostendere tibi posse arbitror, si copiam mihi feceris, hoc solum probaturum Elementa, ut vocas, Corpora esse præcipua, quæ circumvicinam Mundi partem constituunt, non vero ejusmodi esse Ingredientia, unde singula corpora mixta ut contenti sit necessum. Verum, cum ad promissi quid præstandum me provoces, quamvis id non sit integrum aliquod, age tamen, lubens fidem datam liberabo. Et certè non erat animus, cum objectionis hujus mentionem primò faciebam, eam adversus *Themistium* nunc quidem urgere (ut planè in meo eam proponendi modo innuebam,) cupidus duntaxat vobis ostendere, me, licet quæ in rem meam facerent dignoscerem, eorum tamen nonnulla lubenter prætermittre potius, quam rigidum me præbere Adversarium in causa tam imbecilli, ut indulgenter eam sine periculo tractare possis. Verùm hic mihi proficendum est, utque id nores te rogo, licet ad aliud progrediar Argumentum, non id ideo fieri, quod primum hoc invalidum existimem. Etenim in Disputationis hujus progressu deprehendes, mihi præstò fuisse causam in dubium vocandi ipsum Probationis modum, quo tum Peripatetici, tum Chymici utuntur ad Elementorum *Esse & Numerum* evincendum. Esse quippe talia, atque Analyti per ignem facta solere separari, pro concesso quidem ab utraque parte habetur, neutra tamen (quod ego sciam) id ipsum probare vel aliqua specie sunt aggressi. Spe igitur ductus, te, cum ad disceptationis nostræ partem ventum fuerit, in qua quæ ad hoc subiectum considerandum pertinent, tractanda sunt, recordaturum quæ modo dixi, meque pro tempore potius supponere, quam penitus concedere ejus, quod in dubium vocavi, veritatem, ad aliam Objectionem transibo.

Atque cum exinde *Eleniberius* ipsi promitteret, non fore se opportuno tempore factæ ab ipso declarationis immemorem.

Mecum igitur (inquit *Carneades*) reputo proximo loco, nonnulla esse corpora, unde haud faciliè probabit *Themistius*, quatuor, ut ipse vult, per ignem elici Elementa posse. Et fortè molestus ipsi fuero, si rogem, quis Peripateticorum ostendere nobis queat (non dicam omnia quatuor Elementa, foret quippe nimis rigidum hoc postularum, sed) unicum eorum, quocunque demum ignis gradu ex auto elicatum. Neque putes, Autum esse unicum in Natura corpus, quod

ingenium fatigaret Sc&atoris *Aristotelis*, qui quidem ulteriorem progressum non fecerit, in Elementaria corpora per ignem dissolvendi, cum, quantum quidem observare mihi hactenus licuit, tum Argentum, tum Talcum *Venetum* exustum, & Concreta quædam alia, quæ hic indicare non attrinet, aded fixa sint, ut ullius eorum in quatuor Heterogeneas substantias reductio labor fuerit nimis hactenus arduus, non modo discipulis *Aristotelis*, sed & *Vulcani*, saltem dum posteriores ignem solum ad faciendum Analylin adhibuere.

Proximum, (pergit *Carneades*) quod contra *Themistium* opinionem urgebo, Argumentum hoc erit; Quod, uti varia sunt Corpora, quorum Analysis igne facta in quatuor substantias, vel Ingredientia Heterogenea, reducere ea nequit, ita dentur alia, quæ reduci possunt in plura; ut sunt Sanguis (& nonnullæ aliæ partes) Hominum, aliorumque Animalium, quæ Analylin passa quinque distinctas substantias largiuntur, Phlegma scil. Spiritum, Oleum, Salem, & Terram, uti nos docuit experientia in Humani Sanguinis, Cornu Cervini, aliorumque plurium Corporum destillatione; quæ, ad regnum Animale pertinentia, Sale haud diffi-

CHYMISTÆ

CHYMISTÆ SCEPTICI;

Vel,

DVBIORVM ET PARADOXORVM
CHYMICO-PHYSICORVM

circa Spagyricorum Principia.

P A R S P R I M A.



DEO ægrè (inquit *Carneades*) quidquam *Eleutherio* nego, ut quamvis coram cæteris ex consorcio nostro provincia Sceptici, quam suscepi, defungi statuerim, lubens tamen, cum ita tibi visum sit, Adversarii Peripateticorum & Chymistarum personam ad tempus deponam; & prius, quam adversus opiniones ipsorum meas Objectiones vobis depromam, tibi profitebor quid (sive verè, sive non, probabiliter utrunque) in gratiam certi Principiorum, Mixta Corpora constituentium, numeri, addi possit ad palmarium illud & celebre Argumentum, à Corporum compositorum Analyti deductum, quod posthac fortè poterò confutare.

Atque, ut facilius possis examinare, meliusque judicare de iis, quæ dicenda habeo, in quasdam Propositiones ea dispescam, quibus nihil præfabor, cum supponam, haud opus esse te moneri, magnam partem à me tradendorum, sive ea propugnent, sive oppugnent determinatum numerum Ingredientium mixtorum Corporum, promiscuè ad quatuor Elementa Peripatetica, & tria Principia Chymica posse accommodari, quamvis aliquot ex Objectionibus meis posteriorem ordinem magis peculiariter feriant, eo quod, cum Chymicæ Hypothesi multò magis, quam alteri, patrocinari videatur Experientia, ex re futurum sit, isti improbandæ præcipuè incumbere, inprimis cum magna pars Argumentorum, quæ ad eam convellendam adhibentur, exigua facta variatione, ad minus speciosum Dogma *Aristotelicum*, saltem æquè validè refellendum possint adhiberi.

Vt igitur ad Propositiones meas progrediar, in prima acie hæc stabit.

Propos. I. *Non videri absurdum concipere, in prima Mixtorum Corporum productione, Materiam illam Universalem, ex qua ea inter ceteras Universi partes constabant, in exiguas particulas, diversis magnitudinibus & figuris instructas, varièque motas, atq; divisas fuisse.*

b 3

Hoc

Hoc (ait *Carnedes*) facile à vobis concessum iri suppono. Etenim, præterquam quod in Corporum Generatione, Nutritione, & Dissipatione accidit, id, quod detegimus partim per *Microscopia* nostra de summa vix etiam sensibilibus partium Concretorum exigitate; & partim per Chymicas Resolutiones, mixtorum Corporum, perque plures alias Spagyricorum ignium super eadem operationes, satis palam facere videtur, ex partibus admodum minutis, ac diversimodè figuratis ea constare. Atque intervenire etiam varium ejusmodi parvulorum Corporum Motum localem, vix quisquam inficiabitur, siue malimus Concretorum originem assignatam ab *Epicuro*, siue enarratam à *Mose* concedere. Prior quippe, ut probè nosti, supponit, non Mixta solum Corpora, sed & omnia alia, à vario & fortuito Atomorum, in immenso, vel potius infinito *Vacuo* hac illac interno Principio se moventium, concursu producti. Divinus verò Hystoricus, nos docens, magnum & sapientem Rerum Authorem non immediatè creasse Plantas, Bestias, Aves, &c. sed ex illis præexistentis, quamvis creatæ, materiæ portionibus, quas Aquam & Terram vocat, ea produxisse, suggerit nobis, ut concipiamus, constituentes particulas, unde nova hæc Concreta debebant consistere, variè mota fuisse, eo fine, ut in corpora, quæ varia sua coalitione & textura componerè debebant, connecterentur.

Sed (pergit *Carnedes*) supervacaneum ratus primæ Propositioni diutius immorari, ad secundam progrediar, & tibi dicam.

Propos. II. *Neque esse impossibile, ex minimis his Particulis quasdam ex minimis & vicinis hic illic in minutas massulas & quasi racemos fuisse associatas, suisque coalitionibus magnam copiam exiguum ejusmodi Primariorum Concretorum, seu Massularum copiam constitui, quæ in tales Particulas, quæ eas componebant, non facile poterant dissipari.*

Præterquam quod in Assertionis hujus gratiam à natura ipsius Rei deduci potest, addam aliquid ab Experientia desumptum, quod licet in ejusmodi sententiam adhibitum non sciam, mihi videtur multò probare speciosius, esse Possè Corpora Elementaria, quam magis dubia Peripateticorum & Chymicorum Experimenta probant talia de facto Esse. Considero itaque, Aurum misceri & colligari posse non modò cum Argento, Cupro, Stanno, & Plumbo, sed cum Antimonio, *Regulo Martis*, multisque aliis Mineralibus, cum quibus corpora componere aptum est, tum ab Auro, tum ab aliis Concretorum emergentium Inгредиentibus admodum discrepantia. Atque idem Aurum communi Aqua Regis, & (expertus loquor), quibusdam aliis *Mensuris* in apparentem Liquorem reduci potest, adeò ut Auri corpuscula una cum corpusculis *Mensuris* per Chartam emporoticam penetrare non negent, cumque sis etiam in Salem Crystallinum coagulari. Ex expertus fui ulterius, me parva salinæ cujusdam substantiæ à me præparatæ copia satis facile sublimare Aurum posse in rubicundorum Crystallorum mediocri longitudinis formam; multisque aliis modis Aurum palliari, suamque

suamque operam conferre ad Corpora tum ab ipso, tum à se invicem valdè diversa constituenda, & nihilominus ramen postea ad idem Numericum, Flavum, Fixum, Ponderosum, & Malleabile Aurum, quod ante mixturam erat, reduci potest. Neque duntaxat Metallorum fixissimum, sed & fugacissimum in Propositionis nostræ gratiam possum adhibere. Argentum Vivum quippe unà cum quibusdam aliis Metallis *Amalgama* componere aptum est: cum nonnullis *Menstruis* mutatum esse videtur in Liquorem; cum *Aqua Fortis*, vel in rubicundum, vel album Pulverem, sive Præcipitatum reduci potest; cum Oleo Vitrioli, in substatum; cum Sulphure, sanguineam & volatilem Cinnabarin componet; cum Salinis quibusdam Corporibus, sursum feretur in Salis formam, qui aqua dissolvi potest; cum *Regulo Antimonii* & *Argento* sublimari illud conspexi in genus aliquod Crystallosum; cum alia Mixtura, in Corpus ductile; cum alia in duram & fragilem substantiam redegi. Et sunt, qui affirmant, congruis Additamentis reducere se posse Argentum Vivum in Oleum, imò & in Vitrum, ne plura memorem. Attamen ex omnibus hiscè Concretis exoticis recuperare eundem omnino *Mercurium fluidum* possumus, qui præcipuum erat ipsorum Ingrediens, quique tantopere in iis latrabatur. Iam verdè (pergit *Carneades*) quod hæc de Auro & Argento Vivo protuli, ratio est, Ne videatur absurdum concipere, tam exiguas Primariæ moleculas, & racemos, quales nostra Propositio intelligit, integros & illæsos remanere posse, quantumvis variorum Concretorum compositionem ingrediantur, cum Auri & *Mercurii* Corpuscula, etsi non sint primariæ Concreciones minutissimarum Particularum materiæ, sed Corpora manifesto mixta, copiosè concurrere apta sint ad variorum valdè discrepantium Corporum compositionem, illæsa manente ipsorum Natura, texturave propria, seu cohesione illorum inviolata per divortium partium, sive Ingredientium associatorum.

Permittas mihi (inquit *Eleutherius*) hac occasione adicere iis, quæ modò observasti, quod, (quantacunque etiam fiducia Chymici nonnulli, aliique moderati in Philosophia innovatores obijcere Peripateticis soleant) à quatuor Elementorum suorum mixtione nonnisi valdè mediocrem Compositorum Corporum varietatem posse pullulare; si tamen *Aristotelis* Sectatores vel dididum commercii illius, quod ipsi intercedit cum Magistri sui scriptis, habent cum operibus Naturæ, proposita Obiectio non tam pacatum triumphum ageret, ac ei ob Experimentorum inopiam teneretur concedere. Etenim si Corpusculis, quibus singula Elementa constant, peculiarem assignamus quantitatem, & figuram, satis facile ostendi potest, Talia diversimodè figurata Corpuscula tam variis rationibus misceri posse, totque diversis modis connecti, ut ferè incredibilis varietate compositorum Concretorum numerus inde queat componi: maximè, cum unius Elementi corpuscula, mera inter se invicem associatione exiguas discrepantis à partibus ipsorum constituenibus quantitatis & figuræ Massa possint componere; cumque etiam ad arctam minorum ejusmodi corporum unionem sæpè nihil aliud, præter merum magnæ partis superficiem in iis contactum, requiri videatur. Et quantum *Phænomenon* varietatem eadem materia, absque ullius alterius additione, atque diversimodè tantum disposita, vel contexta, possit exhibere, aliquatenus

aliquatenus pater ex diversarum Machinarum multitudine, quæ peritorum Mechanicorum artificio, & experitorum Fabrorum dexteritate ex solo Ferro constitui possunt. At in casu, qui nobis est sub manu, cum ex *quatuor* diversimodè admodùm dispositis materiæ generibus Composita Corpora liceat deducere, ille, qui modò perpenderit quod nuper de novis Concretis à commixtorum Mineralium mixtura nascentibus notabas, vix dubitabit, quatuor Elementa, Naturæ petitiæ versata, multitudinem diversorum Compositorum posse suppeditare.

Eatenus in tua sum sententia (ait *Carnæades*) *Aristotelis* sequaces probabiliter multò majorem Compositorum Corporum ex quatuor Elementorum suorum mixtione numerum posse deducere, quim juxta præsentem suam Hypothesin præstare valent, si, misso irritò conatu deducendi omnium mixtorum Corporum varietatem & proprietates à quatuor Elementorum Combinationibus, & Temperamentis, uti ea (secundum ipsos) quatuor primis Qualitatibus sunt instructa, id ipsum mole & figura minutissimarum partium, quibus supposita ista Elementa constant, præstare studuissent. Ex his quippe magis Catholicis magisque fertilibus Elementaris materiæ Accidentibus magna scaturire potest Texturarum varietas, quarum ipsatum nomine ingens Compositorum Corporum multitudo plurimum admodùm inter se invicem discrepare possint. Quodque nunc circa quatuor Elementa *Peripatetica* animadverto, accommodari etiam potest, *mutatis* (ut aiunt) *mutandis* ad principia Chymicorum. Sed (ut hoc in transcurso notem) utrique tenetur, vereor, aliquid in subsidium vocare, quod Elementare non est, ad ciendum atque dirigendum partium materiæ motum, adque eas istum in modum disponendum, qui ad particularium Concretorum constitutionem requiritur. Etenim quod alioquin imperfectè admodùm expositum nobis videntur plurimorum mixtorum Corporum originem, haud arduum, credo, foret, tibi persuadere, nì tempus teneret, nec esset diverticulum, id sub examen vocare, quæ de origine Texturarum & Qualitarum mixtorum Corporum proferte consueverunt à certa quadam Forma substantiali, cujus ortum densiori caligine relinquunt involutum, quam quod ea explicatum eunt.

Sed ut ad aliam Propositionem pergamus.

Propos. III. *Non negem præfractè, ex maxima parte hujusmodi Corporum mixtorum, qua vel de Animalis vel Vegetabilis Natura participant, posse, ignis adminiculo, actu obtineri determinatum numerum (sive Trium, Quatuor, vel Quinque, plus minus) substantiarum qua diversis Denominationes merentur.*

Experimentorum, quæ, me, ut hoc concedam, inducunt, sufficiens, puto, occasio mihi dabitur nonnulla in filo meæ Dissertationis memorandi. Quare, ne deinceps & te & me ipsum vanis repetitionibus fatigem, hoc loco id duntaxat à te petam, ut istiusmodi Experimenta notes, quando enatrabuntur, inque mente tua huc referas.

Tribus hisce concessionibus quartam hanc duntaxat habeo, quam addam; scilicet.
Propos. IV,

Propos. IV. *Concedi similiter posse, distinctas illas substantias, quas Concreta communiter vel suppediant, vel continent, non adeo incongruè posse ipsorum Elementa vel Principia vocari.*

Cum dicerem, non adeo incongruè, recordabar gravem illam monelam Galeni, *Quam de re constat, de verbis non est litigandum.* Et idcirco etiam non vereor dicere *Elementa*, vel *Principia*, partim quod cum Chymici Ingredientia mixtorum Corporum appellare soleant *Principia*, uti Aristotelici ea vocant *Elementa*, ego neutros volebam excludere: partim quod dubium videatur, eademne Ingredientia nuncupari possint *Principia*, ex aliis quippe magis primariis Corporibus non composita: *Elementa* vero, quatenus omnia Corpora mixta ex iis componuntur. Verùm opus esse iudicabam Concessionem meam vocibus non adeo præmissis voci incongruè restringere, eo quod, licet incongruitas illa vocandi distinctas substantias, in Propositione memoratas, *Elementa*, seu *Principia*, non sit adeo magna, impropiam tamen esse dictionem, proindeque in re hujus momenti non planè transeundam, fortassis tu æquè, ac ego, existimabis, quando sequentem sermonis mei partem audiveris, ex qua optimè dignosces, quomodo Propositiones prædictæ sint interpretandæ, quatenusque illæ possint spectari ut res, quas ut veras concedo, & quatenus ut res, quas duntaxat ut speciosas satis quæ confiderentur, in medium assero.

Atque nunc Eleutherie (pergit Carneades) oportet personam Sceptici resumam, eoque nomine patrem aliquam proponam ejus, quod vel displicere vel dubitari potest in communi Hypothesi Chymicorum quod si non nihil examinavero liberius, supervacaneum esse credo, te (quocum inolita mihi consuetudo felicitatis meæ pars est) rogare, ut id respicias ceu rem magis congruentem provinciar, ad quam hoc consortium pro hoc tempore me damnavit, quam vel Genio, vel moti meo.

Iam verò, licet asserre tibi multa possim, quæ vulgarem Chymiam de tribus Principiis Opinionem, & Experimenta, ceu Demonstrationes ejus allegari solita, convellant, atramen ea, quæ in præsentiarum tibi exhibebo, commodè satis ad quatuor capita reduci possunt: circa quæ omnia hoc solum in genere præmittam, Quod, cum pensum meum nunc non tam sit, asserere Hypothesin ex meo, quam rationem reddere, quare ambigam de veritate Hypothesin Chymicorum, non sit, quod quis expectet, ut omnes meæ Objectiones sint quam maximè cogentes, cum iustè satis de proposita aliqua Opinione quis dubitet, quam nulla Ratio cogens videtur munit.

Ad Objectiones igitur ipsas ut accedam, Primo loco considero, quod, non obstantibus iis, quæ Chymici passim probarunt, vel docuerunt, sine ratione dubitari possit, quatenus, & quo sensu existimari debeat Ignis genuinum & universale Mixta Corpora resolvendi instrumentum?

Hujus dubii, ut meministi, supra injecta fuit mentio, sed tam cutissim, ut ex re futurum sit hoc loco id prosequi, atque ostendere, non adeo inconsultò
c fuisse

fuisse propositum, ac Adversarii nostri tunc temporis arbitrabantur.

Verum, priusquam huic Disquisitioni me immergam, non possum non hic animadvertere, optandum esse, Chymicos clarè nos docuisse, quodnam genus Divisionis Corporum per Ignem determinare debeat numerum Elementorum. Etenim plurimum abest, ut adeò facile sit, ac multi sentire videntur, effectus Caloris distinctè determinare, ut in promptu mihi esset palam facere, si vacaret ostendere, quantum operationes Ignis variari Circumstantiis queant, Sed, ne rem hujus momenti penitus præteream, notabo primum, *Guaia-cum* (exempli causa) ignè aperto in camino ultum in Cineres & Fuliginem discesci, cum idem lignum, in Retorta distillatum, alias longè Heterogeneitates (ut *Helmontii* utar verbo) largitur, Oleum pura, Spiritum, Acerum, Aquam, & Carbones; quorum postremum ut in Cineres redigatur, postulat ut ulterius calcinetur, quam in vase clauso fieri facile potest. Præterea, accenso Succino, argenteoque cochleari, alioque coneavo & lævigato vase fumo flammæ ejus superposito, notabam Fuliginem, in quam Fumus ille coibat, admodum differre ab omnibus, quæ observaveram à vaporibus Succini de industria (usitatum enim non est) *per se* in vasis clausis destillati. Similiter cum, experimenti gratia, Caphuram accendissem, fumumque copiosè ex flamma ascendentem captassem, in atram & unguosam Fuliginem condensabatur, quam nec odore, nec proprietaribus aliis ex Caphura ortam fuisse conjicias: cum è contra (ut alibi fusius explicabo) copia quædam Fugacis hujus Concreti in bonè clauso vase vitreo, calori blando exposita, sublimaretur sic, ut nil quidquam albedinis, vel Naturæ suæ amisisse videretur, quam utramque retinebat, licet postea ignem adeò intenderim, ut eam ad fusionem adigerem. Et, præter Caphuram, plura sunt alia Corpora (quæ alibi nomino) ex quibus calor in vasis clausis separare non solet ulla substantias Heterogeneas, sed partes duntaxat comminuere, ita ut quæ primò ascendant, homogeneæ sint cum reliquis, etsi in particulas minores subdivisæ: undè sublimationes *Pistilla Chymicorum* nuncupatæ fuerunt. Sed, ut omittam hic memorare quod alibi annoto, de vulgari Sulphure semel iterumve sublimato, quod, moderato igni in vasis sublimatoris expositum, totum in siccos & penè inspidos Flores abit, cum igni aperto commissum Salinis & Corrodentis liquoris copiam suppeditet: ut hoc, inquam omittam, insuper hoc apud te observabo, quod uti consideratu dignum est in mixtorum Corporum *Analysi*, ignis ne in ea agat, quando aperto Aëri sunt exposita, an quando obturatis vasis inclusa, ita non parvi sit momenti *Gradus* ignis, quo Analysin molimur. Etenim lene *Balneum* sanguinem non fermentatum (exempli causa) nonnisi in Phlegma & *Caput Mortuum* discescet quorum posterius (quod aliquando habui) durum, fragile, diversorum colorum (transparentium ad instar ferè testudinei tegminis) ab intenso igne in Retorta subactum, Spiritum, unum, alterumve Oleum, Salemq; volatilem, præter *Caput Mortuum* suppeditat. Facere etiam potest in rem præsentem, notare, quod in confectioe, & distillatione Saponis accidit. Alio quippe ignis gradu Sal, Aqua, Oleum, siue Adeps, ex quibus

fæctum.

factitium illud Concretum componitur, simul bullientia facile adiguntur, ut in unam massam misceantur, & coalescant; alio autem & ulteriori Caloris gradu eadem massa in oleagineam, aqueam, salinam, & terream partem dissepesci rursus potest. Ita quoque observare est, impurum Argentum & Plumbum, moderato igni simul exposta, eo ipso in unam massam colliquari, & per minima [ut loquuntur] misceri: cum multò vehementior ignis metalla viliora [Plumbum pura, Æs, aliamve mixturam] fugaturus, vel segregaturus sit ab Argento, etiamsi, quantum quidem liquet, eadem à se invicem haud separet. Præterea quando Vegetabilis alicujus, sale fixo abundantis, mediante igne aperto instituitur Analysis, uti unus Caloris gradus illud rediget, in cineres, ita [ut Chymici ipsi nos docent] ulteriori ignis gradu cineres isti in Vitrum reduci queunt. Non hic examinabo, quatenus merus Chymicus hac possit occasione rogare. Quod si fas sit *Aristoteli*, cineres [quos pro mera Terra per errorem accipit] pro Elemento habere, eo quod uno ignis gradu produci possit, cur Chymico sit nefas arguere ex eodem Principio, Vitrum esse unum ex Elementis multorum corporum, cum & ipsum ex iis solo igne obtineri queat? Non, inquam, in hoc examinando tempus teram, sed observabo, Methodo quadam ignem applicandi, Corpora ejusmodi similaria à Concreto aliquo posse impetrari, qualia separare Chymici nec sola eius in aperto igni unctione, nec ejusdem sola in vasis clausis distillatione potuerunt. Etenim mihi valde videtur notatu dignum: mirorque tam parum id fuisse observatum, quod in nullo ex iis quidem, qui recepti sunt, modo in clausis vasis distillandi, ullam vidi separationem Salis ejusmodi volatilis, qualem nobis Lignum largitur, quando id primum aperto ligne in Cineres & Fuliginem dividitur, illaque Fuligo postea validè Retortæ immissa, ab intenso igne suum Spiritum, Oleum, & Salem cogitur dimittere: licet enim obfirmatè negare non auserim, in *Gujaci*, aliorumque lignorum, in Retortis pro more recepto distillatorum, liquoribus esse posse salinas partes, quæ ob Analogiam arrogare sibi queant generis cujusdam Salium Volatilium appellationem, magna tamen est absque dubio disparitas inter istiusmodi salia & illud, quod interdum in prima distillatione Fuliginis impetravimus [quamvis plerumque id separatim non fuerit à prima secundaræ Rectificatione, atque interdum nonnisi in tertia.] Etenim nunquam hætenus videre potuimus, ex lignis, in vasis clausis solo vulgari modo resolutis, separari Salem Volatilem in sicca & salina forma, ut est illa Fuliginis, quam sæpius admodum Crystallinam & Geometricè figuratam habuimus. Ad hæc, cum salinæ partes Spirituum *Gujaci*, &c. facta distillatione, satis appareant torpidæ, Sal Fuliginis unum videtur ex maximè volatilibus Corporibus in rota rerum universitatis; sique ritè paratum fuerit, leni Fornacis, solo duntaxat lampadis Ellychnio tepefacti, calore, ad altissimam Vitreorum Vasorum, quæ quidem vulgò ad distillandum adhibentur, summitatem promptè ascendet: & præter hæc omnia, sapor & odor Salis Fuliginis ab odore & sapore spirituum *Gujaci*, &c. multum admodum discrepant, & prius illud non solum multò minùs odore & sapore refert Sal quoddam Vegetabile, quam Sal Cornu

Cervini, aliorumque Concretorum ad regnum Animale pertinentium; sed i a aliquibus aliis Proprietatibus Familiæ magis Animalium, quam Vegetabilium Saltum ordini cognatum videtur, uti alibi [Deo dante] occasio esse poterit disertius explicandi. Possem & aliis quibusdam exemplis ostendere, Chymicorum fuisse partes, si modo dilucidè sua tractare voluissent, magis explicite & diserte nobis ostendere, ex quo ignis gradu, & ex quo illius Applicandi modo nos velint judicare, divisionem igne factam veram esse in sua Principia *Analysin*, ejusdemque Producta appellationem Corporum Elementarium mereri. Sed tempus monet, ut exponere progrediar Rationes particulares, quæ proclivem me faciunt, ut dubitem, si ignis verus & universalis Analysta Corporum mixtorum: inter quas quidem Rationes, id, quod jam fuit objectum, unius vicem præstabit.

Secundo loco observo, Esse quædam Corpora mixta, undè necdum fuit ostensum, ullum ignis gradum vel Sal, vel Sulphur, vel *Mercurium*, multò minùs omnia hæc tria posse separare; maxime obviu hujus veritatis documentum est Aurum, quod corpus est adeò fixum, & in quo Ingredientia Elementaria [siquidem ulla habeat] adeo arctè sibi invicem sunt, unita, ut in operationibus, ubi Aurum igni exponitur, utat violentissimis, deprehendamus, ipsi ne quidem suæ fixitatis ac ponderis quidquam, quantum percipere datur, perire: tantum abest, ut in illa Principia, quorum saltem unum agnoscitur satis fugitivum, dissipetur. Tanto iure exclamat alicubi *Poëta Spagyricus*,

Cuncta adeo miris illic compagibus herent.

Nec prætermittere hac occasione possum, *Eleutherie*, tibi narrari memorabile illud Experimentum, quod legisse me memini in *Gastone Claveo*, qui, licet professione Juris-consultus, non vulgari videretur in Chymicis studio & peritia valuisse. Narrat itaque, sese unciam Auri purgatissimi, & æquale puri Argenti pondus duobus vasis immissa, ambo in ea Fornacis vitæ parte collocaße, in quo operarii Metallum suum [uti *Anglici* nostri Artifices liquatum suum Virrum nuncupant] in fluore continuo servant, cumque & Aurum & Argentum in jugi fusione per duorum mensium spatium reliquisset, sese postea ex Fornace & Vasis ea exemisse, & utroque iterum ponderato invenisse, Argentum haud plus duodecima sui ponderis parte, Aurum vero planè nihil deperdidisse. Et quamvis Auctor noster conetur hujus rei assignare Rationem Scholasticam, quæ tibi, credo, non magis, quam mihi, cum eam legerem, satisfaciet; quoad rem facti tamen [quod in præsentiarum rem nostram conficit] asseverat, licet sit mira, ipsam tamen experientiam veritatem eius quam maxime comprobare.

Et quamvis fortè non aliud detur Corpus adeò perfecte fixum, ut Aurum, nonnulla tamen alia sunt ira fixa, vel composita saltem ex partibus tam arctè unitis, ut nondum observaverim, ignem ab iis ullum aliquod Chymicorum Principiorum separare. Haud opus est tibi narrare, quantoperè candidiores & sagaciores inter Chymicos ipsos de factatoribus illis conqueri soleant, qui fidenter asserunt, se ex *Mercurio* Sal & Sulphur extraxisse, quando Additamenti iuduxerit ei larvam, qua Concreta illa refert, quorum nominibus ipsum insigniunt; cum, perito & rigido facto *examine*, satis facillè ab involucribus suis possint spoliari.

spoliari, inque pristina fluentis *Mercurii* forma exhiberi: tantumque absit, ob-
tenta Salia & Sulphura partes esse Elementares, ex *Mercurii* corpore elicitas, ut
potius (liceat mihi mutuo accipere vocem à Grammaticis) De-composita sint
corpora, ex toto Metallo, & *Mensura*; aliisve additamentis ad ipsum larvandam
adhibitis, constituta. Et, quod Argentum attinet, nunquam mihi videre conti-
git ullum ignis calorem adigere illud potuisse, ut illud ex tribus suis Principiis
dimitteret. Et quamvis Experimentum, nuper ex *Clave* allegatum; suspicio-
nem parere queat Argentum igne posse dissipari, dummodò ille summè intenda-
tur, & diu durer; non tamen necessariò sequetur, ex eo quod ignis tandem va-
luerit Argentum exigua ponderis sui quantitate minuere, idè valuisse illud in
sua Principia dissipare. Primo quippe allegare possem, observasse me, minuti
Argenti granula in parvis Cavitatibus (vitro forsan obducis vitrificante calore)
in Catillis fusoriis, in quibus Argentum diu in Fusione fuit servatum, delituisse,
undè quidam mihi noti Aurifabri emolumentum capiunt, dum eiusmodi Catil-
los in pulverem conterunt, ut latentes Argenti particulas indè recuperent. Atque
hinc arguere possem, hallucinatum fortè fuisse *Clavum*, & credidisse, Argentum
illud fuisse igne fugatum, quod reverà minutatim in crucibulo eius latebat, in
cujus poris tam parva quantitas, quam ille ex corpore adèd ponderoso desidera-
bat, facillè potuit impercepta delitescere.

Verùm secundo, si admittamus, quasdam Argenti partes vi ignis fuisse dissul-
sas, quomodo probes, id vel Sal fuisse, Sulphur, vel *Mercurium* Metalli, & non-
potius partem eius illi homogeneam, quod remanebat? Præterquam enim,
quod Argentum restans ad sensum haud mutatum videbatur, quod probabiliter
apparuisset, si ex ullo Principiorum eius tantum indè fuisset separatum; depre-
hendimus in aliis Mineralibus, minùs fixis Argento, ignem in partes adèd mi-
nutas dividere ea posse, ut ipsa secum, haudquaquam destructa eorum Natura,
valeat asportare. Ita videmus, in Argenti purificatione Plumbum ipsi mixtum
(ad abigendum *Æs*, aliudve Metallum ignobile, quod Argentum vilius reddit)
progressu temporis, si missum facias, ex Testa probratrice evaporare; si verò (ut
solenne admodum est inter eos, qui insignes Metallorum quantitates simul
purificant) Plumbum ab Argento sollibus pellatur, id, quod aliàs in vaporum
imperceptorum forma abiisset, magna ex parte non longè ab Argento, in fufci
pulveris calcisve forma, quam, quippe ab Argento depulsam, Lithargyrum Ar-
genteum vocant, colligitur. Atque ita nos docet in pluribus locis *Agricola*, cum
Æs, vel eius Minera vi ignis cum *Cadmia* colliguatur, Favillas, quæ magna co-
pia sursum evolant, has quidem laqueatibus Fornacum insidere, in minutatum
& (maximam partem) albicantium Bullatum forma, quas exindè *Græci*, eosque
imitantes Officinæ nostri *Pompholyx* appellant; alias verò ponderosiores par-
tim adherere Fornacum parietibus, partim (maximè si opercula vasa non te-
gant) ad fundum subsidere, & ob cineritium suum Colorem, juxta ac Pondus,
ab iisdem *Græcis* *embœ* vocari, (quam vocem in ipsorum sermone *Cineres*
significare, tibi dicere haud est opus.) Adjicere possem, me non comperisse, ex
Talco Veneto (dico *Venetum*, quod alia istius Mineralis genera solutiora depre-
c 3. henderim),

henderim) ex *Lapide Offifrago* (quem Officinæ *Osteo-collæ* vocant) ex selenitide illa (quam *Angli* vocant *Muscovy-glass*) ex pura & fusibili Arena (ne alia Concreta nunc memorem) familiares meos, qui id tentantur, potuisse ignis beneficio ullum ex Principiis Hypostaticis separare ; quod tanto minus vocabis in dubium, si perperdis Vitrum (docentibus ipsis Chymicis) posse confici sola *Salis & Terræ*, in exultæ Plantæ Cineribus resistantis, Colliqutione, & commune tamen Vitrum semel confectum tantoperè ignis viribus resistere, ut maxima pars Chymicorum Corpus id esse existimet, quod ipso Auro magis extra labe- factationis aleam sit positum.

Etenim si unire tam firmiter Artifex possit aded crassas comparatè particulas (ut sunt particule Terræ, & Salis, quæ communes Cineres constituunt) in cor- pus actionem Ignis eludens ; quidni Natura in varias substantias minutiora cor- puscula Elementaria, quæ ipsi præsto sunt, valeat tam firmiter coniungere, ut neutiquam ea separate Ignis possit ? Atque hac data occasione, *Eleutherie*, per- mittas, duo triaue levia tibi Experimenta referam, quæ, uti spero, ad præsen- tem nostrum sermonem magis facere deprehendentur, quam fortè prima fronte videbitur.

Primum est, quod, cum (experiundi ergo) aliquantum fugitivi illius Concre- ti, *Caphura*, Vitreo vasi immisisssem, & leni igni exposuisssem, deprehendi eam (ne unico quidem, quantum mihi æstimare licuit, grano post se relicto) ad vasis summam in Flores sublimari, qui albedine, odore, &c. non videbantur à *Caphura* ipsa differre. Alterum experimentum est illud *Helmontii*, locis uno pluri- bus affirmantis, Carbonem, in vase exquisitè clauso servatum, nunquam in Ci- neres posse calcinari, utut igni intenso diutissimè exposueris. Quod ut aliquo patrocinio muniam, hocce meum ipsius Experimentum tibi referam ; Cum sci- licet nonnulla ligna aliquando destillarem, *Buxum* nominatim, dum *Caput mor- tuum* in Retorta manebat, atrum colorem, lignei carbonis ad instar, recidebar, licet Fictilis esset Retorta, & continuè in vehementi igne candesceret ; sed quamprimum ex candenti vase in liberum Aërem expromebatur, carbones ar- dentes absque novæ Calcinationis adminiculo, protinus in candidos cineres di- labebantur. Atque his duobus subjungam duntaxat obviam hanc & notam Ob- servationem ; commune videlicet Sulphur (si purum sit, & ab aceto suo libera- tum) in vasis clausis sensim sublimatum, in siccos flores sursum ferri, qui in Corpus ejusdem cum eo, ex quo emergebant, Naturæ possunt extemplo liquari : quamvis, si Sulphur uras, in aëre libero, penetrantem, ut nosti, Fumum largia- tur, qui Campana vitrea detentus in acidum illum liquorem, Oleum Sulphuris per Campanam dictum concrefcit.

Vitum horum Experimentorum, si cum eo conferantur, quod nuper ex *Agri- cola* tibi referebam, hunc esse velim ; Etiam inter Corpora non fixa esse quæ- dam ita contexta, ut difficile futurum sit ostendere, quomodo ignis, uti quidem Chymici cum adhibere solent, in substantias Elementares ea possit resolvere. Quædam enim corpora cum ejusmodi texturæ sunt, ut ignis pellere ea possit in frigidiorē minuscule calidam vasorum, quibus includuntur, patrem, & si opus sit,

fit, de loco in locum, ad maximum calorem fugiendum, movere facilius, quam ut eorum Elementa possit disgregare, (maximè absque Aëris si sit ope) videmus, Chymicos nostros resolvere ea in vasis clausis non valere; & ab aliis corporibus compositis apertus ignis haud magis separare Elementa potest. Quid enim nudus ignis præstare valeat ad mixtum corpus resolvendum, si principia ejus componentia adeò sint minùra, adeoque stricte unita, ut ejus Corpuscula minori ad ea subvehendum egeant calore, quam ad ea in sua principia dividendum requiruntur. Adeò ut aliquorum Corporum nullam in clausis vasis facere *Analysis* ignis possit, alia verò in libero Aëre in Florum vel Liqueurum forma sint avolatutz, priusquam Calor vim suam in iis in sua principia dividendis queat exserere. Et hoc obtinere poterit, sive Natura, sive Arte variæ Concreti alicujus similes partes sint conjunctæ: etenim in factitio *Sale Armoniaci* Commune & Vinosum Sal tam benè mixta comperimus, ut tum in Igne aperto, tum in vasis sublimatorii simul ut Sal unum sursum ferantur, quod in ejusmodi Vasis solo igne videretur non posse resolvi, *Salem* quippe *Armoniacum*, Naturæ suæ compositæ, non facta ejus sublimatione adhuc renacem possum ostendere. Et sanè vix ullum Minerale novi, ex quo Chymici solo Igne separare ullam substantiam soleant, quæ satis sit simplex, ut Elementi Principiæ mereatur appellationem. Licet enim ex nativa Cinnabari Argentum vivum distillent; licet etiam ex multis eorum Lapidum, quos *Pyrum* nomine Prisci insigneabant, Sulphur sublimet, attamen & illud Argentum vivum, & hoc Sulphur, cum sæpius eadem sint, cum communibus illis mineralibus, quæ in officinis veniunt sub istis nominibus, ipsa nimis composita sunt Corpora, quam ut talium Elementa queant censerî. Et hæc, *Eleutherie*, dicta sunt de secundo Argumento, quod ad meam Considerationem pertinet; reliqua brevius urgebo, cum tam prolixè huic fuerim immoratus.

Proximè igitur pergamus expendere, Varias fieri Separationes aliis modis posse, qui vel nullo modo, vel non tam commodè institui Igne solo queant. Quando Aurum & Argentum in unam confunduntur Massam, magnopere Separatores & Aurifabros sibi quis devinceret, Attem ipsos docendo ea beneficio Ignis disgregandi cum molestiæ, & sumptuum, quos impendere ad ea separanda nunc oportet, compendio: cum eadem Spiritus Nitri, seu Aquæ fortis (quæ Gallis *Eau de depart* hinc dicitur) Affusione dispelci persicilè queant. Similiter pars Metallica Vitrioli non tam facilè & commodè, etiam intenso Igne, separatur à parte Salina, quam quorundam sub forma liquida Salum Alcalizatorum in Vitrioli solutionem, communi Aqua factam, Affusione. Eo ipso quippe cum Sal acidum vitrioli *Æs* à se corrosus deferat, ut in societatem transeat Salium adjectorum, pars Metallica, Limi ferè ad instar, ad fundum præcipitatur. Et, ne exempla tantum afferam Corporum De-compositorum, unum non inutile alterius ordinis subjungam. Non modo Chymici non potuerunt (quantum quidem vulgò constat) Sulphur ab Antimonio solo Igne separare; sed, licet in ipso- rum scriptis plures ejus eligendi speciosos Processus inveneris, ii tamen, qui tot intricata obtinendi tentamina, ut ego, fecerint, magnam partem, reor, facilè

facile persuasum habebunt istiusmodi Processuum Effecta Nomine potius quam Re Sulphura Antimonialia esse. Verum etiam si Antimonium per se sublimatum reducatur duntaxat in Pulverem Volatilem, vel Flores Antimoniales, quæque ac Minerale, eos pariens, naturæ sunt compositæ, memini tamen me aliquot retrò abhinc annis ab Antimonio Sulphur quoddam, idque majori copia, quam unquam id ab isto Minerali elicitum viderim, methodo quâdam sublimasse, quam propterea tibi exponebam, quod non videantur observasse Chymici, cujus momenti esse possint ejusmodi Experimenta in Naturæ, & in primis Numeri Elementorum indagatione, Digestis igitur de industria, experiundi ergo, octo uncias bonæ notæ & benè pulverisati Antimonii cum Olei Vitrioli uncias duodecim in Vase vitreo probè clauso, sex vel septem Septimanatum spatio; & hac Massa (dura jam facta, & friabil) in Retorta Arenæ imposita, forti Igne distillari jussa, Antimonium deprehendimus ita discinctum, sive alteratum eo *Menstruo*, quo digestum fuerat, ut cum crudum Antimonium, Igne in sublime actum, in Floribus duntaxat forma ascendat, Antimonium nostrum, hoc modo versatum, largiretur nobis partim in Excipulo, partim in collo & summitate Retortæ, Sulphuris circiter unciam, quod flavedine & friabilitate commune Sulphur referebat, eratque odoris adeò Sulphurei, ut ad apertis Vasibus sæpè admodum fetore cubiculum inficeret. Atque hoc Sulphur, præter Colorem, & Odorem, omninò inflammabile erat ut Sulphur commune, & protinus (ad Candelæ flammam) ignem concipiebat, & ad instar ejus, colore cyaneo ardebat. Et licet diutina illa digestio, in qua Antimonium & *Menstruum* nostrum detinebantur, ad Minerale illud eo melius referandum videretur conducere, attamen si tamdiu vacare quis nequeat istiusmodi Digestioni, poteris commiscendo cum Antimonio pulverisato justam Olei Vitrioli quantitatem, eademque continenter Distillationi committendo, obtinere modicum Sulphuris, communi similis, magisque combustibilis, quam fortè quis in principio notaverit. Observavi equidem ego, quod, licet, post primam ejus accensionem, flamma interdum sua sponte nimis cito exstingueretur, eadem tamen Sulphuris Massa, Candelæ alicujus flammæ exposita, iterum accenderetur, & per mediocrem temporis spatium, non post secundam modo, sed & tertiam, quartamve accensionem arderet. Tu, *Eleutherie*, cui ostendisse me puto modum meum Sulphurei quid in Vitrioli Oleo detegendi, suspicaberis forsitan substantiam hanc Sulphur quoddam *Venerie* fuisse, in Liquore isto delitescens, quodque duntaxat hac operatione in corpus Visibile protraheretur; vel etiam fuisse Compositum quoddam ex partibus Vinctuosis Antimonii, & Salinis Vitrioli, cum (*Gunthero* tradente) nonnulli docti viri statuunt, Sulphur nil esse aliud, quam crama in penetralibus Terræ ex Spiritibus Vitriolatis & substantia quadam combustibili constatum. Verùm enim verò Quantitas illa Sulphuris, quam Digestione eliciebamus, nimis excedebat, quam ut in Oleo Vitrioli latere potuisset. Nec necessariò requirā Spiritus Vitriolatos ad ejusmodi Sulphuris, quale nostrum est, Constitutionem, facile possem ostendere, si tibi indicare diversos eos modos luberet, quorum beneficio obtinui, quamvis non in tanta copia, Sulphur Antimonii;

timonii; colore & inflammabilitate Sulphur commune referens. Et licet nunc non sit animus eos exponere, tibi tamen referam, me, ut viris quibusdam ingeniosis persuaderem, stillatitios Spiritus Virriolatos ad ejusmodi Sulphur, de quo nobis sermo fuit, impetrandum non esse necessarios, nuda solius Spiritus Nitri ab æquiponderante crudo Antimonio Distillatione, brevi temporis spatio flavum & inflammabile admodum Sulphur separasse; quod, quantum ego quidem novi, æquè Elementi nomen meretur, ac ulla res, quam Chymici solent Ignis adminiculo ab ullo Minerali separare. Possem fortassis alias super Antimonio Operationes tibi narrare, quibus ab eo elici id potest, quod mediante Igne indè extorqueri nequit; sed eas opportuniori loco reservabo, atque nunc duntaxat levius hoc, at non à re abluens, Experimentum subnectam. Cum scilicet nuper notaverim, Vrinofum & Commune Sal, unde *Sal Armoniacum* constat, indivulsa remanere in Igne in pluribus successivè factis Sublimationibus, quod ea faciliè possint dissociari, idque ex parte absque omnino Igne, si Concreto probè pulverisato Solutionem infundas Salis Tartari, Salisve Cinerum Ligneorum. Hisce quippe diligenter mixtis Nares tuas acti admodum Vrinæ odore senties feriri, ac forsan ex Oculis etiam aquam elici subtili eodem ac penetrante Corpore, fætozem producente; utroque hoc effecto inde nato, quod, vi Salis Alcalizati, Sal marinum, quod *Salie Armoniaci* compositionem ingrediebatur, retunditur, magisque fixum redditur; quo ipso illud, & Volatile Sal Vrinofum divortium patiuntur, unde Sal posterius, nexu suo simul & semel solutum, inque motum actum, confestim incipit avolare, nareque & oculos occurrentes offendere. Et horum Salium operatio si in Vitris commodis calore saltem Balnei ptomoveatur, sursum lati Vapores faciliè concludi possunt, inque Spiritum penetrantem reduci, qui Sale abundat, quem interdum sum expertus in forma CrySTALLINA posse separari.

Addere his Exemplis possem, quod cum Sublimatum, ex Salibus & Argento vivo connexis, & calore una sursum evectis, ut nosti, compositum, sublimari nescio quoties pari Ignis gradu possit, nec tamen componentium Corporum divortium patiatur, *Mercurius* ab adhærentibus Salibus disjungi faciliè queat, si Sublimatum à Sale Tartari, Calce viva, similibusve Salibus Alcalizaris distilletur. Verùm id potius annotabo, *Eleutherie*, quod ingeniosis quibusdam viris mixtum apparuit, ejusmodi scilicet Additamento, quod nonnisi promovere separationem videretur à Concreto, quod solius Ignis beneficio in omnia Elementa, unde Vegerabilia supponuntur constare, faciliè dividi potest, nullo negotio Substantiam ejusmodi Similarem obtineri posse, quæ multis nominibus ab iis omnibus discrepat, proindeque à peritissimorum Spagyricorum plutibus negata fuit in Mixto illo corpore contineri. Novi quippe modum, sumque ipse expertus, quo commune Tartarum, absque ullius rei, quæ perfectum non sit Minérale, si Nitrum exceperis, additione, possit una sola in Retorta fictili Distillatione adigi ad insignem veri Salis, promptè in Aqua dissolubilis, copiam largientem, quod nec acidum, nec odore Tartari instructum sensu, esseque adeò ferè

d . volatile

volatile ac ipsum Vini spiritum deprehendi, ac revera tantoperè discrepare à natura eorum omnium, quæ Ignis beneficio separati à Tartaro solent, ut plures Eruditi Viri, quibuscum hac de re sermonem habui, difficulter adduci possent, ut crederent, Sal aded fugitivum à Tartaro proficisci posse, donec hac de re fide propria eos certiores redderem. Ac nisi ptonum te crederem ad suspicandum, me sufflaminare potius quam maturare fidem & asseverationem in improbabilibus, convincere te possem anomali istius Salis, quod etiamnum apud me asservo, autopsia.

Quantum, quod in primæ meæ Considerationis patrocinium adducam, hoc est; Quod Ignis, etiam quando Corpus dividit in diversæ Consistentiæ substantias, haud plerumque in Hypostatica Principia id resolvere, sed duntaxat partes eius in novas Texturas digerere, & hac ratione Concreta novæ quidem revera, attamen compositæ Naturæ producere. Huic argumento infra tam fusè mihi erit insistendum, ut spe ducat, te falsum, in causa non esse validarum rationum inopiam, quod veniam peto probationes meas differendi, donec sermonis mei series propositionem earum magis commodam magisque tempestivam reddiderit.

Allegari insuper in rem primæ meæ Animadversionis potest, Obtrineri absque Igne à Concretis quibusdam distinctas aliquas eiusmodi substantias posse, quæ haud minus nomen Elementarium metentur, quam nonnulla, quæ Spagyrici vi Ignis extorquent. Videmus Spiritum inflammabilem, sive ut Chymici volunt, Sulphur Vini, non modo separari ab ipso posse leni Balnei calore, sed vel radiorum Solarium, vel etiam Fimi Equini adminiculo distillari; cum tam fugacis revera sit Naturæ, ut facile haud sit fugam ipsius præstruere, etiam cum calorem æternum non applicueris. Observavi similiter, Vase Urina pleno in Fimem collocato, solere Putrefactionem elapsis aliquot septimanis Corpus ira recludere, ut, partibus discinctis, Spiritus Salinus intra breve tempus, si vas clausum non fuerit, sua sponte sit avolaturus; aded ut ab huiusmodi Urina parum aut nihil distillare præter nauseabundum Phlegma valuerim, agilis & penetrantis Salis Spiritusque loco, quem, cum primùm Igni fuisset expositum, suppeditasset, si Vas sollicitè obstratum fuisset.

Atque hoc viam mihi struit quinto loco considerandi, Arduum probatu fore, dari aliud Corpus aliumve modum non posse, quod æquè ac Ignis Concreta in homogeneas aliquot substantias dividat, quæ proindè Elementa eorum, Principiave æquè vocari queant, ac illa, quæ beneficio Ignis separantur, vel producuntur, Equidem cum nuper viderimus, Naturam alia præter ignem adhibere cum successu instrumenta posse ad distinctas substantias à corporib. mixtis separandum, quidni (quantum nobis constat) aliquam eiusmodi substantiam fecerit Natura, vel Ars facere possit, quæ sit idoneum mixta Corpora resolvendi instrumentum, vel aliquam eiusmodi Methodum industria humana casuè inveniri posse, qua mediante Composita Corpora in alias substantias queant resolvi, quam sunt ex, in quas Ignis adminiculo disseci solent, Atque cur istiusmodi *Analyses* Producta non possint jure non minori componentia Corporum, unde emergunt, Præq.

Principia appellari, haud facile quis ostenderit, maximè cum infra planum reddam, substantias, quas Chymici Salia, Sulphura, & Mercurios Corporum vocare solent, haud ita puras & Elementares esse, ut ipsi sibi sumunt, atque ut *Hypothesis* eorum postulat. Et hoc ipsum idèò urgeri liberius adversus Chymicos potest, quod nec *Paracelsista*, nec *Helmontiani*, absque manifesta in Magistros suos injuria, rejicere id queant. *Helmontius* quippe pluries Lectores suos informat, & *Paracelsum*, & seipsum Liquorem illum celebrem, *Alcalhest*, possedisse, quem ob insignem in resolvendis Corporibus, vulgari Igne irresolubilibus, efficaciam, alibi *Gehenna Ignem* appellat. Huic Liquori tribuit (idque magnam partem ex Experientia proptia) viros ejusmodi effectus, ut, si eos omnes fide dignos existimemus, ego quidem tanto magis Scientiæ faveam, quam Opulentiae, ut nobilius magis expetendum Arcanum *Alcalhest* haberem, quam ipsum Lapidem, ut vocant, Philosophorum. De Catholico hoc Dissolventi memorat, Carbonis quercini frustum, per debitum temporis spatium cum illo digestum, ipsius virtute in duos Liquores novos distinctosque fuisse reductum, colore & situ suo à se invicem discriminatos; fuisseque totum Carbonis corpus in Liquores istos reductum, qui quidem uterque potuit separari ab immortali suo *Menstruo*, quod Operationibus ejusmodi æquè aptum, ac antea, remanebat. Atque idem insuper in diversis Scriptorum suorum locis tradit, se efficaci & indefesso hoc Agente, Metalla, Marcasitas, Lapides, Vegetabilia, & Animalia, Corpora qualiacunque, ac ipsum etiam Vitrum (in pulverem prius comminutum) &, ut verbo dicam, omnia in Univerſo Mixtorum Corporum genera, in Substantias aliquot Similares, absque ullo sedimento, vel *Capite Mortuo*, dissolvere potuisse. Denique ex ipsius informationibus hoc colligere licet, Substantias illas homogeneas, à Corporibus compositis vi penetrantis Liquoris ejus elicitas, sæpè tum quoad Numerum, tum quoad Naturam, satis ab istis discrepasse, in quas eadem Corpora, mediante communi Igne, diuidi solent. Cujus rei opus non erit aliam hoc loco probationem asserre, quam, cum nobis constet, in Communi nostræ mixtorum Corporum *Analysi* terrestrem & fixam admodum substantiam, Sali æquè fixo sæpè associatam, restitare; Authorem nostrum nobis natrare, se Methodo sua omnia Concreta sine ullo *Capite Mortuo* distillare valuisse, proindeque illas Concreti partes volatiles reddere, quæ in *Analysi* vulgari fixæ fuissent. Adèò ut, ni Chymici nostri publicum iteratumque Testimonium Viri; qui non potest non inter præcipuos, de quibus gloriari possunt, Spagyricos censeri, rejecerint, negare non debeant, reperiri in Natura aliud Agens posse, quod minus violentam, & cum magis genuinam, tum magis universalem, quam Ignis, Compositorum Corporum *Analysin* valeat institvere.

Et me quod attinet, etsi hac occasione non possim non uti verbis illis, quæ (ut nostri) amico nostro, Domino Boyle, sunt solennia, quando de miro quodam Experimento sententiam rogatur; *Testem Oculatum potiori jure Experimentis fidem adhibere, quam qui oculis ea non usurpavit*: deprehendi tamen *Helmontium* adèò fide dignum scriptorem, etiam in nonnullis ipsius Experimentis improbabilibus, (semper Tractatum illum vagum excipio *De Magnetica Vulnerum cura-*
d 2 *tione*,

tionem, quem quidam amicorum eius ab adversariis ipsius primo editum fuisse affirmant, (ut durum nonnihil existimem, mendacium ipsi impingere, maxime in eo, quod ab Experimento proprio trahit. Arque accepi quædam à Testibus oculatis fide dignis, & quædam alia ipse vidi, quæ tam fortiter arguunt Circulatum Sal, *Menstruum* ve, quale etiam id fuerit,) abstrahendo illud à Corporibus Compositis, sive Mineralibus, sive Animalibus, sive Vegetabilibus, ipsa magis reclusa posse relinquere, quam cautus Physicus facile crederet, ut Vires Naturæ & Artis metiri fidenter non audeam ex *Menstruorum* aliorumque instrumentorum efficacia, quæ ipsi insignes Chymici etiamnum in Corporum *Analysi* adhibere solent: neque negare, *Menstruum* posse saltem ab hoc vel illo particulari Concreto quandam apparenter similem substantiam elicere, quæ à quavis discrepet, quæ quidem Ignis, quocunque gradu & modo applicari, beneficio queat impetiri. Arque tantò magis tergiversor præfractè negare, esse posse istiusmodi Compositorum Corporum Referatores, quod inter Experimenta illa, quæ in causa sunt, quod tam caute loquor, quædam non descent, in quibus non apparebat, unam ex Substantiis, communium Ignium & *Menstruorum* beneficio non separabilibus, retineri quidquam Salis illius poruisse, quo mediante Separatio facta fuerat.

Atque hic, *Eleutherie*, (aiebat *Carneades*) finem imponerem isti Dissertationis meæ parti, quæ ad primam à me propositam Considerationem pertinet, nisi quod à me tradita duabus Objectionibus tam speciosis exposita prævideam, ut progredi non sit integrum, priusquam eas sub examen vocaverim.

Primo quidem proclive erit obicere, Se non arrogare sibi, solius Ignis beneficio ex omnibus Corporibus compositis *Hypostatica* Principia separare; cum sufficiat, Ignem ea in ista dividere, licet alia Corpora postmodum ad similes Compositi partes colligendum adhibeant: uti constat, etsi Aqua utantur ad Salinas Cinerum partes à Terrestribus, quibuscum mixtæ erant, seligendum, Ignem tamen esse solum, qui Corpora in Cineres redigit, partemque eorum fixam in Salem, & Terram, unde Cineres constant, reducit.

Hæc, fateor, Obiectio, non est nullius momenti, possemque illi magna ex parte suffragari, nec tamen concedere eam me ferite, si acquiescere hac responsione vellem, me non disputasse adversus illos, qui eam struunt, sed adversus Chymicos illos Vulgares; qui ipsi credunt, idemque aliis persuadunt eunt, Ignem non Universale modo, sed Adæquatum & Sufficiens Instrumentum esse Corpora mixta resolvendi. Quod enim praxin eorum spectat, quæ Sal fixum affusa Aqua è Cineribus extrahunt, obvium est allegare, Aquam nonnisi Sal illud colligere, quod Ignis à Terra anrea diviserat: uti incerniculum non Frumentum amplius comminuit, sed tantum in duos distinctos acervos, Pollinem, & Furfur, cogit, quorum Corpuscula prius promiscuè simul confusa in Farina jacebant. Hoc, inquam, allegare possem, proindeque ulteriori in propositam Objectionem Animadversione supersedere: verum ne Ansa pereat, quæ hinc suppeditari mihi poterit Argumentum, quod sub manu est, illustrandi paucis eam expendere, quatenus nempe præsentis meæ Discussionionis refert, haud refragabor.

Ne repetam quod, jam fuit responsum, dico insuper, quamvis tam æquus sum Adversarius, ut Chymicis, postquam sua provincia perfundus est Ignis, concedam puræ Aquæ usum, qua Extractiones suas perficiant, in iis Casibus, in quibus Aqua cum Igne non concurrat ad faciendam *Analysin*, attamen, cum duntaxat hoc ex ea suppositione largiar, quod Aqua nonnisi Salinas particulas abluat, quas Ignis solus antea in resoluto Corpore extricavit, non erit Rationi consentaneum, hanc concessionem ad alios Liquores, qui ei, quod dissolvunt, addere quid possunt, neque etiam ad alios Casus, quam nuper memoratos, extendi. Quam limitationem ut meminisse digneris, rogo, donec ea utendi, ut mox fiet, derus occasio. Atque, hoc sic præmisso, observare pergam.

Primo, Plurâ ex Exemplis, in prægresso sermone propositis, eius esse notæ, ut Objectio, quæ à nobis nunc expenditur, ea nequaquam feriat. Etenim Ignis haud magis Aqua mediante, quam sine ea, ullum Trium Principiorum, vel ab Auro, Argento, *Mercurio*, vel quibusdam aliis ex Concretis supra memoratis, potest separare.

Hinc inferre nobis licet, Ignem Vniversalem omnium Corporum Mixtorum Analytæm haud esse, cum ex Metallis, & Mineralibus, in quibus Chymici operam suam maximè collocarunt, vix ulla appareant, quorum *Analysin* Igne instituere; quin imo, ex quibus vel unicum quodlibet Principiorum Hypostaticorum indubiè separare queant: quod jure videatur ipsorum *Hypothesi*, juxta ac Causæ non parum derogare.

Insuper, Objectione non obstante, veritas in eo sibi constabit, alios, præter receptam Ignis *Analysin*, esse posse modos, à Composito aliquo Corpore substantias æquè Homogeneas separandi, ac sunt illæ, quas Chymici inter sua *Tria Prima* (uti eorum nonnulli, per compendium, *Tria* sua Principia vocant) numerare non dubitant.

Et palam est, mediantibus Additamentis congruis, Substantias eiusmodi beneficio Ignis separari posse, quales solo Igne elici haud poterant: quod Sulphur Antimonii testatur.

Denique, mihi dicendum est, cum pateat etiam Ignem Vnum duntaxat esse ex Instrumenris, in Corporum *Analysi* adhibendis, fas nobis esse postulare, ut Duo præstare nobis sit liberum, Cum enim ullum *Menstruum*, aliudve Additamentum adhibetur una cum Igne, ad Sulphur, vel Sal à Corpore aliquo obtinendum, liberum omnino nobis erit examinare, *Menstruum*-ne illud solummodo operam ferat, Principia beneficio eius eliciri separandi, an verò partium Corporis Patientis cum partibus *Menstrui* aliqua Coalitio non intercedat, qua Concretum productum ex amborum unione pullulate existimari possit. Ac portò concedi nobis poterit, ut examinemus, quatenus videlicet ulla Substantia, ejusmodi Additamentorum adminiculo separata, Vnum ex *Tribus Primis* debeat haberi, quandoquidem uno idem Corpus Mixtum versandi modo, pro Additamentorum Natura, & Methodo in illud agendi, fieri queat, ut Substantias largiatur discretæ ab iis, quæ aliis mediantribus Additamentis, aliaque Methodo elici ab eo possunt, imo (uti patere inde poterit, quod antehac circa *Tartarum* tibi

retuli) *Diverſas* (ſubſtantias) à quavis earum Subſtantiarum, in quas Concretum per Ignem abſque Additamentis dividi poteſt; quamvis fortaiſis illa Additamenta non intrent, ut *Ingredientia*, Corporis Elicti compoſitionem, ſed Ignis in Concretum actionem duntaxat variant; & quamvis Concretum illud, ſolius Ignis beneficio, dividi poſſit in eum Subſtantiarum discrepantium numerum, qui Elementorum numerum, à Chymicis ullis, in quos ego quidem incidi, traditum, adæquet.

Atque hæc (ait *Carneades*) cum ad eam Objectionem, quam Chymicis proclive eſt adferre, dixerim; jam mihi illud examinandum incumbit, quod ut prævideo, plures *Peripatetici* animoſè urgebunt, qui, ut Ignem verum Corporum Analyſtam probent, allegabunt, ipſiſſimam eſſe Caloris definitionem ab *Ariſtotele* traditam, & ubique paſſim receptam, *Congregare Homogenea*, & *Heterogenea ſegregare*. Reſpondeo verò, longè abeſſe, hunc Eſſectum adeò eſſe Calori Eſſentialem, ut communiter opinantur. Erenim videtur potius, veram & genuinam Caloris proprietatem eſſe, in Motum ciere, & hoc ipſo diſſociare Corporum partes, eaſque in minutas particulas ſubdividere, nullo habito, ſintne *Homogeneæ*, an *Heterogeneæ*, reſpectu: uti in *Aquæ* Ebullitione, in *Mercurii* Diſtillatione, Corporumve actioni Ignis Expoſitione patet, quorum partes vel non ſunt (vel ſaltem eo Caloris gradu non apparent) Diſſimilares: ubi totum, quod præſtare Ignis poteſt, eſt, dividere Corpus in perpuſillas partes, quæ ejuſdem ſunt Naturæ ſecum invicem, & cum ſuo *Toto*, ut earum Reductio per Condensationem evincit. Atque etiam tunc, quando *congregare Homogenea*, & *Heterogenea ſegregare* Ignis videtur, non niſi per *Accidens Eſſectum* illum producit. Ignis enim duntaxat diſſolvit cæmentum, vel potius compagem illam, ſive ſtructuram diſſicit, quæ partes Corporum *Heterogeneas* ſub una communi forma conſtriſctas tenebat; qua facta diſſolutione, componentes Mixti particule, diſſcinduntur, & libertatem naſcuntur, Naturaliter, & ſæpè ſine ulla Ignis operatione, ſuis quæque ſimilibus ſeſe aſſociant, vel potius loca illa capiunt, quæ diverſi gradus Gravitatis, & Levitatis, Fixitatis, vel Volatilitatis (ſive Naturalis, ſive ab impreſſione Ignis accerſitur) ipſis aſſignant. Ita in Sanguinis Humani (exempli cauſa) diſtillatione Ignis primum incipit *nexum*, ſive cæmentum Corporis diſſolvere; ac tunc *Aqua*, maxime quippe Volatilis, eliciturque Facilis, vi vel Atomum Ignearum, vel Agitationis, ſa quam cientur ab Igne, primum ſubvehuntur, donec, à Cauſa ſubvehente deſerta, ſuo ipſius Pondere in Excipulo ſubſidat. Verum toto hoc tempore reliqua Concreti Principia innexa remanent, vehementioreque Caloris gradum ad faciendum Elementorum ejus magis Fixorum ſeparationem poſtulant; ideòque intendi Ignem eſt neceſſe, qui Sal Volatile & Spiritum tranſducet, quæ, differentia licet Principia credantur, ac ſæpe diverſæ ſint Conſiſtentiz, Volatilitatem tamen ferè æqualem habent. Poſt hæc, Oleum prolicitur, ceu minus Fugitivum, poſtque ſe Terram & *Alcale* relinquit, quæ, cum æquè ſint Fixa, Ignis, quidquid etiam oggerat Scholarum Deſcriptio, non ſeparat. Atque ſi in candentem Retortam ſiſtlem, ferreamve, Materiam diſtillandam injeceris, obſervare licebit, ut ego quidem ſæpè feci, prædominantem

prædominantem Ignem omnia Elementa Volatilia confusè in unum Fumum subvehere, quæ postmodum sua quæque loca in Recipienti, vel iuxta gradum sue Gravitatis, vel prout respectivè ipsorum Texturæ exigunt, sortiuntur: Sale plerumque adhærente lateribus & summitati, Phlegmate verò ibidem etiam in magnis Stillis impacto, Oleo autem, & Spiritu, vel inferiorem, vel superiorem inter se invicem locum capientibus, prout ponderositas eorum vel natæ ea, vel mergi fecerit. Dignum quippe est observatu, quod, licet Oleum, sive liquidum Sulphur, sit unum ex Elementis, ignea hac *Analysi* separatis, Calor tamen, qui reliquorum Principiorum Volatilium particulas Accidentaliter unit, non semper eandem in hoc Oleum operationem exferat; cum nonnulla dentur Corpora, quæ duplex largiantur Oleum, quorum alterum ad fundum it spiritus illius, cui alterum innatat; uti ostendere tibi in sanguinis eiusdem Cervi Oleis possum, quæ etiamnum apud me asservantur, Quin imò ostendere tibi duo Olea potero, sollicitè ex eadem Humani sanguinis portione elicita; quæ non modo Colore admodum differunt, sed sibi invicem impermixtim innatant; agitationeque sua sponte divortium faciunt.

Atque Ignem sæpè Corpora dividere eo solummodo nomine, quod nonnullæ eorum partes magis sunt Fixæ, aliæ magis Volatiles, quam longè etiam harum alterutra à Natura distent Elementari, satis est obvium, si modo quis illud observet in Ligni combustionem, quod Ignis in Fumum & Cineres dissipat. Equidem non modo horum posterior ex Corporibus adèdè discrepantibus, ut sunt Terra & Sal, liquido constat: sed prior in eam Fuliginem, quæ Caminis adhæret, condensatus, & Sal & Oleum, & Spiritum & Terram (atque aliquam etiam Phlegmatis portionem) continere deprehenditur; quæ cum ferè omnia sint isti Ignis gradui, qui ipsa sursum agit, Volatilia æquè (partibus Volatilibus forsitan, juxta ac Ignis vehementia ad magis fixas subvehendum juvantibus, ut sæpè in edulcato *Colcothare*, vi *Salis Armoniaci*, ipsi mixti sublimato, sum expertus) sursum unà feruntur, post verò aliis Ignis gradibus ad disparem ipsorum Volatilitatem prodendum, ordine adhibitis, possunt separari. Præterea, si discrepantia Corpora, in unam massam unita, utraque satis fixa sint, Ignis, nullis inventis partibus, satis ut expellantur, sursumve ferantur, Volatilibus, nullam separationem instituit; uti ex Argenti & Auri colliquati mixtura patet, cuius componentia metalla *Aqua fortis*, vel *Aqua Regia* (prout vel Argentum vel Aurum prædominatur) facillè possunt separari, at in Igne solo, licet vehementi, Metallalla juncta remanent, Igne nonnisi Corpus in minores particulas dividente (quarum parvitatem ipsarum arguere Fluiditas potest) in quibus vel expeditè exiguæ Ignis Atomæ, vel agiles innumerique in vasa ictus, quietem, & continuitatem impediunt, absque ulla Principiorum Elementorum diremptione. Insuper, Ignis non tam separat, quam unit diversæ Naturæ Corpora, dummodo similiter ferè sint fixa, figuramque partium suarum aptam coalitioni habeant, uti in multorum Emplastorum, Vngaentorum, &c. confusione est videre, inque Metallinis eiusmodi mixturis, qualis est illa, quæ ex duarum partium puti *Æris cum una puri Cupti liquamento* constat: ex qua ingeniosi quidam Artifices modulos

modulos aded egregios (conficiendis opificiis Aureis & Argenteis) fingunt, ut
 iis contemplandis animum interdum valde recreaverim. Aliquando Corpora,
 adminiculo Ignis mixta, satis quoad Fixitatem & Volatilitatem discrepant, aded
 tamen prima Ignis operatione comburantur, ut vix ipse postmodum ea separet,
 sed tantummodo in pulverem redigat. Cuius rei exemplum nobis ministrat
 communis *Mercurii dulcis* præparatio, ubi Salinæ Vitrioli, Salis Marini, & Ni-
 rri interdum, ad Sublimatum conficiendum adhibiti, particulæ aded sese cum
 particulis *Mercuriatis*, primo ad parandum, deinde ad edulcandum Subli-
 matum usurpatis, uniunt, ut Salinæ juxta ac Metallicæ partes in multis subli-
 mationibus successivis, ac si unam duntaxat Corpus constituerent, una ascen-
 dant. Atque interdum etiam Ignis non modo non separat differentia Corporis
 Elementa, sed ea tam firmiter conjungit, ut ipsa Natura raro admodum, si un-
 quam, Uniones minus dissolubiles faciat. Ignis enim, in Corpora quædam valdè
 & ferè æqualiter fixa incidens, tantum abest, ut faciat *Analysin*, ut Unionem tam
 strictam conciliet, quam ipse, solus, nequeat dissolvere: uti videre est, quando
 Sal Alcalizatum, & Reliquiæ Tetræ Cinetum cum Arena pura incorporantur,
 & Vittrificationis ope in unum corpus permanens constanter (rude & subviride
 Vitri genus innuo) quod vim Ignis maximam ludificatur, qui, quamvis Conju-
 gium conciliate inter Ingredientia potuerit, Divortium tamen inter ipsa haud
 valet procurare. Ostendere tibi quædam Vitri frusta possum, quæ defluere vidi
 à fissili Crucibulo, de industria satis diu, una cum Argento, quod continebat,
 vehementi admodum Igui exposito. Et quidam, qui multum versant Fusionem
 Metallorum, me edocent, magnæ Crucibuli partis in Vitrum colliquationem
 non esse rem aded miram in Fornacibus ipsorum. Memini, me etiam observasse
 in magnæ Ferri copię ex eius Minera eliquatione, copiosi Carbonis lignei ad-
 miniculo facta (Carbonem quippe Fossilem satis intentam flammam ministrare
 negant) quod inusitata Ignis vehementia, qui grandibus Folliibus (magnarum
 rotarum, vi aquæ circumactatum, adminiculo motis) sufflatur, pars Materia-
 lium ei expositorum, Analysis subeundæ loco, colliquabatur, inque fuscum, so-
 lidum, & valdè ponderosum Vitrum, idque tanta copia, vertebatur, ut in locis
 nonnullis ipsas Vias publicas, Ferreis ejusmodi officinis propinquas, talium
 massarum vitrearum acervis, lapidum & saburræ loco, videtim repatas. Ob-
 servavi etiam, genus quoddam Lapidis, vim Ignis mediocris eludentis in forna-
 cibus adhibiti, ubi intensis admodum & diuturnis exponebatur Ignibus, talem
 Ignis in omnes suas fixas partes operationem expertum fuisse, ut in perfectum
 Vitrum redigeretur, quod, extorquendo indè satis magna perfecti & transpa-
 rentis Vitri frusta, exploravi. Et ne existimes, *Eleutherie*, in dybium vocatam
 Caloris definitionem demonstrari posse ea definitione, quæ de contraria ejus
 qualitate, Frigore, tradi & recipi solet, cujus esse proptium docetur, *Tam Homo-*
genea, quam Heterogenea congregare, permittas, ut ostendam tibi, nec hanc Defi-
 nitionem dubitatione carere. Etenim, ut Exceptiones illas præteream, quas
Logicum, qua talis, formare contra eam possit, mecum reputo, Corporum Hetero-
 geneorum Unionem, quæ genuinum supponitur Frigoris effectum, non quolibet

Frigoris

Frigoris gradu procurari. Videmus quippe, exempli causa, in Sanorum hominum Urina, ad tempus aliquod Immota relicta, Frigus Separationem partis tenuioris à crassiori instituire, quæ posterior subsidit in fundo, & opaca redditur: cum, si Vas Urinarium caleat, hæ partes promptè remisceantur, omnisque Liquor eandem, quam habebat ante, transparentiam consequatur. Ex quando vi Congelationis, Lignum, Stramen, Pulvis, Aqua, &c. in unam Glaciei massam supponuntur uniri, Gelu nullum reale horum Corporum unionem sive adunationem (ut ita loquar) conciliat; sed, dum aqueas Liquoris partes in glaciem durat, reliqua corpora, ex accidenti in eo Liquore præsentia, in ipso congelantur, non vero realiter uniuntur. Proinde, si aliquem pecuniæ cumulum, ex Aureis, Argenteis, & Cupreis moneris constanter, ulla alia differentium Naturarum Corpora, quæ humiditate Aqueæ, congelari apra, destituantur, vel intensissimo Frigori exposueris, reperies, Corpora hæc discrepantia hoc modo ne quidem ullatenus compingi, multo minus simul uniri. Atque etiam in Liquoribus ipsis: *Phænomena* invenimus, quæ nos inducunt, ut in dubium vocemus Definitionem, quam nunc examinamus. Si tanti haberetur *Paracelsi* Auctoritas, ut sufficientis probationis vicem in hujus notæ argumentis posset præstare, possem hic istum Processum ejus urgere, quo docet, Essentiam Vini, à Phlegmate, & ignobili parte, Congelationis adminiculo posse separari: cumque magni fundamenti habitus fuerit hic Processus, non à *Paracelsi* modò, sed & aliis Scriptoribus, quorum quidam non videntur ipsi eum perlegisse, integrum locum totidem Auctoris verbis producere uti eum nuper inveni in *Archidoxorum* ejus libro sexto, quem excerptum adhuc apud me aservo. Verba autem ita se habent, *De Vino sciendum est, faciem Phlegmaticæ ejus esse Mineram, & Vini substantiam esse corpus, in quo conservatur Essentia, prout Auri in Auro latet Essentia. Iuxta quod Practicum nobis ad memoriam ponimus, ut non obliviscamur, ad hunc modum: Recipe Vinum vetustissimum, & optimum, quod habere poteris, Colore, Saporeque ad placitum; hoc in Vas Vitreum infundas, ut tertiam ejus partem impleat, & sigillo Hermetis occlusum in Equino ventre mensibus quatuor, & in continuato calore teneatur, qui non deficiat. Quo peracto, Hyeme, cum frigus & gelu maxime seviunt, bis per mensem exponatur, ut congeletur. Ad hunc modum frigus Vini Spiritum una cum ejus substantia protrudit in Vini centrum, ac separat à Phlegmate. Congelatum abjice, quod verò Congelatum non est, id Spiritum cum substantia esse judicatio. Hunc, in Pelicanum posuimus, in arena digestionem non adeò calidam per aliquod tempus manere finis; postmodum eximito Vini Magisterium, de quo loquutus sumus.*

Sed ego, *Eleutherie*, magni pendere hunc Processum non ausim, quod deprehenderim, si verus esset, raro duntaxat in praxim in hac Regione deduci super Vino generosiori posse. Quamvis enim hæc Hyems fuerit intensè frigida in valde tamen acuto Gelu, nivibus diutinis stipato, non valui ullatenus tenuem Vini Hispanico impletam Phialam congelari; imo, adhibitis etiam Nive & Sale, paulò plus potui quam superficiem ejus confringere. Atque suppono, *Eleutherie*, non esse quemlibet Frigoris, Liquoribus congelandis apti, gradum, qui valeat ejusmodi eorum *Analysin* (si fas sit ita appellare) Aqueas & Spirituosas partes separando instituire: interdum enim, et si non sæpè, sigillatim congelavi Vinum

rubrum, Vrinam, & Lac nec tamen separationem expectatam potui observare? Ac *Belga*, qui hybernare cogeantur in Glaciali illa prope Circulum Arcticum Regione, quæ *Nova Zembla* vocatur, quamvis narrent, ut infra videbimus, Separationem partium fuisse factam in congelata ipsorum *Cerevisia* circa medium *Novembriis*, attamen de congelato ipsorum *Vino Hispanico Decembri* sequente hoc duntaxat referunt: Imo & *Vinum nostrum Hispanicum*, quod adeo calidum est, vehementer admodum erat congelatum, sic ut suum singuli demersum ad ignem fundere teneremur, quod alternis quibusque diebus ad Pintam circiter singulis cedebat, quo nos refocillare cgebamur. Quibus verbis non innuunt, Vinum ipsorum *Hispanicum* in substantias diversas fuisse Gelu divisum ea ratione, qua *Cerevisia* ipsorum divisa fuerat. Quibus omnibus non obstantibus, *Eleutherie*, arbitror ostendi posse, etiam Frigus interdum posse Congregare *Homogenea*, & *Heterogenea* segregare. Atque, ut hoc palam faciam, dicam tibi, me aliquando de industria Decoctionem in Aqua limpida instituisse Plantæ, Sulphureis & Spirituosis partibus abundantis, expositaque pergelida nocte acuro Aquilioni Decoctione, observabam magis Aqueas ejus partes postridiè manè in Glaciem versas, ad ejus interiora cum Agilioris & Spiritu turgidiores partes, ut tunc conjectura mea erat, se recepissent, ad circumdantem suum hostem, quantum pote, devitandum, ibidem à Gelu se immunes in Liquoris rubentis in forma præservant, cum Aqueæ & Spirituosæ partes tam leviter (mixtæ potiùs quam) unitæ fuerint in Decoctione, ut separari facillè potuerint ejusmodi frigoris gradu, qui non valisset Vrinæ vel Vini partes divellere, quæ Fermentatione Digestioneve solent, ut Experientia didici, intimius secum invicem consociari. Verùm jam ante dixi *Eleutherie*, me nolle urgete hoc Experimentum, non modò quòd; cum novissimè semel id fecerim, fortè potuerim in eo hallucinari, sed etiam (idque præcipuè) propter illud multò pleniùs insignisq; Experimentum Separativæ intensi Eriogoris efficaciz, quod à prædictis *Belgæ* invitis, in *Nova Zembla* Hyemantibus, fuit factum: quorum Navigationis Historia cum Liber sit valde rarus, abs se non erit, partem illam Memorabilem tibi tradere, quæ præsens Argumentum spectat, prout locum ex ipso kinere, in *Anglicum* Sermonem traducto, excerptum curavi.

Gerhardus de Veer, Iohannes Cornelysen, & alii, Amstelodamo amandati Anno Domini 1596. incommoda tempestate ad hybernandum in *Nova Zembla* prope *Glaciale Portum* (ut vocant) adacti; decimo tertio *Octobris*, Tres nostrum (inquit Historia) Nave conscensa, Traham *cerevisia* onerabamus; ea verò onerata, cum animus esset ipsam ad domicilium nostrum avehere, subito tantæ vehementiæ Ventus, Procella, & Gelu exoriebantur, ut, foras figus tolerare non valentes repedare in Navim cogeremur, nec in eam reportare possemus *Cerevisiam*, sed eam extus relinquere super Traha teneremur: decimo quarto die, cum ex Navi egrederemur, Cadum *Cerevisiæ* Trahæ incumbentem invenimus, sed Gelu in extremitatibus firmiter adstrictum; ob intentum tamen frigus, *Cerevisia*, quæ exercebatur, adeò fortiter ad Cadi latus congelabat ac si agglutinarum ipsi fuisset; atque hoc statu eum. domum nostram avertum, ibique erectum exhauriebamus, prius.

prius autem liquefacere Cerevisiam tenebamus, cum vix quidquam non-Glaciatae Cerevisiae in Tina restitaret; cæterum in crassis illis facibus non congelatis lacetti Cerevisiae delitescabant, aded ut ob nimias vires bibi impermixta negaret, id verò, quod rigido stabat Gelu, Sapote Aquam referret: quare, fusione facta, alterum cum altero mixtum hauriebamus, sed pauper & insipidum experiebamur.

Atque hac occasione recordor, cum superiori Hyeme admodum acuta tentarem de industria congelare, inter alios Liquores, Cerevisiam mediocriter fortem, in Vasis Vitreis, Nive & Sale circumpositis, me observasse, ex collo spissam quandam substantiam excerni, quæ, ut videtur, multo magis par erat quam reliquum Liquoris, (quod in Glaciem versum reperi) Frigori resistendo, quæque ex Colore & Consistentia manifestè satis Fermentum se prodebat: quod, fateor, non-nihil mirabar, cum nec dignoscerem gustu, nec deprehenderem percunctando, Cerevisiam ullatenus nimis fuisse recentem, quam ut commodè admodum biberetur.

Possẽm *Belgarum* narrationem ex eo confirmare, quod aliquo ab hinc tempore contigit Amico cuidam meo ex intimioribus, qui questus apud me fuit, quod, cum Cerevisiam in usum Domesticum in *Hollandia* (ubi tum commorabatur) coxisset, nuperæ Hyemis rigor potum ita congelaverit, ut eum in glaciem, ac in exiguum fortis & spirituosum admodum Liquoris quantitatem redigeret.

At fas non est diutius te in Frigore detinere, non tantum quod putare possis, me nil nisi à via aberrasse ad Thema, quod directè ad præsens meum institutum non faciat; sed etiam quia satis prolixus jam fui circa primam à me propositam Considerationem; etsi ea tam Paradoxa appareat, ut me esse verbosorem videretur postulare, ne quis commento similem existimaret: attamen cum duntaxat suscepim commune Chymicorum & *Aristotelicorum* nostrorum Assumptum dubium reddere, spero me ita munere meo esse defunctum, ut mihi ad sequentes meas Considerationes pergere nunc liceat, quibus, quam priori, minùs immorabor.

CHYMISTÆ SCEPTICI

P A R S S E C V N D A.



E C V N D A, quam velim animadverti, Consideratio hæc est, non aded indubium esse, ac tum Spagyrici, tum *Aristotelici* censere solent, quamlibet apparenter Similarem Distinctamve Substantiam, à Corpore aliquo, Ignis ope, separatam, in ipso, ceu Principium, Elementumve ejus, Præstitisse.

Ne hoc Paradoxum, supra quam est omnino opus, augeam, primum paucis explicabo, quid sibi velit Propositio, prius quam argumentis eam munire pergam.

Suppono itaque, Te facile crediturum, me non id velle, ullam scilicet rem, ab aliquo Corpore, adminiculo Ignis esse separabilem, quæ Materialiter in ipso non præexistebat: cum Agentium merè Naturalium, proindeque & Ignis, potentiam longè excedat, de novo vel unicam Materiæ Atomum producere; quam materiam ipsa duntaxat Modificare possunt & Alterare, Create non possunt: quæ Veritas tam est obvia, ut omnes ferè Philosophorum Sectæ Materiæ producendæ potentiam Secundis Causis negaverint, *Epicureique*, & nonnulli alii eam etiam suis Diis abrogaverint.

Nec planè negat Propositio, Res quasdam, mediante Igne ab aliquo Mixto Corpore elicitas, plus quam merè Materialiter potuisse in ipso præ-existere, cum Concreta dentur, quæ, prius quàm Igni exponantur, plura nobis Documenta suggerant, eorum alia Sale, alia Sulphure abundare. Satis quippe erit instituto præsentì, si appareat, diversas res, à Mixto Corpore, Igni exposito, impetratas, ipsius Ingredientia Priùs non fuisse: hoc enim si ostendatur, satis erit consentaneum rationi, suspicari, Chymicos fallere seipsos & alios posse, dum audacter & universaliter concludunt, illas Substantias esse Corporum Ingredientia Elementaria, merè separata Ignis adminiculo, de quibus tamen, Dentur talia, an minùs possit dubitari; donec saltem alia quædam Argumenta, quam quæ petuntur ab *Analysi*, ad solvendum dubium afferantur.

Igitur sensus Propositionis, quam explico, hic est. Non absurdè scilicet posse dubitari, Num differentes illæ Substantiæ, quæ à Concreto, per Ignem dissipato, possunt elici, in ipso ea Forma (saltem quoad minutas earum Partes) in qua, *Analysi* facta, eas reperimus, ita existerint, ut Ignis duntaxat disjunxerit, & extricaverit unius Principii corpuscula à Principiis alterius, quocum prius commiscebantur.

Propositione sic explanata, duo, ut eam probem, conabor præstare. Alterum ostender,

ostendet, ejusmodi Substantias, quas Chymici Principia vocant, posse *De novo* (ut loquuntur) produci. Alterum probabile reddet, posse nos actu, Mediante Igne, à nonnullis Corporibus Mixtis tales elicere Substantias, quæ modò dicto sensu in ipsis non præ-existebant.

A priori ut ordiat, animadverto, si pati passu hic ambulent Vetum & Probabile, Composita scilicet Corpora à se invicem nonnisi variis discrepare Texturis, à Magnitudine, Figura, Motu; & artificiosa Compagè minorum partium ipsorum emergentibus, rationi non erit absolum concipere, unam eandemque Vniversæ Materiæ porcionem variis Alterationibus & Texturis eo posse redigi, ut nomen interdum Sulphurei, interdum Tetrei Aqueive Corporis mereatur. Possemque hoc ipsum explicare fustus, ni Amicus noster, Dominus Boyle, nobis aliquid circa Qualitates promississet, in quo Thema illud, quod nunc lubens ipsi permitto, absque dubio studiosè excutietur. Quare id, quod nunc afferam in eius rei, quam modò tradidi, patrocinium, ab Experimentis ante aliquot annos factis, deducam. Quorum primum multò fuisse notabilius, nisi casu quodam interveniente fuisset adactus illam anni rempescatem perdere, quæ istiusmodi Experimento, quale ego instituebam, erat commodissima: medio circiter *Majo* jam labente, priusquam Experimentum, quod ævi bimestris esse jam debebat, aggredi potuissem. Cæterum, quaecunque esset præter rem forè non fuerit historiam eius tibi enarrare. Tempore modò memorato, jubebam Hortulanum meum (negotiiis urgentibus impeditus, quo minùs ipse possem adesse) conveyentem bonæ Terræ quantitatem effodere, & in Fornace exsiccare, ponderate, immittere Ollæ fictili, quæ ferè æquam cum fundo haberet superficiem, eique selectum semen inferere, quod à me prius in eum finem receperat, *Indicum* scilicet quoddam genus Peponis, quod festinanter crescit. Hoc semen, in mandatis dabam, ut nonnisi Aqua Pluvia, vel Fontana irrigaret. Neque (quando vocabat illud invisere) sine delectatione spectabam, quantoperè incrementum, licet intempestivè constitum, maturater: verùm præpropterea hyems obibat, quo minùs debitam suam solitamque attingeret magnitudinem (eodem quippe Autumno, in horro meo, plantarum illarum nonnullas reperi, quæ corporis mei crassitiem æquabant) eratque in causa cum jubendi, ut id effoderet; quod & circa *Octobris* medium sollicitè ab eodem Hortulano fuit factum, qui aliquantò post hanc mihi ea de re narrationem misit: *Ponderavi Peponem una cum pediculo, & foliis; quod omne tres libras, una triente minùs, ponderabat. Tum Terram excovi, ut ante, & æquam planè priori quantitatem deprehendi, quod opinionem mihi pariebat, me non satis eam siccatse: quare ipsam, bis adhuc fornaci immisissam (postquam fuerat extractus panis) secunda vice ponderatam, parum, aut nihil imminutam, inveni.*

Verùm, ut candidè tecum agam, *Eleutherie*, non oportet te celare alterius hujus notæ Experimenti, hac ipsa æstate facti, eventum, in quo Terra multò magis videtur absumpta, mihi parebit ex sequenti narratione, nuper ab eodem Hortulano, his verbis, mihi missa. *Ut rationem tibi reddam, Domine, de tuis Cucumeribus, duos satis elegantes obtinui: eorum pondus est decem librarum cum semisse,*

ramusculi cum radicibus ponderabant quatuor libras, duobus uncis minus; cumque eos ponderassem, Terram, in aliquos parvos catinos sicciles digestam, fornaci excoquendam commisi: quo facto, ipsam sesquialbrati pondere imminutam reperi. Hoc tamen non contentus, de Terra siccitate adhuc dubitans, iterum elibano eam immisi (pane jam extracto) de promptamque rursus, ac ponderatam, idem, quod ante, pondus habere deprehendi; proindeque nullam in ea restare humiditatem judicavi. Neque existimo, sesquialbram desideratam à Cucumere fuisse prolaticam, sed magnam ejus partem, dum prepararetur, in pulverem & similia abiisse: (seorsim asseruantur Cucumeres: si forte eos ad te jubeas transportari.) Verùm enimvero, Eleutheris, in hoc Experimento patet, quamvis quædam pars Terræ, vel potius dissolubile Sal in ea delirescens, fuerit absumptum, præcipuum tamen Plantæ Corpus ex Aqua transmutata contituisse. Possem subjungere, quod anno sequenti prius memoratum de magnis Peponibus Experimentum iterari curabam, successu tam felici, ut, ni me admodum fallat memoria, non modò quodcunque, quod prius feceram, excederet, sed mirum in modum quam ago causam videretur asserere; quamvis (ob infelicitate amissam historiam ejus specialem, quam Hortulanus meus de circumstantiis mihi transmitterebat) ei immorari non aulam. Simile Experimentum æquè commodè fieri potest de cujuscvis Plantæ seminibus, cujus festinum est incrementum; & quantitas molem aliquam habet. Si *Nicotiana* in Plagis hisce gelidioribus feliciter proveniret in solo non stercolato, præter rem non foret, idem in ipsa experiri; est quippe planta annua, interdum in locis, ubi lætè provenit, ad proceri hominis altitudinem excrecens; habuique in horto meo folia ejus, quæ sesquipedalem latitudinem æquarent. Verùm proximum, quod hac de re Experimentum fecero, de aliquot erit seminibus ejusdem speciei, in eadem Olla siccili, ut eventus magis conspicuum se præstet. At, cum non omnes ea fruantur temporis, & loci, vel hoc etiam Experimentum faciendi commoditate, in cubiculo meo hæc Tentamina compendiosiora & expeditiora faciebam. Accepi Menthæ crispæ summitatem, pollicatis longitudinis, probæque Phialæ, Aqua fontana repletæ, immisi, sic ut superior Menthæ pars suprâ Vitri collum eminere, partisque inferior Aquæ esset immersa: paucos intra dies hæc Mentha projicere radices in Aqua incipiebat, suæque folia explicare, & in altum erigi, brevique temporis spatio numerosis radicibus, ac foliis, iisque Mentham insigniter redolentibus, progerminabat; verùm Cubiculi mei, ut puto, Calor Planam necabat, quando in satis crassum excreverat pediculum, qui, unâ cum variis & ramificatis radicibus, quas in Aquam, perinde ac si Terra fuisset, egerat, Spectaculum, in pellucido suo Vase Florali, haud injucundum visu exhibebat. Idem tentabam super Majorano dulci: reperiebam quoque hoc ipsum Experimentum succedere, licet nonnihil segnius, in Melissa, & Pulegio; ne plantas alias nunc commemorem. Atque horum Vegetabilium, sola Aqua nutritorum, Vnum, cum in justam quantitatem excreverat, distillari in parva Retorta, experiundi ergo, curabam, inde aliquid Phlegmatis, parùm Emphytematici Spiritus, tantillum adusti Olei, Caputque Morinum; obtrinebam;

obrinebam; quod postremum cum videretur Carbo, ex Sale & Terra constare illud judicabam: quantitate intetum ejus tam exigua suppetente, ut ab ea Calcinandam abstineterem. Aqua, alendæ huic plantæ adhibita, nec mutata fuerat, nec renovata: eligebamque aquam fontanam potius, quam pluvialem, quod posterior magis notoriè quædam sit *paranipula*, quæ, licet à mixturis crassioribus defæcata concedatur, videtur tamen in se continere (præter aliquot Corporum in Aëre vagantium Vapores, qui eam imprægnare supponi possint) Spirituosam quandam substantiam, quæ ab ea elici potest, Spiritusque mundi Corporificatus per etrorem à nonnullis habetur; quod quibus nixi fundamentis, quaque probabilitate, statuant, de eo alibi fortè, non hic, locus erit differendi.

Sed potuissim fortassis magnæ laboris mei parti supersedisse. Reperio quippe, *Helmontium* (Auctorem magis æstimandum ob Experimenta, quam pluribus Viris eruditis visum est, ut fiat) opportunitatem nactum, Experimentum aliquod, modò à me memoratis valdè cognatum, per quinque annos continuos prosequendi, iis elapsis, insignem adde Transmutatæ Aquæ copiam obtinuisse, ut congruum vix arbitraret, ipsius Experimentum & Meum simul commemorare, nisi Temporis diuturnitas, huic opeti *Helmontiano* necessaria, Curiositate quorundam esset cohibitura, & Orium aliorum superatura: & partim, quod tam Paradoxa Veritas, qualis ea est, quam hæc Experimenta videntur adstruere, opus habeat à pluribus uno Testibus confirmari: maximè cum Commenta, & Falsitates, in *Helmontii* Tractatu *De magnetica Vulnerum sanatione* occurrentes, Testimonia ejus in aliis ipsius scriptis suspecta reddiderint; quamvis, quoad aliqua ex Improbabilibus rebus facti ibidem traditis, præstare me Compurgatorem ipsius sine periculo possem. Cæterum Experimentum illud, de quo loquebar, sic se habet: Accipiebat ducentas Terræ libras, in fornace exsiccatas, iisque silioli vasi immixtis, & Aqua pluvia humectatis, Truncum Salicis, quinque libras ponderantem, implanabat: hanc Terram, prout opus erat, Aqua pluvia vel stillantia irrigabat; ac, ne Terra vicina in Vas illaberetur, laminam ferream, stanno superinductam, atque foraminibus pertusam adhibebat, Elapsis quinque annis, Arborem erutam ponderabat, ac (non computatis foliis, quatuor Autumnorum spatio delapsis) ponderare eam centum sexaginta novem libras, tresque circiter Vncias, deprehendit. Iterumque exsiccata Terta, hujus arboris Natali, prius ducentarum librarum pondus duabus circiter duntaxat Vnciis imminutum reperit; adde ut centum sexaginta quatuor libræ Radicum, Ligni, & Corticum, quæ Arborem constituiebant, Aquæ originem suam debere videantur. Et licet non constet, *Helmontium* curiositate ductum fuisse ullam hujus Plantæ *Analysin* instituendi, attamen quod nuper Tibi narrabam, me in uno fuisse Vegetabilium, quæ sola Aqua nutriebam, non dubitare te sinet, opinor, hanc Arborem, si eam distillari curasset, distinctas similes Substantias, ut aliud ejusdem speciei Vegetabile, suppeditarum fuisse. Non opus est adjicere, animum mihi fuisse tentandi, quomodo Experimenta, ad eundem cum illis, quæ tibi narravi, finem facientia, in aliis præter Vegetabilia Corporibus essent successfulura; cum, urgentibus avocamentis ab instituto meo exsequendo hæcenus impletus, de successu non nisi.

nonnisi per conjecturam loqui possim. Sed optimè nobis consultum, Experimenta jam facta, tibi que recitata, ope novorum haud egere, ad tantum Veritatis adstruendum, quantum, vi peni mei præsentis, mea refert per hujus generis Experimenta probare.

Suspicaretur quis (ait *Eleutherius*, rupto diuturno silentio) ex iis, quæ disseruisti, Te non longè ab *Helmontii* sententia de Compositorum Corporum Origine distare, nec fortassis etiam Argumenta, quæ ei probandæ adhibet, improbare.

Quam *Helmontii* Opinionem, quæque Argumenta dicis? (rogat *Carneades*.) Quæ nuper disseruisti, (regerebat *Eleutherius*) nobis indicant, te non posse nescire, Audacem hunc & Acutum Spagyricum asserere non vereri, Omnia Corpora mixta ab uno Elemento ortiri; atque Vegetabilia, Animalia, Marchasitas, Lapides, Metalla, &c. materialiter nonnisi simplicem Aquam esse, plasticam seu formæ seminum ipsorum Virtute in varias his Formas traductam. Et quod rationes ejus attinet, plures eorum hac illac in scriptis ipsius dispersas reperies: quarum hæ tres maxime notabiles videntur; Ultima scilicet Mixtorum Corporum in Aquam inspidam Reductio, Elementorum suppositorum Vicissitudo, Corporumque perfectè mixtorum ex simplici Aqua Productio.

Ac primò quidem affirmat, *Sal Circulatum Paracelsi*, vel ipsius Liqueorem *A'cabesi*, Plantas, Animalia, & Mineralia in unum Liqueorem, vel plures resolvere, juxta varias eorum internas disparitates Partium (absque *Capite Mortuo*, Seminaliumve virtutum eorum internectione) atque *Alkabeſto* ab his Liqueoribus abstracto, pondere eodem, eademque virtute, qua eos dissolverat, Liqueores, frequentibus à calce aliave quadam idonea materia Cohobationibus, penitus posse à dotibus suis Seminalibus spoliari, tandemque ad primævam suam materiam, inspidam scilicet Aquam reverti. Alios hic illic modos proponit, particularia quædam Corpora mutatis ipsorum figuris exuendi, & ad primogeniam eorum simplicitatem reducendi.

Secundus Locus, unde Argumenta sua depromit *Helmontius*, ut probet, Aquam esse Mixtorum Corporum Causam Materialem, hic erat, ut dixi, Reliqua scilicet supposita Elementa posse in se invicem transmutari. Sed Experimenta, ab eo hic illic in hanc rem producta, factu judicatuque adeò sunt difficilia, ut iis nolim immorari; ne memorem, etiamsi vera esse concedantur, ipsius Illationem inde deductam nonnihil posse in dubium vocari: quare tibi referre pergam, quod, uti in Primo suo Argumento Paradoxus noster Auctor probare conatur. Aquam esse Solum Mixtorum Corporum Elementum, ex ultima ipsorum Resolutione, quando *A'kabesi* ipsius, vel alterius cujusdam potentissimi Agentis beneficio Semina fuere destructa, quæ ipsa larvabant, vel quando progressu temporis Semina illa lassata sunt, & exhausta, adque parres suas in Univerſi Theatro diutius sustinendum inepta, ita in Terrio suo Argumento eandem Conclusionem evincere conatur ex Corporum constitutione, quæ nil esse aliud asserit, quam Aquam vi Seminum subactam. Hujus rei hic illic in Scriptis suis aliquot Exemplâ adducit, quoad Plantas, & Animalia: verum, cum quædam eorum sint

expertus

expertu vel intellectu difficilia, aliaque Exceptionibus non sint planè immunià, putem te præcipuum minusque dubium Experimentum segregasse, quando illud de Salice nuper commemorabas. Cumque, pergebat *Eleutherius*, ad quæstioni tuæ respondendum, summam tibi exposuerim, quæ te meliùs noſſe, quam me, confido, valdè gratum mihi erit, tuam de iis ſententiam accipere, dummodò id agendo à Sermonis tui proſequentione non nimium divertatis.

Illud dummodò (regebat *Carneades*) non erat ſuperfluum, ut adjiceretur: talem quippe Hypotheſin, taliaque Argumenta penitùs examinare, tot Animadverſiones, proindeque tantum temporis depoſceret, ut mihi nunc Otium non ſuppleret ejuſmodi Digreſſionem perficiendi, multò minùs primarium meum Sermonem finiendi. Hoc tamen in præſentiarum tibi dicam, non eſſe, quod verearis, me hanc Opinioneſ ob ejus Novitatem reſecturum, cum, utur *Helmontiani*, in Magiſtri ſui gratiam, eam novæ originis eſſe obtendant, attamen, licet Argumenta magna ex parte ipſum habeant Auctorem, ipſa opinio per vetuſta ſit. Etenim *Diogenes Laërtius*, plureſque Auctores alii de *Thalete* loquuntur, ceu primo inter *Græcos*, qui Naturam veſtigaverit. Et de hoc *Thalete*, ut memini, * *Tullius* tradit, eum docuiſſe, omnia primitus ex Aqua producta fuiſſe. Et ex *Plutarcho*, ac *Iuſtino Martyre* videtur, hanc Opinioneſ ipſo fuiſſe vetuſtiorē, cum illi referant, ipſum ſuam ſententiam conſuſſe *Homeri* teſtimonio propugnare. Atque *Græcus* quidam Auctor (*Scholiaſtes Apollonii*) in hæc verba,

† Εἴ τι ἐκ τῆς ἰσχυρίας τοῦ αὐτοῦ,
Et limo Terra producta eſt,

aſſumat (ex *Zenone*) *Chaos*, unde omnia facta, Aquam, juxta *Hefiodum*, fuiſſe, quæ, conſiſtens primum, Limus fiebat, & dein in ſolidam Terram denſabatur. Atque eandem de Limi generatione Opinioneſ foviiſſe videtur *Orpheus*, ex quo unus priſcorum hoc citat Teſtimonium,

§ Εἴ τι τῷ ὕδατι ἰλλοὺς κατέσθην
Ex Aqua Limus factum eſt.

Videtur quoque ex eo, quod in * *Strabone* ex alio Auctore traditur de *India*, eos iidem ſenſiſſe. *Univerſarum rerum primordia diverſa eſſe, faciendi autem Mundi initium Aquam*. Atque ſimilis Opinio à Veterum nonnullis tributa fuit *Phœnicibus*, à quibus ipſe *Thales* eam mutuaviſſe creditur; uti probabiliter *Græci* multa ex eorundem Theologia, atque eſtiam, uti facilè conjeſtarem, Philoſophia, adſciſcebant: cum Atomica Hypotheſis conceptus, *Leucippo*, ejuſque diſcipulo *Democrito* vulgò adſcriptus, à Doctis *Moſcho* cuidam *Phœnici* tribuatur. Et forſan etiam iſtam ætatem ſupergeſedit hæc Opinio, cum conſtet, *Phœnices* maximam Eru- ditionis ſuæ partem ab *Hebræis* accepiſſe. Ac inter eos, qui libros *Moſis* pro divinis habent, multis proclive fuit credere, Aquam fuiſſe Primævam & Univer-

* De Natura Deorum. † *Argonautid.* 4. § *Athenagoræ*. * *Strabo* L. 15. *Geograph.* circa medium. f. ſalem

falem Materiam, dum principium *Genesis* legerent, ubi Aquæ memoratæ videntur ut Causa Materialis, non modò Corporum Compositorum Sublunarium, sed eorum omnium, quæ Vniuersum constituunt, cuius componentes Partes ordinatim, ex vasta illa Abyssò quasi emergebant Divini Spiritus operatione, qui se *movisse* dicitur, incubantium semellatum ad instar, (quæ vis esse dicitur *Hebraice* vocis מרחפת *meracephet*, quamque significationem ipsa habere videtur in * duorum istorum locorum uno, in quibus solis ea mihi in *Biblia Hebraica* occurrit) in superficie *Aquarum*, quæ, ut supponere licet, divinitus rerum omnium Seminibus imprægnatæ, productiva ista incubatione ad eas producendum instruebantur. Sed expectare te aibitor, ut de hoc Argumento tanquam Physicus, non Philologus disseram. Quare, in *Helmontii* Opinionis patrocinium adjiciam, quod, cum ipse nullum, quod ego memini, afferat ullius Corporis Fossilis, & vix ullius Animalis, ex Aqua generati, exemplum afferat, quidam Chymista *Gallicus*, Dominus de *Roche*, Lectoribus suis Experimentum tradidit, quod, si ad amissum ita se haberet, ut ille id consignavit, valdè dignum notatu foret. Is igitur, de rerum Generatione juxta Chymicas quasdam & Metaphoricas Notiones (quas, fateor, ego non capio) disserens, inter varias Speculationes, ad rem nostram non pertinentes, sequentem Narrationem tradit, cuius hic sensum sermone *Latino* exponam, tam parùm à literati textus *Gallici* sensu recessurus, quam per memoriam meam licebit.

Vifis (inquit) tot mirabilibus Naturalis operationis Aqua beneficio, scire avebam, quid eadem possu efficere Artis, Naturam imitanti, adjumento. Quare accepta Aqua, quam non esse compositam probe noveram, nec ulla re alia, quàm Spiritu *Vita*, (de quo ante sermonem habuerat) mixtam; adhibito Artificiali, Continuo, & Proportionato Calore, mediante supradicta Coagulationis, Congelationis, & Fixationis Climate, eam paravam, & disponebam, donec in Terram vertiretur, quæ Terra Animalia, Vegetabilia, & Mineralia producebat. Non refero, quam Animalium, Vegetabilium, & Mineralium species illa fuerint; hoc enim alii loco reservatum: sed Animalia se movebant, edebant, &c. & proba Anatomia, de iis à me facta, adminiculo, ea ex multo Sulphure, paucò Mercurio, & pauciori Sale composita deprehendebam. Mineralia crescere incipiebant, atque (in naturam suam unam pariem Terræ, ad id disposita, vertendo) augeri; erantque solida, & ponderosa. Atque Scientia hac verè demonstrativa, scilicet Chymia, ipsa ex multo Sale, paucò Sulphure, & pauciori Mercurio esse composita reperiebam.

Verum (ait *Carneades*) suspecta mihi nonnihil est mira hæc història, quod subdicere me facit quandam de ea Opinionem, donec mihi fiat satis de aliquot non parvi momenti Circumstantiis, ab Auctore nostro non memoratis: quamvis quoad Viventium Creaturarum, tam Vegetabilium, quam Sensitivarum, generationem, non est, quod incredibilis videatur, cum reperiamus, Aquam nostram communem (quæ certè animalium Principiorum & Rudimentorum Varietate sæpè est imprægnata) in loco immoto diu assertatam putrescere, & ferere, ac tum fortè etiam Muscum, & Vermiculos, aliave Insecta, juxta Seminum in ea

* *Dens. 32. 11. Jer. 23. 9.*

delitescerent naturam, producere. Hoc similiter ut observes, mihi rogandus es, quod, uti *Helmontius* exempla non adfert Productionis *Mineralium* ex Aqua, ita præcipuum, quo resolvi ea aliaque Corpora in Aquam posse probat, Argumentum ab *Alkabeſſi* ejus Operationibus est desumptum, proindeque à te, & me, prout par est, examinari nequit.

At sanè (inquit *Eleutherius*) tu perinde ac ego non potuimus non aliquantum mirari, observantes, quanta Aquæ portio ad plura Corpora, quorum Larvæ tantum præ se neutiquam ferunt, componenda cedat. Anguillatum distillatio, etsi mihi aliquid Olei, & Spiritus, & Salis Volatilis, præter *Caput mortuum*, concesserit, hæc tamen omnia inæqualis aded quantitatis erant respectu Phlegmatis à piscibus illis eliciti (inque quo, ceu in Vase Aqua repleto, primo bulliebant) ut nil nisi Coagulatum Phlegma videretur, quod ipsum etiam mirum in modum abundat in Vipetis, quamvis illæ in effectis suis valdè calidæ habentur, inque Aëte convenienti per aliquot dierum spatium (tam vegeta est ipsarum Vivacitas) caput & cordium suorum jacturam interdum supervivant. Sanguis humanus ipse, utur Spiritibus turgens, & valdè elaboratus Liquor existimetur, aded Phlegmate abundat, ut nuper aliquam ejus portionem de industria ad faciendum Experimentum distillantes (uti prius in Sanguine Cervino exploraveram) ex septem circiter Vnciis ac dimidia puri Sanguinis sex ferè Phlegmatis Vncias proliceremus, prius quam ullum ex Principiis magis Activis ascendere inciperet, nosque ad mutandum Excipulum invitaret. Atque, ut mihi ipsi facerem satis, quædam horum Phlegmatum Animalium satis à Spiritu fuisse liberata, ut nomen illud meterentur, non erat mihi satis ea solum gustasse, sed frustra Liquores acidos iis superfundebam, ut explorarem, ullumne, qui quidem alicujus sit momenti, Volatilem Sale, Spiritumve continerent, qui (si ullus ibi hospitatus fuisset) probabiliter sese concitata cum affuso liquore Ebullitione prodidisset.

Et quandoquidem in mentionem incidi Spirituum Corrosivorum, in mentem venit, tibi indicare, quod, licet illa nil aliud quam Fluida Salia videantur, Aqua tamen abundant; ut observabis, si vel implices, & ita figas Salinam eorum partem, efficiendo, ut Corpus aliquod idoneum corrodant, vel etiam, si contrario Sale illam retundas: uti planè observavi in Medicamine *Helmontii*, *Balsamum Samech* nonnihil refertentè, ope Distillati Aceti Vinosi, loco Spiritus Vini, quo mediante eam præparat, conficiendo. Equidem vix credideris (quod nuper observavi) ex acido illo Spiritu *Salem Tartari*, unde ille fuit abstractus, mortificando (ut ipsi loqui amant) & retinendo Salem acidum, verti in Phlegma, vigecuplum ejus pondus habens, priusquam aded saturetur, ut non amplius Distillatum Acetum Vinarium Sale suo depeculetur. Et quævis Spiritus Vini, exquisitè rectificatus, inter omnes Liquores maximè immunis ab Aqua videatur, siquidem aded est Igneus, ut penitus Flamma conflagret, nulla vel minima post se gutta relicta, hic tamen Igneus Liquor non improbabiler ab *Helmontio*, dummodò vera narret, Aqua materialiter, sub larva Sulphurea, affirmatur. Etenim juxta eum, in parando illo præcellenti Medicamento *Paracelsi*, scilicet *Balsamo Samech* (qui nil

est aliud, quam *Sal Tartari*, facta Spiritus Vini ab eo Distillatione edulcatus, donec Sal sit sufficienter ipsius Sulphure saturatus, ac Liquorem distillari adeò efficacem sinat, ac erat affusus) quando *Sal Tartari*, unde is distillatur, retinet Sulphureas Spiritus Vini partes, vel iis ipsum spoliavit; residuum, quod multò maximam Liquoris partem constituit, in Phlegma remigrabit. Cautionem istam [dummodo vera narret] adieci, quod ipse nondum sufficienter hoc exploraverim. Verum non modo aliquid Experimenti me prohibet, ne illud, ut multi Chymici faciant, absurdum existimem [licet ego, æquè ac illi, frustra id cum communi *Sale Tartari* tentaverim] sed præterquam quod *Helmontius* sæpè id tradit, nequitque inde Consequentias, Vir quidam, modestia & Spagyricatum Præparationum pericula insignis, rogatus à me, si rine Experimentum cum successu posset, si Sal & Spiritus juxta modum Principiis meis consentaneum præpararentur, mihi affirmabat, se modo à me proposito felicem admodum successum Experimento *Helmontii* conciliasse, nec quidquam Sali & Spiritui addidisse. Sed modus noster nec brevis est, nec facilis.

Interdum equidem [inquit *Carneades*] miratus sum Phlegmatis copiam, quam vidi à Corporibus adjumento Ignis posse impetrari. Sed de Phlegmate isto, putem, occasio dabitur aliquid annotandi, quod idcirco nunc non anticipabo. Sed ut ad *Thalesis* & *Helmontii* Opinionem revertar, animadverto, quod, dato, *Alkabeft* posse omnia Corpora in Aquam reducere, num ramen Aqua ista, eo quod insipida, necessario sit Elementaris, non sine causa poterit dubitari. Memini quippe, *Candidum* Disertumque *Petrum Laurentbergium* in suis ad *Salutis Aphorismos* Notis affirmare, vidisse se Menstruum aliquod insipidum efficaciter admodum Corpora, & [ni memoria mea admodum hallucinetur] ipsum Aurum dissolvens. Atque Aqua, quæ ex Argento vivo sine additione elici potest, etsi ferè sit insipida, Naturæ, credo, erit à simplici Aqua admodum discrepantis, maximè si Mineralia Appropriata in eo dissolveris. Cui hoc duntaxat adjiciam, hanc Cogitationem ulterius posse proferri. Nullam quippe video necessitatem, ut concipiam Aquam, in principio *Genesis* seu Materiam Universalem memoratam, fuisse simplicem, & Elementarem; quandoquidem, licet eam supponeremus fuisse agitatam Congeriem, seu Cumulum, ex magna Seminalium Principiorum, & Rudimentorum, aliorumve Corpusculorum, per ipsa subigi & configurari aptorum, varietate constantem, Fluidum tamen Corpus esse potuerit, dummodo Corpuscula, ipsam constituentia, à Creatore in tantam parvitatem redacta, inque Motum ejusmodi ætalem concitata fuissent, ut exinde repertum juxta se invicem puerint. Atque, uti nunc dicimus Mars constare ex Aqua, non obstantibus Salinis, Terrestribus, aliisque Corporibus cum eo commixtis, istiusmodi Liquor satis congruè appellari Aqua potuit, cum ipse Corporum cognitorum, quibus erat similis, esset maximus, quamvis, esse posse Corpus satis Fluidum ad Liquoris speciem inducendam, & continere nihilominus discrepantis Naturæ Corpuscula, faciliè credes, modo commodam *Vitrioli* Copiam in forti Vase Igri satis intento commiseris. Etsi enim tum Aqua, tum Terra, Salina, Sulphurea, & Metallina Corpuscula contineat, tota tamen Massa initio

ad

ad instar Aquæ Fluida erit, & Aquæ bullientis more commovebitur.

Facile (pergit *Carneades*) Considerationes hæc possem amplificare, si meam tibi sententiam de *Thalesiana*, vel *Helmontiana*, Hypothesi nunc tenerer exponere. Verum, siue statuamus, Omnia ab initio generata fuisse ex Aqua, siue non; ex iis, quæ circa incrementum vegetabilium, Aqua nutritorum, sum expertus, omnia inferre possum, quæ nunc instituebam, aut in præsentiarum opus est probare; Sal videlicet, Spiritum, atque ipsum etiam Oleum (licet id habeatur omnium Corporum maxime contrarium Aquæ) ex Aqua produci posse; proindeque, Chymicum Principium, æquè ac Elementum *Peripateticum* (in quibusdam casibus) de novo posse generari, vel obtineri ab ejusmodi portione Materiæ, quæ talis Principii Elementive forma antè non erat instructa.

Atque, te sic evicta, *Eleutherie*, possibile scilicet esse, istiusmodi Substantias, quales illæ sunt, quas Chymici *Tria Prima* nuncupare solent, de novo generari posse; proxime mihi incumbit, ut probabile reddere annitar, Ignis operationem Actû [interdum] non tantum Composita Corpora in pusillas Partes dividere, sed istas Partes novum in modum componere: unde proinde, cum nihil nobis contrarium suadeat, Salinæ, ac Sulphureæ Substantiæ æquè ac aliarum Texturarum Corpora possint emergere. Et fortasse nos juvabit in nostra circa Effectus operationis Ignis in alia Corpora inquisitione, si aliquanrulum animum advertamus, quid in iis Mixturis efficiat, quorum, cum sint Artis humanæ Productiones, optime omnium novimus Compositionem. Non itaque gravaberis notare, quod, licet Sapo à Saponariis ex Oleo, vel Pinguedine, & Sale, & Aqua, diligenter simul incorporatis componatur, si tamen Massam, quam constituunt, Igni gradatim intenso in Retorta exposueris, facies equidem separationem, at non earundem Substantiarum, quæ in Smeagma erant adunatæ, sed aliarum discreparis, nec tamen Elementaris, Naturæ, imprimis verò Olei admodum acris, & færidi, qualitatique valde ab eo diversæ, quod ad conficiendum Saponem adhibebatur. Similiter, si, debita proportionem, *Salem Armoniacum* cum Calce viva commisceas, eaque per gradus ignis distilles, *Salem Armoniacum* à Calce viva non displices, sit licet altera Volatilis, altera Fixa Substantia: sed quod sursum feretur Spiritus erit *Sale Armoniaco* multò fugacior, penetrantior, & putidior; restabitque cum Calce viva omne, vel prope omne, Sal Marinum, quod ad *Salem Armoniacum* constituendum concurrerat: de quo Sale Martino, ut exploratum tibi sit, quam bene Calci fuerit unitus, tibi referam, me Ignem tandem vehementer intendendo effecisse, ut ambo Ingredientia in ipsa Retorta in unam Massam funderentur; atque hujusmodi Massæ aptæ sunt, quæ in vapido Aëre telenescant. Si quis hic obiciat desumpta esse hæc Exempla à Concretis Factitiis, quæ magis sunt Composita iis, quæ producit Natura; respondebo, præterquam quod ea attulerim ad illustrandum æquè, quod proponebam, quam ad id probandum, difficiliter evinci, Naturam ipsam Corpora Decomposita non facere, siue, quod idem, non commiscere ejusmodi Corpora Mixta, quæ ex Elementariis, vel potius ex Simplicioribus, sunt Composita. Etenim Vitriolum [exempli causa] quamvis id interdum ex Glebis Mineralibus eruerim, ubi

Natura, absque ulla Artis ope, idritè ad usum meum paraverat, reapse, licet Chymicis vilum sit Salibus id annumerare, Corpus est Decompositum, constans (ut mox dabitur occasio explicandi) ex Substantia Terrea, ut ex Metallo, adeoque saltem ex uno Corpore Salino, peculiari & non Elementari Natura prædicto. Atque etiam in Animalibus videmus, ipsorum Sanguinem ex diversis admodum differentibus Corporibus Mixtis posse componi, cum observatum fuisse reperiamus, multas Volucres Marinas grave olere Piscem, quo communiter pascuntur; & *Hippocrates* ipse observat, infantem lacte Nutricis posce purgari, si *Elaterium* hauerit; quod arguit, purgantia Medicaminis Corpuscula ad lac Nutricis componendum concurrere; & albus iste Liquor passim à Medicis nonnisi albus alteratusque Sanguis habetur. Arque me observasse memini, non longè ab *A'piùs*, certa quadam Anni tempestate Butyrum illius regionis nauseam Extraneis creare, ob gravem herbæ alicujus saporem, qua Vaccæ pasci eo tempore copiosè solebant. Sed (pergit *Carneades*) ut alterius generis Exemplum tibi suggeram, ad probandum, posse quædam Ignis beneficio, à mixto Corpore obtrineri, quæ in eo non præ-existebant, permittras me tibi revocare in memoriam, à multis Vegetabilibus sine ullo Additamento Vitrum, secundum ipsos Chymicos, impetrari posse, Corpus, quod (arbitror) in ipsis præ-existisse non dices, sed Ignis ope fuisse productum. Quibus unicum hoc duntaxat Exemplum adjiciam, posse te scilicet certo quodam tractandi Argenti vivum vel saltem aliquod ejus genus (nam non in omni *Mercurio* ita feliciter succedit Experimentum) artificio, ab ipso, nulla facta additione, minimum quintam vel quartam limpidi Liquoris parte separare, qui à vulgari *Peripatetico* pro Aqua habetur, quemque vulgaris Chymicus Phlegma vocare non dubitaret, quique, quantum ego quidem viderim, vel audiverim, reduci in *Mercurium* nequit, proindeque Larvæ modum excedit. Iam verò, præterquam quod Chymici (ut plurimum) concedere nolunt, *Mercurium* ullam, vel saltem notabilem aliquam copiam alterius ex Ingredientibus Ignobilibus, Terra, & Aqua, continere: præter hoc, inquam, insignis Argenti Vivi ponderositas reddidit improbable, illud tantum Aquæ (Liquorisve Aquæ-formis) posse continere, quantum eo modo obtrineri inde potest, cum *Mercurius* duodecim vel decies quater ejusdem molis Aquam communem (nam de *Mercurialis* in specie Gravitate nihil adhuc certi mihi constat) pondere vincat.

Imò, ad majorem hujus Argumenti confirmationem, miram hanc Historiam subnectam, Par scilicet Amicorum meorum, quorum alter Medicus, alter Mathematicus, ambo probatæ fidei, sanctè mihi asseverasse, ipsos, post multa facta tentamina *Mercurium* in Aquam reducendi, ad Philosophicam super Auro operationem peragendam (quod tamen, ut in transitu id dicam, successu caruisse novi;) ipsos inquam (ut saltem illis videbatur) per aliquot Cohobationes libram Argenti vivi in libram ferè Aquæ redegisse, idque sine ullius alterius Substantiæ additione, *Mercurium* duntaxat Igne peritè versato in Vasis de industria in eum finem excogitatis urgentes. Verum de his Experimentis Amicus noster (ait *Carneades*, Dislogi hujus Conscriptorem indigens) specialiore fortalsè Narrationem

Narrationem tibi suggerer, quam à me fieri sit opus; cum, quod jam dixi, satis evincere poterit, Ignem interdum æquè benè alterare Corpora posse, ac dividere, ejusque ope à Mixto Corpore obrineri, quod in ipso non præ-existebat. Et quæ ratione certi sumus, in nullo alio Corpore id, quod Phlegma dicimus, nudè separari, non Actione Ignis produci, cum multa alia Corpora Mixta naturæ sint multò minus fixa, magisque alterabilis, quam *Mercurius* variis suis præstigiis, quibus illudere Chymicis solet, Experimentisque tibi, ante horam circiter, à me recitatis, esse appareat. Verum cum brevi futurus sit locus demò considerandi potentiam, qua ad nova Concreta producendum Ignis valet, hic ulterius huic Argumento non immorabor; saltem hoc mihi monendus es; quod ni fidem abrogare velis Narrationibus *Helmontii*, fateri tenearis, *Tria Prima* nec Ingenerabiles, nec Incorruptibiles Substantias esse, cum, vi *Alkabeſti* ejus, quædam eorum ex Corporibus produci queant prius aliter Denominatis; eodemque potenti *Menstrua* illa omnia in Aquam inspidam reduci possent.

Hic *Carnades* in procinctu erat ad progrediendum ad Considerationem Tertiam Generalem, quando *Eleutherius*, cupidus accipiendi quid proferre posset, quo minus Consideratio Secunda repugnaret Opinioni, quam de vera Theoria Mitionis videbatur fovere, ipsum prævertebat, dicens, Nonnihil minor, *Carnades*, te, qui in tot Quæstionibus Opinionem *Peripateticam* de Elementis, & Mixtis Corporibus, non probas, etiam à Conceptu illo de modo Mitionis videri aversum, in quo Chymici (quamvis fortè id nescii faciant) cum majori Veterum Philosophorum, *Aristotelem* prægressorum, numero consentiant, idque ob tanti momenti rationes, ut plures Moderni Physici, & Medici, in rebus aliis satis alieni à Spagyricis, hic ab ipsorum stent partibus adversus receptam Scholarum Opinionem. Si me fortè rogares (pergit *Eleutherius*) quas Rationes indigerem Partim ex scriptis *Sennevi*, aliorumque doctorum Virorum, partim ex meis ipsius Cogitatis plures mihi suggererentur, quam quibus hoc tempore diu immorari conveniret. Quare tres, quatuorve duntaxat, idque succinctè, in medium afferam. Earum primam desumam à Statu ipsius Controversiæ, & genuina notione Mitionis, quam, licet admodum à Scholasticis intricatam, hanc esse duco. *Aristoteles*, saltem prout plures Interpretum ejus ipsam explicant, ac ut in quibusdam locis, ubi ex professo dissentit à præscis, severè docet, Mitionem tradit ejusmodi esse Penetrationem mutuam, perfectamque Mistorum Elementorum Unionem, ut nulla sit Misti Corporis portio, quantumcunque minuta, quæ Omnia & Singula Elementa non contineat, sive in qua, si ita placet, Elementa non sint omnia. Ac memini, reprehendere ipsum Mitionem à Veteribus traditam, ceu minus trivialem, vel rudem; hanc scilicet ob causam, quod Corpora Mistà secundum *Hypothesin* ipsorum, licet oculis humanis talia appareant, acutis tamen oculis *Lyncis* talia non sint apparitura, quippe cujus visus perfectior dignosceret Elementa, si mista alio modo non essent, quam quo Prædecessores ejus volebant, Confusionem duntaxat, non verò Unionem statuentes: cum præscis, licet non essent inter omnes Consensus de eo, quænam Corporum genera essent mista, serè tamen unanimes sentiebant,

in

in composiro Corpore licet *Miscibilia*, sive ea Elementorum, sive Principiorum, sive quocunque nomine veniant, associata essent per Particulas aded minutas, rantaque cum *avexca*, ut nulla esset pars massæ sensibilis, quæ non ejusdem cum cæteris, & cum *Toto*, naturæ appareret; attamen, quoad *Atomos*, aliæve insensibiles porciones Materiæ, ex qua quodvis *Miscibilium* constabat, ipsas singulas propriam naturam suam retinere, quippe *appositione* duntaxat, sive *juxta-positione*, cum reliquis in unum Corpus unitas: adeo ut, quamvis vi hujus Compositionis Corpus Mixtum diversas fortè qualitates novas consequeretur, Ingredientia tamen, quæ ipsum componebant, propriam suam naturam jugiter retinentia, destructione facta Compositi, à se invicem poterant separari, minutis Partibus, postquam ab aliis, discrepantibus natura, extricata, sociatæque fuerint cum sibi homogeneis, coiterum remigrantibus, ut sint Ignis, Terra, vel Aqua, prout erant, antequam ceu Ingredientia *Compositum* istud constituerent. Pore& hoc dilucidari (pergit *Eleutherius*) isto genere Panni, qui ex albis nigrisque staminibus intertextis conficitur: in quo licet totum neque album neque nigrum appareat, sed colore indè emergente, cæsis, singula tamen alba nigraque fila, ipsum componentia, manent quod fuerant ante: uti id conspiceretur, si fila rursum divellerentur, singulique colores seorsim segregarentur. Cum hic sit (urget *Eleuth.*) uti ego quidem intelligo, Status Controversiæ, cumque *Aristotelici*, Magistrum suum sectantes, Mixtionem passim definiant *Miscibilium alteratorum Unionem*, id convenire multò magis videtur cum Chymitarum, quam eorum qui ipsis adversantur, Opinione: quandoquidem juxta posteriorem, uti Exemplum modo memoratum ostendit, ea non est nisi *juxta-positio* Separabilium Corpusculorum, quæ suam quæque Naturam retinent; cum juxta *Aristotelicos*, quando quod ipsis vocare lubet Corpus Mixtum emergit ex Elementorum concursu, *Miscibilia* non tam propriè *alterata* dici possint, quam *destructa*, siquidem nulla est in Mixto Corpore pars, utcunque minuta, quæ vel Ignis, vel Aër, vel Aqua, vel Terra, possit appellari.

Nec equidem satè assequi possum, qua ratione aliis, quam quos exposui, modis, vel saltem qua ratione modo à *Peripateticis* nostris tradito, Corpora misceri queant. Etenim, cum *Aristoteles* dicit, si Vini gutta in myriada amphorarum Aquæ infundatur. Vinum, tam vasta Aquæ copia inundatum, in ipsam mutatum iri, valdè improbabili-ter, mea quidem sententia, loquitur, etiam si enim isti Aquæ quantitati tot Vini guttas quis adderet, ut milles illud omne excederet, per ipsius tamen regulam totus Liquor non foret Vini & Aquæ crama, in quo Vinum prædominaretur, sed Aqua duntaxat; quandoquidem Vinum, non nisi stillarum singulis vicibus additum, in nil aliud quam Aquam semper incideret, proindeque in ipsam mutaretur. Arque, si hoc etiam in Metallis obtineret, singulare pro Aurif.bris & Separatioribus arcanum foret. Etenim Auri Argenti fundentes Misam, eique solummodo Plumbum; vel Antimonium, granum post granum inscipientes, possent pro lubitu, intra mediocri temporis spatium, quamlibet Ignobilium Metallorum quantitatem in Nobiliora mutare. Et sanè, cum Pinta Vini & Pinta Aquæ Quartarium circiter Liquoris faciant, manifestum sensui

sensui videtur, hæc Corpora non penitus, ut quidam vult, se invicem penetrare; sed suas quæque Dimensiones retinere: proindeque ipsa per Mixtionem nonnisi in minuta Corpora dividi, quæ duntaxat superficiebus suis se invicem tangunt, uti granis Siliginis, Hordei, Secalis, &c. in diversarum Frumenti specierum acervo accidit. Ac nisi dicamus, quod, uti una Siliginis, exempli ergo, mensura cum Hordei mensuris centum commixta, *juxta-positio* duntaxat, & Superficialis Contactus inter grana Siliginis & totidem granorum Hordei, vel circiter, contingit, ita, Vini gutta cum magna Aquæ quantitate mixta, *appositionem* tantum esse tot Corpusculorum Vinosorum ad patem copiam Aqueorum: nisi, inquam, hoc dicamus; non video, quomodo Absurdum illud possimus evitare, quod *Stoica* Mistionis Notio (quæ erat per *εὐζυων*, sive *confusionem*) incurreret, juxta quam Corpus minimum potest maximo coextendi: siquidem in Mixto aliquo Corpore, in quo prius Elementa miscebantur, erat, exempli gratia, una tantum Aquæ libra pro myriade librarum Terræ; juxta ipsos tamen minima Compositi pars non erit, quæ non ex Terra æquè ac Aqua constaret.

Sed nimis diu forte (ait *Eleniberius*) Probationibus illis immotor, quæ mihi ex natura Mistionis suppeditantur, quare nonnisi duo vel tria alia Argumenta delibabo. Quorum primum erit, quod, juxta ipsum *Aristotelem*, Mixti Corporis Motus ingenium sequitur Elementi Prædominantis: uti scilicet ea, in quibus Terra prævalet, ad gravium Corporum Centrum tendit. Et, quandoquidem plura sunt, quæ palam faciunt, in pluribus Corporibus Mixtis Qualitates Elementares petinde Activas esse, quamvis non omnino æquè sint ibi ac in Elementis ipsis, non videtur rationi consentaneum, Actualement Elementorum existentiam in Corporibus, in quibus operantur, negare.

Quibus hoc Argumentum cogens addam, Experientiam testari, & fiteri *Aristotelem*, posse *Miscibilia* à Mixto Corpore rursus separari, ut in Chymicis Plantarum & Animalium Resolutionibus est obvium: quod, nisi actu suas in eo Formas retinerent, fieri non posset. Cum enim, secundum *Aristotelem*, ac, mea quidem sententia, secundum rei veritatem, non sit nisi una Massa rerum omnium, quam illi visum fuit *Materiam Primam* appellare; cumque proinde non Materia, sed Forma sit, quæ res constituat, discernatque, si dicas, Elementa in Mixtis non remanere juxta eorum Formas, sed juxta eorum Materiam, idem est, ac si dixeris, ea nullo modo ibi remanere; quandoquidem, licet istæ portiones Materiæ fuerint Terra, Aqua, &c. priusquam concurrerent, Corpus tamen emergens semel Constitutum æquè dici Simplex potest, ac ullum Elementorum, cum Materia, ex concessis, sit unius ejusdemque in omnibus Corporibus naturæ, Elementares autem Formæ, juxta hanc *Hypothesin*, peteant, & aboleantur.

Et denique, modo consulere velimus Experimenta Chymica, quasi ad sensum patebit, doctrinam Chymicam sese *Peripatetica* præfeste. In ea quippe Operatione, quam Metallorum Separatores *Quartationem* vocant, quæ ad Aurum purificandum utuntur, etiam si tres partes Argenti cum quarta parte Auri (unde Operationi nomen) adeò exquisitè per Fusionem mixtæ sint, ut emergens Massa aliquot Qualitates novas vi Compositionis acquirat, vixque sit ulla ejus pars

fenfibilis, quæ non fit ex utroque Metallo compofita, fi tamen hanc mixturam in Aquam fortem injeceris, Argentum in *Menftruo* diffolvetur, & Aurum in obfcuro nigrique Pulveris forma ad fundum ibit, alterutrumque Corpus in ejusmodi Metallum, ut fuerat ante, reduci rurfum poterit; quod indicio eft, illud naturam fuam, ut ut per minima cum altero mifceretur, retinuiſſe. Videmus itidem, licet una pars Argenti puri cum octo, vel decem, vel pluribus partibus Plumbi mifceatur, Igrem tamen in probatrice Teſta facile perfecteque ea iterum ſeparare. Atque id, quod hac Ocaſione peculiariter te animadvertere velim, eſt, quod non modo in Anatomis Chymicis ſeparatio fit Ingredientium Elementarium, ſed quod nonnulla Mixta Corpora multò admodum majorem hujus vel illius Elementi, Principiive, quam alterius quantitatem largiantur; uti videte eſt, Terrebinthinam, & Succinum, multò plus Olæ, Sulphuriſque, quam Aquæ, ſuppeditare, cum Vinum quod in conſeſſo eſt eſſe Corpus perfectè Mixtum, pauillum tantum Inflammabilis Spiritus, vel Sulphuris, nec multò plus Terræ largiatur; ingentem verò Phlegmatis, ſive Aquæ, copiam producat: quod fieri non poſſet, ſi, ut *Peripatetici* ſupponunt, quælibet etiam Particularum minutiffimarum ejusdem eſſet naturæ cum *Tota*; proindeque & Terram, & Aquam, & Aërem, & Igrem contineret. Quare, quod ad primariam illam & ſetè unicam *Ariſtotelis* Objectionem ſpectat, videlicet, ni Opinio ejus admittatur, ullam vetam perfectamque Mixtionem fore, ſed Aggregata duntaxat, Acervoſve contiguum Corpusculorum, quæ, licet oculus Hominis nequeat dignoſcere, oculus *Lyncis* tamen fortè perciperet non ejuſdem eſſe naturæ ſecum invicem, & cum ſuo *Toto*, ut Mixtionis ingenium poſtulat, ſi Principium non petat, Miſtionemque conſiſtere ſtatuat, in eo, quod alii Phyſici ad eam requirit negant, ſaltem tamen illud objicit ceu magnum incommodum, quod ego tale habere non poſſum, donec ille tanti momenti Argumenta, qualia ego ad probandum contrarium propoſui, adduxerit, quæ evincant, Naturam alterius generis Mixtiones inſtituere, quam quales ego amiſi, in quibus *Miſcibilia* in minutas partes reducuntur; ac quoſque ſenſus dignoſcere poſſit uniuntur. Quod ſi dare nolit ad Mixtionem veram ſuſſicere, idem cum Natura ipſa bellum, quod cum ſuis gerit Adverſariis, ſuſcipiung necelle eſt.

Quare (pergit *Eleutherius*) non poſſum aliquantum mirari *Carneadem* oppugnare Doctrinam Chymiſtarum in ejusmodi ſententia, in qua æquè cum priſca ejus Magiſtra, Natura, conſentiunt, ac à Vetere ipſius Adverſario, *Ariſtotele*, diſſentiunt.

Non oportet (regerit *Carneades*) me nunc immergere Controverſiis circa Mixtionem penitus examinandis; & ſi non datur tertium, reduceretque ad omnino & ſimpliciter amplectendum vel Opinionem *Ariſtotelis*, vel Philoſophorum ipſum præcedentium, poſteriore, quam Chymici ſuam facere, pro probabiliore haberem: ſed, cum in Opinionibus de Elementis diverſum ſentiam ab utriſque, mediam viam inſiſtere me poſſe exiſtimo, & tecum de Miſtione eo modo diſſerere, qui nec planè conſentiat, cum alterutra, nec planè ab iis diſſentiat; uti præſtrectè non definiam, denturne Caſus, in quibus quædam Miſtionis *Phæno-*

vienna non favere videantur illi Opinioni, quam Chymicorum Patroni ab Antiquis sunt mutuati, ita duntaxat ostendere tibi conabor, dari quosdam Casus, qui Dubium foveat, quod Secundam meam Considerationem Generalem præsumit, ne à ratione dissentanea videatur.

Liberè igitur tibi fatebor (ait *Carneades*) me non magnoperè acquiescere in Dogmate, quod *Aristoteli* de Mistione adscribitur, præsertim quia docet, posse quatuor Elementa à Mixto Corpore rursus separari; cum, nisi in eo permancerent, non tam Separatio foret, quam Productio: arbitrorque, Priscos, Philosophos, *Aristotelem* prægressos Chymicosque eandem Opinionem dehinc amplexos de hoc Argumento magis intelligibiliter, si non magis probabiliter, loqui, quam *Peripateticos*. Verum, licet Opinioni suæ satis congruenter loquantur, quæ statuit, certum esse Corporum Primogeniorum Numerum quorum consursu omnia illa, quæ nos Mixta vocamus, generantur, quæque in Mixtorum Corporum destructione nonnisi dissociantur, & à se invicem recedunt non aliter, ac erant, cum coirent: Ego tamen, qui in paucas admodum Opiniones incido, in quibus omninò possum acquiescere, non possum, non tibi fateti, me ad disensum non modò ab *Aristotelicis*, sed etiam à Veteribus Philosophis, & à Spagyricis, circa Mistionis naturam, propendere. Ac, si mihi copiam feceris, breviter tibi præsentem meum de ea conceptum proponam, ea lege, ut eum non tam pro Assertionem, quam *Hypothesi* capias. Quod dum facio, non mihi nunc sumo totam Mistionis Doctrinam proponere, atque discutere, sed ostendere, improbabile non esse interdum Substantias Mixtas tam arctè posse uniri, ut per usitatas Operationes Ignis, quibus Chymici fecisse se Mixtorum Corporum *Analyses* supponere solent, non satis appareat, in ejusmodi Corporibus *Miscibilia*, quæ ad ea constituenda concurrebant, singula Naturam suam peculiarem retinere; posseque *Spagyricorum* Ignium ope facilius extricari, & recuperari, quam vel Texturæ in ejusdem Ingredientis Partibus mutatione, vel Associatione cum ali- quibus alterius Ingredientis partibus strictiori, quam est ea, qua hujus illiusve *Miscibilis* patres inter se invicem uniuntur, alterari. Ad hæc verba cum *Elementarium* cum urisset, ut præstaret quod proponebat, promississetque se facturum quod cupiebat;

Animadverto itaque [resumit *Carneades*] quod, ne impropria ista Mistionis genera memorem, quibus Corpora junguntur *Homogenea*, uti cum Aqua cum Aquâ, duove unius ejusdemque notæ Vino repleta dolia secum invicem miscuntur, Mistio illa, de qua mihi nunc disserendum, nil videtur Generaliter loquendo, nisi duorum pluriumve quorumvis diversimodè denominatorum Corporum Unio per minima; uti cum Cineres & Arena colliquantur in Vitrum, vel Antimonium, & Ferrum in *Regulum Martis*, vel etiam cum Vinum & Aqua miscuntur, Saccharumque in mixtura dissolvitur. Iam verò in generali hoc Mistionis conceptu clarè comprehendi non apparet, *Miscibilia*, vel Ingredientia, in minutis suis partibus sic naturam suam retinere, inque Composito distincta manere, ut inde divelli rursùm Ignis adminiculo possint, Etenim, etsi non negem, in quibusdam cætorum Corporum permanentium Mistionibus eadem Ingredientia posse

recuperari, non tamen sum convinctus, id in omnibus, vel etiam in plurimis, obtinere, vel necessario ab Experimentis Chymicis, vetaque Miltionis Notione posse deduci. Ad hoc nonnihil explicandum assumo, Copora posse misceri, inque eo statu valde diu durare, quæ non sunt Elementaria, neque in Elementa, Principiave, ut unirentur, resoluta fuere; ut patet in Antimonii cum Ferro colligati *Regulo* nuper memorato, inque moneta Aurea, per tot sæcula durante, in qua Generaliter Aurum mixtura quantitatis maioris, vel minoris, (in nostris officinis Monetariis duodecim circiter parte unumur) vel Argenti, vel Cupri, vel utriusque, temperatur. Deinde mecum repitio, quod, cum una tantum sit Vniuersalis rerum Materia, uti constat ipsos *Aristotelicos* agnoscere, qui eam *Materiam Primam* vocant (circa quam nihilominus mihi non allubescunt omnes ipsorum Opiniones) hujus Materiæ Portiones à se invicem nonnisi in certis quibusdam Qualitatibus, seu Accidentibus, paucioribus, pluribusve, discrepare videntur: quorum Accidentium nomine Corporea illa Substantia, cujus sunt, suam Denominationem sortitur, adque hoc, vel illud particulare Corporum genus refertur; adeo ut, si Qualitates eas perdat, iisve spolieur, licet Corpus esse non desinat, desinat tamen esse id Corporis genus, puta Planta, vel Animal, vel Rubrum, Viride, Dulce, Acidum, vel simile. Considero sæpè admodum accidere, exiguas Corporum partes nonnisi immediato Contactu & Quiete coherere; & utcumque pauca esse Corpora, quorum minutæ partes tam arctè sibi cohererent, cuicumque etiam Causæ ipsorum adscribatur Combinatio, quin possibile sit in aliud quoddam Corpus incidere, cujus minutæ partes inter ea se insinuare, & hac ratione ipsa divellere queant; vel ad firmitus cum nonnullis earum coherendum, quam ista nonnulla cohererent cum cæteris, aptari queant; vel saltem tam arctè cum illis combinari, ut nec Ignis, nec usitata alia Chymicatum Anatomia, rum Instrumenta ea possint separare.

His præmissis, non obfirmatè negabo, esse posse Particularum Congeries, in quibus Particulæ adeò sint minutæ, & Cohæsiō tam stricta, vel utrumque, ut, quando accidit, diversarum Denominationum & ex durabilibus ejusmodi Congeriesbus constantia Corpora misceri, etsi Compositum Corpus, ex iis constitutum, ab Ingredientium alterutro valde possit discrepare, singulæ tamen exiguarum Mixtularum, vel Congeriesum, propriam naturam suam ita retinere possint, ut tales, quales ante fuerant, rursùm separari queant. Vti cum Aurum & Argentum, simul liquata in debita proportionē, (in qualibet enim Proportionē Separatores te docebunt Experimentum nolle succedere) *Aqua-fortis* dissolvit Argentum, Aurumque illibatum relinquit, quo medio, uti nuper notabas, utrumque Metallum à Mixta Massa potest recuperari. Sed (pergit *Carneades*) aliæ sunt Congeries, in quibus Particulæ non adeò arctè cohererent, quin incidere possint in alterius Nominis Corpuscula, quæ ad arctius sese cum nonnullis earum, quam erat inter se invicem, uniendum sunt disposita. Atque in ejusmodi Casu duo sic coalescentia Corpora, pereunte ipsorum Figura, vel Quantitate, vel Motu, vel alio Accidente, cujus nomine determinata ejusmodi Qualitate, seu Natura, erant prædicta, singula reapse ejusdem Denominationis, ut ante erat, Corpuscula esse

esse definunt; atque ex horum coalitu novum Corpus emergere potest, tam verè unum, ac Corpusculorum erat alterutrum, priusquam miscerentur, vel, si mavis, confunderentur: quandoquidem hæc Concretio propriis suis distinctis Qualitatibus est prædita, nec plus potest Igne, ulloque alio cognito *Analysis* modo, tutum in ea Corpuscula, quæ primitus ad eam componendum concurrerant, dividi, quam eorum alterutrum eodem medio in alias Particulas subdividi potuit. Sed (ait *Eleutherius*) ut Exemplis particularibus hoc magis dilucidetur, si Cuprum dissolvas in *Aqua forti*, vel Spiritu Nitri, (non enim recordeor, quodnam horum adhibuerim, nec opinor multum referte) Solutionem Crystallizando elegans Vitriolum impetrabis; quod, licet vi Compositionis Qualitatibus manifesto diversis sit imbutum, quæ in Ingredientium alterutro non occurrunt, videtur tamen, Spiritus Nitrosos, vel saltem eorum plurimos, in Composita hac Massa pristinam suam naturam posse retinere. Etenim distillantibus nobis, experiundi gratia, Spiritum hunc Vitriolicum, copia rubentium Fumorum transcendebat, qui isto Colore, fæctæ suæ peculiari, suæque aciditate, Spiritus Nitrosos se prodebant; residuamque Calcem permanisse Cuprum, facillè te crediturum suppono. At, si dissolvas *Minium*, (quod nil nisi Plumbum est Igne pulverisatum) in benè præparato Spiritu Aceti Vinosi, Solutionemque in Crystallum redegeris, non modo Sal habebis Saccharinum, ab utroque ejus Ingrediente vehementer discrepans; sed Vnio quarundam *Mensuræ* partium cum nonnullis Metallis adeo stricta est, ut Spiritus Aceti destructus, quæ talis, videatur, siquidem Corpuscula Salina penitus amiserit eam Aciditatem, cuius nomine ille Liquor *Spiritus Aceti Vinosi* dicebatur: Nec possunt ullæ ejusmodi partes Acidæ, quales *Minio* apponebantur, modis saltem vulgo cognitis, à *Saccharo Saturni*, utriusque sobole, separari: quippe non modò nulla planè Aciditas, sed mira Dulcedo in Concreto gustatur: Neque solum non deprehendi Spiritum Vrinæ; qui alias protinus sibilat, quando cum forti Spiritu Aceti Vinosi miscetur, sibilum cievit, cum *Saccharo Saturni* affunderem, in quo tamen Acidus Sal Aceti Vinosi, si superstitaret, concentratus videri posset; sed, facta per se *Sacchari Saturni* Distillatione, Liquorem equidem valdè Penetrantem deprehendi, sed nullatenus Acidum, atque Odore, aliisque Qualitatibus, æquè ac Sapore, à Spiritu Aceti Vinosi discrepantem; qui Spiritus itidem quasdam suarum partium reliquisse videbatur, firmiter admodum *Capiti Mortuo* unitas, quod, Naturæ licet plumbeæ, odore, colore, &c. à *Minio* differebat. Hoc in memoriâ mihi revocat, quod, quamvis duo Pulveres, alter cæruleus, alter flavus, mixtura Viridis possint apparere, sic ut neuter eorum proprii Coloris facturam faciat, bonæ notæ Microscopium interdum me edocuit; mixto tamen *Minio* & *Sale Armoniaci* in debita proportionem, siquæ Igni in Vase vitreæ expositis, tota Massa inducitur alborem, rubraque Corpuscula perierant. Licet enim Calcinarum Plumbum à Sale esset separabile, facillè tamen credes, id non abuisse ab eo in Rubri Pulveris forma, cujusmodi erat *Minium*, quando *Sali Armoniaci* apponebatur. Considerandum quoque relinquo, num in Sanguine, pluribusque aliis Corporibus, probabile sit, unumquodque Corpusculorum, ad

Compositum faciendum concurrentium, in se retineat (quamvis nonnulla eorum in quibusdam Calibus retinere possint) Naturam suam propriam, sicut Chymici Vnumquodque eorum genus extricare queant à reliquis omnibus, quibuscum ad Corpus unius denominationis constituendum id concurrebat.

Novi, distingui posse inter Materiam *Immanentem*, quando Partes Materiales remanent propriamque Naturam suam in rebus, ut Scholastici nonnulli loquuntur, *Materiales* retinent (quo sensu Lignum, Lapides, & Calx sunt materia Domus) & *Transseuntem*, quæ in re materiata sic alteratur, ut novam Formam recipiat, nec tamen pristinae rursus readmittendæ sit capax: quo sensu Distinctionis huius amantes ajunt, *Chylum* esse materiam Sanguinis, & Sanguinem esse materiam Humani Corporis, cujus partium omnium præsumitur esse Alimentum. Neque nescio, dici posse, ex Principiis Materialibus quædam esse omnibus Corporibus Mixtis *Communia*, uti quatuor Elementa *Aristotelis*, vel Chymicorum *Tria Prima*: alia *Peculiariora*, quæ ad hanc illamve Corporum speciem pertinent; uti Butyrum & quoddam Seri genus propria dici possunt Principia Cremoris. Neque diffiteor, has Distinctiones in quibusdam Calibus usui esse posse: sed partim ex iis, quæ jam dixi, partim ex iis, quæ dicenda habeo; facile satis conjecteris, quo sensu ego eas admittam, dignosceique, isto sensu eas vel quidam ex Opinionibus meis esse illustraturas, vel saltem nullas earum everfuras.

Ut igitur id quod cœperam prosequar, adjiciam in hanc sententiam, quod, cum major pars Spagyricorum fidem iis tribuat, quæ illi, quos Philosophos vocant, de suo Lapide asserunt, ipsis possim ob oculos ponere, quod, licet Communi Auro & Plumbo simul mixtis, Plumbum ferè sine alteratione possit ab Auro separari; si tamen Auri loco tantillum Rubri *Elixir* cum Saturno misceatur, ipsorum Unio futura sit adeò indissolubilis in Auro illo perfectò, quod vi eius producat, ut nullus sit modus cognitus, nec fortè possibilis, diffusum *Elixir* à Plumbo fixato separandi: sed ambo Corpus maximè permanens constituunt, in quo *Saturnus* omnes suas proprietates videtur amisisse, quæ ipsi Plumbi nomen dederant, potiusque transmutatus esse per *Elixir*, quam ei nudè associatus. Adeò ut non semper necessarium videatur, ut Corpora, quæ per *Minima* conjunguntur, Naturam suam propriam debeant retinere; sic quidem ut, dissipata per Ignem ipsa Massa; magis sint disposita ad comparandum rursus in forma pristina, quam in ulla nova, quam strictiori partium eius Associatione cum partibus quorundam ex aliis *Compositi* Ingredientibus, quam secum invicem, acquirere poterit.

Et si quis objiciat, Nisi *Hypothesis*, quam oppugno, admittatur, in ejusmodi Calibus, quos proposui, non Unionem fore, sed interitum Corporum Mixtorum; quod perinde esse videretur, ac si dicas, talium Corporum Mixtionem esse planè nullam: Respondeo, quod, licet Substantiæ, quæ miscentur, remaneant, destructis solis earum Accidentibus; & licet satis congruè ea possimus *Miscibilia* vocare, quod Distincta sint Corpora, priusquam conjunguntur, utut postmodum ita confundantur, ut eas Concreta vel Corpora Emergentia malim appellare, quam Mixta; & tamen fortè alia quædam meliorque Ratio possit produci,

ob

ob quam Mixtionis nomen retineri queat; attamen, si quod dixi rationi consentaneum existimetur, de Vocabulis non litigabo, quamvis convenientius censeam Arris aliquem Terminum mutare, quam novam Veritatem, eo quod cum ipso non quadret, repudiare.

Si porro obijciatur, Hunc meum de Mixtione conceptum, licet admitti possit, cum Corpora jam Composita miscenda traduntur, istis tamen accommodari Mixtionibus non posse, quæ immediatè sunt ex ipsis Elementis, Principiisve: Respondeo primò, me hic Mixtionis naturam generalius aliquanto considerare, quam Chymicos, qui tamen negare nequeunt, sæpè Mixturas fieri, easque valdè durabiles, ex Corporibus, quæ non sunt Elementaria. Deindè, licet probabiliter possit allegari, in istis Mixturis, quæ ex Corporibus, nomen gerentibus Principiorum, Elementorumve, immediatè sunt, Ingredientia mista meliùs Naturam suam posse retinere in Massa Composita, faciliusque indè separari; attamen, præterquam quod dubium est, sintne ulla ejusmodi Corpora Primigenia, non video, quare Ratio de Interitu, cui Ingredientia Corporum subjecta sunt, in genere à me allata, non possit interdum Sali, Sulphuri, & Mercurio accommodari, donec ostendatur, quo nomine ea credenda sint Privilegio gaudere. Ut ut sit, (modò meminisse lubeat, quo sine Tibi dixerim in Principio me statuisse de Mixtione impræsentiarum verba facere) fortassis admittes, quæ hætenus de ea disserui, non modò lucem aliquam inferre posse Naturæ ejus in genere (imprimis quando occasio mihi dabitur mentem meam de illo Argumento plenius tibi explicandi) sed & pro re nata in Dissertationis parte sequenti mihi usui esse.

Verùm, ut retrospectiam nunc ad eam Sermonis nostri partem, undè hæc de Mixtione digressio nos tamdiu divertit, licet ibi ex discrepantibus Substantiis, ex Planta, Aqua duraxar nutrita, nonnullisque rebus aliis, obtentis inferremus, necessarium non esse, ut Natura semper Corpus in principio ex differentibus ejusmodi Corporibus omnibus componat, qualia Ignis postmodum indè posset extorquere; non tamen hoc exhaurit quicquid ex illis Experimentis colligi queat. Ex iis enim & aliud quid erui posse videtur, quod aliud doctrinæ Chymicæ fundamentum evertit. Etenim cum (uti vidimus) ex pura Aqua sola, non modò Spiritus, sed Oleum, & Sal, & Terra possit produci; sequetur, Sal & Sulphur Corpora Primigenia & Principia non esse, cum indices ex mera Aqua fiant Texturæ beneficio, quam Plantarum semen, seu Seminale Principium, ipsi conciliat. Neque forsan adeò mirum hoc videretur, nisi superbia vel negligentia assuevissemus obvias familiæque Naturæ Operationes præterire. Si enim nobiscum reputemus, quam sint levidenses illæ Qualitates, quæ ad hoc vel illud ex Tribus Primis denominandum inserviunt. Naturam reperiemus crebrò satis Alterationes æquè magnas in diversis Materiarum portionibus efficere. Esse quippe facilè dissolubile in Aqua, sufficit, ut Corpus ita affectum habeatur pro Sale. Nec tamen video, quare ex nova componentium Corporis Particularum confusione ac dispositione multò (magis arduum sit Naturæ, Corpus in Aqua dissolubile componere ex Aquæ portione, quæ prius dissolubilis in Aqua non erat, quam ex liquida Ovi substantia, quæ facilè cum Aqua miscetur, solo incu-

bantis

banis Gallinæ calore Membranas, Plumas, Tendines, aliasque partes Aqua non dissolubiles, ut liquida illa substantia erat, producere. Neque difficilius est Naturæ, Salis duritiem & fragilitatem in cedens ejusmodi, ut est Aqua, Corpus introducere, quam est, Pipionis ossa ex tenera Liquorum Ovi substantia fabricari, Sed, licet proclive mihi foret huic considerationi insistere, progrediar tamen, quamprimum Objectionem quandam, quæ viam mihi obstruit, notavero. Facile quippe allegatum iri prævideo, Exempla supra memorata omnia à Plantis & Animalibus esse desumpta, in quibus Materia virtute Seminis Plastica, vel re quadam illi analoga, est Figurata: cum tamen Ignis non agat Seminalium principiorum in morem, sed ea omnia destruat, quando intra activitatis ejus Orbem cedunt. Verùm facilis est Responsio, quam huic Objectioni nunc respondere est opus, sive nempe sit Principium Seminale, sive ullum aliud, quod Materiam Variis istis modis, tibi memoratis, figurat, evidens tamen esse, vel Principio Plastico solo, vel ipso & Calore junctim, vel alia quadam causa, Materię contextendæ capaci, possibile tamen esse, ut Materia de Novo in talia Corpora effigietur. Nec est nisi sola hujus rei Possibilitas, quam nunc stabilire contendō.

CHYMISTÆ

CHYMISTÆ SCEPTICI

P A R S T E R T I A.



Væ hæcenus disserui, *Elencherie*, (inquit Amicus ejus) ostendisse tibi arbitror, Vitum circumspexit jure in dubium vocare posse ipsissimarum illarum Suppositionum veritatem, quas Chymici æquè ac *Peripaterici*, sine probatione pro concessis sumunt, & à quibus Illationum, quas deducunt à suis Experimentis, Validitas dependet. Quare hac re confecta, quam ego (contra quam

Chymicus fortasse fecerit) præcipuam æquè ac difficillimam Penſi mei partem duco, tempestivum jam erit ad ipsorum Experimentorum Considerationem pergere, in quibus adeò triumphos agere & gloriari consuevere. Atque hæc Examen tantò magis serium merentur, quod illi, qui ea allegant, tanta id facere solent fiducia, jactantisque, ut hæcenus omnium ferè Ordinum Viris imposuerint, ne quidem Philosophis, & Physicis ipsis, qui libros eorum legunt, vel ipsos sermones audiverint, exceptis. Quidam quippe Viri docti maluerunt audacibus ipsorum Assertionibus fidem adhibere, quam molestias & expensas subire, quibus Veritatem eorum explorarent. Alii, quibus non deest curiositas veritatem Assertorum examinandi, peritia carent, & opportunitate cupidinem implendi. Et totus ferè Ordo Literatorum, cum vident Chymicos (non contentos cum Schola mundum Cenologiis suspensum tenere) actu multa mirabilia præstare, & ea inter, Corpora Composita in diversas Substantias, quas superiorum seculorum Philosophi in ipsis contineri ignorabant, dispersece: Hæc, inquam, cum videant, audiantque, quanta cum fiducia Chymici asserant, Substantias à Corporibus Compositis, Ignis ope, impetratas, Vera esse earum Elementa, vel (ut ipsi loquuntur) *Principia Hypoſtatica*, pronis animis justum æquè ac modestum censent, ut, juxta *Logicorum* Regulam, Artifici in sua Arte credatur; maxime cum illa, quorum Naturam tam fidenter suscipiunt alios docere, non modò sint propriæ ipsorum peritiæ producta, sed ejus notæ, ut, quid de iis statuendum sit, alii ignorent.

Verum enim verò, licet (pergit *Carnæades*) Chymici hoc vel illo ex prædictis nomine, non modò delectare valuerint, & attonitos reddere, sed tantum non incantare etiam Eruditos; hujus tamen Artis non imperitis, quales tute egoque sumus, non ferendum est, ut difficilioribus Vocabulis audacibusve Assertionibus nobismet imponi sinamus; neque ut acies nostra ea luce præstrinatur, quæ nos juvare duntaxat debebat in rebus eo clarius dignoscendis. Disserunt illa, juvare posse Naturam in rebus producendis, & rerum productarum

h Naturam

Naturam intelligere. Vti videre est, multos qui possunt progignere sobolem; æquè nihilominus ignari sunt Numeri & Naturæ partium, imprimis internarum, quæ Infantis Corpus constituunt, ac illi, quos Natura nunquam Parentes fecit. Nec dubito, Te me excusaturum, si, ut gratias ago Chymicis pro iis, quæ mihi ostendit ipsorum *Analysi*, ita libertatem mihi sumam, mente non attonita, quor, & qualia ea sint, perpendendi: quasi, quicumque sat peritus est novum aliquid, à se ipso productum, nobis ostendendi, jus habeat fidem eorum omnium imponendi, quæ de eo docere ipsi visum fuerit.

Quare nunc ad Considerationem meam Generalem Tertiam progrediar, videlicet, Non liquere, *Ternarium* esse præcisè & Universaliter distinctarum Substantiarum Elementorumve Numerum, in quæ Mixta Corpora per Ignem possunt resolvi. Hoc volo, non esse à Chymicis probatum, omnia Corpora Composita, quæ concedantur perfectè mixta, in Chymica eorum *Analysi*, lingua in tres præcisè distinctas Substantias esse divisibilia, nec plures, nec pauciores, quæ spectati solent ut Elementares, vel tales eodem jure reputari possunt, quam quæ tales reputantur. Quam postremam Clausulam subnecto, ne obijcias, quasdam ex Substantiis, quæ mox locus erit memorandi, non esse perfectè Homogeneas, proindeque nec Principiorum nomine dignas. Etenim quod mihi jam considerandum incumbit est, In quor Differentes Substantias, quæ cum specie quadam Elementaria Mixti Corporis Ingrediencia admitti possunt, ipsum ope Ignis resolvi queat? Sintne verò singula horum Incomposita, mihi examinandum reservo, quando ad proximam Considerationem Generalem pervenero; ubi me evicturum spero, Substantias, quas Spagyrici non modò admittunt, sed assentunt esse Componentia Corporis in eas resoluti Principia, incomposita esse non solere.

Iam verò duo sunt Argumentorum genera, (pergit *Carnedes*) quæ ad probabilitatem, ut videtur, Tertie meæ Propositioni conciliandam adduci possunt. Vnum eorum est Naturæ magis speculativæ; Alterum deductum ab Experientia. A priori ut ordiamur.

At, cum *Carnedes* in eo esset, ut præstaret quod dixerat, *Eleutherius* sermonem ejus interrumpibat, vultu subridente ipsum ita affatus: Nisi velis, ut cogitem, Proverbium illud, *Egregia ingenia fluxam habere Memoriam*, esse Rationi consentaneum, Tibique posse accommodari, nunc cum verferis in Considerationibus speculativis, quæ ad Numerum Elementorum referantur, oblivisci te non oportet, Te ipsum non ita pridem tradidisse & concessisse quasdam in Chymicorum Doctrinæ gratiam Propositiones, quas sine exultationis tuæ dispendio, existimare possim difficiliore esse, quam quævis vel ipse *Carnedes* respondeat.

Non excidere memoria, regebat ille, Concessionem, quas innuisti: sed etiam speculatio, nec tibi excidisse, quibus illæ cautelis stipatæ fuerint, quando necdum Personam illam asumpseram, quam nunc sustineo. Verum, ut sit, ita disseram, ut Tibi faciam satis, de Tertia mea Consideratione Generali, ut eorum non sum immemor, quorum me cupis recordari.

Quocirca

Quocirca, ut secundum eiusmodi Principia, quibus tunc utebar, sermonem sursum instituiam, animadverto, (si Rationi consentaneum latgiamur, supponere, ut tum faciebam, Elementa primitus consistere ex pusillis & primariis minutarum Materiarum partium in numerosa admodum & valde sibi invicem similia Corpuscula Coalitionibus) non esse absurdum concipere, Primarias eiusmodi Congeries plurimum multò esse generum posse, quam Trium, vel Quinque; proindeque non opus esse, ut supponamus, in unoquoque Compositorum Corporum, de quibus agimus, tria præcisè Primitivarum eiusmodi Coalitionum, de quibus sermo nobis est, genera debere reperiri.

Atque, si, juxta hunc conceptum, notabilem numerum differentiarum Elementorum admittimus, fas mihi erit adicere, valde possibile videri ad constitutionem unius ordinis Mixtorum Corporum duo genera Elementarium posse sufficere (ut nuper Exemplum afferebam in isto adeò durabili Concreto, Vitro;) alium ordinem Mixtorum componi posse ex Tribus Elementis, alium ex Quatuor, alium ex Quinque, alium fortè ex multò pluribus: adeò ut, secundum hunc conceptum, numerus determinatus, ut est numerus Elementorum, assignari nequeat omnis generis Corporum Compositorum qualiumcunque, cum sit valde probabile, quædam Concreta ex paucioribus, quædam ex pluribus Elementis constare, Quin imò impossibile non videtur, secundum hæc Principia, duo esse posse Mixtorum genera, quorum Vnum non contineat ullum ex omnibus iisdem Elementis, ex quibus constat alterum; uti sæpè in duobus patet vocabulis, quorum alterum nullam planè continet eorum Litterarum, quæ occurrunt in altero; vel uti sæpè diversa Electuaria deprehendimus, in quibus nullum (Saccharo excepto) Ingrediens ullis eorum duobus est commune. Non hic excutiam, annon possit esse Copia horum Corpusculorum, quæ, eò quod sunt Primaria, & Simplicia, Elementaria queant appellari, si plura eorum genera ad componendum quodvis Corpus convenirent, quæ etiamnum sunt libera, necdum cum Primariis Corpusculis aliorum generum contexta & implicita, sed exposita manent, ut à Principiis Seminalibus subigantur, & configurentur, vel à simili potente & Transmutante Causa, cujus vi ita inter se invicem, vel cum alicujus ex Corporibus partibus connectantur, ut Corpora Composita, quæ ingrediuntur, exindè resolvì in plura, vel alia Elementa possint, quam illa, quæ Chymici hæcenus notarunt.

Quibus omnibus adicere possum, quod, cum pateat ex eo, quod apud te observabam de Auti & Argenti perennitate etiam Corpuscula, quæ non sunt Elementaris, sed Compositæ Naturæ, Textura constare adeò ætatem ferente, ut in communi Corporum *Analysi*, à Chymicis per Ignem facta, dissolvi nequeant; non sit impossibile, licet tria tantum essent Elementa, majorem tamen esse posse numerum Corporum, quæ consuevi Anatomizæ modi Elementaria arguere negant.

Verum, inquit *Carneades*, cum, in tui obsequium, conjectans sim loquutus de Elementorum numero, tempus jam monet, ut expendamus, non ex quot Elementis possibile sit Naturam componere Mixta Corpora posse, sed (quousque saltem communia Experimenta Chymicorum nos edocent) ex quot illa actu componat.

Dico igitur, mihi ex his non satis patere, ullum aliquem esse determinatum numerum Elementorum, quæ uniformiter in omnibus differentiis ordinibus Corporum, quæ perfectè Mixta concedantur, occurrant.

Atque, ut distinctius probetur hæc Propositio, primo loco expendendum proponam, Aliquot esse Corpora, quæ nunquam conspiciere potui, eò usque per ignem divisa, ut Tres inde Substantiæ Elementares prollicerentur. Lubens (ut nuper dicebam *Philopono*) viderem fixum illud & nobile Metallum, quod nos Aurum appellamus, in Sal, Sulphur, & *Mercurium* separari. Atque, si quis subiicere se velit competenti mulctæ, si deficiat, ego cum lubentia, si res succedat ex voto, & pro istiusmodi Experimenti materia & impensis solvam. Non, quod post mea ipsius tentamina præfractè negare ausim, extrahi ex Auro Substantiam aliquam posse, quam nec Chymici Tincturam aut Sulphur eius appellent, præstare queam, quæque Corpus restitans solito suo colore orbatum relinquit; Neque sum certus, non posse ex eodem Metallo verum fluidumque Argentum Vivum elici: sed, quod ad Auri *Sal* attiner, neque unquam vel illud conspiciere mihi datum, vel ex ullius fide digni Autoptæ testimonio coargui, tale quid unquam separatum in *rerum natura* fuisse. Et quoad varios illos Processus, qui effectum istum promittunt, Materialia, quæ ad opus requiruntur, nimis aliquantum pretiosa ac sumptuosa sunt, quæ in Casibus consumantur non fundatis, quorumque successus non modò dubius est, sed & ipsa possibilitas nondum demonstrata. Attamen, quod maxime ab eiusmodi tentamentis me deterret, non sunt sumptus, sed certitudinis frustratio; quamvis successum sortirentur. Cum enim Aurei huius Salis Extractio, in Chymicorum Processibus, præscripto per corrosiva Menstrua, aliorumve corporum Salinorum interventu sit præstanda, dubium homini cauto restabit, emergere Sal illud ex Auro ipso, an ex Corporibus Spiritibusve Salinis, ad id præparandum adhibitis. Eiusmodi quippe Metallorum Larvas sæpe Artificibus imponere, *Eleutherium* certus sum non ad eò esse in Chymica hospitem, ut ignoret. Lubens quoque tria illa Principia separata viderem à pura Arena Virginea [ut vocant,] ab *Osteocolla*, ab expurgato Argento, ab Argento Vivo, ab adscititio eius Sulphure liberato, à *Talco Veneto*, quod, diu licet in intenso admodum *Reverberio* totum, in minutiores duntaxat particulas [non in Principia constituentia] dividere potui: quin quod in Igne Virgato, nescio quamdiu, meo iussu detentum, eadem extraheretur figura, qua Massula eius erant instructæ, quando imponebantur, licet in Colorem ferè *Amyethystinum* esset mutatum; & ab aliquot aliis Corporibus, quæ jam supervacaneum esset enumerare. Quamvis enim penitus affirmare non ausim, impossibile esse, hæc Corpora in sua *Tria Prima* resolvere; quoniam tamen mea ipsius Experimenta, nec satis fide dignum Testimonium hæctenus vel me docuit, quomodo eiusmodi instituenda sit *Analysis*, vel me convicit, reverè factum esse, libertatem mihi sumo fidem meam cohibendi, donec Chymici id probent, vel eiusmodi processus id quod obtendunt præstandi tradant, qui intelligi & in praxim deduci queant. Dum enim affectant obscuritatem istam *Enigmaticam*, quæ Lectoribus editorum suorum de *Analytica* præparatione Auri, vel *Mercurii*, Processuum

suum crucem figere solent, viros cautos admodum suspensos relinquunt, suntque discrepantes illæ Substantiæ, quas producere spondent, Principia verè Hypothætica, vel quædam duntaxat separatorum Corporum cum iis, quæ operationi adhibebantur, intermixturæ: Vti id in apparentibus Argenti nec non *Mercurij* Crystallis est manifestum; qui, licet à nonnullis inconsultò istorum Metallorum Salia esse supponantur, planè nil nisi Corporum Metallinorum cum Salinis *Aque fortis*, aliorumve liquorum Corrosivorum, partibus mixturæ sunt; uti exindè, quod in Argenti, vel *Mercurium*, ut antè erant, reduci rursus queunt, abundè liquet.

Non possum non fateti (ait *Eleutherius*) quod, licet Chymici ex fundamentis probabilibus affirmare queant, posse se ab Animalibus & Vegetabilibus sua *Tria Prima* impetrare, sæpè tamen miratus fui ipsos tanta cum fiducia obtendere, posse se omnia Metallina, aliaque Mineralia Corpora, in Sal, Sulphur & *Mercurium* resolvere. Est quippe dictum ferè Proverbiale inter nos ipsos Chymicos, qui Philosophi habentur, nosterque Gentilis, *Rogerus Bacon*, speciatim id suum fecit: *Facilius est Aurum facere, quam destruere*. Atque vereor Tecum, Aurum non esse unicùm illud Minerale, ex quo Chymici frustra tentare solent *Trium* suorum Principiorum separationem. Novi equidem [pergit *Eleutherius*] eruditum * *Sennertum*, in eo ipso libro, ubi in se non suscipit causam agere Chymicorum, sed ipsorum & *Peripateticorum* Arbitrium, rotundè pronuntiare; *Saltem omnibus inesse (Mixtis scilicet) & ex iis fieri posse omnibus in resolutionibus Chymicis versatis notissimum est*. Ex pagina proxima, *Quod de Sale dixi, ait, idem de Sulphure dici potest*. Verum, bona ipsius venia, probationes valdè solidas ut videam, necesse est priusquam Generalibus aded Assertionibus, utcunque audacter traditis, si dem adhibeam: quique de eorum Veritate convincere me satagit, prius me doceat, oportet, veram, & praxi aptam rationem Sal & Sulphur separandi ab Auro, 'Argento, torque differentibus Lapidum generibus, quos intensus Ignis non in Calcem, sed Fusionem, reducit. Nec tantum Ego sum solus, qui nunquam ullum ex istis nuper-memoratis Corporibus ita resolutum viderim; sed † *Helmontius*, qui in Chymicis Corporum Anatomis, vel *Sennerto*, vel *Me* multò fuit peritior, alicubi affirmare non hæsit Scio ex arena, silicibus, & saxis non *Calcareis nunquam Sulphur aut Mercurium trahi posse*. Imò § *Quercetanus* ipse, quamvis magnus *Trium Primorum* Hyperaspistes, hanc de impossibilitate Adamantes resolvendi Confessionem consignavit; *Adamus* (ait) *omnium saltem Lapidum solidissimus, ac durissimus ex aridissima videlicet Trium Principiorum unione, ac coherencia, qua nulla arte separationis in solutionem Principiorum suorum spirituum disjungi potest*. Et sanè (pergit) *Eleutherius*; non modò latabundus, sed non nihil inopiamer percipio, te ad concedendum propendere, Sulphur & fluentem *Mercurium* posse ab Auro elici. Ni enim (uti dictio tua videtur innuere) Vocabulum *Sulphuris* capias sensu admodum laxo, dubitandum mihi, possintne Chymici nostri Sulphur ab Auro separare. Etenim quando facere te videbam

h 3 Experimentum

* *Sennert. lib. De cons. & dissol. p. 147.* † *Helmont. p. 609.* § *Quercet. apud Dillich, in Thesolo reditivo p. 29.*

Experimentum illud, quod invitasse te arbitror ab loquendum, uti faciebas, non judicabam Tincturam Auream verum esse Principium Sulphutis ab illo Corpore extracti, sed Aggregatum aliquarum ejusmodi intensè tinctarum Auri partium, quas Chymicus aliquis appellasset *Sulphur incarnabile*, quod plano sermone vix aliud sonare videtur, quam Sulphur non Sulphur. Et quoad Metallinos *Mercurios*, miratus non fuisset, etiamsi verbis usus fuisset multò severioribus, cum de iis loquereris. Memini enim, cum aliquando in Veteranum celebremque inciderem Artificem, qui Chymici provinciam apud magnum Regem diu functus fuerat, & etiamnum fungitur, honestatis ejus fama invitabat me, ut ab ipso peterem, ut mihi narraret ingenuè, unquam te inter multos suos labores reapse verum fluentemque *Mercurium* ex Metallis extraxisset. Cui quæstioni libere respondebat, Se nunquam verum *Mercurium* ab ullo Metallo separasse, neque unquam id reverà à quoquam factum vidisse. Et licet Aurum inter omnia Metalla sit illud, cujus *Mercurium* Chymici maximè laborarunt extrahere, & quod à se extractum fuisse maximè jactitant; expertus tamen *Angelus Sala* in Spagyrica sua narratione septem Planetarum *Terrestrium* (hoc est, septem Metallorum) memorabile hoc Testimonium in rem nostram præsentem nobis reliquit: *Quoniam* [ait] &c. *Experientia tamen (quam stultorum Magistrum vocamus) certe comprobavit, Mercurium Auri adeo fixum, maturum, & arile cum reliquis ejusdem corporis Substantiis conjungi, ut nullomodo retrogredi possit.* Cui subjicit, seipsum multum laboris in eam rem insumpsisse, sed nunquam ullum ejusmodi *Mercurium* inde productum conspexisse. Et credo faciliè, quod subnectit, *Se sapius vidisse, multas technas & imposturas fraudulentorum Alchymistarum fuisse detectas.* Etenim maxima eorum pars, qui ejusmodi Agyrtas depereunt, cum sunt imperiti, vel creduli, vel utrinque culpandi, iis, qui aliqua instructi sunt peritia, multa vafricitie, majori audacia, & nulla conscientia, faciliè admodum est ipsis imponere: & propterea, licet multi *Alchymista* professi, pluresque viri conspici mihi dixerint, ipsos fecisse, vel vidisse *Mercurium* Auri, hujusve vel alterius Metallii; attamen semper proclive mihi fuit vereri, vel Vitos hosce molitos fuisse alios decipere; vel ea caruisse peritia, & circumspèctione, quæ sufficiebat ad seipsum à deceptione muniendum.

Revocas mihi in memoriam [ait *Carnæades*] Experimentum quoddam, quod aliquando excogitabam, innoxie quosdam decipiendi gratia, ipsique & aliis demonstrandi, quam parum superstruendum sit istorum Assertionibus, qui vel imperiti sunt, vel incauti, quando nobis narrant, se vidisse *Alchymistas Mercurium* ex hoc illove Metallo elicuisse. Atque, ut hoc eo liquidius redderem, Experimentum meum multò faciebam planius, compendiosius, & simplicius, quam sunt Chymicorum usitati Processus ad *Mercurios* Metallicos extrahendum; quæ Operationes cum passim magis sint elaboratæ, & intricatæ, ac tempus multò longius postulent, *Alchymistis* ad fallendum sunt opportuniore, proindeque spectantium suspitioni magis obnoxie. Atque id, in quo conabor Experimentum meum magis assimilare veræ *Analysi*, erat, quod non modò præ me ferebam, perinde ac alii, *Mercurium* ex Metallo, quod sub manu erat, extrahere,

sed

sed & amplius conspicui & inflammabilis Sulphuris copiam inde separare. Capiō igitur ex ramentis Cupri drachmam circiter unam, vel duas, Communis Sublimati in pulverem redacti pondus æquale, & *Salia Armoniaci* ferè tantundem ac Sublimati: hæc tria probè commixta parvæ Phialæ, longo collo munitæ, vel, quod præstare deprehendo, Vtrinali Vitro immitto, quod (*Goffypio* pius obturatorum) ad noxios fumos cavendum gradatim convenienti igni carbonum accensorum, vel (quod pulchrius est, sed magis minatur Vitri fracturam) Flammæ Candelæ admoveo; &, temporis aliquo spatio elapso, fundo Vitri carbonibus accensis superimposito, vel Flammæ exposito, intra horæ circiter quadrantem, vel fortassis octavam, in Vitri fundo fluentem *Mercurium* percipies: atque, si rum Vitrum removeas, frangasque, *Mercurii* particulam, fortassis omnem, fortassis ejus partem in solidæ massæ pōtis reperies: reperies quoque, restituantem Massam, flammæ Candelæ admotam, promptè urere cum viridante flamma, & post paucillum temporis (fortasse protinus) in Aëre ex viridi cæruleum colorem acquirere, qui cum sit color, qui Cupro, corpore ejus reterato, tribuitur, facilè est vulgo persuadere, hoc esse verum Sulphur *Veneris*, maximè cum non modò *Salia* supponi queant partim avolasse, & partim sublimata esse in superiorem Vitri partem, (cujus interior superficies iis communiter apparet dealbata) Metallum verò planè videtur destructum, cum Cuprum non amplius in Metallica, sed in Resinosæ Massæ forma appareat. Cum reverà hunc duntaxat in modum res se habeat, quod *Salinæ* partes sublimati, unà cum *Salis Armoniaci*, vehementi calore excitatæ, & efficaciores redditæ, Cuprum adoriuntur (Metallum, quod facilius corrodere possunt, quam Argentum) quò ipso minutæ partes *Mercurii* à Salibus, quæ ipsas tenebant disjunctas, liberatæ, & per Calorem huc illuc agitatæ, post varios occursus, in conspicuam Liquoris massam coeunt, & quod ad *Salia* attinet, quibusdam magis Volatilium in superiorem Vitri partem sublimatis, reliqua Cuprum corrodiunt, cumque eo unita mirè Formam Metallicam alterant, larvantque, & cum ipso novum Concreti genus, Sulphuris ad instar inflammabile, componunt: de quo nil quidquam nunc dicam, cum te remittere possim ad diligentes illas Observationes, quas memini Dominum *Boyle* de insolito hoc viridi Aëris genere fecisse. Verum (continuat *Carnedus* subridens) noski, me non fuisse in Agyrram exasciarum, ideoque ad refutandum personam Sceptici properabo, sermonemque, ubi me inde divertebas, pertexere pergā.

Proximo igitur loco considero, quod, uti Corpora quædam sunt, quæ ne quidē Tria Principia largiuntur, ita multa sunt alia, quæ in *Analysi* sua plura Tribus Principia exhibent; quodque idcirco Numerus Ternarius non est ille, qui Univerſalia & Adæquata Principia Corporum continet. Si admittas, quem apud te nuper habebam, Sermonem de primariis minutarum Particularum Materię Associationibus, vix censebis improbabile, ex Corpusculis ejusmodi Elementaribus plura esse genera posse, quam Tria, Quatuor, vel Quinque, Ac, si concesseris, quod vix à quoquam negabitur, Corpuscula compositæ naturæ in omnibus Chymicorum Exemplis pro Elementaribus posse haberi, non video, cur impossibile

impossibile existimes, quod uti *Aqua fortis*, vel *Aqua Regis*, instituit colliquari Argentī & Auri separationem, licet Ignis id præstare non valeat; ita Agens inveniri possit aded subtile, & potens, istorum saltem particularium Compositorum Corpusculorum respectu, quod ea resolvere in ista Simpliciora queat, undè constant; proindeque numerum distinctarum illarum Substantiarum augete, in quas mixtum Corpus fuit hæcenus resolvable existimatum. Et, si verum hoc, quod nuper tibi recitabam ex *Helmanio* de operationibus *Alkalest*, quod Corpora in alias, & numero & natura distinctas, Substantias dividit, quam Ignis, non parum meæ conjecturæ patrociniabitur. Sed adstringentes nos ipsos ejusmodi modis Corpora mixta resolvendi, qui jam non ignorantur à Chymicis, non absurdè, putem, querere possumus, Vtrum, præter illa crassiora Elementa Corporum, quæ Sal, Sulphur, & *Mercurius* vocantur, non possint esse subtilioris naturæ Ingredientia, quæ ob extremam suam parvitatem, & in seipsis invisibilitatem, per Vasorum Stillatitiorum juncturas, utut sollicitè luto obductas, inobservata possunt elabi. Permittas enim, ut hoc apud te observem, quod, licet à Chymicis notatum non fuerit, conceptus tamen Physico perutilis in multis casibus esse poterit: videlicet, nos jure posse suspicari, Plura esse posse Corporum genera, quæ Sensuum nostrorum nulli Objectum sunt immediatum; quoniam videmus non modo minuta illa Corpuscula, quæ ex Magnete emanant, insolitaque illa præstant, quorum causa jure eum admiramur; sed *Effluvia Succini*, Electri, aliorumque Corporum Electricorum, licet per effecta in particularia Corpora, actioni eorum recipiendi disposita, cadere videantur sub Visus nostri perceptionem, attamen non immediatè afficiunt ullum ex Sensibus nostris, quæ Electrica, uti faciunt Corpora illa, sive parva, sive majora, quæ videmus, tangimus, gustamus, &c.

Sed, pergit *Carneades*, quia expectare potes, ut Chymistarum ad instar, sensibilia Mixtorum Corporum Ingredientia duntaxat considerem, videamus, quid Experientia etiam, quoad hæc, nobis suggerer. Videtur iraque res satis dubia, annon possit ex Vvis, diversimodè versatis, plures distinctæ Substantiæ, Ignis ope, elici; quam ex majori numero aliorum Corporum mixtorum. Etenim Vvæ ipsæ, in Vvas passas exsiccatae, distillataeque, largiuntur (præter *Alcali*, Phlegma, & Terram) insignem Emphyreumatici Olei copiam, Spiritumque à Spiritu Vini valdè discrepantem. Vvarum quoque Succus, fermentationem non passus, alios distillatos Liquores suppeditat, quam Vinum. Succus Vvarum fermentatus *Spiritum Ardentem* exhibet, qui, satis rectificatus, totus flamma sic absumetur, ut planè nihil post se relinquat. Idem Succus fermentatus, in Acetum degenerans, largitur Spiritum acidum, & corrodentem. Idem Succus convasatus seipsum *Tartaro* stipat; ex quo, uti ex aliis Corporibus, Phlegma, Spiritus, Oleum, Sal, & Terra possunt separari: ne memorem Substantias, quæ ex ipsa Vite possunt extrahi, quæque probabile est ab iis differre, quæ à *Tartaro* separantur, quod Corpus est peculiarè, cui pauca in Vniverso similia reperiuntur. Atque considerabo insuper, quod, qualemcunque in hoc exemplo vim agnovetis ad evincendum, esse quædam Corpora, quæ plura alia Elementa suppeditent, vix negari queat, Majorem Corporum

Corporum numerum, in Elementa divisibilem, pluratibus largiri. Præter illa quippe, quæ Chymicis visum est vocare *Hypostatica*, maxima pars corporum duobus alia continetur, Phlegma, & Terram, quæ cum æquè ac reliqua ad Mixtorum constitutionem concurrant, reperianturque æquè generaliter, ne dicam amplius, in ipsorum *Analysi*, non satis causæ video, cur à numero Elementorum excludantur. Nec sufficiet objicere, solito *Paracelsistis* more, *Tria Prima* esse Elementa maximè utilia, Terram verò, & Aquam, inutilia, atque inertia. Elementa enim cum ita vocentur, quod Corpora Mixta constituent, res quæque, sub ratione, qua ingreditur Corpora, non qua est usus, affirmari vel negari deberet Elementum; & quoad objectam Terræ & Aquæ inutilitatem, expendendum, utilitatem, ejusve defectum, respectum duntaxat vel relationem ad nos denotare, ideoque præsentiam vel absentiam ejus intrinsicam rei naturam non alterare. Noxii dentes Viperarum sunt nobis, quantum ego quidem novi, inutiles; nec tamen partes esse Corporum eorum sunt negandæ. Atque arduum foret ostendere, quid amplius nobis utilitatis, quam Phlegma, Terraque, Stellæ incognitæ nobis afferant, quas recentia nostra *Telescopia* in multis albicantibus Firmamenti partibus nobis deegunt; nec tamen non possumus ea constituentes & insigniter grandes Univerſi partes agnoscere. Præterea, siue immediatè utilia sint Phlegma & Terra, siue non, necessaria verò ad Corpus, undè separantur, constituendum; proindeque, si Corpora Mixta nobis non sunt inutilia, nec partes istæ constituentes, sine quibus istiusmodi Mixtum Corpus esse non potuisset, Inutiles nobis esse dici possunt; & licet Terra & Aqua non sint adeò conspicuè operativa (post separationem) ut sunt reliqua tria magis activa Principia; attamen hoc in casu non abs re erit fortunatam *Menenii Agrippæ* Fabulam recordari, de periculosa scilicet Manuum, & Pedum, aliorumque magis occupatorum Corpori Membrorum, adversus apparenter inertem Ventriculorum seditione. Atque huc accommodare non incongrue possumus illam Apostoli ratiocinationem, alio licet consilio factam; Si *Auris dixerit, quia non sum Oculus, non sum Corpus, ideoque Corporis non eris? Si totum Corpus Oculus esset, quid fieret de Auditu? Si totum esset Auditus, ubi Odores?* Verbo dicam, quandoquidem Terra & Aqua æquè manifesto, & æquè universum, ac reliqua Principia, facta Corporum resolutione, conspiciuntur esse Ingredientia, ex quibus illa componuntur; & quandoquidem utilia sunt, si non immediatè nobis, vel potius Medicis, sunt tamen Corporibus, quæ constituunt; & hac ratione, liceat non nihil remotius; nobis inserviunt; Elementorum numero ea excludere, non est Naturam imitari.

Atque hic non possum non annotare, quod, cum potissimum Argumentum, à Chymicis adhiberi solitum, ad Terram & Aquam vilipendendum, easque prostituendum ut inutiles indignasque, quæ Mixtorum Corporum Principiis annumerentur, sit hoc, quod illæ non sint instructæ Proprietariis specificis, sed Qualitatibus duntaxat Elementaribus, quas tanquam viles & inertes suis sermonibus solent traducere: ego sat causæ non videam, quæ huic mori Chymicorum patrocinetur. Est quippe in confesso, Calorem esse Qualitatem Elementarem, ferè innumeras tamen res notabiles adminiculo Caloris perfici, iis est manifestum, qui

varia illa *Phænomena* probè considerant, in quibus exhibendis ille primas agit, nec quisquam est, qui minus ignorate hanc veritatem, eive diffidere debeat, quam Chymicus, cum omnes ferè operationes & productiones Artis ipsius præcipuè Caloris ope perficiantur. Et, quoad Frigus ipsum, propter quod Tertiam & Aquam adeò villipendunt, modo placeret ipsis evolvere *Anglicorum* nostrorum *Belgicorumque* Navigatorum in *Novam Zemblam* itinera, ibique perlegere, quam stupenda, mediante Frigore, confici queant, fortè non id adeò despiciatui haberent. Ac, ne repetam quæ nuper ex *Paracelso* ipso tibi recitabam, qui intensi Frigoris beneficio docet Quintam Essentiam Vini separare, hoc tantum nunc apud te observabo, Texturæ multorum Corporum, & animatorum, Conservationem adeò dependere à conveniente motu, tum propriarum ipsorum partium fluidarum, laxiorumque, tum Corporum ambientium, Aëris puta, Aquæ, &c. ut non modo in Corporibus humanis videamus immoderatum vel intempestivum Aëris frigus (præsertim quando excalescentia nimis ista Corpora prehendit) crebrius admodum Oeconomiam ipsorum conturbare, variosque morbos inducere; sed in solido ac durabili Corpore Ferri ipsius, in quo quis non expectaret, ut insignem ullam mutationem subitum Frigus produceret, tantam vim posse exserere, ut, si solum aliudve tenue frustum Chalybis capias, idque in igne ad albicantem calorem reductum, postea lente in Aëte refrigerescere sinas, eandem ferè, quando refrigeratum est, duritiem sit habiturum, quam prius: cum si, quamprimum id ab Igne removeris, Aquæ frigidæ immergis, subito refrigeratum, multò majorem, quam habebat antè, duritiem, quin imò manifestam etiam fragilitatem, sit acquisiturum. Ac ne hoc tribuas peculiari ulli Qualitati in Aqua, vel alio Liquore, Vinctuosæ Materie, in qua candefactus ejusmodi Chalybs extingui solet, ut temperetur; Artificem valdè peritum novi, qui pluries Chalybem durat, ipsum in eo Corpore, quod nec liquor est, nec vel humidum saltem, subito refrigerando. Istiusmodi Experimentum factum vidisse me memini. Vrut sit, ex operatione, quam Aqua in Chalybem in ea extinctum exercet, sive id fiat ex ejus frigiditate, & humiditate; sive ex ulla ex ejus Qualitatibus: apparet, non semper Aquam esse Corpus tam iners & vile, ut Chymici nostri eam censeri vellent. Quodque de Caloris & Frigoris efficacia dixi, forsàn satis facile ulterius posset extendi aliarum Animadversionum & Experimentorum adminiculo, nisi quod, cum in transcurso tantum id tetigerim, isti Argumento immorari non debeam, sed ad aliud subiectum progredi.

Sed (prosequitur sermonem *Carneades*) licet manifestum existimem, Terram & Phlegma accensenda esse Elementis, quæ maximam partem Animalium & Vegetabilium Corporum constituunt, non tamen hoc solo nomine judicem, in plures tribus Substantias diversa Corpora posse resolvi. Suppetit quippe rohi par Experimentorum, quæ aliquando feci, ut ostenderem, saltem quædam Mixta in plures quam quinque Distinctas Substantias posse resolvi. Vnum Experimentorum, quamvis mihi erit opportunius id paulo infra plenius commemorare, interim tamen hanc ejus partem tibi nunc narrabo; Quod ex duobus Distillatis Liquoribus, qui Elementa habentur Corporum, undè eliciuntur, facete absque addita-

additamento possum verum Sulphur, flavum, & inflammabile, non obstante, quod duo Liquores postmodum distincti remanent. De Experimento altero, quod fortasse non erit Observatione tua penitus indignum, oportet, ut particularem hinc Narrationem tibi referam. Diu observaveram, facta diverforum Lignorum, tum in vulgaribus, tum in inusitatis quibusdam generibus vasorum, Distillatione, copiosum illum Spiritum, qui transcendebat, præter acrem Saporem, in Empyreumaticis multorum aliorum Corporum Spiritibus deprehensum, Aciditatem habuisse, illi, qui est in Aceto Vini, ferè similem: quæ suspicabar, quod, licet acidus Liquor, distillatus, exempli causa, ex *Buxo*, spectetur à Chymicis ut merus ipsius Spiritus, ideoque ut unum singulum Elementum, Principiumve, reapse tamen ex duabus Substantiis distinctis constet, inque ea res solvi possit; proindeque quod ejusmodi Ligna, aliaque Mixta, quæ tali Aceto abundant, constare dici possint uno amplius Elemento, Principiove, quam Chymici hæcenus notarunt. Quare mecum reputans, quomodo fieri posset duorum horum Spirituum separatio, mox deprehendebam, plures modos esse id ipsum, perficiendi. Sed, is, quem ex iis in præsentiarum memorabo, hic erat. Distillata *per se* quantitate aliqua *Buxi*, & subacido Spiritu lenè rectificato ut eo melius tum ab Oleo, tum à Phlegmate discesceretur, convenientem Coralliorum pulverisatorum copiam in Liquorem hunc rectificatum conjeci, expectans, ut Acida Liquoris pars Corallia corroderet, iisque sociata tam arctè hæreret, ut pars altera liquoris, naturæ non Acidæ, nec apta ad Coralliis adhærendum, sola ascendere permitteretur. Neque me decepit expectatio. Leniter quippe abstracto à Coralliis Liquore, Spiritus, gravi odore, & sapore admodum penetranti instructus, absque omni tamen Aciditate, transcendebat, inque diversis Qualitatibus, non modò ab Aceti, sed à quodam ejusdem Ligni Spiritu, quem, acido suo ingredienti non orbatum, de industria asservaveram, manifestè discrepabat. Atque, ad certum te reddendum, duas hæc Substantias valdè differre, plura Tentamina à me facta edocere te possem; sed quædam ex iis sunt, quæ nominare mihi fas non est, cum facere id nequeam: nisi aliqua intempestivè prodam. Attamen hoc tibi nunc dicam, acidum *Buxi* Spiritum non tantum, ut modo retuli, Corallia dissolvere, quæ alter aggredi negabat, sed Sali *Tartari* superinfusus proinus cum sibilò ebulliebat, cum alter è contra immotus super ipso reskitaret. Acidus Spiritus, *Minio* superinfusus, Saccharum *Saurini* conficiebat, quod alterum præstare non deprehendebam. Quædam penetrantis huius Spiritus guttæ, cum quibusdam cærulei Violarum Syrupi guttis mixtæ, diluere, potius, quam alia ratione alterare colorem videbantur; cum, è contra, Spiritus Acidus Syrupum in colorem subrubentem mutaret, & probabiliter in colorem plane rubentem, ut Acida Salia facere solent, mutasset, ni fuisset Operatio eius, alterius Spiritus mixtura, impedita. Paucae guttæ compositi Spiritus in insigniorem Infusi *Ligni Nephrutici* copiam excussæ, è vestigio totum colorem Violaceum abolebant, cum alter Spiritus eum tollere recusaret. Quibus omnibus adjici posset, quod, cum Experimenti ergo, aquam limpidam Coralliis affudissem, quæ in Vitri fundo resitabant, in quo duplicem Spiritum, [si ita vocare eum licet] pri-

mitus à *Buxo* abstractum, rectificaveram, deprehendi, ut expectabam, Acidum Spiritum reverà Corallià dissolvissè, & cum iis se coagulasse. Etenim, affusa Aqua pura, Solutionem obtinebam, quæ (ut in transcurso id ceu singulare quid notem) rubra erat, undè Aqua evaporata, Substantia solubilis remanebat, communi Sali Coralliorum valdè similis; uri Chymicis visum est Magisterium illud Coralliorum nuncupare, quod parant, dum ea in vulgari Aceti Spiritu dissolvunt, *Mentruumque ad Siccitatem* abstrahunt. Nescio, an subnectere debeam hac occasione, simplicem *Buxi* Spiritum, si Chymici eum idèd Salinum esse volunt, quod linguam fortiter ferit, novum nobis Salinorum Corporum genus, ab hæcenus observatis discrepantium, suppeditare. Cum enim ex tribus præcipuis Salium generibus, Acido, Alcalizato, & Sulphureo, nullum sit; quod cæterorum utriusque sit amicum (ui brevi occasio mihi dabitur ostendendi) non deprehendi, nisi quod simplex *Buxi* Spiritus amicè admodum (quantum saltem mihi occasio erat expectiundi) cum Acido reliquisque Salibus convenire. Licet enim planè quiesceret cum Sale *Tartari*, Spiritu *Vrinæ*, aliisque Corporibus, quorum Salia vel Alcalizata vel fugacis erant naturæ; atramen nec ipsius Olei Vitrioli Mixtio ullum sibi illam vel effervescentiam producebat, quam nostri acidissimi illius liquoris Affusionem, in alterutrum Corporum nuper memoratorum factam, subsequi solere.

Me tibi devinctum arbitror, inquit *Eleuth.* pro hoc Experimento, non modò quia prævideo, te id in rem versurum illius, quæ nunc sub manu est, Disquisitionis, sed quia Methodum nos docet, qua numerosum novorum Spirituum genus possimus parare, qui, licet magis sint simplices, quam multi ex iis, qui Elementa, res habentur, manifestò Qualitatibus imbuti sunt peculiaribus, potentibusque, quorum nonnulli insignem habere usum in Medicina poterunt, tam soli, quam rebus aliis associati: uti ex Solutionis istius Coralliorum, quam Spiritus tuus Acidus instituebat, rubedine, aliisque nonnullis tuæ Narrationis circumstantiis cum spe successus conjectare licet. Atque purem ego (pergit *Eleutherius*) te ad faciendum Acidarum partium, in Spiritibus hisce compositis contentarum, à reliquis separationem non adèd ad adhibendum Corallia esse adstrictum, quin æquè uti possis quovis Sale Alcalizato, vel etiam Perlarum, vel Oculorum Cancrì, uliusve alterius Corporis, in quod communis Spiritus Aceti facildè agir, atque, ut *Helmontiana* Phrasi utar, seipsum exantlat.

Nec dum sum expertus, ait *Carneades*, cui usus dicti Liquores esse in Medicina possint, sive tanquam Medicamenta sive tanquam *Menstrua*: sed memorare nunc possem (quod & fortè aliàs fecero) plura illorum Experimentorum, quæ fieri curabam, ut mihi ipsi de duorum horum Liquorum discrimine satisfacerem: nisi quod, uti admitto Opinionem tuam, quam mihi nuper narrabas circa Corallia, persuasum habeo te mihi permissurum, ut ex eo, quod jam dixi, hoc Corollarium deducam: Esse scilicet plura Composita Corpora, quæ resolvì in quatuor ejusmodi Discrepantes Substantias possint, quæ æquè nomen merentur Principiorum, ac illa, quibus Chymici lubentes id componunt. Quoniam enim id, quod ego Spiritum Compositum *Buxi* appello, pro Spiritu, vel, ut alii volunt, pro *Mercurio* Ligni illius habent, non video, cur Acidus iste Liquor, & alter ille;

ille, non debeant singuli, maximè posterior, digniores censeri, qui Principia Elementaria vocentur; cum non possint non esse simplicioris Naturæ, quam Liquor ille, qui repertus fuit, in illum & Acidum Spiritum divisibilis. Atque ad hunc usum insuper (pergit *Carnedes*) transferri hoc nostrum Experimentum poterit, quod suspicionem hanc nobis suggerat, cum scilicet Liquor, habitus à Chymicis citra controversiam, Homogeneus, tam levi opere in duo distincta & simpliciora Ingredientia dividi possit, peritiorem quandam felicioremque Experimentorum Curatorem rationem invenire posse, vel horum Spirituum unum ulterius dividendi, vel resolvendi hunc vel illum (si non omnes) ex reliquis illis Mixtorum Corporum Ingredientibus, quæ hæcenus inter Chymicos pro ipsorum Elementis Principiisve recepta fuerunt.

CHYMISTÆ SCEPTICI

P A R S Q U A R T A.



A T Q U E hæc (inquit *Carnedes*) dicta sufficiant de Numero distinctarum Substantiarum à Corporibus Mixtis, Ignis ope, separabilem: Progrediar nunc ad expendendum ipsarum Naturam; tibi ostensurus, quod, licet Corpora videantur *Homogenea*, non tamen ea sint puritate ac simplicitate prædita, quæ requisitum est Elementorum. Atque continenter pergerem ad Assertionis meæ probationem, nisi nimia Fiducia illa, qua Chymici unamquamque eorum, de quibus sermo, Substantiarum insignire solent nomine Sulphuris, vel *Mercurii*, vel cæterorum ex *Principiis Hypostaticis*, & non ferenda Ambiguitas, quam sibi in Scriptis & Phrasibus suis permittunt, à me exigent, (ne scilicet vel tu de me hallucineris, vel opineris me hallucinari circa statum Controversiæ) ut apud te notem, & conquerar de iniqua illa Libertate, quam sibi sumunt cum Nominibus pro libitu ludendi. Et sanè, si obstrictus essem in hac Disputatione ad Phrasæologiam uniuscujusque Chymici sic attendere, ut nil quidquam scriberem, quod ab hoc vel illo Auctore obtendi non queat huic illive sensui non contradicere, quem pro re nata ambiguis dictis suis affingat, vix scirem, quomodo disputare, vel quo me vertere deberem. Reperio quippe etiam præclaros Auctores (quales sunt *Raymundus Lullius*, *Paracelsus*, & alii) aded terminis in se adhibitis abuti, ut sicuti aliquando rebus diversis idem nomen imponunt, ita sæpè rem unam multis nominibus insigniant, quorum etiam nonnulla (forte) sunt eiusmodi, ut multò magis propriè distinctum aliquod alterius generis Corpus significant. Quinimo in ipsis Vocabulis *Technicis* conturbanti huic.

licentiæ frænum non injiciunt; sed, ut jam observavi, eandem Substantiam modò Corporis Sulphur, modò ipsius *Mercurium* appellare amant. Cumque de *Mercurio* loquor, non possum non annotare, Descriptiones, quas nobis de isto Corporum Mixtotum Principio, sive Ingrediente, tradunt, adeò esse implexas, ut etiam isti, qui Notiones Chymicorum conati sunt polire, & illustrare, fateti teneantur, nescire se quid velint, idque vel ingenuis Confessionibus, vel Descriptionibus, quæ non possunt intelligi.

Oportet me fateti (inquit *Eleutherius*) me, in *Paracelse*, aliisque Auctoribus Chymicis evolvendis, cum ægritudine invenisse, dura ejusmodi Vocabula, Æquivocasque dictiones, de quibus tu merito quæteris, etiam tum, quando agunt de Principiis, de industria ab ipsis affectata videri; sive id factum, ut sui admirationem apud Lectores excitarent, suæque Arti majorem venerationem & Mysterii speciem conciliarent, sive (uti id nobis persuasum vellent) ut cognitionem, quam ipsi judicant inæstimabilem, ipsis abscondant.

Verùm quicquid etiam (inquit *Carneades*) hi Viri sibi polliceantur ex splendido illo nugandi modo, quo Naturæ Principia tradunt, majorem hominum Sagacium patiem id sibi sumere reperient, ut non intelligentes quæ legunt, Scriptorem potius culpandum, quam seipsos concludant. Ac ii, qui tantoperè admirationem ignari Vulgi ambiunt, ut potius, quam ut ea careant, Doctorum contemptui se exponant, isti, meo quidem consensu, abundè sua fruuntur opinione. Quod Scriptores illos Mysticos spectat, qui scientiam suam reverterantur communicare, illi cum minore suæ exultationis fraude, minorique Lectorum suorum molestia eam celassent, nullos scribendo Libros, quam scribendo malos. Si *Themistius* adesset, affirmare non dubitaret, Chymicos tam obscurè scribere, non quod Conceptus suos nimis, ut explicentur, preciosos æstiment, sed quod metuant, ne, iis explicatis, homines dignoscant eos nequaquam preciosos esse. Et sanè vereor ego, ne præcipua ratio, quare tam obscurè de Tribus suis Principiis Chymici scripserint, ea sit, quod, claris distinctisque circa ea Notionibus ipsi destituti, nonnisi confusè de iis scribere possint, quæ nonnisi confusè apprehendunt. Ne dicam, quod plures ipsorum, de doctrinæ suæ imbecillitate sibi conscii, sat bene possent discernere, se vix posse seipsos tueri, quin redarguantur, nisi fatagerent, ne clarè intelligantur. Verùm, licet multa dici possint in Chymicorum gratiam, quando obscurè & ænigmaticè scribunt de *Elixiris* sui, aliorumque paucorum quorundam *Arcanorum*, præparatione, quorum divulgationem ex causis satis speciosis minus convenientem iudicare possint; attamen quando docere sibi sumunt Generalia Principia Physicæ, Æquivoca hæc scribendi ratio non est ferenda. Etenim in Disquisitionibus ejusmodi Speculativis, ubi ad nudam Veritatis Cognitionem primario collimamus, quid, quæso, ille me docet, gratis dignum, qui, si potest, Conceptum suum mihi non reddit intelligibilem, sed Terminis Mysticis, Phrasibusque ambiguis obscurat, quod dilucidare debebat; inque causa est, ut conjectandi de sensu eorum, quæ æquivocè exprimit, molestia laborem meum augeat Veritatem eius, quod docere videtur, examinandi? Ac, si materia Lapidis Philosophorum, modusque

cum

eum præparandi, res sit tanti Myſterij, uti Mundo perſuaſum eunt, quidni ad captum, & perſpicuè, de Mixtorum Corporum Principiis in Generali ſcribant, etiamſi illud, quod Mignum Opus dicunt, non aperiant? Verum, me quod attrinet, (pergit *Carneades*) id, quod indignatio mea adverſus *ἀφελόστον* docendi Principia modum nunc à me extorſit, præcipuè tendit ad excuſandum meipſum, ſi deinceps particulatè quandam Opinioneſſe Aſſertioneſve oppugnavero, quam *Paraceſi*, vel alterius cuiuſque præſtantis Artiſicis, Sectator aliquis Magiſtri ſui eſſe negabit. Etenim, ut jamdudum tibi dixi, non teneor examinare ſcripta privatorum (qui labor foret tam fine quam fructu catens) obligatus eas duntaxat Opiniones, quæ ſunt de *Tribus Primis*, ſub examen vocare, in quibus Chymicos, qui mihi quidem occurrerunt, maximam partem reperio convenire: nec dubito, mea adverſus ipſorum Doctrinam Argumenta facile ſatis accommodari privatis iſtis Opinionibus poſſe, quas non ita directè expliciteque oppugnant. Et ſanè, cum id, quod nunc aggredior, ſit ipſarum rerum, in quas *Spagyrici* Mixta Corpora, Ignis ope, reſolvunt, conſideratio, ſi oſtendere poterò, ipſas Elementaris Naturæ non eſſe, parùm referet, quæ nomina his illiſve Chymicis viſum fuerit iis imponere. Nec ambigo, Viro ſapienti proindeque *Eleutherio*, minoris momenti fore, noviſſe, quid Homines de rebus cogitaverint, quam quid cogitare debuerint.

Quarto igitur & ultimo loco animadverto, utut generaliter ad Experientiam provocare Chymici ſoleant; atque utut ſidenter diverſarum Subſtantiarum, à Mixto Corpore, Ignis adminiculo, ſeparatarum exempla adducere conſueverint, quaſi illæ ſatis ſuperque probant, eas Componentia ipſius Principia eſſe; attamen diſcrepanium illarum Subſtantiarum multæ à Simplicitate Elementari longè ſatis abſunt, poſſuntque etiamnum ut Corpora Mixta ſpectari, plurimis eorum, aliquid ſaltem, ſi non valdè multum, de Concretorum, undè extorta fuere, Naturæ retinentibus.

Gandeo (inquit *Eleutherius*) detectam aded & caſtigatam eſſe nugantium Chymicorum Vanitatem, Invidiamve; inque votis habeo, ut operas ſuas Viri docti jungant, quo ladiſcantibus hiſce Scriptotibus ſpes excutiat Mundum diutius impunè fallendi. Quamdiu enim id genus hominibus permittitur Libros edere ſpecioſis ritulis conſpicuos, inque iis aſſerere quæ ipſis viſum fuerit, aliſque, & ſibiſeipſis etiam ad libitum contradicere, ſuntque pariter de ſui conſuratione ac intelligence ſecuri, animi ipſis adduntur ad famam Lectorum impendio acquirendam; dum expèriuntur, ſolere Eruditos, ob cauſam nuper allegatam, eorum Libros & ipſoſmet miſſos facere: Ignorantes verò, & credulos (quorum numerus ſemper excedit numerum priorum) pronos id maxime mirari, quod minime omnium intelligunt. Verum, ſi Viri judicioſi, periri rerum Chymicarum, conſenſum ſemel ineant clarè & dilucidè de ipſis commenrandi, & hac ratione caveant, ne homines reddantur atronih, neve ipſis obſcuritare, vel inaniloquentia imponatur; ſpes aſſulget, hos homines, videntes, non poſſe ſe diutius præter rem & abſurdè ſcribere, quin ſeſe ridendos idcirco propinent, ed adacti iri, vel ut nihil ſcribant, vel ſcribant libros, qui aliquid reverà nos doceant,

doceant, nec homines, ut hæcenus fecere, inæstimabili Tempore spolient; quod fiet, ut, desistentibus ipsis Mundo negotiorum suis ænigmatibus & impertinentiis facessere, vel utilitatem capiamus ex eorum Libris, vel ipsorum silentio incommodum defugiamus.

Sed, postquam hæc omnia dicta fuere (continuat *Eleutherius*) allegari in Chymicorum gratiam potest, quod, quodam respectu, libertas, quam in nominum usu sumunt, si excusabilis sit ullo tempore, multo magis excusari potest, quando de Substantiis loquuntur, in quas ipsorum *Analysis* Corpora Mixta resolvit: cum, uti Parentes jus habent nomina Liberis suis imponendi, ita concessum semper fuerit novarum Inventionum Auctoribus, eas nominibus insigniendi. Quare, cum subiecta, de quibus sermo, ita sint productiones Artis Chymicæ, ut nonnisi ejus beneficio obtineri queant; æquum videtur Artificibus concedere, ut ipsis nomina pro lubitu imponant, præsertim, cum nulli ita sint apti factique ad nos docendum, quid sint illa Corpora, quam ii, quibus ea debemus.

Iam suprà tibi dixi (inquit *Carneades*) magnum esse discrimen inter peritiam faciendi Experimenta, & inter scientiam de ipsis Philosophandi. Neque nunc adjiciam, multos Metallurgos posse, dum operi suo incumbunt, in Gemmam aliquam vel Minerale incidere, cujus naturam ignorant, donec eam petito cuidam Gemmario, vel Mineralogo, qui ipsum de ea edoceat, ostenderint. Verùm, quod hic observari malim, hoc est, Chymicos, quibuscum nunc discepto, abdicasse se ea, quam ipsis vendicatum ibas, libertate, Vocabulis pro lubitu utendi, suisque se limitasse quolibuscunque Principiorum Descriptionibus; adeo ut, licet ipsis lixisset rem quamlibet, quam ipsorum *Analysis* iis exhibet, vel Sulphur, vel *Mercurium*, vel *Gas*, vel *Blas*, vel quidquid libuerit, appellare; postquam ramen mihi dixere, Sulphur (exempli causa) esse Corpus Simplex, & Primigenium, Inflammabile, Odorum &c. oportet, ut mihi petmittant fidem ipsis negare, si apud me affirmant, Corpus, quod vel Compositum est, vel Flammæ incapax, istiusmodi Sulphur esse; atque censere, ipsos verbis ludere, quando docent Aurum, nonnullaque alia Metalla incombustibili Sulphure abundare, quæ Dictio æquè sana est: ac si dicas, *Nox Sole collustrata*, vel *Glacies fluida*.

Sed priusquam ad particulatiora, quartam meam Considerationem spectantia, descendam convenire arbitror, pauca quædam Generalia præmittere; quorum nonnullis non opus erit nunc immorari, cum ea jam suprà tetigerim.

Ac primo quidem te invitabo, ut animum ad locum aliquem in * *Helmontio* advertas, quem licet non deprehenderim multum ab ejus Lectoribus observatum, ipse tamen notabilem memorat, ac ego valdè insignem existimo. Etenim, licet Distillatum *Oleum Olivæ* cum elicitum Distillatione *per se* (uti ipse expertus sum) acri admodum & corrodenti qualitate sit præditum, sædque Sapore horreat, ipse nos docet, Simplex *Oleum sale Paracelsi circulato* duntaxat digestum, in partes dissimilares reduci, *Oleum*que dulce largiri, multum ab *Oleo distillato*, & ab *Oleo Olivæ* differens; uti etiam hoc pacto suavem & mitem admodum

Helmont. Aura vitalis p 724.

Spiritus

Spiritum à Vino posse separari, ulterioris & nobilioris multò Qualitatis participem, quam qui immediatè per distillationem elicitur, & *Aqua Vita dephlegmata* dicitur, à cuius acrimonia alter hic Spiritus longè est distinctus; quamvis *Sal circulatum*, quod hasce *Anatomiae* instituit, à Corporibus resolutis idem in pondere & qualitatibus pristinis segregetur. Quam *Helmontii* Assertionem si veram esse concedamus, agnoscere tenemur: magnam admodum esse posse disparitatem inter ejusdem denominationis corpora (diversa scilicet Olea, diversæve Spiritus) à Compositis Corporibus separabilia. Etenim, præter differentias illas, quas infra norabo, inter distillata illa Olea, Chymicis vulgò nota, apparet hinc, *Salis circulati* beneficio, aliud planè Olei genus ab eodem Corpore posse obtineri. Et quis novit, annon alia reperiti possint Agentia in Natura, quorum ope queant, vel per Transmutationem, vel alio modo, impetrari à Corporibus, quæ Mixta vulgò dicuntur, Olea, aliæve Substantiæ, ab iis, quæ eodem nomine gaudent, discrepantes, sive vulgò Chymistarum, sive etiam ipsi *Helmontio* cognitæ? Sed, ne mihi oggeras, hanc nonnisi Conjecturam esse, Relatione alterius mixtæ, cuius veritatem media non suppetunt, ut experiamur; ei non immorabor, sed rem tibi, otio, abundanti, considerandam relinquens, ad id, quod est proximum, properabo.

Secundo igitur, si vera est Opinio *Leucippi*, *Democriti*, aliorumque veterum primi ordinis *Atomistarum*, eaque nostra ante à non infimi subfellii Philosophis rescussita; videlicet, Ignem nostrum Culinarium, quali Chymici utuntur, ex minutorum Corporum celeriter motorum Examinibus consistere, quæ vi suæ parvitatæ, & motus, solidissima & maximè compacta Corpora, atque ipsum etiam Vitrum, solent permeare; si hoc (inquam) verum, quoniam videmus, in Silicibus, aliisque Concretis, partem Igneam cum Crassioribus incorporari, à ratione alienum non erit conjectare, magnum numerum Igneorum horum Corpusculorum, per Vitri poros irrepentium, associate se posse cum Mixti Corporis, in quod agunt, partibus cumque iis nova Corporum Compositorum genera constituere, prout Figura, Magnitudo, aliæque partium dissipati Corporis affectiones eas fortè, Combinationibus ejusmodi congruenter, disponent: quardam etiam major esse potest numerus, si itidem concedatur, Ignis Corpuscula, licet minuta admodum, & valdè celeriter mora, non esse omnia ejusdem Magnitudinis, nec Figuræ.

Et, nisi graviore Consideratione tibi exponendæ mihi suppetere, commemorare, in nupere meæ Assertionis patrocinium, particularis quædam Expérimenta possem, quibus adductus sum, ut ctedam, particulas Ignis *Aperti*, agentes in quædam Corpora, reapse associare se cum ipsis posse, & Quinritatem augere. Sed, quia non sum adeò certus, Ignem, quando agit in Corpora Vitris inclusa, reali ipsorum Igneorum Corpusculorum per Vitri substantiam traiectione id præstare, ad illud progrediar, quod proximè est exponendum.

Possem (inquit *Eleutherius*) quibusdam te probationibus instruere, quibus, opinor, valdè reddi probabile potest, quod, quando Ignis in Corpus agit immediatè, quædam Corpusculorum ejus hæere possint uto Corpori, uti hæere videntur in Calce Viva, nisi quod majori numero, magisque permanentè, id ibi
contingat,

contingat. Verum, ne progressum tuum sufflaminem, petam à te, ut hanc Disquisitionem in aliud tempus remittas, tuumque institutum prosequaris.

Proximo igitur loco (ait *Carneades*) mecum observabis, non modò quædam esse Corpora, ut Aurum, & Argentum, quæ usitatis Examinibus, Ignis operæ factis, Mixta se esse non prodant; sed, si (ut memineras me supra tibi dixisse) Corpus sit Decompositum, in plures Substantias dissipabile, Igni illud exponendo, in tales resolvi potest, quæ nec sunt Elementares, nec tales, ex quibus in Mixtione novissima componebatur; sed in nova genera Mixtorum. Hujus rei jam tibi Exempla quædam suggessi in Sapone, Saccharo *Saturni*, & Vitriolo. Iam, si animum advertamus, esse quædam Corpora, tam Naturalia (quale est id, quod postremò indicavi) quam Factitia, manifestè Decomposita; Naturam in Terræ visceribus posse, ut interdum in actu fieri videmus, insolitas Mixturas conficere; Animalia aliis Animalibus ac Plantis nutiri; atque hæc ipsa ferè omnia Alimentum & Incrementum suum capere, vel ex certo quodam Succo Nitroso, in Terræ poris stabulante, vel ex Animalium excrementis, vel ex putrefactis Corporibus, vel Animalium, vel Vegetabilium, vel ex aliis compositis Ordinibus Substantiis: si, inquam, hoc consideremus, videri probabile poterit, esse posse inter opera Naturæ (ne dicam, Artis) majorem Decompositionem Corporum numerum, quam plerique observant. Et certè, uti superiùs etiam notavi, neutiquam patet, esse necessum, ut omnes Mixturæ ex Corporibus Elementaribus fiant; quæ multò videtur probabilius, plura esse Corporum Compositorum genera, etiam respectu omnium, sive quorundam ex eorum Ingredientibus, Antecedenter ad Mixturam ipsorum consideratis. Licet enim nonnulla ex Coalitionibus immediatis Elementorum, ipsorumve Principiorum, constare videantur, exindeque *Prima Mistra*, seu *Mistra Primaria* possint appellari; videtur tamen, multa Corpora misceri (ut sic dicam) secundario, cum immediata ipsorum Ingredientia non sint Elementaria, sed hæc *Mistra Primaria*, modò commemorata, atque ex pluribus eorum, quæ sunt generis hujus secundarii Mixtorum, emergere per ulteriorem Compositionem potest Tertium genus, & ita deinceps. Neque est improbabile, quædam Corpora ex Corporibus Mixtis, non quæ omnia ejusdem sint Ordinis, sed diversorum, constitui: ut (exempli causa) Concretum aliquod constare ex Ingredientibus potest, quorum unum potuit esse Corpus Mixtum Primarium, alterum verò Secundarium (uti in Nativæ Cinnabari, modo resoluta, partem illam rudiorem, quæ magis propriè Gleba Metallica videtur, & combustibile Sulphur, & fluentem *Mercurium* inveniri) vel fortè, absque ullo Ingredientis ordinis hujus posterioris, compositionem esse ex Mixtis Corporibus potest, quorum alia ad primum, alia ad tertium genus pertinent. Atque hoc nonnihil forsitan poterit illustrati; si nobiscum reputemus, quid in Chymicis quibusdam illorum Medicamentorum, quæ *Bezoardica* sua vocant, Præparationibus accidit. Primo enim, Antimonium & Ferrum capiunt, quæ ut *Prima Mistra* possunt spectari; ex his componunt *Regulum Stellarum*, atque hinc, pro consilio suo, vel Aurum, vel Argentum adjiciunt, quod novam ac ulteriorem ex eo Compositionem exhibet; addunt huic Sublimatum, quod ipsum est Corpus Decompositum.

compositum (ex communi *Mercurio*, aliquotque Salibus, per Sublimationem in Crystallinam Substantiam unitis, constans) atque ex hoc Sublimato, cæterisque Metallinis Mixturis, Liquorem abstrahunt, quem Naturæ adhuc magis Compositz esse concesseris; si quidem verum est, quod affirmant Chymici, hac Arte partem Auri, vel Argenti, cum *Regulo* mixti, transduci cum ipso per *Alembicum* posse, Sublimati adminiculo: uti certè vir quidam peritus & candidus antehac apud me conquerebatur, expertum quendam ipsius amicum, & meum, postquam ista via magnam Auri partem transduxerat, spe fretus, se ulteriori opera illud in rem suam versutum, non modò sine suo excidisse, sed ne posse Aurum Fugitivum ex Butyro Antimoniali, quocum strictè unitum est, recuperare.

Iam verò [pergit *Carneades*] si Compositum Corpus ex Ingredientibus constet non merè Elementaribus, arduum non est concipere, Substantias, in quas Ignis id resolvit, licet apparenter satis Homogeneas, Compositz esse Naturæ posse, cuiusque Corporis partibus maximè cognatis in novi ortu inis Compositum sese collocantibus. Vti quando (exempli gratia) curavi Vitriolum, & *Salem Armoniacum*, & Nitrum commisceri, & unà distillari, Liquor transductus nec sese Spiritum Nitri, nec *Salis Armoniaci*, nec Vitrioli prodebat. Nullum quippe ex hisce crudum Aurum dissolvebat, (quod tamen Liquor meus facillè præstitit) eoque ipso se novum Compositum manifestabat, saltem ex Spiritu Nitri & *Sale Armoniaci* constans, [posterius enim in priori dissolutum in Aurum agit] quæ nihilominus nulla via cognita possunt separari, proindeque Mixtum Corpus haud censeretur, nisi nos ipsi, ad illud consequendum, diversa Concreta, quorum distinctæ Operationes prius erant cognitæ, conjungeremus, unaque distillaremus. Atque, ut hac occasione adjiciam Experimentum, Tibi nuper à me promissum, quoniam præseni instituto nostro potest applicari, indicabo tibi, me, suspicantem Commune Oleum Vitrioli non esse penitus simplicem ejusmodi Liquorem, ut Chymici statuunt, miscuisse illud cum æquali vel dupla quantitate [pluries quippe quam semel Experimentum tentavi] communis Olei *Terebinthini*, quale scilicet unà cum altero Liquore apud Sepaliarios emebam. Cumque sollicitè [percuriosum quippe est Experimentum, & nonnihil periculosum] Mixturam in parva Retorta vitrea distillassem, juxta animi sententiam obtinebam [præter duos Liquores, quos immiseram] notabilem certæ alicujus Substantiæ quantitatem, quæ, circa Retortæ collum hærens, seipsam Sulphur prodebat, non modò forti admodum odore Sulphureo, similique colore, sed & eo, quod, carboni impozita, prorenus accendebatur, & communis Sulphuris ad instar urebat. Atque hujus Substantiæ etiamnum penes me habeo nonnullas portiunculas, quas, cum visum fuerit, potes à me postulare, atque examinare. Adèd ut ab hoc Experimento deducere possim vel harum Propositionum alteram, vel utramque. Verùm Sulphur posse confici ex duarum ejusmodi Substantiarum, quas Chymici pro Elementaribus habent, quarumque neutra seorsim tale Corpus in se continebat, Conjunctione: vel, Oleum Vitrioli, licet distillatus sit Liquor, partque habeatur Salini Principii, & Concreti illius, quod eum suppeditat, posse tamen Corpus esse adèd Compositum, ut, præter Salinam eius

partem, Sulphur contineat vulgari Sulphuri simile, quod vix ipsum, simplex & incompositum Corpus fuerit.

Possẽm (pergit *Carneades*) revocare tibi in memoriam, quod suprà ostendi ceu possibile, videlicet, uti plura esse possunt Elementa, quam Quinq̃ue, vel Sex; ita, unus Corporis Elementa differre posse ab Elementis alterius: undè sequeretur, ex De - Compositorum Corporum Resolutione novi planè ordinis Mixta posse emergere, Elementorum, quæ forè nunquam antè convenerant, Coalitione: Possẽm, inquam, hoc tibi in mentem revocare, & alia nonnulla secundæ huic Considerationi adjicere; sed, temporis inopiam veritus, lubens ea prætermitto, ad Tertiam pergens, quæ hæc est:

Ignem non semper merè resolvere, vel dividere, sed etiam novo quodam modo posse partes (sive Elementares, sive non) Corporis ab eo dissipari simul miscere, & componere.

Hoc adde est evidens, inquit *Carneades*, obviis quibusdam Exemplis, ut non possim non mirari eorum supiniratem, qui id non observarunt. Exenim, cum Lignum in Caminoustum in Fumum & Cineres ab Igne dissipatur, Fumus ille Fuliginem Componit, quæ tantum abest ut unum, sit ex Ligni Principiis, ut (quemadmodum suprà notabam) ulteriori *Analysi* Quinq̃ue vel Sex distinctas Substantias ex ea possis separare. Et, quod Cineres resistentes spectat, Chymici ipsi nos docent, eos ulteriori Ignis gradu in Vitrum indissolubiliter posse uniri. Verum equidem est, *Analysin* illam, cui Chymici præcipuè superstruunt, non in aprico, sed in Vasis probè clausis institui, attamen, ut ut sit, Exempla nuper producta inducere te possunt, ut magnoperè suspiceris, Calorem componere æquè ac dissipare Mixtorum Corporum partes posse. Atque, nedicam, me vidisse factam in clausis etiam Vasis Vitrificationem, in memoriam tibi revocandum est, Antimonii & Sulphuris Flores Corpora esse valde Mixta, licet in Vasis clausis ascendant; Vasaque fuisse obturata, in quibus totum Caphuræ Corpus sursum evehebam. Cumque objici possit, omnia hæc exempla sumi à Corporibus, in sicca, non fluida forma sursum adactis, uti sunt Liquores impetrari per Distillationem soliti, Respondeo, præterquam quod possibile est, Corpus à Consistente in Fluidum, vel à Fluidum in Consistens mutari, sic ut de reliquo non multum alteretur, uti ex eo patet, quod hyeme, absque ulla Visibilium Ingredientium Additione, vel Separatione, eadem Substantia faciliè subitoque in fragilem Glaciem gelatur, vicissimque in Fluidam Aquam degelatur; præter hoc, inquam, non abs te erit considerare commune *Mercurium* ipsum, quem præstantissimi Chymici Corpus Mixtum fatentur, transadigi per Alembicum in pristina *Mercurii*, proindeque Liquoris, forma posse. Et certè possibile est, Corpora valde Composita ad constituendum Liquores concurrere; quandoquidem, ne memorem, me comperisse possibile, certi cujusdam *Menstrui* ope, ipsum Aurum per Retortam, etiam moderato Igne, distillare; consideranti est obvium, quod in butyro Antimonii accidit.

Illud enim si curatè rectificetur, in valde limpidum Liquorem potest reduci; attamen, si aliquantum aquæ puræ superinfundas, mox ponderosa & vomitiva Calx

Calx præcipitabitur, quæ prius notabilem partem Liquoris constituëbat, & reapse tamen (licet præstantes quidam Chymici id *Mercuriale* statuunt) Corpus est *Animoniale*, transvectum, & in statu dissolutionis à Sublimati Salibus conservatum, proindeque Compositum; uti tu deprehendes, modò curiositas te inducat ad Album hunc pulverem, peritæ Reductionis adminiculo, examinandum. Ac, ne existimes, Corpora aded, ac Sulphuris flores, composita, reduci non possesse, ut ad distillatos Liqueores constituendum concurrant; atque etiam, ne cum doctis quibusdam Viris, qui non parùm peritæ in Chymicis sibi adscribunt, arbitreris, nullum saltem Corpus Mixtum, nisi Salium corrodentium beneficio, per Alembicum posse transduci, paratus sum tibi ostendere, quando placuerit, inrer alios modos transvehendi flores Sulphuris (fortassis possem addere etiam Sulphura Mineralia) nonnullos, in quibus nonnisi Oleaginea Corpora adhibeo ad Liqueores Volatiles eliciendum, qui non colore modò, sed (quæ nota est multò certior) odore, & quibusdam Operationibus produnt, Sulphur esse trajectum, quod Liquoris partem constituit.

Vnum adhuc superest, *Eleutherie* [inquit *Carneades*] quod tantoperè præfenti meo instituto quadrat, ut, licet id iam antè tetigerim, hac tamen occasione data non possim non idem annotare. Est verò hoc; quod Qualitates vel Accidentia illa, quorum gratia Chymici portionem aliquam Materie nomine *Mercurii*, vel alterius alicujus ex ipsorum Principiis, solebant appellare, talia non sunt, quin possibile sit, æquè insignia (ideoque cur non similia?) produci posse ejusmodi mutationibus Texturæ, aliisque alterationibus, quales Ignis in exiguis Corporis alicujus partibus potest efficere. Iam suprà probavi, cum de secunda Consideratione Generali differerem, ex eo, quod plantis, nonnisi Aqua clara nutritis, ovisque in pullos exclusis, accidit, mutando scilicet componentium Corporis partium dispositionem, Naturam valere tantas mutationes in Materie, similis habitæ, portione efficere, ac sunt illæ, quæ ad denominandum aliquod ex Tribus *Primis* requiruntur. Et, licet *Helmontius* alicubi Ignem scitè appelleret Rerum Destructorem, Mortemque Artificialem; licet etiam alius quidam præstans Chymicus, & Medicus, amet huic positioni Superstruere, Ignem nonnisi Ignem generare posse: tu tamen, non dubito, in alia eris sententia, si consideres, quor nova genera Corporum Mixtorum Chymici ipsi, mediante Igne, prodixerint: & particularim, si animum advertas, quo pacto Nobile illud Permanensque Corpus, Vitrum, non modò manifestè violenta Ignis actione producat, sed nunquam, quod quidem nobis constet, ullo alio modo fuerit productum. Et sanè nonnisi inconsulta videtur quorundam *Helmontistarum* Assertio, quodlibet Genus Corporis, peculiari Denominatione insigniti, virtute quadam feminali debere produci; uti me evincere posse puro, si tam necessarium id crederem, ac est, ut ad id properem, de quo mihi porro est differendum. Nec res est magni momenti, quod à nonnullis; quæcunque Ignis opera producuntur, non ut Naturalia, sed Artificialia Corpora spectantur. Non enim tantum semper est inter illa duo discrimen, ac multi arbitrantur: nec est aded facile, ut illi existimant, evidenter illud assignare, quod propriè, semper, & sufficienter ea

discriminet. Sed, ne disquisitioni aded curiosæ me implicem, nunc observasse sufficiat, rem vulgò Artificialem dici, quando portio Materiz manu Artificis, vel instrumentis, vel utrisque, in ejusmodi figuram vel formam reducta est, ac is in mente sua prius designaverat: cum in pluribus Productionum Chymicarum effectus, velit nolit Artifex, producat, & sæpius plurimum ab eo, quod ipse sibi proposuerat, vel exspectabat, discrepet; Instrumentaque adhibita non sint talia, quæ Arte formentur, figurenturque, ut sunt illa Opificum, ad hoc illudve particulare Opus; sed, magnam partem, Agentia ex ipsius Naturæ promptuario desumpta, cujusque præcipuas Operandi vites à sua ipsorum Natura, vel Textura, non Artificiali, recipiunt. Et sanè Ignis æquè est Naturale Agens, ac Semen: atque Chymicus, qui eo uritur, nonnisi applicat Naturalia Agentia Patientibus, quæ hunc in modum sociata, & juxta suas respectivè Naturas operantia, ipsa opus conficiunt: uti Poma, Pyra, aliivè fructus, Productiones sunt Naturales, etiamsi Hortulanus surculum Trunci conserat, compingatque, atque tum irriget, tum pluribus forè aliis modis ad eius fetacitatem contibuat.

Sed, ut ad id progrediar, quod dicere institueram, Observabis mecum, *Eleutherie*, Qualitates, ut jam semel tibi dixi, satis levidentes sufficere, quæ Principium Chymicum denominent. Quando enim Compositi Corporis *Anatomen* ad Ignem instituunt, si Substantiam consequantur inflammabilem, eaque cum Aqua misceri neget, protinus Sulphur appellant; quod sapidum est & in Aqua dissolubile, pro sale habendum, quidquid est fixum, & indissolubile in Aqua, id Terram vocitant. Ac in eo eram, ut adjicerem, quæcunque Substantiam volatilem ignorant quid sit, ne dicam, quidquid ipsis placuerit, id *Mercurium* nuncupant. Verùm, has Qualitates produci aliter posse, quam ab iis Agentibus, quæ Seminalia vocant, vel pertinere posse ad Compositæ naturæ Corpora, ostendi inter alia exempla potest in Vitro ex Cineribus formato, ubi pungentissimi Saporis *Sal Alcalizatum*, Terræ junctum, insipidum evadit, cumque ea Corpus constituit, quod, licet etiam siccum, fixum, & in Aqua indissolubile, manifestè tamen Mixtum Corpus est, & tale ab ipso Igne effectum.

Ac memini, in rem nostram præsentem, *Helmontium*, inter alia Medicamenta ab ipso laudata, tradere brevem Processum, in quo, licet præscripta Praxin spectantia nonnisi obscure innuantur, causa tamen (mihi quidem) subest, Processui fidem non abrogandi, ulla facta circa remedium, beneficio ejus parandi, virtutes affirmatione, vel negatione. Quando (inquit* ille) *Oleum Cinnamomi*, &c. suo Sali Alcali miscetur absque omni Aqua, trium Mensium artificiosa occultaque circulatione, totum in Salem volatilem commutatum est, verè essentiam sui simplicis in nobis exprimit, & usque in prima nostri constitutiva sese ingerit. Non dissimilem Processum docet alio loco; undè, si supponamus ipsum vera loqui, arguam, quod, cum Ignis ope produci Substantia queat, æquè Salina, & Volatilis, ac est Sal Cornu Cervi, Sanguinis, &c. quæ Elementaria habentur; & cum Sal hoc Volatile reverà sit compositum ex Oleo Chymico, & Sale fixo, quorum alterum redditum est Volatile ab altero, & utrumque Ignis adminiculo associatum; juxta

sic

* *Helmont. pag. 412.*

fit causa suspicandi, alias Substantias, ad Corporum dissolutionem Igne factam emergentes, nova esse posse genera Mixtorum, & ex Substantiis discrepantibus Naturæ consistere. Ac particulatim suspicatus interdum fui, quod, cum Salia Volatilia Cornu Cervi, Sanguinis, &c. sint fugacia, & gravi admodum odore imbuta, vel Chymici omnes odores Sulphuri per errorem adscribant, vel quod ejusmodi Salia ex Oleosis quibusdam partibus consent cum Salinis probe incorporatis. Atque similem etiam feci conjecturam circa Spiritum Aceti, quem licet Chymici existiment unum esse ex Corporis istius Principiis, ac licet, cum fit Spiritus acidus, videatur multò minus, quam Salia Volatilia Sulphuribus cognatus; attamen, ne quidquam dicam de penetrante ejus odore, quem nescio quam congruè Chymici deducere volunt à Sale, miror, ipsos id non observasse, quod *Tyrocinium* ipsorum *Chymicum* nos docet de *Sacchari Saturni* Distillatione; ex quo *Begonium* asserit, se, præter eximium Spiritum, non minus quam duplex Oleum distillasse: alterum coloris sanguinei, & ponderosum; alterum Spiritus superficiei innans, colorisque flavi; cujus partem aliquam se inquit penes se aservasse, ad rei, quam tradidit, veritatem comprobendam. Ac licet non recorder, me duo distincta Olea à *Saccharo Saturni* obtinuisse, ipsum tamen, licet distillatum sine additamento, aliquid Olei largiri, *Experientiæ meæ* non refragatur. Novi Chymicos lubentes causaturos, hæc Olea non esse nisi Sulphur Plumbi Volatilis redditum; argumento forsan exinde ducto, quod *Begonium* refert, quod, distillatione finita, *Caput Mortuum* valdè nigrum, & (ut ipse loquitur) *nullius momenti* reperies, quasi Corpus, vel præcipua saltem Metallii ipsius pars Distillatione per Alembicum esset transvecta. Verum cum superindè noveris, ac ego, *Saccharum Saturni* esse genus quoddam *Magisterii*, paratum duntaxat calcinando Plumbum *per se*, dissolvendo illud in Aceto destillato, & solutionem ad Crystallos reducendo; si tibi narrare vacaret, quam discrepare, examine facto, deprehenderim *Caput mortuum*, adeò vilipensum à *Begonio*, ab eo, quod ipse describit, te credo habiturum minus probabilem conjecturam propositam, quam harum trium unam, alteramve; vel scilicet, quod hoc Oleum prius concurrebat ad Spiritum Aceti constituendum, adeoque quod illud, quod habetur pro Principio Chymico, ulterius adhuc in distinctas Substantias possit resolvi, vel quod quædam partes Spiritus una cum nonnullis Plumbi partibus Chymicum Oleum possint constituere, quod proinde, licet habeatur *Homogenum*, Corpus valdè compositum esse potest; vel saltem quod Distillati Aceti & *Saturnina* Calcis in se invicem actione, pars Liquoris ira queat alterari, ut à Spiritu Acido in Oleum transmutetur. Ac licet alterutrum duarum priorum conjecturarum veritas Exemplum, quod allegavi magis præsentis meo Argumento faceret quadrare, faciliè tamen dignoscas, Tertiam & Ultimam Conjecturam non posse inutilem esse ad alia quædam sermonis mei loca confirmandum.

Ut igitur ad id revetiar, quod proximè ante memoratum à me *Helmontii* Experimentum dixi, subiiciam, Chymicis fatendum etiam esse, imperfectè dephlegmari Spiritum Vini, aliisve fermentatis Liquoribus, id, quod, Sulphur Concretum vocant, fermentatione proprietatem Olei (quod Chymici itidem pro vero

Mixti

Mixti Sulphure habent) amittere , non posse scilicet cum Aqua misceri.

Ac, si credere vis * *Helmontio* , libra una Aqua vitæ combibita in Sale Tartari seccato (quod non est nisi fixum Sal Vini) vix fiet Semuncia Salis , cæterum totum Corpus fiet Aqua Elementalîs. Atque (uti antehac etiam notasse me credo) dubitari potest, utrum Fixum illud & Alcalizatum Sal, quod tam unanimi consensu Salinum incineratorum Corporum Principium habetur, non sit, quæ Alcalizatum, Ignis productio? Quamvis enim sapor Tartari, exempli gratia, augere videatur, ipsum, prius quam uratur, Salem continere, ille tamen Sal, cum valdè sit acidus, sapore planè discrepat à Calcinati Tartari Sale lixivato. Ac licet citra veritatem Chymicis objiciantur, ipsos omnia Salia, quæ conficiunt, obtinere, Corpus in quod agunt, in Cineres violento Igne reducendo, (cum Cornu Cervi, Succinum, Sanguis, & plura alia Mixta copiosum Salem, priusquam comburantur in cineres, suppeditent) hoc tamen Sal Volatile multum differt, ut mox videbimus, à fixo illo Sale Alcalizato, de quo mihi res est; quod, quantum ego quidem memini, ulla alia vi, præter Incinerationem, nequit produci. Non ignorant Chymici, Argentum vivum, sine additamento, posse in pulverem, stabilem in Aqua, præcipitari. Et celebres quidam Spagyrici, ipseque *Raymundus Lullius*, docent, solo Igne posse *Mercurium* in commodis vasis (magna saltem ex parte) in Liquorem, instar Aquæ tenuem, cumque ea miscibilem, reduci. Aded ut nuda Ignis actione possibile sit, Mixti Corporis partes ita secundum novos differentesque modos disponi, ut modò hanc, modò illam habeat consistentiam; possitque in hac statu ad miscibilitatem cum Aqua disponi, in illo non item. Ostendere etiam tibi possem, Corpora, undè seorsum nihil, quod sit combustibile, obtinere Chymici queunt, posse, facta invicem associatione, Ignisque adminiculo, Substantiam inflammabilem suppeditare: & vicissim, possibile est, Corpus aliquod esse inflammabile, ex quo Principium Ingrediensve inflammabile separare, quemvis vulgarem Chymicum, & fortasse quemvis alium, vehementer fatigaret. Quare, cum Chymicorum Principia suam possint Denominationem sortiri à Qualitatibus, quas produci, sæpè non est supra Artis, neque semper est supra Ignis vires: & cum ejusmodi Qualitates repetiri in Corporibus possint, quæ aded in aliis Qualitatibus à se invicem discrepant, ut admittere opus non sit, ea in pura & simplici illa Natura convenire, quam Principia, ut talia reverà sint, habeant necellum est, justæ suspicioni locus est, multas Ignis Productiones, quæ à Chymicis, seu Concreti, illas suppeditantis, Principia, nobis ostenduntur, esse posse nonnisi nova genera Mixture.

Atque, ut, hac occasione, Argumentis à rei natura petitis unum eorum annexam, quæ ad *Hominem* Logici vocant, petam, ut nores, quod, licet *Paracelsus* ipse, nonnullique, qui aded hallucinantur, ut sentiant, ipsum non potuisse hallucinari, ausi fuerint docere, non tantum Corpora hæc Sublunaria, sed Elementa ipsa, omnesque alias Univerſi partes, ex Sale, Sulphure, & *Mercurio* esse compositas; eruditus tamen *Smectemus* omnesque cautiore Chymici communem illud

* *Helmont. in Aura vitali.*

rejecerint,

rejecerint, eorumque multi fateantur, unumquodque *Trium Primorum* ex Quatuor Elementis constare; eorumque alii statuunt, Terram & Aquam, cum Sale, Sulphure & *Mercurio* ad Mixtorum Corporum constitutionem concurrere: aded ut unus ordo horum *Spagyricorum*, non obstantibus speciosis titulis, quibus productiones Ignis exornant, reapse id largiantur, pro quo ego contendo: ab altero verò ordine meritis sciscitari possum, Ad quodnam Corporum genus Phlegma & Terra damnata, in operationibus Chymicis occurrentia, sint referenda? Vel enim dicant, necessum est, cum *Paracelse*, (contra tamen proprias ipsorum concessiones juxta, ac Experimentiam) etiam hæc ipsa esse composita ex *Tribus Primis*, quorum ne ullum quidem ab utrovis cæterorum possunt separare; vel fateri eos oportet, duo ex vastissimis hujus subcælestis Mundi Corporibus, Terram & Aquam, esse neutrum eorum ex *Tribus Primis* compositum; proindeque illa tria non esse Univerſalia & Adæquata Ingredientia nec omnium Corporum sublunarium, nec etiam omnium Corporum Mixtorum.

Satis novi, primarios horum Chymicorum obtendere, quod, licet Distinctæ Substantiæ, in quas ipsi Mixta Corpora, mediante Igne, discescant, non sint pura, & homogenea; attamen cum quatuor Elementa, in quæ *Aristotelici* volunt talia Corpora, ejusdem Agentis adminiculo, resolvi, ne quidem ipsa sint Simplicia, ut ipsimet fateantur, perinde concedi Chymicis potest, hæc ut vocent Principia, ac *Peripateticis*, illa ut Elementa appellent, quoniam utrobique nominis impositio nonnisi prædominio nititur istius Elementi, cujus nomen ipsi adscribitur. Nec inficias ibo, hoc Chymicorum Argumentum non male ferire *Aristotelicos*. Verum quid responsi id mihi erit, quem disputare nosti adversus Principia Chymica juxta, ac *Aristotelica* Elementa, quemque non oportet ullum Corpus seu verum Principium vel Elementum spectare, sed ut adhuc Compositum, quod non est perfectè Homogeneum, sed potest ulterius in quemvis Distinctarum substantiarum, utcumque minutissimarum, numerum resolvi. Et Chymicorum appellationem quod attinet, qua Corpus aliquod nomine Salis, vel Sulphuris, vel *Mercurii* insigniunt, causantes, nominis ejusdem Principium in eo prædominari, illud ipsum est largiri, quod propugno; hac nempe productione Ignis Corpora adhuc Composita esse: & tamen, dum hoc conceditur, affirmatur, sed non probatur, existimatum Sal, Sulphur, & *Mercurium*, præcipuè ex uno corpore constare, quod nomen Principii ejusdem denominationis meretur. Quomodo enim Chymici ostendunt, ulla esse primitiva ejusmodi & simplicia Corpora in iis, de quibus loquimur; cum tantum non, in responsione nuper facta, hæc non esse talia, fateantur? Ac, si Ratione evincere volunt quod affirmant, quid sit de audaci illa Jactantia, Chymicum (quem propterea, post *Beginium*, *Philosophum* seu *Opificem sensatum* vocant) posse oculos nostros convincere; manifestè in quovis Mixto Corpore simplices illas Substantias ostendendo, ex quibus id docet esse compositum? Et sanè, quod Chymici hoc in casu ad alias, præter Experimenta, probationes recurrit, uti id est, grande illud Argumentum, quod hæcenus semper pro Demonstrativo venditatum fuit desugere; ita me necessitate levat disputationem prosequendî,

in quâ nonnisi probationes Experimentales obstrictus sum examinare. Novi, speciosè satis in Chymistarum gratiam posse allegari, quod, cum sit evidens, multo majorem ejusvis rei, quam Sal, Sulphur, & *Mercurium* vocant, partem, reverà tale esse; multus rigor foret, Substantiis istis nomina iis tributa, ob levitatem duntaxat alterius Corporis Mixturam aliquam, denegare; cum non modo *Peripatetici* particulares materiæ portiones Elementares appellent, quamvis agnoscant, Elementa nullibi, hic infra saltem, reperiri puta; sed, cum imprimis manifesta sit inter Corpora, Chymicarum Anatomiarum ope impenetrabilia, & Principia, quorum nomina ipsis imponuntur, Analogia & similitudo; hæc, inquam, allegari posse, mecum reputavi. Verum, quod id spectat, quod à more deducitur *Peripateticorum*, jam tibi dixi, quod, licet id asserri possit adversus ipsos, nil tamen virium habeat adversus me, qui nihil pro Elemento agnosco, quod perfectè non sit Homogeneum. Et, cum allegatur, à Principio prædominante nomen esse imponendum Substantiæ, in qua abundat; Respondeo, id dici multò potiori Jure posse, si vel nos, vel Chymici Naturam capere vidissemus purum Sal, purum Sulphur, purumque *Mercurium*, ex iisque omne Mixtorum Corporum genus componere. Verum, cum sit Experientia, ad quam provocant, haud sumendum nobis est pro Confesso, Distillatum Oleum (exempli gratia) Plantæ præcipue ex mero illo Principio, quod Sulphur dicunt, constare, donec ad oculum nobis demonstraverint, isti generi Plantarum Homogeneum ejusmodi Sulphur esse. Quod enim ad speciosum illud Argumentum attinet, quod à similitudine inter Productiones ignis, & Respectiva vel Elementa *Aristotelica*, vel Principia *Chymica*, quorum nominibus veniunt, deducitur; id speciem præ se fert, quam vim, majorem, dummodò tibi velis in memoriam statum Controversiæ revocare. Is quippe non est, Num possint à Corporibus Mixtis certæ quædam Substantiæ obtineri, quæ externa specie, vel quibusdam qualitatibus cum *Mercurio*, & Sulphure, vel id genus alio quodam obvio & copioso Corpore conveniunt; sed, Vtrum omnia Corpora, quæ agnoscuntur perfectè mixta, ex determinato numero primariorum non Mixtorum Corporum composita fuerint, inque ea possint resolvi? Etenim, si statum Questionis attenderis, facile dignosces, multum ejus, quod erat demonstrandum, per Experimenta illa Chymica, quæ jam examinamus, non probari. Verum (ne repetam, quæ jam fusiùs disserui) nunc notabo, non esse aded necessariam sequelam, quod, quia Ignis Productio aliquid habet cum grandioribus Materiæ Sublunaris Motibus affine, idcirco ejusdem utraque sint Naturæ, idemque Nomen mereantur; non enim allubescit Chymicis, Flammam portionem haberi Elementi Ignis, quamvis calida, sicca, & activa sit, quod aliis aliquot Qualitatibus careat, ad Naturam Elementaris Ignis pertinentibus. Nec concedere *Peripateticis* volunt, ut cineres, calcemve vivam, Terram vocent, variis inter ea similitudinibus non obstantibus, eo quod non fiat insipida, qualis Terra Elementaris esse debet. At, si me roges, quidnam igitur illud sit, quod omnes Chymicæ Corporum Anatomiz probent, ea ex tribus, in quæ Ignis illa resolvit, Principiis constare? Respondeo, Dissectiones eorum posse concedi probare, quædam Mixta Corpora

(in.

[in multis enim non obtinet] Ignis ope, quando clausis Vasis includuntur [illa quippe conditio sæpe etiam requiritur] resolvi in aliquot Substantias posse, quæ Qualitatibus quibusdam, maximè autem Consistentia discrepent: sic ut ex magna eorum parte obtineri queat fixa Substantia partim Salina, & partim insipida, unctuosus Liquor, & alius Liquor, pluresve, qui manifestum habent saporem absque unctuositate. Si jam Chymicis placeat, siccam sapidamve Substantiam Sal vocare, unctuosum liquorem Sulphur, *Mercurium* alterum, non aded cum iis properea litigaverim: sed, si assertum eant, Sal, Sulphur, & *Mercurium*, simplicia & primatia esse Corpora, ex quibus unumquodque Mixtum Corpus fuerit actu Compositum, quodque reverà ante Ignis operationem in eo fuerit, permittant mihi oportet ut dubitem, num [quidquid alia ipsorum Argumenta præsterint] Experimenta eorum hæc omnia comptobent. Et si præterea mihi dixerint, Substantias, quas illorum Anatomix suppeditare ipsis solent, esse puras similesque, ut esse oportet Principia, mihi concedant necesse est, ut propriis Sensibus, ipsorumque confessionibus, potius quam nudis eorum Assertionibus, fidem habeam. Ac ne [Eleutherie] existimes, me tam rigidè cum ipsis agere, quia dubito has Ignis Productiones habere pro talibus, quales Chymici eas haberi volunt, eo nomine, quod aliquam cum illis habeant affinitatem, nonnihil, quæso, mecum expendas, quod, quandoquidem Elementum Principiumve debet esse perfectè simile & Homogeneum, nulla sit iusta causa, cur Corpori proposito Nomen imponam huius vel illius Elementi, Principiive, quia similitudinem cum eo habet in obvia quadam Qualitate potius; quam ut nomen illud ipsi negem ob diversas alias Qualitates, in quibus propolita Corpora sunt dissimilia: & dummodò consideres, quam leviores & faciliè producibiles qualitates illæ sint, quæ sufficiunt, ut jam pluries observavi, ad denominandum Principium Chymicum, Elementumve; meam, spero, circumspectionem nec exemplo, nec alias Ratione destitui existimabis. Videmus enim, Chymicos concedere nolle *Aristotelicis*, saltem in Cineribus appellandum esse Terram, quamvis Salina & Terrea pars pondere, siccitate, fixitudine, &c. conveniant, ided duntaxat, quod alterum est sapidum, & in Aqua dissolubile, alterum non. Præterea videmus, sapidum & Volatile denominare solere *Mercurium*, Spiritumve Chymicorum; & tamen quor putas Corpora in istis qualitatibus posse convenire, quæ tamen naturis valdè discrepantibus sint composita, inque Qualitatibus vel pluribus, vel insignioribus, vel utriusque disconveniant? Etenim non modò Spiritus Nitri, Aqua fortis, Spiritus Salis, Spiritus Oleumve Vitrioli, Spiritus Aluminis, Spiritus Aceti, omnesque Liquores Salini ex Corporibus Animalium distillati, sed & omnes Acerosi Spiritus Lignorum, omnesque Spiritus Lignorum ab aceto suo immunes facti; hi, inquam, omnes, alique plures ad Chymicorum *Mercurium* pertineant necesse est, quamvis non liqueat, cur nonnulli eorum comprehenduntur potius sub una Denominatione, quam Chymicorum Sulphur, Oleumve; distillata quippe eorum Olea etiam sunt fluida, & sapida, æquè ac ipsorum *Mercurium*; neque est necesse, ut eorum Sulphur unctuosum sit, & in Aqua dissolu-

diffolubile, cum passim Spiritum Vini Sulphureis accenseant, quamvis Spiritus ille unctuosus non sit, sponteque cum aqua misceatur. Adeo ut mera inflammabilitas essentiam Sulphuris Chymicorum debeat constituere; uti d'Allegria, cum qualicunque sapore juncta, sufficit ad Distillatum Liqueorem titulo *Mercurii* insigniendum. Iam, cum observare insuper apud te possim, Spiritum Nitri, Spiritumque Cornu Cervi, simul confusos, bullire, & sibilare, sequi invicem in æta propellere, quæ Chymicis magnæ in Corporum naturis Antipathiz signa sunt (uti sanè hi Spiritus tum sapore, tum odore, operationibusque plurimum discrepant;) cum alibi tibi referam, me duo Olei genera ex eodem sanguine humano parasse, quæ secum invicem misceri noluerint; cumque tibi referre possim plura Exempla, quæ mihi occurrunt de contrarietate Corporum, quæ juxta Chymicos sub una Denominatione sunt confundenda: judicandum tibi permitto, utrum tantus numerus Substantiarum, quæ in hisce levioris momenti Qualitatibus possunt convenire, in aliis tamen majoris momenti discrepare, potius insigniri mereantur nomine Principii [quod putum & Homogeneum esse debet] quam appellationes iis imponi, quæ eas Nomini etiam, ab iis Corporibus discriminant, à quibus tam longè dissident natura. Atque hic etiam, in transitu, percipies, præter rationem non esse, Chymicorum Argumentandi modo diffidere, quando ostendere nobis non valentes, ejusmodi Liqueorem [exempli causa] esse metè Salinum, probant, saltem Sal esse Principium in eo valde prædominans, eo quod allata Substantia vehementi sapore sit prædita, omnis autem sapor à Sale oriatur; cum isti Spiritus, quales sunt Spiritus *Tartari*, Spiritus Cornu Cervi, & similes, qui *Mercurii* censentur Corporum, undè eliciuntur, manifestò forti penetrantique sapore polleant; qualem etiam [uti suprà notabam] Spiritus *Buxi*, &c. habet, etiam postquam acidus Liqueor, qui ad eum componendum concurrebat, ab eo fuit separatus. Et sanè, si lapidum non pertinet ad Spiritum, vel *Mercuriale* Principium Vegetabilium, & Animalium, vix novi, quo pacto ab eorum Phlegmate sit discriminandum, cum inflammabilitatis absentia sit ab eorum Sulphure distinguendum: quod ipsam aliud mihi Exemplum suggerit, quo probem, quam parum accurata sit in præsentis nostro Casu doctrina Chymicorum, cum non modò Spiritus Vegetabilium, & Animalium, sed & Olea eorum vehementi admodum sapore sint prædita; quod ille, qui vel deliberaverit Chymicum Oleum Cinnamomi, vel Cariophyllorum, vel etiam Terebinthinæ, mox suo malo sentiet. Nec tantum ego nunquam ulla exploravi Olea Chymica, quorum sapor linguam non vehementer fecerit; sed vir quidam peritus, & sagax, qui plurimum in depurandis Oleis Chymicis, iisque ad Elementarem simplicitatem reducendis occupabatur, nos docet, se nunquam ullo pacto insipida ea reddere valuisse; undè inferre possem, probationem, quam Chymici securè afferunt de Corporis alicujus natura Salina, tam longè abesse, ut demonstret Prædominium, ut ne quidem Principii Salini in eo præsentiam liquidò evincat.

Verum [pergit *Carneades*] nolo iterum in memoriam tibi revocare, Volatile Sal Coru Cervi, *Succini*, *Sanguinis*, &c. odoris esse vehementissimi, quantum-

quantumvis major pars Chymicorum Odores à Sulphure deducant, & ex iis Principiis istius Prædominium in Odore Corpore arguant; quoniam ne quidem addere fas est nova de hujus generis argumentorum Chymicorum ineptitudine Exempla; quia, cum jam nimis diu te detinuerim in Generalibus illis, quæ ad quartam meam Considerationem pertinent, tempus monet, ut ad particulatiora ipsa progrediar, quibus ex te judicabam ut illa præmitterentur.

Generalibus hisce (continuat *Carneades*) ita in antecessum expositis, ed melius contempleri licebit Dissimilitudinem, quam observator attentus, nec præoccupatus, notare potest in unoquoque Corporum genere, quæ Chymici Salia, vel Sulphura, vel *Mercurios* Concretorum, quæ largiuntur ipsa, solent vocare, ac si omnia Naturæ simplicitatem identitatemque haberent; cum Salia, si omnia essent Elementaria, tam exigam discrepantiam, ac puræ simplicisque aque Gutte, essent habitura. Notum est, & Chymicos, & Medicos, fixis Corporum calcinatorum Salibus virtutes Concretorum suorum, proindeque operationes valdè discrepantes, adscribere. Ita *Alcali Absynthii* in Ventriculi Cachexiis plurimum laudatur; *Euphrasia*, pro imbecillitate visus; atque illud *Gnaji* [cujus magna copia nonnisi parum admodum Salis largiuntur] non modò celebratur in Morbis *Veneris*, sed & creditur peculiari vi purgante pollere; quod tamen mihi hæcenus defuit occasio experiendi. Ac licet [fateor] diu menti infederit, Salia hæc *Alcalizata*, maximam partem, valdè sibi invicem esse affinia, parumque de concretorum, undè separata fuerunt, proprietatibus retinere; attamen animum inducens studiosè observare, possemne ullas à Generali hac observatione Exceptiones invenire, in Officina vitraria observavi, interdum Materiam Vitream, sive Ingredientium colliquatorum Mulsam, quam insusillando in diversarum figurarum vasa effigiant, Colorem diversum admodum, & discrepantem nonnihil Texturam ab eo, quod fuerum erat, obtinuisse: sciscitatusque, possetne horum Accidentium causa à peculiari Salis fixi, ad arenam liquandam adhibiti, natura derivari, percepi, peritiores Opifices Casus hosce insolitos Cineribus cerri cujusdam generis Ligni vendicare, facta scilicet observatione, rudius Vitæ genus, nuper à me memoratum, crebrò, quandò ejusmodi Cineres adhibuissent, produci; quibus proinde, uti verentur, dummodò in antecessum in eos animum adverterent. Memini etiam, cum Vir quidam industrius, mihi familiaris, ingentem emerat *Nicotiana* canlium quantitatem, ad Sal fixum indè parandum, me curiositate ductum observandi, Plantane illa Exotica, quæ adeò abundat Sale Volatili, peculiare genus *Alcali* largiretur; ac me juvabat reperire, in ejus *Lixivo* non esse necessarium, ut fieri consuevit, Liquorem omnem evaporare, ad Calcem Salinam impetrandum, constantem; Calcis in Aëre libero extinctæ ad instar, ex minutorum Corpusculorum, promiscuas figuras obtinentium, congerie; Sal vero fixum in Crystallos figuratos abibat, haud secus ferè ac Nitrum, vel *Sal Armoniæ*, aliæque Salia non calcinata facere solent. Et memini insuper, me in Sale fixo Urinæ, per deputationem ad insignem albedinem reducto, saporem notasse, non adeò Salis communis sapoti dissimilem, & à caustico illo Lixiviali sapore, cæteris Salibus, per incinerationem paratis, inesse solito, valdè discre-

panthem. Verum, cum Exempla, de Salium *Alcalizantium* discrimine à me allata, duntaxat pascia sint, ideoque pronus credere pergam, maximam Chymicorum, & magnam Medicorum partem, satis inconsulto, & præter Experientie fidem, Concretorum Calcinationi expositorum vires Salibus per eam impetratis adscribere; potius, ad ostendendam Salium disparitatem, memorabo, primo quidem loco, manifestum inter Vegetabilium Salia fixa & Animalium Volatilia discrimen: ut (exempli gratia) inter *Sal Tartari* & *Sal Cornu Cervi*; quorum prius adeò fixum est, ut violenti Ignis insultum perferat, inque fusione, Metallum ad instar, persteret; cum alterum è contra (præterquam quod differenti sapore, & valde discrepanti odore est præditum) tam longè absit à fixitate, ut in leni Igne, æquè facile ac ipse Spiritus Vini, avolet. Huic, proximo loco, adjiciam, Inter ipsa etiam Salia Volatilia differentiam esse notabilem. Iuri patet ex distinctis Proprietatibus (exempli ergo) Salis Succini, Salis Urinæ, Salis Cranii humani (tantoperè celebrati contra Epilepsiam) aliorumque plurium, quæ vel Vulgarem Observatorem fugere nequeunt. Atque hanc Salium Volatilium diversitatem interdum observavi etiam ipsis oculis in eorum figura posse dignosci. Sal quippe Cornu Cervi adherere Excipulo in *Parallelipedi* fere figura notavi: & Salis Volatilis ex humano sanguine (ante distillationem cum Spiritu Vini diu digesto) ostendere tibi possum copiam granorum ea figura præditorum, quam *Geometra Rhombum* appellant; licet asserere non auserim, Figuras horum aliorumve Crystallorum Salinorum (si ita vocare eos licet) easdem semper fore, quicunque Ignis gradus ad eos sursum pellendum adhibitus fuerit, vel quamcunque celesriter adacti fuerint in Spiritus Liquoresve coire, in quorum imis partibus eos passim observavi post aliquod temporis spatium concreescere. Et quamvis, ut nuper tibi dicebam, ratò ullam, quoad virtutes Medicas, in plurium Vegetabilium fixis Salibus differentiam invenierim, proindeque suspicatus fuero, maximam partem horum Salium Volatilium, adeò sibi invicem odore, sapore, & fugacitate affinium, parum duntaxat, si ullatenus, in Proprietatibus eorum Medicis discrepare; uti equidem ea deprehendi generaliter convenire in earum pluribus, (in eo quippe, quod nonnihil sint Diaphoretica, & valde Deoppilativa) attamen memini, *Helmontium* alicubi nobis tradere, Hanc esse inter Spiritum Urinæ & Spiritum sanguinis humani differentiam, quod prior non curat * *Epilepsiam*, posterior curat. De efficacia etiam Salis Communis Succini contra eundem morbum in infantibus [in adultis quippe non est specificum] alibi erit locus apud te disserendi. Et quando mecum reputo, ad Salia hæc Volatilia obtinendum (inprimis Sal Urinæ) non adeò dissipantem vim Ignis requiri, qualis ad ea Salia impetrandum exigitur, quæ per incinerationem sunt paranda, eò magis ad statuendum allicior, ipsa à se invicem posse differre, proindequæ à simplicitate Elementari recedere. Ac si tibi ostendere hic possem, quid Dominus *Boyle* circa varias Chymicas distinctiones Salium observavit, mox dignosceres, non modò Chymicos insolitam sumere sibi libertatem Concreta Salia appellandi, sed, iuxta suas ipsorum regulas, ut Corpora valde Composita spectanda sunt. Sed,

inter

* *Helmont. Auræ vitalis.*

inrer ipsissima illa Salia , quæ videntur Elementaria , quia facta Corporum , ea suppeditantium ; *Analysi* producta sunt , non modò esse visibilem Difparitatem , sed , loquendo cum Vulgo , manifestam Antipathiam , sive Contrarietatem : uti in ebullitione patet , & sibilo , consequi solito , quando Acidus Spiritus Vitrioli , exempli causa , cineribus clavellatis , vel Sali *Tartari* affunditur . Et mihi copiam dari petam ab ingenuo hoc viro (inquit *Carneades* , oculos in me conjiciens) apud te observandi ex quibusdam Manuscriptorum ejus , speciatim iis , in quibus de nonnullis præparationibus Vrinæ tractat , quod non tantum unum idemque Corpus habere possit duo Salia naturæ contrariæ , adducto , in hujus probationem , Spiritus & *Alcali* Nitri exemplo , sed quod ab uno eodemque Corpore , sine ullo addimento , Tria differentia & visibilia Salia possint obtineri . Tradit enim , se in Vrina , observasse non modò Sal Volatile & Crystallinum , & Sal fixum , sed & genus quoddam *Salis Armoniaci* , vel ejusmodi Sal , quod in Salis forma sublimabatur , ideoque fixum non erat , attamen ab illa fugacitate , quam habet Sal Volatile , (à quo etiam alio nomine discrepabat) longè aberat . Suspensus equidem fui , esse hoc posse *Sal Armoniacum* satis propriè sic dictum , quippè ex Volatili Sale Vrinæ , & ejusdem Liquoris Sale fixo , (quod , ut notabam , Sali marino non est dissimile) compositum , at id ipsum manifestam arguit inter Salia illa differentiam , cum ejusmodi Sal Volatile non ita se soleat cum communi *Alcali* unire , sed in Calore ab eo avolare . Atque hac occasione memini , me , ut quorundam amicorum meorum oculis discrimen inter fixum & volatile Sal (ejusdem Concreti) Ligni , intercedens , subjicerem , sequens Experimentum excogitasse . Vulgare sublimatum *Venetum* capiebam , ac de eo , quantum commodè potui , in Aqua limpida dissolvebam ; tum Sale Cinerum ligni , per affusam aquam calidam dissoluto , Aquam filtrabam , & quamprimum Lixivium acrimonia sua satis pungere linguam competi , in usum seponebam : dehinc , cum in prioris solutionis sublimati partem , tantillum dissoluti hujus ex ligno Salis fixi stillatim affunderem , Liquores protinus in colorem Aurantium mutabantur ; at in alteram limpida sublimati solutionis partem cum nonnihil Salis ligni Volatilis (quod in Spiritu Fuliginis abundat) affunderem , Liqueor confestim , lactis ferè ad instar , albescebat , & , interjecto aliquo temporis spatio , sedimentum album , uti alter Liqueor flavum , ad fundum agebat . Hisce omnibus , quæ de salium differentia discerui , subungere possem , quod suprâ tibi referebam de Simplici Spiritu *Buxi* , & id genus lignorum aliorum Spiritibus , qui multum à cæteris Salibus hætenus memoratis discrepant , ac nihilominus tamen de Principiis Salinis classe forent , si quidem Chymici verè docent , omnem Saporem ab ipso proficisci . Adjicere etiam possem , quod tibi ex * *Helmontio* de iis Corporibus observabam , quæ , licet magnam partem constent ex Oleis Chymicis , non tamen nisi Volatilia Salia apparent . Verum , cum his immorari sine repetitionis tædio non possim , progrediar .

* Aliquando Oleum Cinnamomi , &c. suo Sali Alcali miscetur absque omni aqua , trium Mensurum artificiosa occultaque circulatione , totum in Salem Volatilem commutatum est *Helmont.* *Tria Prima Chymicorum* , &c. pag. 412.

Hæc Disparitas egregiè etiam conspicua est in separatîs Sulphutibus *Oleorum Chymicorum*. Ea quippè de odore, sapore, & virtutibus Corporum, undè eliciuntur, tam multum retinent, ut nonnisi Materialis *Crafs* (ut ita dicam) suorum Concretorum videantur. Sic Olea Cinnamomi, Cariophyllorum, Nucum Mystificatum, aliorumque Aromatum, nonnisi Vnitæ Aromaticæ partes videntur, quæ insignibus Viribus ista Corpora dotabant. Ac nota res est, Oleum Cinnamomi, Oleumque Cariophyllorum (quod & in aliquot Lignorum Oleis observavi) ad fundum Aquæ demergi; cum Olea Nucum Myristicarum, aliorumque complurium Vegetabilium; ei supernarent. Oleum (abusivè dictum *Spiritus*) Rosarum, Aquæ in Butyri albi forma innatat, quod non memini me in ullo alio Oleo, per Alembicum distillato, observasse. Est tamen via (non hic monstranda) qua vidi illud in aliorum Oleorum Aromaticorum forma transducî, cum delectatione juxta & admiratione spectantium. In Oleo seminum Anisi, quod & cum, & sine Fermentatione elici, observavi totum Olei Corpus in loco frigidiusculo in consistentiam & speciem Butyri albi spissescere, quod tantilli caloris ministerio priorem Liquiditatem rursus induebat. In Oleo Olivæ, in Retorta, distillato, iridem pluries spontaneam in Excipulo Coagulationem consexi: ejusque ita congelati patrem aliquam apud me asservo, quæ odore pollet tanroperè penetranti, ac si Nates approximantes esset perforatura. Similem Odorem purgantem in distillato communis Saponis Oleo notavi, quod, à *Minio* per Alembicum transfusum, stupendæ acrimoniæ Oleum nuper largiebatur. Ac hospitum omnino in scriptis & præparationibus Chymicorum cum esse oportet, qui in Oleis, quæ ex Vegetabilibus & Animalibus distillant, insigne & obvium discrimen non viderit, Imò adijcere aysim, *Elenberie*, (quod Paradoxo fortassis affine arbitraberis) posse interdum ex uno eodemque Animali, vel Vegetabili, Olea, naturis manifestè discrepantibus prædita, elici. Quam in rem non insistant Oleis illis innatantibus, & subsidentibus, quæ interdum Spiritui *Guaiaei* innatare, inque eo submergi observavi, quod & in nonnullis aliis Vegetabilibus, intenso & duranti Igne distillatis, contingit: neque immorabor Observationi alibi traditæ de diversis & non-miscibilibus Oleis, ex sanguine humano, Spiritus Vini ope diu fermentato & digesto, nobis suppeditatis; cum hæc Oleorum genera, quod ea omnia inensè colorata & adusta sint, videri possint consistentia & pondere præcipua discrepare. Verumenimverò Experimentum quod ex hac differentia ejusdem Vegetabilis Oleorum ad *Oculum* (ut ajunt) patrare excogitabam, hoc erat, quod sequitur. Cepi libram unam seminum Anisi, eaque, rudius contusa, amplè admodum Retortæ Vitæ, aqua limpida ferè adimpletæ, immittenda curavi; hacque Retorta Furno arenæ imposita, Ignem valdè lenem accendi primo die jussi, & magnam partem secundi, donec Aqua distillata esset magna ex parte, & secum maximam saltem Volatilis & Aromatici Olei Seminum partem transvexisset. Tumque, intensiori Igne facto, & Retorta mutata, præter Spiritum Empyreumaticum, adusti Olei copiam aliquam impetravi, cujus pauxillum Spiritui innatabat, reliquum verò ponderosius erat, nec faciliè ab ipso separabile. Cumque hæc Olea valdè essent opaca,

Ignemque

Ignemque (ut Chymici loquuntur) tam vehementer olerent, ut eorum odor Vegetabilia, undè extracta erant, non proderet; alterum Oleum Aromaticum genuino Concreti odore & sapore erat instructum, ac, in B. tyrum album sponte se coagulans, verum seminum Anisi Oleum sese exerebat; quod Concretum propterea ad hoc Experimentum selegeram, ut Oleum diffusa magis esset conspicua, quam futura fuisset, si ejus loco aliud Vegetabile diti laissem.

Ferò oblitus fuisssem annotare, aliud esse genus Corporum, quæ, licet non per distillationem à Concretis impetrata, multi Chymici Sulphur eorum solent appellare; non modò quod ejusmodi Substantiæ, magnam partem, intenso colore sint (undè etiam, idque magis propriè, *Tinctura* nuncupantur) uti dissoluta Sulphura esse solent, sed imprimis quod, magna ex parte, à reliqua Massa per Spiritum Vini sint abstracta, separataque: quem Liqueorem cum illi homines Sulphureum statuunt, etiam id, in quod agit, quodque abstatit, Sulphureum esse debere concludunt. Atque ex hac ratione obtendunt, se Sulphur ex ipsis etiam Mineralibus & Metallis separare, ex quibus illud solo Igne dissociari ab iis non posse constat. Ad hæc omnia respondebo, quod, si separata hæc Substantiæ reverà essent Corporum, undè eliciuntur, Sulphura, æquè tanta foret inter Chymica Sulphura, Spiritus Vini beneficio impetrata, Disparitas, qualem esse jam ostendi inter illa, quæ, mediante distillatione, in Oleorum forma obtinentur: quod indè patebit, quod, ne urgeam, eos ipsos distinctas virtutes Tincturis Mineralibus tribuere, laudantes contra hos illosve morbos Tincturam Auti; Tincturam Antimonii, vel Vitri ejus, contra alios; & Tincturam Smaragdi contra alios; liquet, in Tincturis extractis ex Vegetabilibus, si superfluous Vini Spiritus distilletur, cum in fundo crassam illam Substantiam relinquere, quam Chymici Vegetabilis Extractum solent appellare. Atque Extracta hæc valdè discrepantibus esse qualitatibus instructa, juxta particularium Corporum, ea largientium, naturam [licet vereat ea raro retinere tantum ex virtutibus specificis, ac vulgò opinantur] tum apud Medicos, tum Chymicos in confesso est. Verùm, *Eleutherie* [ait *Carneades*] hic animadvertamus, Chymicos, in hoc æquè casu, ac in multis aliis, licentiam sibi indulgere Vocabulis abutendi. Etenim, ne rursus ex differentibus Proprietatibus Tincturarum arguam, eas exactè pura & Elementaria Sulphura non esse, facillè ne quidem Sulphura esse apparent, etiamsi Olea Chymica nomen illud meriti concederemus. Etenim, utur in quibusdam Tincturis Mineralibus naturalis extracti Corporis fixitas non semper illud patiatur in discrepantes Substantias facillè resolvi; atamen in valdè multis Vegetabilium Extractis facillè admodum ostendi potest, Spiritum Vini ingrediens Sulphureum à Salinis *Mercurialibus* non dispescuisse; sed dissolvissè (habeo enim pro solutione) subtiliores Concreti partes non (facta ulla curiosa distinctione, sintne perfectè Sulphureæ, vel minus) seque ipsùm cum iis in Magisterii quoddam genus univissè; quod proindè diversorum ordinum Ingredientia partesse retineat necessum est. Videmus enim, cum lapides, Vitriolo abundantes, aqua pluvia sæpè fuere madefacti, Liqueorem tunc pulchrum, ac transparentem substantiam, in Vitriolum coagulabilem, elicere;

m

attamen,

atramen, licet hoc Vitriolum promptè in Aqua dissolvi possit, non est vetum Sal Elementale, sed Corpus, ut nosti, in discrepantes admodum partes resolubile, quarum una [uti mox locus erit tibi referendi] adhuc est Metallica, adeoque non Elementaris Naturæ. Considerare etiam poteris, commune Sulphur promptè posse in Oleo Terebinthino dissolvi, quamvis, nomine ejus nequidquam obstante, æquè, si non æquè multo, Sale, ac vero Sulphure abundet, testante id ipsum magna Salini Liquoris copia, quam Campanæ Vitæ ad deflagrandum suppositum largitur. Quin imò, quod fortè mirum tibi videbitur, eodem Oleo Terebinthinæ solo crudum Antimonium, subtiliter pulverisatum, faciliè satis in sanguinei coloris Balsamum dissolvi, cujus virtute forsitan insignia quædam in Chirurgia poterunt præstari. Ac, si nunc requireretur, possem tibi alia Corpora [qualia fortè non suspicaris] nominare, in quæ per cetera quædam Olea Chymica agere potui. Verum, ulterioris digressionis loco, hunc ulum ab Exemplo memorato eliciam, Non esse improbable, Spiritum Vini; qui pungenti suo sapore, & aliis nonnullis Qualitatibus, quæ id fortius arguunt [inprimis sua, juxta *Helmontium*, in *Alcali* & *Aquam Reductibilitate*] æquè videtur esse Salinæ ac Sulphuræ Naturæ, satis aptum supponi posse substantias Dissolvendò, quæ non sunt Sulphura merè Elementaria, quamvis fortè partibus, iis affinibus, possint abundare, Reperio quippe, Spiritum Vini dissolvere *Gummi Lacca*, *Benzoni*, & *Resinosas* partes *Tallapi*, & ipsius etiam *Gummi Jaci*; unde sat causæ est suspicandi, ipsum ab Aromatibus, Herbis, aliisque minus compactis Vegetabilibus, Substantias, quæ perfecta Sulphura non sunt, sed mixta Corpora, posse extrahere. Ac, ut rem extra dubium ponamus, multa sunt Extracta vulgaria, Spiritu Vini parata, quæ, Distillationi commissa, Substantias aded discrepantes largiuntur, quæ sonora quasi voce testentur, Corpora valdè composita ea fuisse. Aded ut jure suspicari possimus, etiam in Tincturis Mineralibus consequens semper non esse, quod, quia substantia rubicunda, Spiritus Vini ministerio, ex concreto elicitur, ea substantia verum & Elementale sit Sulphur.

Et licet nonnulla horum Extractorum sint fortè inflammabilia, atramen, præterquam etiam, quod status iste, in quo Reducta sunt ad ejusmodi partium exiguitatem, faciliorem reddere possit ipsorum inflammabilitatem, præter hæc, inquam, videre est, commune Sulphur, commune Oleum, *Gummi Lacca*, multaque Vinctuosa & *Resinosa* Corpora satis faciliè flammam concipere, quantumvis natura sint valdè composita. Quin imò, peregrinatores non sublesta fidei ceteram notam asserunt, in Regionibus quibusdam *Borealibus*, ubi Abies & Pinus abundant, tenuioris fortunæ incolæ urere solere longa *Resinosorum* istorum lignorum segmenta loco Candelarum. Et quod rubedinem illam atinet, quæ in solutionibus ejusmodi solet adesse, faciliè possem ostendere, necessarium non esse; ut ea ex Concreti, Spiritus Vini ope dissoluti, Sulphure oriatur, si mihi vacaret monstrare, quantoperè Chymici deludere seipso & alios solent aliarum istarum causarum ignorantia, quæ efficere possunt, ut Spiritus Vini, aliæque *Menstrua*, rubrum aliumve aliquem intentum colorem acquirant. Verum, ut ad Olea nostra Chymica revertamur, ponamus, exactè pura ea esse;

arbitror.

arbitror tamen, ipsa, optimi Spiritus Vini ad instar, nonnisi magis inflammabilia & deflagrabilia fore; ideoque, quandoquidem Oleum solo Igne immediate potest in flammam converti, quæ est res naturæ admodum ab ea discrepantis: Rogabo, quomodo hoc Oleum Corpus esse Primigenium, & incorruptibile, possit, qualia multi Chymici sua Principia esse statuunt; cum ulterius resolvi in flammam queat, quæ sive sit, sive non sit Elementi Ignis portio, ut *Aristotelicum* aliquis concluderet, est profecto res quædam naturæ admodum ab Oleo Chymico differentis, cum urat, & luceat, & eeleriter sursum feratur: quorum nullum ab Oleo Chymico patrat; quandiu tale manet. Et si quis objiceret, dissipatas flammantis hujus Olei partes capi posse, inque Oleum & Sulphur recolligi, sciscirabor, Quis Chymicus comparet, qui id unquam præstiterit? Atque, ne examinem, possint hinc æquè benè dici, Sulphur non esse nisi Ignem compactum, ac, Ignem non esse nisi Sulphur diffusum, perpendendum tibi relinquam, hinene argui possit, nec Ignem, nec Sulphur, Primitiva, & interitus experia Corpora esse: atque ulterius observabo, saltem hinc parere, portionem aliquam Materię posse, absque eo, ut cum novis Ingredientibus componatur, mediante Texturæ & Motus minutarum ejus partium mutatione, facillè, Ignis adminiculo, novis Qualitatibus imbuti, magis ab iis, quas antea possidebat, discrepantibus, quam sunt illæ, quæ discriminandis à se invicem Chymicorum Principiis sufficiunt.

Proximo loco nobis est considerandum, Vtrum, in Mixtorum Corporum Anatomia, id, quod Chymici partem eorum *Mercurialem* nuncupant, sit incompositum, an minus. At, ut verum tibi dicam, licet Chymici assident, unanimis, Resolutiones ipsorum Principium prodere, quod *Mercurium* vocant; reperio tamen, ipsos de eo Descriptiones tradere adeò discrepantes, & ænigmaticas, ut ego, quem fateri non pudet, me sine mente sonos assequi non posse, testari teneat, me quid sibi velint ignorare. *Paracelsus* ipse, (proindeque, ut facillè credes, multi ex sequacibus ejus) alicubi id appellat *Mercurium*, quod ligno urente sursum fertur, uti *Peripatetici* eundem Fumum pro Aëre solent habere; adeoque *Mercurium* videtur Volatilitate, sive (si cedere mihi ejusmodi Vocabulum fas est) *effumabilitate* definire. At, cum in hoc Exemplo, & Sal Volatile & Sulphur partem Fumi constituent, qui reverà & Phlegmaticis & Terreis Corpusculis insuper constat hæc Notio non est admittenda, reperioque, sagaciores Chymicos ipsos id non admittere. Vt tamen ostendam tibi, quam parùm perspicuitatis nobis sit expectandum vel in recentiorum *Spagyricorum* explicationibus, ne graveris animadvertere, *Beguinum*, in ipso *Tyrocinio* suo *Chymico*, ad *Tyrones* instruendum concinnato, quando tradit, quid per *Tria Prima* intelligatur, quæ, idem quod sunt Principia, tantè accuratius planiusque sunt definienda, hanc nobis *Mercurii* descriptionem consignare; * *Mercurius* (inquit) est liquor ille acidus, permeabilis, asherens, ac purissimus, à quo omnis Nutricatio, Sensus, Motus, Vires, Colores, Senectutisque præpropere retardatio. Quæ verba non tam sunt ejus Descriptio, quam *Encomium*: & *Quercetanus* tamen, in sua ejusdem Principii descriptione,

* *Tyrocin. Chym. lib. 1. cap. 2.*

plura alia his super addit *Epirheta*. Sed uterque (ut præteream permultos alios defectus, quorum Metaphoricæ eorum Descriptiones reæ peragi possunt) propriis Chymicorum Principiis hæud congruenter loquuntur. Etenim, si *Mercurius* est Liquor acidus, vel *Hermetica* Philosophia erret necessum est, dum omnes Sapores Sali fert acceptos, vel cetæ *Mercurius* Principium non est, sed quid ex Salino ingredienti & re quadam alia Compositum. *Libavius*, licet vehementer culpet eorum obscuritatem, quæ Chymici de Principio suo *Mercurialis* scribunt; ipse tamen nonnisi Negativam talem descriptionem ejus nobis tradit, qua *Sennertio*, utut *Trium Primorum* fautori, non sit latis. Et hic ipse *Sennertius*, licet Principiorum *Hypostaticorum* doctissimus *Hyperaspistes*, ferè tanta frequentia, quanto jure, de eorum, quæ Chymici circa *Mercurium* docent, tenuitate conqueritur, ipse tamen (sed cum modestia ei solenni) in locum Descriptionis *Libavii* aliam surrogat, quam multi Lectores, inprimis si *Peripatetici* non sint, quid sibi velie ignorabunt. Etenim vix quidquam aliud nos docens, quam quod in omnibus Corporibus id, quod præter Sal, & Sulphur, reperitur, & Elementa, vel, uti ea vocant, Phlegma, & *Terra motiva* appellatur, sit ille Spiritus, qui in *Aristotelis* Dialecto vocari potest οὐσία ἀνάλογος τῷ τῷ ἄεραι στοιχείῳ, id docet, quod, ut verum fatear, nullatenus mihi satisfacit, qui videri non amo in ullius Viri dogmatibus mysticis, acquiescere, ut ea credat intelligere.

Si (inquit *Eleutherius*) præsumere audem, rem eandem habitum iri perspicuam à me, & illis, qui obscuras ejusmodi dictiones deamant, quales tu in Chymicis reprehendis, perpendendum proponerem, utrum, cum Principium *Mercuriale*, quod oritur ex distillatione, distinctum ab ejusdem Concreti Sale & Sulphure unanimiter asseratur, id appellari non queat Corporis *Mercurius*: quod, licet in Distillatione, quemadmodum Phlegma, & Sulphur, ascendant, nec insipidum est: ut prius, nec inflammabile ut posterius. Ac propterea ego *Mercurii* Nomini, nimis abusive ei imposito, magis clarum familiaremque Appellationem Spiritus substituerem, quæ etiam valdè apud hodiernos Chymicos ipsos nunc obtinet, quamvis non tam distinctam, ut par erat, explicationem nobis dederint, quid illud sit, quod possit mixti Corporis *Spiritus* appellari.

Fortè non aded (inquit *Carnades*) de tua circa *Mercurium* Notione contenderem: at Chymicos quod atinet, quid illi sibi velint, ipsorum Principiis congruenter, per Animalium Vegetabiliumque *Mercurium*, non tam facile erit assequi; illi quippe Sapores uni Principio Salino adscribunt, proindeque arduum iis foret ostendere, quisnam ille, in resolutione Corporum, Liquor sit, qui non existens insipidus (talem quippè Phlegma vocant) nec est inflammabilis, ut Oleum, vel Sulphur, nec ullum habet saporem; qui, juxta eos, à Mixtura saltem Salis, oriatur necessum est. Et, si Spiritum acciperemus in illo vocabuli sensu, qui inter modernos Chymicos & Medicos est receptus, pro distillato scilicet Liquore, qui nec Phlegma est, nec Oleum, etiam tum satis ambigua videretur Appellatio. Manifestò enim, id, quod primò in Distillatione Vini, & Liquoribus fermentatis, sursum vehitur, generatim apud Chymicos, æquè ac alios, Spiritus habetur. Et tamen purus Spiritus Vini, cum sit totus inflammabilis, juxta eos, Principio,

Principio Sulphureo, non *Mercuriali*, est accensendus. Ac inter alios Liquores, qui Spirituum nomine veniunt, plures sunt, qui ad familiam Salium videntur pertinere, quales sunt Spiritus Nitri, Vitrioli, Salis Marini, & alii; ipseque Spiritus Cornu Cervi: quippè, ut expertus fui, magna ex parte, si non penitus, in Sal & Phlegma reducibilis, suspensionem incurrit, quod nil sit nisi Sal Volatile, Phlegmate ipsi in forma Liquoris commixto larvatum. Utur se res habeat, si hic est Spiritus, manifestò à Spiritu Aceti valdè multum differt, cum alter saporis sit Acidì, alter Salini, eorumque mixtura, dummodò probè purificata sint, interdum Effervescentiam cieat, istorum Liquorum ebullitioni similem, quos Chymici sibi invicem quam maxime contrarios statuunt. Atque inter illos etiam Liquores, qui potiori titulo, quam hæcenus memorati, nomen Spirituum videntur sibi vendicare, sensibilis apparet diversitas: Spiritus enim *Quercus*, exempli causa, differt à Spiritu *Tartari*, & hic à Spiritu *Buxi* vel *Gujacaci*. Verbo, etiam hi Spiritus, æquè ac alii stillatitii Liquores, magnam inter se disparitatem, sive in ipsorum in sensus nostros Actione, sive in cæteris eorum operationibus, produunt.

Ac (pergit *Carneades*) præter hanc disparitatem, quæ inter Liquores illos, quos Moderni appellant Spiritus, & Corpora Similata censent, reperitur, id, quod supra de *Buxi* Spiritu referebam, ostendere tibi potest, quosdam ex istis Liquoribus non modò instructos esse Qualitatibus ab aliis valdè discrepantibus, sed & ulterius in Substantias à se invicem differentes posse resolvi.

Et quoniam multis modernis Chymicis, aliisque Physicis, visum est, *Mercurialem* Spiritum Corporum pro eodem habere, sub diversis nominibus, Principio, mecum observes, quæso, ingens illud discrimen, quod inter omnes Vegetabiles Animalesque Spiritus, quos memoravi, ac fluentem *Mercurium* est conspicuum. Non loquor de eo, qui passim in Officinis venditur, quem multi ipsorum fatentur esse Corpus Mixtum; sed de eo, qui ex Metallis separatur à quibusdam Chymicis, qui cæteris videntur *φλοσιφόρις*, nominatimque à supradicto *Claveo* (distinctionis ergo) *Mercurius Corporum* nuncupatus. Iam verò, cum Metallicus hic Liquor unum sit ex tribus illis Principiis, ex quibus Corpora Mineralia à *Spagyricis* dicuntur esse composita, inque ea posse resolvi, multæ notoriæ inter illos & Vegetabilium Animalium *Mercurios*, quos vocant, differentiæ hoc me infestare permittent, vel, quod Mineralia, reliquaque duo mixtorum genera, non constant ex eisdem Elementis, vel, quod illa Principia, in quæ Mineralia immediatè resolvuntur, quæ Chymici, seu vera eorum Principia, ostentabundi nobis monstrant, Principia duntaxat sint Secundaria, Mixtæ sui generis, quæ, ut ejusdem cum Liquoribus Vegetabilibus Animalibusque generis fiant, ad discrepantem admodum formam ipsa sunt reducenda.

At non dixi omnia; licet enim supra tibi suggesserim, quam parùm fidei Processibus Chymicis, qui de eliciendis *Mercuriis* Metallorum passim occurrunt, sit tribuendum, nunc tamen adjiciam, quod, supposito, Solertiores inter ipsos non falsò affirmare, reapse verum fluentemque *Mercurium* ex quibusdam Metallis se extraxisse (cujus præstandi modum ut & nos perspicuè docuissent, optatem)

etiamnum tamen dubitari queat, elicitorne ejusmodi *Mercurii* æquæ à communi Argento vivo, & à se invicem, differant, ac à *Mercuriis* Vegetabilium Animaliumque. *Clavens*, in *Apologia* sua, de quibusdam loquens *Experimentis*, quorum adjumento *Mercurii* Metallici in Metalla nobiliora figi possunt, subjungit; se loquutum * de Argento vivo à Metallis proliscio, quod vulgare ob nimiam frigiditatem, & humiditatem, nimium concoctioni sit contrarium: cui operationi licet paulò ante *Mercurios* Corporum Metallicorum in genere præscribat, præcipuè tamen *Mercurium* arte ab Argento extractum commendat. Atque alibi, eodem libro, nobis refert, seipsum expertum esse, nuda coctione Argentum vivum ex Stanno proliscium posse quadam Causa Efficiente, ut loquitur, in purum Aurum mutari. Atque Expertissimus *Alexander van Suchten* alicubi nobis narrat, certo quodam modo, quem innuit, fieri posse *Mercurium* ex Cupro, non qui colore sit, ut ceteri *Mercurii*, Argenteo, sed viridi. Cui ego adjiciam, Virum quendam Illustrum, cujus nomini Peregrinationes ejus, & erudita Scripta, celebritatem conciliavere, nuper mihi asseverasse, se pluries *Mercurium* Plumbi [quem, quidquid etiam Authores polliceantur, paratu valdè difficilem, in aliqua saltem notabili quantitate, deprehendes] in perfectum Aurum fixatum vidisse. Cumque eum rogarem, quivisne alius *Mercurius* ejusmodi mutationem, earundem Operationum adminiculo, subiret, Negativam sustinuit.

Et quandoquidem in mentionem incidi *Mercuriorum* Metallicorum, expectabis forsitan (*Eleutherie*) ut de duobus reliquis eorum Principiis aliquid dicam. Sed ingenuè tibi fatear, necessum est, quod, quænam sit inter Salia Sulphuræque Metallorum & aliorum Mineralium disparitas, non satis experientie in eorum Separationibus Examinibusque mihi comparavetim, ut id determinare ausim. (quod enim Metallorum Salia, jam supra tradidi, rem esse admodum dubiam, Salve ullum habeant :) Et quod spectat Processus illos Separationis, qui in Auditoribus mihi occurrunt, si possent (plures autem eorum non possunt) in Praxin cum successu deduci, uti suprà notabam, perficiendi tamen sunt aliorum Corporum adjumento, tam ægrè, si ulla quidem ratione, ab iis separabilium, ut admodum sit difficile, Principiis separatis, omne, quod iis debetur, & nil amplius, dare. Verùm Sulphur Antimonii, quod (prout saltem per Salem *Armoniacum* paratur) est vehementer Emeticum, & gravissimi odoris Anodynum, Sulphur Viatrioli, me proclivem faciunt, ut existimem, non modò Sulphura Mineralia à Vegetabilibus differre, sed & à se invicem, multumque de Concretorum suorum natura retinere. Metallorum, & quorundam Mineralium Salia facile conjectabis (ex Dubiis, quæ antehac proposui, Salve ullum habeant Metalla) me hætenus ea felicitatis parte caruisse, ut ipse viderim, fortè non ex curiositatis defectu. At, si *Paracelsus* semper aded sibi ipsi congruenter scriberet, ut opinio ejus *fidenter* colligi possit ex unoquoque Scriptorum ejus loco, ubi eam videtur exprimere, securus tibi dicere possem, ipsum in genere ei patrocinari, quod Ego in quarta mea primaria Consideratione tradidi, & in particulati auctorem mihi esse suspicionis, quam foveo, esse nempe posse in Metallinis & Mineralibus

* *Clavens* in *Apolog.*

libus differentiam, æquè ac eam in aliorum Corporum Salibus est reperire. Etenim Sulphur* (inquit) aliud in Auro, aliud in Argento, aliud in Ferro, aliud in Plumbo, Stanno, &c. sic aliud in Sapphiro, aliud in Smaragdo, aliud in Rubino, Crysolitho, Amethysto, Magnete, &c. item aliud in Lapidibus, Silice, Salibus, Fontibus, &c. Nec vero tot Sulphura tantum, sed & totidem Salia; Sal aliud in Metallis, aliud in Gemmis, aliud in Lapidibus, aliud in Salibus, aliud in Vitriolo, aliud in Alumine: similis etiam Mercurii est ratio. Alius in Metallis, alius in Gemmis, &c. ita ut unicuique speciei suis peculiaris Mercurius sit. Et tamen res saltem tres sunt: Una essentia est Sulphur, una est Sal, una est Mercurius. Adde, quod & specialius adhuc singula dividantur; Aurum enim non unum, sed multiplex, ut & non unum Pyrum, Pomum, sed idem multiplex: totidem etiam Sulphura Auri, Salia Auri, Mercurii Auri: idem competit etiam Metallis, & Gemmis; ut quot Sapphiri præstantiores, leviores, &c. tot etiam Sapphirica Sulphura, Sapphirica Salia, Sapphirici Mercurii, &c. Idem verum etiam est de Turcoïdibus, & Gemmis aliis universis. Ex quo loco (Elentherie) arbitror te existimaturum, me posse sine temeritate concludere, vel Opinioni meæ favere Paracelsum, vel Paracelsi Opinionem non semper fuisse eandem. Sed, quia in pluribus aliis locis Scriptorum suorum loqui multò aliter videtur de Tribus Principiis, & Quatuor Elementis, fuffecerit mihi ex adducto loco inferre, quod, si Doctrina ejus non consistat cum ea parte Doctrinæ meæ, in cujus patrocinium affertur, valde sit cognitu difficile, quænam de Sale, Sulphure, & Mercurio Opinio ejus fuerit; proindeque, quod nos, circa colloquiorum nostrorum initium, cum ratione provinciam subterfugerimus ipsum vel examinandi, vel oppugnandi. Nescio, debeamne hac occasione adicere, Illa ipsa Corpora, quæ Chymici Phlegma & Terram appellant, adhuc à simplicitate Elementari recedere. Communem Terram & Aquam frequenter id facere, non obstante recepta contraria Opinione, ab ipsis modernis Peripateticis sagacioribus non negatur. Et certè, plurimæ Terræ Corpora sunt multò minus Simplicia, quam communiter ipsi etiam Chymici imaginantur, qui non ad eò consultò agunt, dum Terras promiscuè in istis præscribunt adhibentque Distillationibus, quæ alicujus Capitis Mortui mixturam, ad impediendum confluxum materiæ, ejusque partes crassiores retinendum requiruntur. Deprehendi enim, qualdam Terras, Distillationis adminiculò, Liquorem largiri, valde admodum ab inodoro insipidove distantem; eoque nota Observatio, quam plurima Terræ pinguioris genera à pluvie injuriis præmunita, atque à seipsa in productione Vegetabilium absumenda præpedita, progressu temporis Nitro imprægnata inveniri.

At reminisci me oportet, Aquam, & Terras, de quibus hic mihi loquendum, istiusmodi esse, quales à Corporibus mixtis, Ignis beneficio separantur; ideoque, ut sermonem meum ad tales restringam, tibi referam, videre nos Phlegma Vitrioli [exempli ergo] potens admodum esse contra Vstiones remedium; celebremque & expertum Medicum novi, cujus id est à suspitione immune [ipso mihi fatente] Arcanum ad duos obstinatosque tumores discutiendum. Phlegma Aceti ex Vino, licet admodum lentè in furno Digestionis elicatum, de industria

fui

* Paracelsi de Mineralib. tract. 2. p. 141.

fui expertus, reperique interdum, illud vim habere, dulcedinem Saccharinam & Plumbo, cunctanter licet, extrahendi; quantumque memini, diutina Digestione Corallia in eo ipse dissolvi. Phlegma *Saccharo Saturni* peculiaribus admodum pollere Qualitatibus perhibetur. Plures spectabiles Chymici docent, ipsum Margaritas dissolvere, quæ, ejusdem Concreti Spiritu præcipitata, eo ipso (ut aiunt) Volatiles redduntur: quod ab egregiæ fidei viro, ex ejus Observatione propria, mihi fuit asseveratum. Phlegma Vini, pluresque sanè alii Liquores, qui sine discrimine ad sterquilinum, seu Phlegma damnantur, Qualitatibus imbuti sunt, quæ eos & à mera Aqua, & à se invicem faciunt discrepæ: cumque Chymicis visum sit, *Caput Mercurium* illius, quod distillare (postquam Aquæ affusione Sale ejus extraxerunt) *Terram Damnatam*, sive simpliciter *Terram*, appellare; dubitari potest, sintne istæ Terræ omnes perfectè similes; vixque res est sub dubium cadens, earum nonnullas esse, quæ irreductæ ad naturam Elementarem adhuc persistunt. Cineres Lignorum, omni Sale orbat, & Cineres Ossium, Calcinatumve Cornu Cervi, quæ ab Auri Separatoribus, ad Testas probatrices (sive Cineritia) consiciendum, seu maximè à Salibus libera, seligantur, videntur dissimilia: quique horum Cinerum alterutrum cum vulgari Calce, multoque magis cum Talco calcinato (licet affusione Aquæ sint exquisitè edulcata) contulerit, fortè causam subesse videbit, eas nonnihil esse discrepantis naturæ arbitrari. Atque in *Colcothare* patet, exactissimam Calcinationem, exquisita dulcificatione exceptam, non semper Corpus residuum in Terram Elementarem reducere, postquam enim Sal (sive Vitriolum, si Calcinatio nimis fuerit languida) è *Colcothare* est extractum, residuum non est Terra, sed Corpus mixtum, viribus Medicis (docente me Experientia) locuples, quodque *Angelus Sala* in *Æs* ductile ex parte redigi posse affirmat; quod ego valdè probabile judico: licet enim, cum ego Experimentis super *Colcothare* faciendis occupabar, Furno destitueret, qui Calorem latis intentum ad talem Calcem in fusionem reducendam edere valuerit; conjectans tamen, quod, si *Colcothar* isto abundaret Metallo, id Aquæ Fortis scrutinio depromptum iri, aliquid dulcificati *Colcotharis* isti menstruo immisi, deprehendique Liquorem, prout expectabam, mox colore adedè intenso imbutum, ac si ordinaria *Ætis* solutio fuisset.

CHYMISTÆ

CHYMISTÆ SCEPTICI

P A R S Q V I N T A.



ARNEADE hic sermonem sistente, non oportet me negare (ipsi aiebat Amicus ejus) mihi videri, Te sufficienter probasse, distinctas hasce Substantias, quas Chymici ex Corporibus mixtis, Vulgaris suæ Distillationis adminiculo, solent impetrare, satis puta, & simplicia non esse, quæ, strictè loquendo, Elementorum Principiorumve nomen mereantur.

Verum te audivisse arbitror, *Spagyricos* quosdam hodiernos esse, qui obtinent, posse se ulterioribus peritioribusque Purificationis Separata Mixtorum Corporum Ingredientia adeo ad simplicitatem Elementarem reducere, ut Olea (exempli gratia) ab omnibus Mixtis extracta tam perfecte, ac guttæ Aquæ, se invicem referant.

Si meministi (regit *Carnades*) me sub nostri cum *Philopono* sermonis initium coram Societate reliqua ipsi significasse, me nolle in præsentiatum amplius in me suscipere, quam ut ultimas probationes, à Chymicis, in receptæ de tribus ipsorum Principiis Hypostaticis doctrinæ patrociniū, adductas examinem: facile intelliges, non teneri me ei, quod nuper proponebas, respondere; illudque largiri potius; quam infirmare, quod hæctenus ivi propugnatum: Quandoquidem, dum obtenditur, tantam fieri in putativis Principiis, quæ Distillatio Vulgaribus *Spagyricis* suppeditat, mutationem, evidenter satis præsupponitur, quod, priusquam Depurationes ejusmodi Artificiose fiant Substantiæ, simplices reddendæ, nondum satis simplices fuerint, quæ Elementares haberentur. Quæ, si præstare *Artifices*, quos loqueris, possent quod obtinent, non tamen esset, cur erubescerem me *Vulgarem* circa *Tria Prima Opinionem* in dubium vocasse. Ac rem ipsam quod spectat, ingenuè apud te fatebor, me pronum illum Genium, res impossibiles pronunciantem, non probare, donec sciverim, perpenderemque media, quorum ope proponuntur efficiendæ. Ideoque nec obfirmatè negabo vel ejus, quod hi *Artifices* promittunt, possibilitatem, vel meum ad ullam probam illationem, quæ ex ipsorum præstitis erui possit, Assensum (utut Conjecturis meis exitialem): sed permittes simul, ut tibi dicam, quod, cum ejusmodi promissæ soleant (pluries id me docente Experientia) multò facilius dari, quam præstari à Chymicis, mihi cohibendum esse ab eorum Assertionibus fidem, donec ipsorum Experimenta eam exegerint, neque tam facilem esse non debere, ut in antecessum expectem effectum verisimilitudine carens, quod rationibus fortioribus, quam hæctenus allegatis, non sit munum. Præterquam quod ex iis, quæ

ab his Artificibus intellexi, nondum reperi, quod, licet obtendant, diversas illas Substantias, in quas Ignis Concretum dispescitur, ad exquisitam Simpliciter reducere, etiam sibi sumant, posse se, Ignis ope, omnia Concreta, Mineralia, aliaque, in eundem Distinctarum Substantiarum Numerum reducere. Atque interim non possum non improbabile censere, ipsos reapse posse tot differentia Corpora ex Auro (verbi causa) vel *Osteocolla* separare, ac nos ex Vino, vel Vitriolo possumus; vel *Mercurium* (exempli gratia) Aut *Saturni* naturæ omnino ejusdem fore cum *Mercurio* Cornu Cervi; atque Sulphur Antimonii nonnisi numerice à distillato Buiyro seu Oleo Rosarum discrepaturum.

Sed ponas (ait *Eleutherius*) te inventurum Chymicos, qui tibi concederent, Terram, & Aquam Mixtorum Corporum Principiis annumerare, arque non refragantes, Ambiguum *Mercurii* nomen in nomen Spiritus, ceu magis intelligibile, mutare, Principia proinde Corporum Compositorum Quinque constituerent; nonnisi rigoris aliquid subesse putares, Opinionem tam verisimilem eo duntaxat nomine rejicere, quod Quinque illæ Substantiæ, in quas Ignis Mixta Corpora dividit, non sint exactè pura, & Homogenea? Me quod spectat (pergit *Eleutherius*) non possum non aliquantum mirari, si Opinio hæc vera non sit, rem tam fortunato cadere, ut tanta Corporum Varieras, Ignis adminiculo, in Quinque præcisè distinctas Substantias resolvatur, quæ tam parum ab iis Corporibus, quæ ipsorum nomina gerunt, differentes, tam plausibiliter Oleum, Sulphur, Sal, Aqua, & Terra possunt appellari.

Opinio illa, quam tu nunc in medium adfers (respondet *Carnedes*) cum sit alia ab ista, quam susceperam examinandam, mihi non est opus, ut hoc tempore à me discutiatur; nec mihi tempus nunc suppeteret, id ipsum, ut par est, perficendi. Quare tantum in genere tibi dicam, quod, quamvis hanc opinionem, quibusdam nominibus, magis defendi posse existimem, quam quæ est Vulgarium Chymicorum; (at facilitè tamen ex supradictis cognoveris quid de ea sentiendum: cum plures ex Objectionibus, adversus Vulgarem Chymicorum doctrinam structis, formari etiam non facta magna alteratione contra hanc *Hypothesin* posse videantur. Etenim, præterquam quod hæc Doctrina æquè ac altera pro concessio sumit (quod non est probatu facile) Ignem esse verum & adæquatum Corporum *Analysin*, omnèsq; distinctas Substantias, à Mixto Corpore Ignis beneficio, impetrabiles, sic in eo præ-extitisse, ut per *Analysin* nonnisi à se invicem fuerint extricata; præterquam etiam, quod hæc opinio Productionibus Ignis adscribit simpliciter Elementarem, quam ostendi ipsi esse derogandam; & præterquam quod hoc Dogma quibusdam ex cæteris difficultatibus est obnoxium, quibus illud de *Tribus Primis* laborat; præter, inquam, hæc omnia, Quinarius hic numerus Elementorum restringi saltem debebat ad Animalium & Vegetabilium Corporum Generalitatem, cum non modò inter hæc ipsa dentur quædam Corpora (ut supra arguebam) quæ, non obstante ulla re in contrarium allata, vel paucioribus, vel pluribus, quam præcisè quinque, Substantiis similibus constant: sed in Regno Minerali vix ullum datur Concretum, quod ostensum fuerit adæquatè esse divisibile in Quinque talia Principia, seu Elementa,

acc.

nec pauciora, uti Opinio ex eo numero quodlibet Corpus Mixtum vult constare.

Et hoc ipsum (pergit *Carneades*) facere poterit ad tollendam minuendamve tuam super eo admirationem, quod Quinque præcisè Corpora in Resolutione Concretorum reperiantur. Cum enim non deprehendamus, Ignem institere posse ejusmodi (in Quinque Elementa) *Analysin* Metallorum, aliorumque Corporum Mineralium, quæ compactiori & perenniori sunt Textura, superest, Quinque illas Substantias, quæ sunt sub examine, obtineri à Corporibus Vegetabilibus, & Animalibus, quæ (probabiliter ob solutiorum sui contexturam) apta sunt Distillati. Atque, quoad Corpora istiusmodi, satis est congruum, sive Quinque præcisè Elementa esse, sive non esse, supponamus, occurrere passim in Dissipatis partibus Quintuplicem Schematis (ut ita dicam) diversitatem. Etenim si partes non remanent omnes fixæ, ut in Auro, Calcinato Talco, &c. nec omnes sursum feruntur, ut in sublimatione Sulphuris Caputæ, &c. sed post dissipationem in nova Materie Schemata sese associant; sat proclive est, ut vi Ignis in Fixum & Volatile dividantur (pro ratione puta illius gradus Caloris, cujus adminiculo distillantur) & ut partes istæ Volatiles, magnam partem, ascendant vel in forma sicca, quas Chymicis visum est appellare, si sint insipidæ, Flores, si sapidæ, Sal Volatile; vel in forma Liquida; atque hic Liquor sit, oportet, vel inflammabilis, & censebitur Oleum; vel non inflammabilis, subtilis tamen, & pungens, & vocabitur Spiritus: vel denique inerts, & insipidus, & appellationem Phlegmatis sive Aquæ sortietur. Et, quod partem fixam sive *Caput Mortuum* spectat, communiter constabit ex Corpusculis, partim in Aqua solubilibus, sive lapidis (in primis si partes Salinæ ad eò Volatiles, non fuerint, ut ante avolaverint) quæ Sal ejus fixum constituunt; & partim insolubilibus & insipidis, quæ idcirco appellationem Terræ sibi videntur vindicare. Verum enim verò, quamvis ex hoc fundamento quis facillè prædixerit, differentes Substantias, ex perfectè Mixto Corpore, Ignis ope, impetrabiles, ut plurimum ad Quinque nuper memoratos Materie status reductum ist, attamen non statim sequitur, Quinque has distinctas Substantias Corpora fuisse simplicia, & primigenia, in Concreto sic præ existentia, ut Ignis ea nonnisi disjunctat. Præterquam quod non constet, omnia Corpora Mixta testantibus id Auro, Argento, *Mercurio*, &c.) quinimò nec fortè omnia Vegetabilia (quod patere potest ex eo, quod supra diximus de *Caputæ*, *Benzoni*, &c.) Ignis adjuvento in ejusmodi præcisè differentia Materie Schemata reduci posse. Neque nobis Experimenta prius allegata permittent, separatas has Substantias pro Elementaribus & Incompositis habere. Nec sufficienter probat, ea esse talia Corpora, quæ nomina ex Chymicorum placito iis indita mereantur, quod *Analogiam* quandam, quoad Consistentiam, vel quoad Volatilitatem, vel Fixitatem, vel etiam quoad aliam quamplurimam obviam qualitatem, cum Principiis præsumptis, quorum nomina iis tribuuntur, habeant. Etenim, ut supra dicebam, non obstante illa similitudine, qua sibi invicem in una aliqua Qualitate respondent, talis esse poterit in aliis disparitas, ut ei magis sit consentaneum, ipsis Appellationes differentes

imponere; quam est similitudinis, ipsis unam & eandem dare. Et sanè, non nisi rudior aliquanto modus videtur de natura Corporum judicandi, sine hæsitazione concludere, illa ejusdem esse oportere naturæ, quæ in istiusmodi aliqua Generali Qualitate, ut sunt Fluiditas, Siccitas, Volatilitas, & similia, conveniunt, cum singulæ ex istis Qualitatibus, sive Statibus Materię, magnam varietatem Corporum, alias discrepantis admodum naturæ, possint comprehendere: uti videre est in Calcibus Auri, Vitrioli, & Talcis *Veneris*, cum Cincinibus communibus comparatis, qui tamen sunt admodum sicci, Ignisque vehementia, æquæ ac illi, fixati: & uti colligere etiam ex eo licet, quod prius observavimus circa Spiritum *Buxi*, qui, quamvis sit Liquor Volatilis; Sapidus, nec Inflammabilis, æquæ ac est Spiritus Cornu Cervi, Sanguinis, alique (undè & hæcenus appellatus fuit Spiritus, & pro uno Ligni, ipsum largientis, Principio habitus) potest tamen, ut tibi dicebam, in duos Liquores subdividi, à se invicem differentes, quorumque saltem alter à maxima parte cæterorum Spirituum Chymicorum discrepat.

Verum tu ipse poteris, si lubet (pergit *Carneades*) *Hypothesi* à te propositæ accommodare quæcunque alia particulari prægresso Sermoni applicari possè judicaveris. Intempestivum enim mihi arbitror, hæc tempore ulterius me immiscere Controversiæ, quæ, cum nunc ad me non spectet, mihi libertatem relinquit tempus mihi opportunum amplectendi, quo meam ipsius de ea sententiam depromam.

Eleutherius intelligens *Carneadem* non nihil reluctari plus temporis in hujus opinionis disceptatione insumere, animumque fortè inducens ansam hinc arripienti ad ipsum pellicendum, ut alio tempore fusius de ea disserat, consultum non judicabat, tunc temporis amplius quidquam apud eum de proposita opinione memorare, sed hunc in modum eum alloquebatur.

Arbitror, non opus esse tibi in memoriam revocate, *Carneades*, & Ternatii Principiorum Numeri, & Quinque Elementorum Patronos conari una atque altera ratione speciosa Experimenta sua fulcire: atque nonnulli inprimis ex posterioris Opinionis Fautoribus (quibuscum habui consuetudinem, quosque viros doctos reperi) hanc rationem necessitatis Quinque distinctorum Elementorum assignant, quod, secus si esset, Mixta Corpora non possent ita componi, ac temperari, ut debitam Consistentiam & convenientem durationem obtineant. Sal quippe (inquiunt) Soliditatis & Perennitatis Corporum Compositorum est *Basis*, sine quo Quatuor Elementa reliqua variè equidem & solutè possent misceri, at tamen manerent incompacta. At vero, ut Sal dissolveretur in partes minutas, & ad reliquas Substantias cum eo cõpingendas devehetur, id Aquæ inducit necessitatem. Ac, ne dura nimis fragilisq; sit Mixtura, Sulphureum Oleosumq; Principium interveniat, necessum est, ad reddendam massam tenaciorem. Huic superaddatur, oportet, Spiritus *Mercurialis*, qui sua activitate aliquamdiu permeet, & quasi fermentet totam Massam, & hoc ipso exquisitiorem Ingredientium Mixturam Incorporationemque promoveat. Quibus (omnibus) denique quædam Terræ est addenda portio, quæ siccitate & porositate sua partem imbibat illius,

illius Aquæ, in qua Sal erat dissolutum, eminenterque cum reliquis Ingredientibus concurrat ad requisitam Consistentiam rotæ Corpori largiendum.

Percipio (ait *Carneades* subridens) si verum sit, uti nuper notabatur ex Proverbio, *Felicia ingenia Infelicem habere Memoriam*, tibi isto Titulo, æquè ac meliori, locum inter Ingeniosos deberi. Etenim plus quam semel jam oblitus es, quod tibi significabam, me præsentî hoc colloquio Experimenta duntaxat Adversariorum meorum examinaturum, non verò Rationes eorum Speculativas. Non tamen (subjungit *Carneades*, ex metu est Argumentum à te propositum aggrediendi, quod ejus Examini in præsentiarum me subduco. Si enim, cum orium permittit, animus tibi fuerit, ut id ex professo inter nos consideremus, fiducia me tener, nos illud insolubile vix deprehensuros. Atque interea observare licet, ejusmodi arguendi modum posse, ut videtur, *Hypothesibus* diversis speciosè accommodari. Reperio enim, *Beguinum*, aliosque *Trium Primorum* Assertores, sibi sumere, istiusmodi via necessitatem explicare Salis, Sulphuris, & *Mercurii* ad Mixta Corpora constituendum, nulla habita ratione necessitatis Aquam Terramque addendi.

Et sanè neutrum genus Chymicorum videtur pro merito perpendisse, quanta sit in Corporum Compositorum Texturis & Consistentiis varietas; quamque parum multorum ex iis Consistentia & Duratio videatur propositæ Nozioni congruere, & per eam posse explicari. Ac, ne memorem istas sætè incorruptibiles Substantias, Ignis ope impetrabiles, quas esse aliquo modo compositas probavi, quasque Chymici sponte concedunt, perfectè Mixta Corpora non esse: Ne, inquam, hoc memorem, dico, Dummodò tibi in memoriam velis revocare, nonnulla Experimentorum illorum, quibus mediantibus sibi ostendebam, ex Communi Aqua sola producti posse Mixta, quin & Viventia Corpora discrepantium admodum Consistentiarum, quæque, Ignis ope, in totidem Principia; ac alia Corpora, quæ perfectè Mixta habentur, possint resolvi: Si, inquam, hoc feceris, non eris, arbitror, ab ea fide alienus, quod Natura convenienti dispositione minutatim partium alicujus portionis Materię Corpora satis durabilia, atque hujus, vel illius, alteriusve Consistentiæ possit effigiare, neque tamen uti teneatur omnibus Quinque Elementis, multò minus ulla Determinata Quantitate unius cujusque ex Quinque Elementis, vel ex Tribus Principiis, ad ejusmodi Corpora componendum.

Atque (pergit *Carneades*) aliquantum sui miratus, non considerare Chymicos, vix ullum esse in Natura Corpus adedò permanens; ac indissolubile, ut Vitrum; quod tamen ipsi docent formari posse ex metis Cineribus, in fusionem sola Ignis vi redactis: adedò ut, cum Cineres concedantur nonnisi ex puro Sale & simplici Terra constare, ab aliis omnibus Principiisve Elementisve dissociari, agnosceret teneantur, etiam Artem ipsam posse ex duobus solum Elementis, vel, si placet, ex uno Principio & uno Elemento, Corpus quovis sætè alio durabilius componere. Quod cum negari nequeat, quomodò probabunt, non posse Naturam Mixta Corpora, quæ etiam sint durabilia, componere, nisi omnia Quinque Elementa vel Materialia Principia consociet?

Verum huic per occasionem natæ disquisitioni, de illorum scilicet Opinione, qui Quinque Elementa assertum eunt, diutius immorari, eundem esset memoriæ lapsus Tecum committere, cum hujus Argumenti disceptatio pars non sit laboris à me ab initio suscepti; proindeque sat jam temporis in id insumpserim, quod nonnisi Digressionem, vel, benigniori sensu, Excursionem respicio.

Atque ita, *Eleutherie*, (ait *Carneades*) expeditis tandem Quatuor illis Considerationibus, quas apud te edisserere institueram, præter rem non fore arbitror, si fortè proluxa mea singulatum tractatio tibi *Seriei* earum oblivionem induxerit, breviter ipsas repetere, proindeque tibi referre, quod

Cum, Primo loco, jure queat dubitari, siue Ignis, ut Chymici supponunt, genuinum & Universale Resolvens Mixtorum Corporum;

Cum possimus dubitare, Secundo, Vtrum omnes Distinctæ Substantiæ, quæ ex Mixto Corpore, Ignis beneficio, obtineri queunt, ibi sub iisdem formis, sub quibus indè separatantur, præ-existerint:

Cum etiam, licet largiremur, Substantias ex Corporibus Mixtis, Ignis ope, separabiles, componentia eorum Ingredientia fuisse, Numerus tamen ejusmodi Substantiarum idem in omnibus Mixtis Corporibus non appareat; quod quædam eorum in plures, quam tres differentes Substantias, alia verò ne quidem in tres tales possint resolvi.

Cum denique illæ ipsæ Substantiæ, quæ ita sunt separatæ, non sint Corpora pura, & Elementaria, sed nova geneta Mixtorum.

Cum, inquam, hæc ita se habeant, mihi permittes, spero, inferre, Vulgaria Expetimenta (fortè addere potuissem, Argumenta etiam) à Chymicis allegari solita ad probandum, Tria ipsorum Principia *Hypostatica* adæquatè omnia Mixta Corpora componere, non esse aded demonstrativa, ut virum circumspèctum ad acquiescendum in ipsorum Doctrina adigant, quæ, donec eam melius explantur, probentque, perplexa sua Obscuritate aptior est, ut crucem figat, quam satisfaciatur iudiciofis, atque iis non levis Difficultatibus implicata videbitur.

Et ex iis, quæ hæcenus edissectata fuere (pergit *Carneades*) discere est, quid de recepta istorum Chymicorum praxi sit judicandum, qui quoniam reperere, diversa Corpora Composita (non enim obtinet in Omnibus) resolvi posse in duas tresve alias præter Fuliginem, & Cineres, Substantias differentes, vel potius ad eas suppeditandum reduci, in quas nudus Ignis communiter in Caminis nostris eas dividit, summis sectam suam laudibus evehunt, ceu Philosophiæ Novæ Inventricem, quibusdam eorum, inter quos est *Helmontius*, titulo *Philosophorum per Ignem* seipso decorantibus; & maxima eorundem parte non modò Sectæ suæ additis adscribente, sed, quantum in ipsis est, iis solis vendicante Titulum PHILOSOPHORVM.

Sed, cheu! quam angusti sunt hujus Philosophiæ termini, qui ad quædam duntaxat istorum Compositorum Corporum pertingunt, quæ tantum super Globo nostro Terraqueo, vel in cortice, supethicie ejus reperiuntur, qui ipse nonnisi punctum est, immenso Univerſo comparatus, de cujus reliquis ingentioribusque partibus Doctrina *Trium Primorum* nullam nobis reddit rationem:

Quid

Quid enim ea nos docet vel de Natura Solis, quem Astronomi Vniversa Terra sexagies & centies, & quod excurrit, majorem esse affirmant? vel de natura fixarum tanto numero Stellarum, quæ, re nulla contrarium testante, paucæ quidem, nullæ apparent mole & splendore Soli inferiores, si æquæ ac ille nobis vicini forent? Quidnam scire nostrum, quod Sal, Sulphur, & *Mercurius*, Mixtorum Corporum sum Principia, nos docet de immensæ illius, fluidæ, & Ætheriæ Substantiæ natura, quæ interstellarem, proindeque multò maximam Mundi partem videatur constituere? Quod enim opinionem illam attinet, *Paracelsus* passim adscriptam, quasi non modò quatuor Elementa *Peripatetica*, sed & Cælestes partes Vniversi ex Tribus suis Principiis vellet constare, cum moderni Chymici ipsi dignum non judicaverint tale commentum, ut suum facerent, nec ego dignum extimabo, ut confutem.

Verum enim verò ignoscerem fortè *Hypothesi*, quam tamdiu ivi examinarum, si, licet nonnisi ad exiguam admodum Mundi partem se porrigeret, saltem earum rerum, ad quas extendere se dicitur, rationem satisficientem redderet. Sed non reperio, eam nobis ullam etiam, quam valde imperfectam, etiam de ipsis Mixtis Corporibus tradere. Quomodo quippe *Trium Primorum* scientia Rationem nobis aperiet, quare Magnes Acum ad se trahat, eamque Polos versus disponat, & rarè tamen præcisè in eos dirigat: Quomodo nos docebit hæc *Hypothesis*, quo pacto pullus gallinaceus formetur in Ovo & vel quomodo seminaia Principia Mentis, Peponum, aliorumque Vegetabilium, quæ supra memoravi, Aquam in varias Plantas possint effigiari, unaquaque earum peculiari sua ac determinata figura, diversisque specificis ac discriminantibus Qualitatibus instructa? Quomodo hæc *Hypothesis* nobis ostendit, quantum Salis, quantum Sulphuris, quantumque *Mercurii* sit capiendum ad Pullum vel Peponem formandum & hoc si sciverimus, quodnam illud sit Principium, quod disponit hæc Ingredientia, struitque (verbi causa) ejusmodi Liqueores, ut sunt Albumen, & Vitellus, in talem Texturarum varietatem, quæ ad Ossia, Venas, Arterias, Nervos, Tendines, Plumas, Sanguinem, aliasque Pulli partes formandum requiritur, neque ad formandum modò singulos artus, sed ad eos unà connectendum, ea ratione, ut id Animalis illius, quod ex iis debet constare, perfectioni quam maximè congruat? Si quis enim dixerit, tenuiorem aliquam & subtiliorem hujus, vel illius, vel omnium Principiorum *Hypothesicorum* partem munere Directoris in toto hoc negotio fungi, Architectumque in tota hac elaborata structura agere, is ansam suggerit rursus seiscitandi, quænam proportio, quivise modus *Trium Primorum* Mixturæ, *Architectonicum* hunc Spiritum suppeditarit, & quodnam Agens peritam adèd ac felicem missionem paravit. Arque ad hanc quæstionem Responsio, si quidem Chymici intra Triâ sua Principia se cohibuerint, iisdem cum Responsio ad priorem dato incommodis erit obnoxia. Et, nisi falcem immitterem in Thema cuiusdam ex amicis nostris hic præsentis, facillè urgere possem Vulgarem Chymicorum Philosophiæ Imperfectiones, tibi quæ ostendere, conatum per Triâ ipsorum Principia explicandi, non dicam, omnes abstrusas Proprietates Corporum Mixtorum, sed vel obvia ejusmodi,

ejusmodi, & magis familiaria *Phænomena*, ut sunt *Fluiditas*, & *Firmitas*, Colores & Figuræ Lapidum, Mineralium aliorumque Corporum Compositorum, Natrio five Plantarum, five Animalium, Ponderositas Auri, vel Argenti Vivi, cum Vino, Vinive Spiritu, comparata: hunc, inquam, conatum, rationem horum reddendi (ut omittam sexcenta alia, explicatu æquè difficilia), ex ulla Trium Ingredientium Simplicium proportionem, rendere multò verisimilius ad prosternendam Chymicorum eorumque *Hypothesi* exiltimationem, quam ad solerti veritatibus investigatori satisfaciendum.

Vetum (intercedit *Eleutherius*) hæc Objectio non magis Chymicorum Trium, quam *Peripatereticorum* Quatuor Elementa videtur ferire; & sanè quamlibet ferè aliam *Hypothesin* premit, quæ ex ullo Determinato Mineralium Ingredientium numero sibi sumit Naturæ *Phænomenon* rationem reddere. Et Doctrinæ Chymicorum de Tribus Principiis usum quod attinet, non esse opus arbitror, ut à me edocearis, magnum ejus *Hyperaspisen*, eraditum *Sennertum*, insignem hunc * *Trium Primorum* usum assignare, posse scilicet ab iis, ceu proximis, maximeque generinis Principiis, deduci, ac demonstrari, Proprietates, quæ Mixtis Corporibus insunt, quæque proximè (ut ipsi loquuntur) ab Elementis deduci nequeunt. Atque hoc, inquit, præcipuè apparet, quando inquirimus Proprietates, & Vires Medicamentorum. Ac novi ego, (pergit *Eleutherius*) Personam induisti *Hermetica Doctrina* Oppugnatoris, non excussitum aded ingenitum tuam consuetamque Aequitatem, ut te cohibeat, ne agnoscas, Philosophiam Notionibus ac Detectionibus Chymicorum plurimum debere.

Si Chymici, quos loqueris, (regerit *Carnæades*) ejus fuissent modestiæ, prudentiæve, quæ ipsos induxisset, Opinionem suam de *Tribus Primis* ceu Notionem proponere, inter alias utilem ad augendum cognitionem Humanam, plus gratiarum, minus Oppugnationis nostræ meruissent: verum, cum in Re, quam sibi summat præstitisse, non tam id agant, ut notionem aliquam in incrementum Philosophiæ conferant, quam ut hanc Notionem (paucis altis minoris momenti committatam) pro ipsa Philosophia Nova venditent; quinimo, cum tantoperè de hoc suo conceptu gloriuntur, ut celebris *Quercetanus* scribere non dubitet, si quam maximè certa ipsius Tribus Principiis doctrina sufficienter esset intellecta, examinata, & exulta, eam faciliè caliginem, mentes nostras obtenebrantem, esse dissipaturam, claramque lucem, tollentem omnes difficultates, illaturam; hac Schola quippe suppeditante Theoremata, & Axiomata irrefragabilia, quæque citra controversiam à Iudicibus, studio partium non laborantibus, sint admittenda, atque etiam aded utilia, ut necessitate nos eximat, ad illud ignorantix *Asylum*, Occultas puta Qualitates, ex defectu cognitionis Causarum, confugiendi; cum, inquam, hæc Domestica nolo Chymicorum aded ultra modum ab istis æstimateur, præter rem esse haud putem, sensum erroris illis incuri, eosque moneri, ut forsè & comprehensiva magis Principia associant, siquidem nobis velut Naturæ *Phænomena* explicare, nec ut seipso, & (quantum in ipsis est) etiam alios cancellis Principiorum tam angustis concludant, ut veter eos vix inde facultate in-

* *Sennert. de Consensu & Dissensu* pag. 163.

strui, decimam partem (non dico) omnium Naturæ *Phænomenon*, sed vel omnium talium, quorum ex *Leucippiano*, vel quibusdam aliorum generum Principiis satis speciosè reddi ratio potest, explicandi. Ac licet haud invitus largiar, incongruitatem, quam *Hypothesis* Chymicorum imputo, nonnisi eandem esse cum illa, quæ adversus istam de Quatuor Elementis, compluraque alia Dogmata à Viris doctis propugnata, potest obijci; quia tamen sola est Chymicorum *Hypothesis*, quam nunc examino, non video, qua, si quidem quod ipsi imputo verum sit incommodum, vel id esse desinat, vel ego id ei impropere idèd dubitem, quod aliæ Theoriæ æquè sint illi, ac Hermetica, obnoxia. Non scio enim, cur Veritas idèd minus sit Veritas existimanda, quod errorum varietatem possit avertere.

Tibi sum obstrictus (pergit *Carneades*, paululum subridens) pro benigna sententia, quam tibi visum fuit de Æquitate mea aperire, dummodò nihil delirescat in recessu. Sed non est opus, ut vel pelliciar Artificio, vel invirer Lenociniis verborum, ad magnam illam utilitatem agnoscendum, quam operæ Chymicorum utilis Scientiæ amantibus attulere: nec vel hac occasione Arrogantia eorum meam inhibeat Gracitudinem. Verum enimverò, cum æquè examinarum eamus Doctrinæ eorum Veritatem, quam industriæ Meritum, teneor, quatenus investigo priorem, responsionem continuare, si quidem personæ, quam indui, provincia, prout par est, velim defungi; tibi que dicere, me, quando agnosco *Spagyricorum* laborum in Physicis utilitatem, id propter Experimenta, non propter Speculationes eorum, facere: mihi quippè videtur, ipsorum Scripta, uti Furnos, æquè fumum ac lucem suppeditare; paulumque minus obscurare quædam subiecta, quam alia illustrare. Ac licet invitus adducar, ut negem, difficilè cuiquam esse, perfectionem in Physicis sibi parare, qui in Chymicis sit hospes; vulgares ramen Operationes, & praxis Chymicorum, ferè ac literas Alphabeti respicio; sine quarum cognitione difficilè fuerit aliquem evadere Philosophum; cum tamen illa cognitio longè admodum absit, ut Talem quem præstet.

Verùm (inquit *Carneades*, vultum magis serium resumens) ut penitus non-nihil expendamus quod in gratiam Doctrinæ Chymicorum de *Tribus Primis* allegati, licet facile agnoscam, eam inutilem non esse, ejusque Inventores & Sequaces Republicæ litterariæ aliquantum profuisse, sociata opera nimiam illam æstimationem, vel potius venerationem sternerentes, qua Doctrina de Quatuor Elementis tam longè lateque ferè quam immeritò colebatur; attamen quod de *Primorum Trium* utilitate allatum fuit, difficultatibus non spernendis videret obnoxium.

Ex primò quidem, quod ipsum Probandi modum attinet, quo doctiores solerioresque causæ Chymicorum Advocati, ad Principia Chymica in Corporibus Mixtis evincendum, uruntur, longè satis is mihi videtur abesse, ut convincar. Magnum hoc & Primipilum Argumentum ipse *Sennertus* vester, qui plurimi illud facit, dicitque, doctissimos Philosophos hunc ratiocinandi modum ad gravissimam quæque probandum adhibere, ita proponit: *Vbiunque* (inquit) *pluribus eadem affectiones & qualitates insunt, per commune quoddam Principium insunt, necesse est, sicut omnia sunt Gravia propter Terram, Calida propter Ignem. At Colores,*
Odores,

suppositionem, quætam ex quo Principio Chymico dependeat Fluiditas? Est verò Fluiditas qualitas Univerſi, ſi duas reſve fortaliſſ exceperis, diffuſiſſima, eſt, quæ longè admodum Generalior, quam ulla ſerè alia ex iis, quæ in ullo ex Principiis Chymicis, Elementiſve *Ariſtotelicis*, reperies; cum non modò Aër, ſed immenſum illud Expanſum, quod Cælum dicimus, (cuſ reſpectu Globus noſter Terræqueus [poſito, cum totum eſſe ſolidum] nonniſi Punctum eſt) & fortaliſſ etiam Sol, & Stellæ fixæ, Corpora fluida exiſtant, Quæro etiam, à quo ex Principiis Chymicis oriatur Motus; qui tamen eſt affectio Materiæ multò Generalior, quam ulla, quæ ex ullo Trium Principiorum Chymicorum poſſit deduci. Similem quæſtionem ſubjungere de Luce poſſem, quæ non modò in Mixtorum Corporum accenſo Sulphure, ſed etiam (ne memorem iſta genera Lignorum putridorum, putreſque Piſces, qui in tenebris lucent) in caudis viventium Cincindelarum, inque vaſtis Solis & Stellarum Corporibus reperitur. Lubens quoque ſcitem, in quonam ex Tribus Principiis Qualitas, quam Sonum appellamus, ceu in ſubjecto proprio, reſideat; quandoquidem ſive Oleum ſuper Oleum, ſive Spiritus ſuper Spiritum, ſive Sal ſuper Sal, in magna copia, & ex inſigniori altitudine cadens, ſtrepitum ciebit, vel, ſi placet, ſonum producer; idemque (ut etiam *Ariſtotelici* feriat Objeſtio) etiam Aqua ſuper Aquam, ac Terra ſuper Terram præſtabit. Et poſſem alias nominare Qualitates, in multis Corporibus reperiundas, quarum arbitror Adverſarii mei non facile ullum assignabunt Subjectum, cuſ cauſa neceſſariò fiat, ut Qualitas ad reliqua omnia diverſa Corpora pertineat. Ac priuſquam ulterius progrediar, ad comparandum Te invitabo ſuppoſitionem illam, quæ eſt ſub examine, cum aliis nonnullis Opinionibus Chymicorum. Primo enim, reapse docent, plures una Qualitates ad unum Principium poſſe pertinere, ab eoque deduci. Etenim Sali adſcribunt Sapores, & vim Coagulandi, Sulphuri Odores juxta, ac Inflammabilitates; & quidam eorum *Mercurii* Colores, omnes vendicant Effumabilitatem, ut ipſi appellant. Ex viciliſſim, manifeſtum eſt, Volatilitatem communiter ad omnia Tria Principia, atque etiam ad Aquam, pertinere. Pater enim, Olea Chymicorum eſſe Volatilia: quodque diverſa Salia, ex complurium Concretorum *Analysi* emergentia, admodum ſunt Volatilia, ex Salium Cornu Cervi, Carnis, &c. liquet fugacitate, in Corporum iſtorum Diſtillatione aſcendentium. Quam facile Aqua poſſit ad aſcenſum adigi vix eſt, qui non obſervaverit. Et quod atinet ipſis ita dictum *Mercuriale* Corporum Principium; id adeò aptum eſt in Vaporis forma evchi, ut *Paracellſus* aliique ex illa ſubvolandi aptitudine illud deſiniant. Adeò ut (quod inferre liceat in tranſitu) non videtur, Chymicos in ſua de Qualitatibus, & reſpectivis earum Principiis Doctrina *invenſari* adhibuiſſe, cum & Qualitates diverſas derivent ab uno Principio, & eandem Qualitatem omnibus ſerè Principiis ſuis, aliſque inſuper Corporibus, adſcribere te- neantur.

Atque hoc dixiſſe ſufficiat de primo illo, quod *Sennerſus veſter* abſque ſufficienti probatione ſumit pro conſeſſo: atque, ut hoc obiter adſciam (pergit *Carneader*) diſcere hinc licet, quid de illo Argumentationis modo ſit iudicandum,

quo ferox ille *Aristotelicorum* adversus Chymicos Hyperaspistes, *Anthonium Guntherum Billichium*, utitur, quando probandum sibi sumit contra *Beguinum*, non modò quatuor Elementa immediatè concurrere ad unumquodque Corpus Mixtum constituendum, eique & inesse, & post dissolutionem ab eo obtineri posse, sed & *Tria Prima* ipsa, in quæ Chymici Mixta Corpora solent resolvere, singula manifestò suam ex quatuor Elementis compositionem prodere. Ipsa ratiocinatio [progredditur *Carneades*] cum quid habeat inusitati, nuper illam transcribebam, eaque hunc in modum [ait, *Charta è loculis protracta*] se habet: *Ordiamur cum Beguino, à ligno Viridi, quod si concremetur, videbis in sudore Aquam, in fumo Aërem, in flamma & prunis Ignem. Terram in cineribus. Quod si Beguino placuerit ex eo colligere humidum aquosum, cohibere humidum oleaginosum, extrahere ex cineribus Salem, ego ipsi in unoquoque horum quatuor Elementa ad oculum demonstrabo, eodemque artificio, quo in ligno viridi ea demonstravi. Humorem aquosum admovebo Igni: ipse Aquam ebullire videbis, in vapore Aërem conspiciet, Ignem sentiet in aestu, plus minus Terra in sedimento apparebit. Humor porro Oleaginosus Aquam humiditatis & fluiditatis per se, accensus verò Ignem flamma prodit, fumo Aërem, fuligine, nidore, & amurca Terram. Salem denique ipse Beguinus siccum vocat, & Terrestrum, quæ tamen nec fusus Aquam, nec caustica vi Ignem celare potest; Ignis verò violentia in halitu versus nec ab Aëre se alienum esse demonstrat. Idem de Lacte, de Ovis, de Semine Lini, de Caryophyllis, de Nitro, de Sale Marino, denique de Antimonio, quod fuit de Ligno viridi, iudicium. Eadem de illorum partibus, quas Beguinus adduci, sententia, qua de Viridis Ligni humore aquoso, qua de liquore ejusdem oleoso, qua de sale fuit.*

Audaculus hic sermo [resumit *Carneades*, chartam suam recondens] non valdè difficilis esse confutatu, arbitror, si Argumentorum ipsius momenta paria essent temporis illius brevitati, quod residuum magisque necessariæ Discursus mei parti expediendæ fortè superest. Quare loco responthonis ad objectionem de dissipatis concremati Ligni Viridis partibus, te ad ea remittens, quæ *Themistio* super simili Argumento suprà dixeram, faciliè tibi possem ostendere, quam perfunctoriè *Guntherus* noster loquatur de Flammæ Ligni Viridis in quatuor Elementa sua divisione: Quando vaporem illum statuit Aërem, qui in Vitris captus condensatusque mox sese prodit nonnisi innumerabilium valdè minutarum Liquoribus guttarum Aggregatum fuisse: Et quando probare conatur, Ignem Phlegmatis inire compositionem, ex Calore illo, qui Liquori est adventitius, cessatque ad absentiam ejus, quod cum producebat, (sive illud sit Agitatio, ab externi Ignis motu procedens, sive per plurius Atomorum igneatum, Vasis poros pervadentium, totumque Aquæ Corpus celeriter permeantium præsentia) hæc, inquam, & alia elumbia plura urgere in dictis ejus possem: sed in illud potius animadvertam, quod diverticuli hujus Occasionem proprius spectat; videlicet, pro concessio sumens, Fluiditatem (cum qua incautus videtur Humiditatem confundere) ortum suum Elemento Aquæ omnino debere, statuit, Oleum Chymicum ex Liquore Elementari constare; proximis tamen verbis, illud etiam ex Igne constare, ex ejusdem Inflammabilitate probat; immemor, exquisitè purum Vini Spiritum fluidiorem esse.

esse ipsa Aqua, & totum tamen flamma absumi, nulla omnino Aquea humiditate, nullaque ejusmodi *Amurca*, & Fuligine, ex qua Terra præsentiam deducere conatur, post se relictis. Aded ut idem Liquor, juxta doctrinam ejus, ex magna illius Fluiditate, tota ferè Aqua; & ex ipsius omnimoda Conflagratione, totus esse larvatus Ignis concludi possit. Et pari probandi modo Auctor noster ostendete nititur, fixum Ligni Salem ex quatuor Elementis esse compositum. Versus enim (inquit) in halitus, Ignis violentia, Aëri se cognatum esse demonstrat: cum dubitem ego, ipse unquam verum Salem fixum (quem, ut reddatur salis, Incinerantis Ignis vim sustinuisse jam oportet) solo Igne videtur, ut in Exhalationum forma ascenderet, adactum: ut non dubito, si vidit, istasque Exhalationes in vasis commodis captavit, ipsum eas, æquè ac halitus Salis Communis, &c. Salinæ esse, & non Aëriæ naturæ, deprehendisse. Cumque Auctor noster etiam pro concessio sumat, Salis Fusibilitatem ab Aqua esse deducendam, id sanè Caloris, variè minutas Corporis partes agitantis, aded est Effectum nullo ad Aquam habito respectu, ut Aurum (quod cum sit Corporum ponderosissimum & fixissimum, maximè Terrestre esse oportet) ad Fusionem, intenso Igne, adigatur, qui equidem expulsurus potius Aqueum Ingrediens, siquidem ulium habeat, quam auctus videtur; & contra, ex sufficientis minutarum ejus partium agitationis defectu, Glacies [etiamsi Materialiter nil ferè sit nisi Aqua] Fluida non est, sed Solida. Quamvis etiam præsumat, Mordicantem Corporum qualitatē ab Igneo Ingrediente debere oriri, cum tamen, ne urgeam, Leves & Inflammabiles partes, quas maximè verisimile est ad Elementum Ignis pertinere, probabiliter dispulsas jam esse debere, quo tempore violentia Ignis Corpus in Cineres redigit; ne, inquam, hoc urgeam, neque illud, Oleum scilicet Vitrioli, quod Ignem extinguit, linguam, & carnem eorum, qui incauti id delibant, applicante, Cautici instar adutere; precarium est, Ignis in fixis Salibus præsentiam ex ipsorum vi caustica probare, nisi potius demonstratum fuerit, omnes Qualitates Salibus adscriptas ex Qualitatibus Elementorum esse deducendas; quod, si mihi esset otium, facile possem ostendere, facile pensum non esse. Ac ne memorem Auctorem nostrum æquè Homogeneum Corpus, ac ullum, quod ipse producere seu Elementare potest, ad utrumque & Aque & Ignis familiam reducere, licet nec Fluidum, nec Insipidum sit, ut Aqua; nec Leve, & Volatile, ut Ignis: omittere in sua Anatomia videtur Terræ Elementum, nisi quod innuit, Salem pro ea posse haberi. Sed cum, paulò antè, Cineres pro Terra accipiat, non video, quo pacto vel inter Sermonis sui patres, vel inter quasdam earum & dogma suum Inconsistentiam devitaverit. Cum enim manifestum inter Salinas & Insipidas cinerum partes sit discrimen, non video, quomodo Substantiæ, quæ insignibus ejusmodi Qualitatibus discrepant, ambæ dici queant Portiones esse Elementi, cujus Natura, illud ut sit Homogeneum, requirit; in hoc in primis casu, ubi *Analysis*, Ignis adminiculo facta, illud separasse supponitur ab aliorum Elementorum Mixtura, quæ maxima pars *Aristotelicorum* fatetur in communi Terra generaliter repetiti, eamque impuram reddere. Et sanè, si nobiscum reputantes, quam exigua disparitatis causa *Peripatetici* hæc Symbolizantia Corpora,

Aërem & Ignem, duo Elementa distincta constituant, perpendamus etiam Salinam Cinerum partem penetranti admodum sapore prædiram, facileque in Aqua solubilem esse; cum pars eorundem Cinerum altera sit insipida, inque illo ipso Liquore indissolubilis; ne addam, unam Substantiam opacam esse, alteram verò nonnihil diaphanam, neque, quod in diversis rebus aliis discrepant; si hæc consideremus, inquam, vix existimabimus, ambas has Substantias Elementarem Terram esse. Et quod attinet objectionem illam, Salinum earum Saporem Effectum duntaxat esse Incinerationis, Aduktionisque; alibi plene ei fuit responsum, cum à *Themistio* fuit proposita; ubi & adversus ipsum probatum fuit, utut insipida Terra fortè Additamentorum beneficio in Salem commutari queat, non tamen esse verò simile, id solius ignis ope posse præstari. Videmus quippe, quando Aurum & Argentum depuramus, Ignem, quibus ea urgere possamus, intensissimos ipsis ne minimum quidem Salfedinis saporem conciliare. Et benè observasse *Philoponum* arbitror, Concretorum quorundam Cineres parùm admodum Salis, si ullum, continere. Separatores enim arbitrantur, cineres ossium ab illis esse immunes, proindeque iis ad consiciendas Testas probatrices Cupulasque utuntur, quas Sale esse destitutas oportet, ne Ignis violentia ad Vitrificationem eas reducat; cumque ipse de industria & sollicitè Cupulam gustassem, nonnisi ex Ossium cineribus & aqua limpida confectam, quam violento admodum Igni, per duplicium insignis magnitudinis follium statum intensiori facto, exponi curaveram, percipere non potui, Ignem vel minimam salfedinem ipsi impertivisse vel etiam minùs insipidam reddidisse.

Verùm (inquit *Carnæades*) cum nec tu, nec ego repetitionum simus amantes, non jam ullam instituiam ejus, quod alias inculcatum fuit adversus *Themistium*, sed te potius invitabo, ut mecum animadvertas, quod, cum Auctor noster, quamvis Vir eruditus, quique satis peritiæ in Chymicis ad reformandam totam Artem obtendar, ad præstindum accedit, quod audent in se susceperat, ad oculum scilicet demonstrare immediatam quatuor Elementorum in Viridis Ligni resolutione præsentiam, eo adducatur, ut dicat quæ parum admodum secum invicem congruant. Brenim sub loci, nuper ex eo recitati, initium, Sudorem, ut vocat, Ligni Viridis Aquam esse statuit, Fumum Aërem, lucentem Materiam Ignem, & Cineres Terram; cum, paucas post lineas, in horum singulis, quinimò (ut modo notabam) in una distincta Cinerum parte, ostendere quatuor Elementa conetur. Adèd ut vel prior *Analysis* impar probando numero Elementorum, cum ejus beneficio Combustum Concretum in corpora Elementaria non reducat, sed in talia, quorum singula adhuc ex quatuor Elementis sunt Composita; vel alioquin hæc Qualitates, ex quibus omnium Elementorum præsentiam conatur deducere, in Sale fixo, & unoquoque ex reliquis separatis Substantiis, non erunt nisi precaria ratio probandi; maxime si expendis, quod, cum Extractum *Alcali* ex Lignis, nullare in contrarium apparente, ad minimum æquè Similare sic Corpus, ac ullum, quod *Peripatetici* nobis ostendere queant, si differentes ejus Qualitates arguere debeant distinctorum Elementorum præsentiam, vix ipsis futurum sit possibile, ulla via, quam norunt, Ignem Corpori alicui applicandi ostendere,

ostendere, ullum Corpus veri alicujus Elementi portionem esse. Atque hoc mihi in mentem revocar, me nunc non nisi per occasionem in hanc rem excurrisse; quod cum eò solum tendar, ut ostendam, *Peripateticos* æquè ac Chymicos in Controversia, quæ sub manu est, aliquid pro concessio sumere, quod erat probandum; Reverrar ad exceptiones meas, ubi earum primæ finem faciebam, tibi quæ portò referam, istam neque unicam esse rem precariam, quam in argumentatione *Sennerti* animadverto. Etenim quando infert, quod, quia Qualitates, ab ipso commemoratæ, ut Colores, Odores, similesque, ad Elementa non pertinent, ex idcirco ad Principia Chymica pertinere necesse sit; id pro concessio sumit, quod non facile probabitur: quod possem hic ostendere, nisi mox locus foret commodior id ipsum observandi.

Atque hæc impræsentiarum dicta sufficiant adversus eam *Hypothesin*, quæ unicuique ferè Qualitati quoddam *Substratum præstat*, ut loquuntur, necessitudo substernendum statuit; Nativum scilicet receptaculum, in quo, seu proprio inhaesione subjecto, ea peculiariter sedem habeat, cujusque nomine ea Qualitas ad alia Corpora, in quibus reperite est, pertineat. Hac verò suppositione fundamentali jam eversa, quidquid ei superstructum cum ea coarctat sua sponte, necessum est.

Verum ulterius animadverto, Chymicos (quantum ego quidem deprehendi) longè abesse, ut per ullum ex *Tribus Primis* explicare istas Qualitates valeant, quas primario ad illud pertinere, inque Corporibus mixtis ab eo deducere obtineant. Verum est quidem, ejusmodi Qualitates per quatuor Elementa explicari non posse; sed non idèd sequetur, ipsas per tria Principia Hermetica posse. Atque hoc est illud ipsum, quod imposuisse Chymicis videtur, estque sanè solennis admodum inter plurimos disputantes error, qui arguunt, ac si non nisi duæ Opiniones circa eam difficultatem esse possent, de qua contendunt; proindeque inferunt, si Adversariorum opinio sit erronea, suam esse necessitudo veram; cum complures, maxime in rebus Physicis, quæstiones admittere tot *Hypotheses* diffidentes queant, ut valdè foret inconsultum & fallax (nisi ubi Opiniones præcisè sunt Contradictoriæ) unius Veritatem ex falsitate alterius concludere. Atque in particulari nostro casu neuriquam est necessarium, mixtorum Corporum Proprietates vel Hermetica vel *Aristotelica Hypothesis* explicabiles esse oportere, cum diversæ sint aliæ, magisque speciosæ rationes, eas explicandi; inprimis verò illa, quæ Qualitates à moru, figura, structuraque minutarum Corporum partium deducit, uti ostendi posse existimo, si conatus æquè esset rempessivus, ac cum vereor rædiosum fore.

Largiar igitur, Chymicos, non sine causa Doctrinam de quatuor Elementis ineptitudinis accusare corporum compositorum proprietatis explicandi. Atque pro hac Vulgaris Erroris rejectione non est illis neganda laus, quam mereri homines possunt pro Dogmaris explosione, cujus imperfectiones adèd sunt conspicuæ, ut opus duntaxat fuerit, oculos non claudere, ad eas deregendum. Sed fallor; si Philosophi nostri Hermetici ipsi opus non habent, æquè ac *Peripatetici*, ad Feraciora & magis Comprehensive Principia, quam sunt *Tria Prima*, recurrere, ad Proprietates Corporum, quibuscum conversantur, explicandum. Ne Exempla hanc

hanc in rem accumulamus (quia commodiorem occasionem spero hoc Sub-
 jectum urgendi) hac vice Colorem duntaxat attingamus, ut ex eo, quod illi de
 tam obvia & familiari Qualitate dicunt, conicere queas, quam patrum Instru-
 ctionis à *Tribus Primis* in abstrusioribus illis, quas illi unà cum *Aristotelicis* Oc-
 cultas appellant, nobis sit expectandum. Erenim de Coloribus nec ullatenus
 inter se ipsos consentiunt, nec in ullum ex quolibet Trium Dogmatum incidi,
 qui eas perspicuè explicet. Vulgus Chymicorum Colores adscribere solet *Mer-
 curio*; *Paracelsus* in diversis locis eos Sali attribuit; ac * *Sennertus*, recitatis di-
 versis eorum opinionibus, ab utrisque dissentit, Coloresque potius ad Sulphur
 refert. Verùm quo pacto Colores ab horum Principiorum ullo oriantur, imò,
 quomodo inde possint oriri, vix dices, credo, quemquam clarè hactenus expo-
 suisse. Atque si Dominus *Boyle* mihi permittet, ut tibi Experimenta illa osten-
 dam, quæ ipse de Coloribus collegit, non dubito te futurum, Corpora exhibere
 Colores, non ex eo, quod hoc illudve Principium in iis prædominetur, sed ex
 ratione Texturæ eorum, & imprimis Dispositionis partium Ipsorum Superficia-
 lium, qua Lux ad oculos inde repercussa ita modificatur, ut pro ratione diffe-
 rentium Impressionum variè Organa visus afficiat. Possem hic observare ju-
 cundam illam Colorum varietatem, Prismaticæ vitreo exhibitam, atque rogare,
 quænam, vel Salis, Sulphuris, vel *Mercurii* additio, vel decrementum, Corpori
 Virri accidat ex eo, quod Prismatis figuram obtrineat, & tamen constat, absque
 ea figura eos Colores exhibere nolle, quos exhibet, sed quia potest obijci, hos
 esse colores non reales, sed apparentes: ne in examinanda hac distinctione tem-
 pus perdam, adducam adversus Chymicos unum alterumve Exemplum Rea-
 lium & Permanentium Colorum, ex Corporibus Metallicis extractorum, atque
 considerandum suggeram, absque extranei ullius Corporis additione, Argentum
 Vivum, solius Ignis ope, idque in vasis Vitreis, Colore suo Argenteo posse privari,
 inque Corpus Rubrum commutari; ex quo Corpore rubro itidem, sine additio-
 ne, *Mercurius* splens & specularis, ut erat prius, potest obtineri; Aded ut
 hic adsit Color permanens, generatus & corruptus (ut ipse vidi) ad lubrum,
 absque vel *Mercurii*, Salis, vel Sulphuris additione, vel subtractione. Ac si pu-
 rum & tenue frustum durati Chalybis, ut Artifices loquuntur, accipias, eique
 candellæ flammam, ad parvam aliquam à cuspidē distantiam, applices, non diu
 Chalybem in flammam tenueris, quin diversos Colores sis percepturus, uti
 Flavum, Rubrum, & Cæruleum, in Metallī superficie apparere, seque invicem,
 cuspidem versus, cursu insequi, aded ut idem Corpus, idque in una eademque
 parte, non modò habere possit novum Colorem in ea productum, sed successivè
 Colores diversos intra horæ minutum, vel circiter, exhibere; & quavis horum
 Colorum possit, Chalybem ab Igne removendo, permanens fieri, inque multos
 annos durare. Atque hæc Colorum productio varietasque supponi cum ratione
 nequit ab ullius ex Tribus Principiis accessione proficisci, cuicumque etiam
 eorum Chymicis visum fuerit Colores adscribere: quandoquidem imprimis, si
 Ferrum, prius candefactum, Refrigeres, duretur, rursusque decoloretur; neque

* *Sennert. de Consens. & Dissens. cap. 11. pag. 186.*

tantum Flammæ candelæ, sed ullius alterius æquivalentis caloris, congruenter applicati, adminiculo, iidem Colores denud præducantur, aliique aliis succedant, ut prius.

At me prosequi non oportet ulterius sermonem solummodo per occasionem institutum, quamvis id mihi non tam difficile factu foret, ac Chymicis fore vereor, meliorem de cæteris Qualitatibus ex suis Principiis rationem reddere, quam de Coloribus reddidere. Et vester * *Sennertus* ipse (Auctor licet, quem magni æstimo) vehementer, vereor, se discutiaturum sensisset in enodando, per *Tria Prima*, vel dimidio Problematum Catalogo, ad quæ per quatuor Elementa explicandum Vulgares *Peripateticos* provocat. Ac supposito, verum esse, Sal & Sulphur esse Principia, ad quæ hæc illave Qualitas peculiariter possit referri, at tamen quamvis ille, qui nos hoc docet, doceat nos *aliquid* de illa Qualitate, tamen *aliquid* tantummodo nos docet. Non enim certò nos docet illud, quod ulla ratione sollicito Veritatis investigatori possit satisfacere. Quid enim mihi prodesset, talem Qualitatem in tali residere Principio Elementove, dum Causam istius Qualitatis, & productionis atque operationis illius modum penitus Ignoro? Quantillum est, quod mea de Gravitate scientia cognitionem Vulgi excedit, si novi duntaxat, Mixtorum Corporum ponderositatem ab ea, quæ in Terra est, illa componente, proficisci, nec novi, quare Terra sit ponderosa? Et quantum est, quod Chymicus Philosophum de Natura Purgationis docet, si affirmat tantummodo, Purgantem medicamentorum virtutem in ipsorum Sale residere? Præterquam enim, quod hoc absque limitatione non est concedendum, cum purgantes complurium Vegetabilium partes, adminiculo Aquæ, cui infunduntur, elicitæ, ad summum non sint nisi istiusmodi composita Salia (mixta nempe cum Oleo, & Spiritu, & Terra, qualia Terratum, & complura alia Vegetabilis Regni subiecta largiuntur;) & cum etiam Argentum Vivum, præcipitatum vel cum Auro, vel sine Additione, in pulverem, esse soleat vehementer satis Catharticum, licet Chymici nec dum probaverint Aurum, vel *Mercurio* ullum omnino Sal inesse, multò minus ullum Sal purgans: præter hoc, inquam, quantillum id mihi conducit, nosse, esse Salem Rhabarbari (exempli gratia) qui purgat, si cum non ut Salem purgare repetio, cum, vix ullum Sal Elementare in parva quantitate sit Catharticum; atque si nescio, quomodo Purgatio in generali in humano Corpore efficiatur? Verbo dicam, uti aliud est, nosse alicuius ædes, aliud verò, esse ipsi familiarem, ita aliud esse potest, subiectum nosse, in qua aliqua qualitas præcipuè residet, aliud autem, verum qualitatis ipsius conceptum & cognitionem habere. Iam verò id, quod ego rationem esse arbitror istiusmodi Chymicæ Doctrinæ defectus, eadem est, ob quam *Aristotelicam*, diversasque alias Theorias ineptas existimo Origini Qualitatum explicandæ. Pronus quippè sum credere, explicari nunquam posse Naturæ *Phænomena*, quamdiu homines ea conantur ex præsentia tantum & proportionem talium vel talium Ingredientium Materialium deducere, taliaque Ingredientia Elementave ut Corpora in situ quietis considerant: cum reverà maxima pars affectionum

* *Sennert. de Consens. & Dissens. pag. 165. 166.*

materiæ, proindeque Naturæ *Phænomenum*, ex motu ac structura exiguarum Corporum partium videatur dependere. A motu quippè est, quod una pars Materiæ agit in aliam; estque ut plurimum textura Corporis, quod partes moventes fuerint, quæ motum & impressionem modificat, cumque eo ad productionem istorum effectuum, qui præcipuam constituunt Physicorum Thematæ partem, concurrat.

Verum (ait *Eleutherius*) non obstantibus his omnibus, arbitror Ego, te aliquam ejus, quod in Trium Principiorum gratiam à me adducebatur, partem sine responso dimisisse. Nil enim eorum omnium, quæ dixisti, impedit, quo minus hæc sit utilis Detectio, quod, cum in Sale unius Concreti, in Sulphure alterius, *Mercurioque* tertii, virtus Medica resideat, istud Principium à cæteris sit separandum, ibique desiderata facultas querenda.

Nunquam negavi (reponerat *Carneades*) Notionem de *Tribus Primis* usum aliquem habere posse, sed (pergit subridens) ex eo, quod jam pro ea allegas, duntaxat apparebit, Pharmacopæis potius quam Philosophis eam utilem esse; cum sufficiat *Illud*, res posse Operantes parare, cum res ab *His* spectata sit cognitio Caulatum. Ac sinas me, ut tibi dicam, *Eleutherie*, vel hoc ipsum cum cautela aliqua esse accipiendum.

Primo enim, non mox sequitur, si Purgans aliæ virtus simplicis alicujus medicamenti facile potest extrahi Aquæ Spiritusve Vini adminiculo, eam in Sale vel Sulphure Concreti residere, Quoniam, nisi Corpus prius fuerit ab Igne, aliquove alio potenti Agente resolutum, ut plurimum in Liquotibus à me nominatis largietur potius subtiliores partes compositas sui ipsius, quam Elementares. Vti suprà notabam, Aquam non modò pura Salia dissolvere, sed & Crystallòs Tartari, Gummi Arabicum, Myrrham, aliaque Corpora Composita. Vti etiam Spiritus Vini non modò dissolvit purum Sulphur Concretorum, sed totam etiam Substantiam complurium Corporum Resinosorum, ut sunt *Benzoin*, Gummosæ partes Iallapi, Gummi Lacca, aliaque Corpora, quæ perfectè Mixta censentur. Videmusque, Extracta, vel Aquæ vel Spiritus Vini ope parata, simplicis Elementarisque Naturæ non esse, sed Massas, ex Corpusculis solutioribus, partibusque Concretorum, undè sunt elicita, subtilioribus constantes; cum per distillationem in plures Substantias Elementares dividi queant.

Proximè consideremus, etiam quando intervenit Chymica per Ignem *Analysis*, rarè in Salino Sulphureove Principio, qua tali, desideratam Concreti virtutem stabulari; sed qua Sal, vel Sulphur illud Titulare est Corpus adhuc mixtum, quamvis Salina Sulphureave Natura in ipso prædominetur. Si enim in Resolutionibus Chymicis separatæ Substantiæ pura essent simpliciaque Corpora, naturæque perfectè Elementaris, nullum eorum foret pluribus virtutibus specificis præditum, quam alterum, eorumque qualitates æquè parum ac qualitates Aquæ discrepant. Arque liceat mihi hoc adicere in transitu; etiam Illustres Chymicos meam patienter sustinuisse reprehensionem, eò quod nimium essent in purificandis rebus nonnulli, quas Ignis ope ex mixtis Corporibus obtinent, diligenter. Quamvis enim ejusmodi perfectè purificata Corporum Ingredientia nostræ intel-

intellectui fortè magis satisfaciant; alia tamen utiliora sæpè sunt nostræ Vitæ, Chymicarum ejusmodi Productionum efficacia maximè dependente ex eo, quod de Corporibus, undè separatæ sunt, retinent, vel quod ex novis Dissipationum inter se associationibus, luçantur; cum, si merè essent Elementares, ipsarum usus comparatè valdè tenues forent; virtutesque Sulphurum, Sallium, aliorumque ejusmodi Substantiarum ejusdem denominationis, omninò eadem.

Et ut hæc obiter dicam (*Eleutherie*) ex hac ratione proclivis sum credere, artificialem compositorum Corporum per Ignem *Analysin* non tam ditare genus humanum, quatenus ea in supposita ipsorum Principia dividit, quam quatenus nova composita, per novas dissipationum resoluti Corporis partium combinationes, producit. Hoc quippè adminiculo Numerus Mixtorum Corporum insigniter augetur: multæ quæ ex novellis istis productionibus utilibus qualitatibus sunt imbutæ, quarum complures non debent Corpori, undè fuerint impetratæ, sed Texturæ suæ, quam de novo acquisiverunt.

At tertio, quod præcipuè notandum, hoc est, quod, uti Complura sunt Concreta, quorum Facultates in una aliqua alterave ex differentibus istis Substantiis, quas Chymici Sulphura, Salia, & *Mercurios* vocant, resident, proindeque omnium optimè obtineri possunt per *Analysin* Concretorum, quatenus desiderata Principia haberi possunt separata, à cæterisque liberata; ita dantur alia, in quibus nobilissimæ proprietates non hospitantur in Sale, vel Sulphure, vel *Mercurio*, sed immediate ex forma dependent, vel (si mavis) ex determinata totius Concreti structura emergunt; proindeque illi, qui in eo occupantur, ut istiusmodi Corporum virtutes, Ignis violentiæ ea exponendo, eliciant, vehementer hallucinantur, viamque ineunt id, quod producere cupiebant, destruendi.

Memini *Helmontium* ipsum alicubi fateri, uti Ignis res quasdam meliores facit, earumque virtutes auget, ita eum corrumpere alias, easque degeneres reddere. Et alibi judiciosè affirmat, interdum majorem esse posse virtutem in planta, uti eam Natura produxit, quam in ulla re, quæ Ignis ope indè possit separari. Et ne dubites, intelligatne per virtutes rerum, illas, quæ sunt Medicæ, cape hanc ingenuum eius in quodam loco confessionem: * *Credo (ait) simplicia in sua simplicitate esse sufficientia pro sanatione omnium morborum.* Quin & *Barthias*, in ipso Commentario in *Beginnum* non veretur fateri, quod *Valde absurdum sit ex omnibus rebus extractis facere, Salia, quintas essentias, præsertim ex Substantiis per se planè vel subtilibus, vel homogeneis, quales sunt Uniones, Corallia, Moscus, Ambra, &c.* Cui sententiæ congruenter nobis etiam refert, (celebremque *Platerum* citat, idem monitum Auditoribus suis suggerentem) res quasdam majoribus pollere virtutibus, meliusque naturæ nostræ humanæ congruere, quando præparatæ non sunt, quam quando Ignem passæ Chymicorum, uti videre est, inquit Auctor meus, in *Pipere*, cujus quasdam grana deglutita ad restaurandum stomachum malè affectum plus præstant, quam magna ejusdem Aromatis Olei quantitas.

* *Helmont. Pharm. & Dispens. Nov. pag. 458. Vid. Barth. ad Begin. lib. 1. cap. 17.*

Observatum fuit (pergit *Carnedades*) ab amico nostro hic præfente de Nitro, nullam Substantiarum, in quas Ignis illud dividere solet, vel saporem, virtutes refrigerantes, vel nonnullas alias ex Concreti proprietatibus retinere; singulaque istarum Substantiarum novas qualitates, in Nitro ipso haud reperiundas, acquirere. Lucens proprietas caudatum in Cicindelis tantillo temporis spatio post animalculi inde collustrati mortem ut plurimum est superstes, ut curiosi indagatores Naturæ veriti non fuerint *Baptisam Poram* aliosque ridere, qui, nonnullis fortè auguriis Chymicis ludificati, ausi sunt distillationem Aquæ ex caudis Cicindelarum præscribere, ceu rationem certam Liquoris in obscurò lucentis impetrandi. Cui hoc tempore aliud exemplum non adjiciam, quam quod nobis suppeditatur à Succino; quod cum Corpus remanet integrum, virtute pollet Electrica, plumas, stramen, similiaque, talia Corpora attrahendi; quam facultatem nunquam deprehendere potui neque in ejus Sale, neque Spiritu, neque Oleo, vel in illo Corpore, quod aliquando per diversorum illius Elementorum reunionem parabam: nullo quippe horum ralem texturam habente, quali Concretum integrum instructum erat. Et utur Chymici tales vel tales proprietates ex hac illave Componentium Principiorum suorum proportionem audacter deducant; in Concretis tamen, quæ hoc vel illo Ingredientibus abundant, non tam semper virtute præsentis illius, neque ejus abundantis sit, quod Concretum instructum est facultate talia vel talia Effecta præstandi; quam ratione peculiaris Texturæ, qua istud aliæque Ingredientia, determinato modo in unum Concretum associata, instructa sunt, (quamvis fortè talis proportio Ingredientis istius magis, quam alia, conveniat ad Corpus ejusmodi constituendum.) Sic in Horologio Index movetur, Campana percutitur, alique actiones ad machinam pertinentes præstantur, non quia Rotæ sunt ætææ, ferreæque, vel partim ex hoc, partim ex alio metallo conflææ, vel quia pondera sunt plumbeæ; sed quantitatibus, figuræ, molis, & coordinationis diversarum partium virtute; quæ eadem præstarent, licet rotæ Argenteæ, vel Plumbeæ, Ligneæve, ponderaque Lapideæ, vel Argillaceæ essent; modò Fabrica sive Compages Machinæ sit eadem: quamvis negandum non sit, Æs & Chalybem commodiora esse materialia, undè Rotæ Horologiorum constuantur, quam Plumbum, Lignumve. Et ut tibi ostendam, *Eleutheria*, saltè interdum fieri ex Textura minutarum partium Corporis, & non semper ex præsentia, recessive, vel ex augmento, decrementove ullius ex Principiis evenire, ut aliquas tales Qualitates possit perdere, nonnullasque ejusmodi alias acquirere, quales firmiter admodum inhzere creduntur Corporibus, in quibus resident; adjiciam ei, quod ex superiori meo Sermone in hanc rem potest refert, in signe ex mea ipso Experiencia Exemplum: Quod scilicet Plumbum, absque ullo additamento, ac varia duntaxat Ignis applicatione, colorem suum possit amittere, & cæsum interdum, interdum flavescens, aliquando rubrum, aliquando *Amyethylinum* colorem acquirere, & postquam hosce, ac plures forsitan alios permeavit, rursus colorem suum Plumbeum recuperare, inque Corpus splendens reduci: quod etiam hoc Plumbum, Metallum aded flexile, ad fragilitatem Vitri possit redigi.

redigi, & mox ad pristinam suam flexilitatem ductilitatemque remitti: quod insuper idem Plumbum, quod Microscopii ope Corpus ex omnium opacissimis deprehendo, ad eleganter transparens vitrum queat reduci, undè tamen ad priorem naturam opacam reverti possit; totumque hoc, ut dixi, abique ullius extranei Corporis additione, beneficio duntaxat modi methodique Igni illud exponendi.

Verum [inquit *Carnedes*] postquam jam tantum molestiæ tibi faceßivi, tempus monet, ut facta promissione, me confestim ei finem imposturum, te resciam. Atque, ut fidem liberem, ex omnibus, quæ hæcenus tecum disserui, nonnisi unicam hanc Propositionem, Corollarii vice deducam:

Etiānum dubitationi locum esse, Determinaturne sit Numerus Elementorum, an minus? vel, si maior, Compositiane omnia Corpora ex eodem numero Ingredientium, Elementarium vel Principiorum materialium constent, an minus?

Hoc cum nonnisi sit prægressæ Dissertationis illatio, ei probandæ diu immorari opus non erit; præcipuas igitur probationes ejus duntaxat innuam, Teque, quoad Particularia, ad superius jam tradita remittam.

Primo igitur loco, ex eo, quod tam fuscè jam fuit dissecratum, constare potest, Experimenta sive à *Peripateticis*, sive Chymicis Vulgaribus afferri solita, quibus demonstrant, omnia Corpora Mixta præcisè ex quatuor Elementis, vel ex tribus Principiis *Hypotheticis* componi, non id evincere, ad quod probandum allegantur. Quodque reliqua spectat communia argumenta, quæ à Ratione ducta obtenduntur in *Aristotelica Hypothesi* gratiam (Chymici quippe penitus ferè niti solent Experimentis) ea communiter Suppositionibus aded absonis vel precariis insistant, ut cuius petindè omnino facillè sit & æquum, ea rejicere, ac est eis, qui illa pro concessis sumunt, ea asserere, cum reverà ea omnia tam sint indemonstrabilia, ac est indè inferenda Conclusio; ac nonnulla eorum aded elumbia, & improbabilia, ut facilis admodum sit oportet adversarius, qui lubens ea possit admittere, & æquè imperitis, qui ad faciendum queat compelli.

Proximo loco, animadvertere licet, si, quod isti *Spagyricorum Patriarchæ, Paracelsus, & Helmontius*, pluries positive tradunt, sit verum; videlicet *Alkabeß* omnia Mixta Corpora in alia Principia resolvere, quam Ignis, statui necessum est, utra harum duarum Resolutionum [illane per *Alkabeß*, an altera per Ignem instituta] determinare numerum Elementorum debeat, priusquam, quot sint, certè esse queamus.

Atque intetim observare ultimo loco possumus, quod, uti distinctæ illæ Substantiæ, in quas *Alkabeß* Corpora dividit, natura ab iis differre affirmantur, in quas reduci per Ignem solent, atque Numero plures obtineri à quibusdam Corporibus, quam ab aliquibus aliis, quoniam nobis refert, * se omnia Lapidum genera in merum Salem potuisse penitus reducere, cum ex Carbonibus duos Liquores distinctos obtinuerit; ita, quamvis in illa, quæ sit per Ignem, resolutione acquiesceremus, non deprehendimus, omnia Mixta Corpora, illius ope, in

p 3 eundem

* *Helmont pag. 409 Novi Saxum & lapides omnes in merum Salem suo Saxo aut Lapide æquiponderantem reducere, abique omni prorsus Sulphure, aut Mercurio.*

eundem Elementorum Principiorumque numerum dividi, *His* Concretis plura, quam *Illis*, suppeditantibus; quin imò hoc illove Corpore Majorem numerum Substantiarum Differentium hoc applicationis modo largiente, quam idem depromat, si alius modus adhibeatur. Atque qui ex Auro, vel *Mercurio*, vel Selenitide, tot distinctas eliquerint Substantias, ac ego sepatate ex Vitriolo, vel ex Uvaurum diversimodè versatarum succo, possum, me id docebant, quod gratus admodum discam. Nec apparet magis congruere illi varietati, quæ tantoperè conducit ad Univerſi perfectionem, omnia Elementata Corpora ex eodem Elementorum numero componi, quam Linguæ alicui conveniret, omnia ejus vocabula ex eodem numero Literarum constare.

CHYMISTÆ SCEPTICI

PARS SEXTA.

Sive

PARADOXA

Ad Præcedentem TRACTATVM

APPENDIX.



He Carneades, expeditis iis, quæ necessaria judicabat, ut iis ponerentur, quæ à Chymicis ad tria sua Principia probandum solent allegari, parumper sistebat, circumspiciebatque, possetne comperire, utrum tempus se & amicum suum moneret, reliquos, qui de consorcio erant, revivendi. Verum *Elementarium*, intelligens necdum quidquam prohibere, quod minus sermonem suum nonnihil provehere ultcrius, amico suo (qui & idem observaverat) dicebat quadantenus expectabam, *Carneades*, Te, exposita tam liberè, sitne Determinatus Elementorum numerus, dubitatione tua, ad eam quæstionem, ullane omninò sint Elementa, progressurum. Et sanè, fateor, molestum mihi erit, si hac expectatione me decolles, maxime cum videas, tempus nobis concessum paradoxo huic examinando probabiliter suffectum, cum adeò fusè multa ea facientia jam deduxeris, ut nonnisi opus habeas innuere, quomodò ea applicari, ex iis inferri velis.

CARNEAD.

Carneades postquam frustra monuisset, orium ipsorum nonnisi breve fore, fuisse se jam satis verbum, imparatumque esse ad Paradoxum tam grave tamque invidiosum asserendum, tandem victus, amicum suum ita est affatus: Quoniam, *Eleutheris*, me ex Tempore dissetere jubes de Paradoxo, cujus mentionem injicis, non renuo (quamvis fortè ad testandum potius Obsequium meum, quam ad Opinionem meam exponendam) Tibi dicere, quod supposita *Helmonsianorum* & *Paracelsicorum* de *Alkabeſto* Experimentorum veritate) licet fortè videri possit paradoxum, non tamen absurdum sit dubitare, sine necessum, (non obstantibus, quæ afferri solent in contrarium) Julla Elementa vel Principia Hypostatica admittere.

Atque, ut tam nunc, quam supra fecimus, supervacaneam devitemus molestiam, cum *Aristotelicis* & Chymicis sigillatim disputandi, me ad eos oppugnandum componam, quos posteriores nominavi, quod ipsorum de Elementis doctrina majorem apud modernos applausum invenerit, summopere quippe sibi vendicans fidem Experimentorum. Atque ut non candidè modò, sed & indulgenter cum iis agam, concedam ipsis, ut Terram & Aquam reliquis suis Principiis connumerent. Cui rei eo lubentius assentior, ut sermo meus tantò melius feriat placita *Peripateticorum*, qui nullius causam adeò probabilem dicere possunt, ac duorum istorum Elementorum; Igne illo supra Aërem ceu commento à viris judicio valentibus passim expulso; Aere autem ad componenda Corpora Mixta non concurrente ut uno Elementorum ipsorum, sed duntaxat in poris eorum stabulante, vel potius, Gravitatis Fluiditatisque suæ ratione, omnes Corporum Sublunarium, sive Compositorum, sive non, Cavitates replente, quæ quidem satis sint grandes, ut eum admittant, nec alia crassiore substantia sint opplere.

Ac, ad præveniendum errores, ut Te moneam necesse est, me nunc per Elementa intelligere illud, quod Chymici illi, qui loquuntur omnium planissimè, per sua Principia intelligunt, scilicet Primitiva quædam & simplicia, sive omnino Mixtionis expertia Corpora; quæ cum ex ullis Corporibus aliis facta non sint, neque ex se invicem, sunt illa Ingredientia, ex quibus ea, quæ dicuntur Corpora perfectè Mixta, immediatè componuntur, & in quæ ultimò resolvuntur. Iam verò, utrum ulla talia sint Corpora, semper in omnibus & singulis eorum, quæ Corpora Elementata dicuntur, occurrentia, res est, quam quærimus.

Ex hoc statu Controversiæ, Te conjectaturum arbitror, nihil esse, quod ad absurdum illud me adigat, ut talia dari Corpora negem, qualia sunt Terra, & Aqua, & Argentum Vivum, & Sulphur: verum Terram & Aquam specto, ceu componentes partes Univerſi, vel potius Globi Terræ-Aquei, non verò omnium Corporum Mixtorum. Ac licet præfractè negare nolim, interdum vel fluentem *Mercurium* vel combustibilem Substantiam à Minerali, vel etiam à Metallo posse obtineri; non tamen opus est, ut concedam, alterutrum eorum Elementa esse sensu suâ declarato: ut locus mox erit tibi demonstrandi.

Vt igitur brevibus fundamenta illa tibi exponam, quibus superstruere sermonem meum statui, dicam tibi necessum est, in rebus Philosophicis hanc mihi videri

videri rationem sufficientem de nota & gravi quadam Propositione dubitandi, quod Veritas ejus necdum ulla iusta probatione evidens facta fuerit. Atque hic congruenter si ostendero, fundamenta illa, quibus homines nixi persuasum habent Elementa dari, Viro consulto non valere satisfacere, dubitationem meam rationi consentaneam apparituram arbitror.

Iam verò Considerationes, quibus homines inducuntur ut existiment, dari Elementa, commodè satis ad duo capita possunt referri. Quorum unum est, necessarium esse, ut Natura Elementis utatur ad Corpora illa constituenda, quæ Mixta reputantur. Alterum est, Resolutionem ejusmodi Corporum manifestè ostendere, Naturam ea ex Elementaribus composuisse.

Quoad priorem ex hisce Considerationibus, duo, vel tria sunt, quæ hic monenda habeo.

Atque initium faciam tibi in memoriam illa Experimenta revocando, quæ non ita dudum de Peponum, Menthæ, aliorumque Vegetabilium ex Aqua lim-pida succretione tibi commemorabam. Ex istis quippe Experimentis evidens videtur, Aquam in omnia Elementa reliqua posse transmutari: undè infette licet, tum, Non esse unamquamque Rem, quam Chymicus animus est Salem, Sulphur vel Spiritum appellare, quæ Primordiale & Ingenerabile semper sit Corpus necessum sit; tum Naturam contexere posse Plantam (ea licet perfectè Mixtum sit) absque prævia tamen sibi facta oblatione omnium Elementorum ad eam componendam. Ac, si admittere eam historiam, ceu veram, velis, quam ex Domino de *Rochæ* commemorabam; tum non Plantæ modò, sed & Animalia, atque etiam Mineralia produci ex Aqua poterunt. Atque utut sit, vix est dubitandum, Plantas, quas mea mihi Experimenta suppeditabant, uti tot aliis respectibus similes erant reliquis ejusdem nominis Plantis; ita, si putrefieri eas curassem, itidem Vermes, aliaque Insecta, similium Vegetabilium in morem, fuisse producturas. Adèd ut Aqua, variorum Principiorum Seminalium virtute, in Plantas juxta & Animalia successivè queat Transmutari. Er, si perpendamus, non modò Adultiores, sed ipsos etiam Infantes nimis crebrè solidis calculis discruciar, sed & complura genera Brutorum ipsorum (quidquid etiam *Helmontius* contra Experientia fidem in contrarium opinetur) grandibus ponderosisque calculis in renibus ipsorum & vesicis torqueri, licet nonnisi gramine, aliisque Vegetabilibus, quæ fortè nil sunt nisi Aqua larvata, pascantur, haud improbabile videbitur, etiam Concreta quædam naturæ Mineralis ex Aqua similiter produci posse.

Observemus insuper, quod, uti Planta nutriti potest, proindeque constare ex Communi aqua; ita & Plantæ, & Animalia (fortè etiam indè à Seminalibus ipsorum Rudimentis) ex Corporibus Compositis possint consistere, Natura ipsis nil quidquam Elementare, undè componentur, suppeditante. Hoc in multis hominibus est manifestum, qui, dum Infantes erant, solo Lacte alebantur, postea Carne, Piscibus, Vino, aliisque Corporibus perfectè Mixtis nutriuntur. Id etiam videre est in Ovis, quæ in quibusdam *Anglicis* nostris *Dania*, sive Planitiis, valdè pinguescunt, gramine pasto, omnique ferè potu destituta: atque evidentiùs adhuc

adhuc in Termitibus, qui nascuntur, & ad plenam suam magnitudinem intra Pommorum, Pirorum, similiaque Fructuum pulpam auferunt. Videmus etiam, stercorea, Mixto Sale abundantia, multò celerius incrementum Frumento aliisque Vegetabilibus conciliare, quam Aqua sola præstaret. Atque asseveratum mihi fuit à viro talium rerum expertissimo, interdum quando, ad Plantas quasdam ex esculentarum genere valde maturandum, Terra stercoreata, cui implantatæ erant, nimis esset pinguefacta, ipsam Plantæ Substantiam sapore stercoreis fuisse imbutam. Adhuc consideremus surculum unius generis Fructus insitum in summum ramum Arboris alterius generis; exempli gratia, surculum Piri in Acantham albam insitum; ibi quippe ascendens Liquor alteratus jam est vel à radice, vel in ejus ascensu à cortice, vel utroque modo, sitque novum Mixtum: uti ex differentibus Qualitatibus, quas in complurium arborum succis est reperire, patet; uti nominatim ex virtute medica Liquoris Betulæ, quem ipse, cœu magnoperè, nec immeritò, ab *Helmonio* celebratum, interdum hausit. Jam verò surculus, trunco coagmentatus, necessariò seipsum alit, oportet, fructumque suum producere ex solo hoc composito succo à Trunco ipsi præparato, cum nullum aliud alimentum consequi possit. Atque si perpendamus, quantum de Vegetabili, quo pascitur Animal (ut antea notabamus) in ipso remaneat, facile supponere poterimus, sanguinem istius Animalis, quod eo pascitur, licet sit benè constitutus Liquor, ejusque omnia differentia Corpuscula, quæ ipsum componunt, ab una forma præside in ordinem coëreantur, esse posse Corpus mixtè Decompositum, cum multæ ex ipsius partibus sint ipsæ decompositæ. Adèd ut patum sit necesse, etiam in mixturis; quas Natura ipsa in Animalibus & Vegetabilibus constat, ipsam præstò habere pura Elementa, undè compositionem instituat.

His ita explicatis de Plantarum & Animalium constitutione, tantundem fortè dicere possem de constitutione Mineralium, & ipsorum Metallorum, si æquè facile nobis esset Experimenta facere, ad horum productionem, ac illorum, rendentia. Verum cum Incrementum Mineralium esse solent diuturni admodum temporis opus, ac ut plurimum in visceribus Terræ patrari, ubi vlsim nostrum fuit, teneor Experimentorum loco, hac occasione, Observationibus uti.

Lapides omnes factos non esse simul & semel, sed quosdam eorum hodiè generari, potest (licet à nonnullis negetur) compluribus exemplis planè probari, quorum vix ullum aliud hoc tempore afferam, quam celebrem illum in *Gallie* locum, *Specus stillantes* (Gall. *Les Caves Gouttieres*) appellatum, ubi Aqua ex superioribus specus partibus in fundum delapsa, mox ibi in lapillos condensatur, ejusmodi figuris præditos, quales stillæ, vel separatim, vel super se invicem cadentes, & protinus in lapides se coagulantes, exhibere contingit. Horum lapidum nonnullos quidam ingenui Amici nostri, qui non ita dudum locum illum invisum ibant, mihi dono dabant, quos ipsi indè alportaverant. Memini etiam, & consultum illum itinerum suorum scriptorem, *Linschotannum*, & alium bonæ fidei Auctorem, nos edocere, in Fodinis Adamantum (ut eas vocant) in *Indiis Orientalibus*, quando, Terra, non tamen multum profundè, effossa, Adamantes inven-

niunt, eosque omnino remouent; paucos tamen post annos in eodem loco Adamantes novos, exinde ibi productos reperiunt. Ex quibus Relationibus utrisque, inprimis priori, probabile videtur, Naturam non semper præstolari diuersa Corpora Elementaria, quando molitur lapidum productionem. Atque ipsa Metalla quod attinet, probæ notæ Auctores asseuerant, neque illa etiam ab initio simul ac semel fuisse producta, sed observata creuisse; ita ut, quod Minerale Metallumve prius non fuerat, tale postea sit factum. Hujus rei facile esset Testimonia cumulare celebrium Chymicorum; verum, ut majoris ea sint momenti, pauca potius à Scriptoribus magis à suspitione immunibus tibi exhibebo. *Sulphuris mineyam* (uti vir magnæ indaginis, Fallopius notat) *quæ nutritrix est caloris subterranei, fabri seu Archæi sonium & mineralium, infra terram ciuissimè renasci testatur Historiæ Metallica.* Sunt enim loca, è quibus si hoc anno Sulphur effusum fuerit, intermissa fossione per quadriennium, redeunt fossores, & omnia Sulphure, ut antea, rursus inveniunt plena. Plinius refert, In Italia insula Ilua gigni ferri metallum. Strabo, multò expreßius; *Effusum ibi Metallum semper regenerari: nam si effusio spatio centium annorum intermitteretur, & iterum illuc reuerteretur, fossores reperisse maximam copiam ferri regeneratam.* Cui historiæ non modò patrocinatur Fallopius ex vèdīgilibus, quæ istius Insulæ Ferrum Magno Duci Florentiæ suo tempore ferebat; sed eandem multò disertius in rem nostram commemorat eruditus Casalpini: *Vena (inquiens) ferri copiosissima est in Italia; obnubilata Ilva, Tyrrheni maris Insula, incredibili copia, etiam nostris temporibus, eam gignens. Nam Terra, quæ eruiitur, dum vena effoditur tota, procedente tempore in venam conuertitur. Quæ postrema verba sunt idcirco magis notabilia, quod deducere exinde possimus, Terram vi Metallici Principii plastici, in ea latentis, progressu temporis in Metallum posse mutari. Atque vel ipse Agricola, licet Chymici de eo conquerantur ceu aduersario suo, tantundem facietur & amplius, dum scribit, *Ad Sagam oppidum Germaniæ in pratis erui ferrum fossis ad altitudinem bipedaneam altis.* Addens, *decennio renatum denno sodi, non aliter ac Hæ ferrum.* Sic de Plumbo, ne memorem, quod etiam ipse Galenus notat, ipsum & mole & pondere augeri, si diu asservetur in locis Fœnicatis, ac in Cellis, ubi Aër crassior est spissiorque, uti ex odore colligebat illorum Plumbi fustorum, quæ ad statuarum annosarum partes compingendum adhibebantur: ne, inquam, hoc memorem, Boccasius Certaldus, ut eum à Scriptore diligente citatum inuenio, sequentia de augmento Plumbi consignavit: *Fessularum mons (inquit) in Hetruria Florentiæ ciuitati imminens, lapides p'umbarios habet, qui, si excidantur, brevi temporis spatio, nouis incrementis insistantur, ut (subiungit Auctor meus) tradit Boccasius Certaldus, qui id compertissimum esse scribit. Nihil hoc noui est, sed de eadem Plinius l. 34. Hist. Natur. cap. 17. dudum prodidit, inquit, Mirum in his solis plumbi Metallis, quod derelicta fertilius reuiuiscunt. In Plumbariis secundo lapide ab Amberga dictis ad Asylum, recrementa congesta in cumulos, exposita Solibus pluriusque paucis annis, reddunt suum Metallum cum fenore.* His subnectere (pergit Carneades) complura possem, quæ mihi circa Auri Argentiæque Generationem occurrerunt: sed, temporis veritus inopiam, duas trese duxitaxat*

duntaxat Relationes commemorabo. Primam invenies à *Gerhardo* Medicinæ Professore his verbis consignatam : In valle (inquit) *Ioachitnica Argentum* graminis modo & more è *Lapidibus*, minera velus è radice excrevisse digui longitudine, testis est *Dr. Schroterus*, qui ejusmodi venas, adspexit jucundas & admirabiles, domusæ aliis sæpè monstravit, & donavit. Item *Aqua cerulea* inventa est *Annebergæ*, ubi *Argentum* erat adhuc in primo Ente, quæ coagulata reducla est in calcem fixi & boni *Argenti*.

Reliquæ duæ Relationes mihi non occurrere in Auctoribus *Latinis*, sunt tamen & valde memorabiles in scriptis, & in rem nostram præsentem admodum conducentes.

Prior mihi occurrit in *Johannis Valerii* Commentariis in Tractatum *Germanicum*, cui titulus *Der Kleine Bau*, ubi industrius ille Chymicus memorat multis adductis circumstantiis, quod in oppido quodam Minerali, (si fas est *Germanicum Berghs* ita vertere) octo miliaria, vel *Leucas*, *Argentorato* distante, dicto *Maria Kiril*, Operarius quidam accesserit Curatoriem, operasque perierit : at ille causatus, nullas ex melioribus tum temporis superesse, adjecit, licere ipsi, donec posset ad ejusmodi provinciam promoveri, interea, ad evitandum otium, in Fossa quadam sive Fodina minerali ibi vicina laborare, quæ parvi tunc æstimabatur. Hic Operarius, post aliquot septimanarum laborem, Fissura quadam, in Saxo propè parietem, ictu facto, conspecta, pelliciebatur ad petrum pendum, quod quamprimum factum, in oculos ipsius grandis Lapis sive Massa occurrit, quæ in Medio Rimæ (cavitatem pone se habentis) erecta, virique armati specie, consistebat; sed ex puro *Argento* ab omnibus Venis, Glebisve, ullove alio additamento immuni, conflata erat; at libera ibi stabat, nonnisi pedamine, ustam quandam materiam referente, sulcata; atamen unica hæc Massa ultra 1000. *Marcas* ponderabat, quæ, juxta computum *Germanicum*, 500. libras *Argenti* puri conficiunt. Ex quibus aliisque circumstantiis Auctor meus colligit. Calore loci nobiliores Metallicos Spiritus (*Sulphureos* pura, & *Mercuriales*) ex vicinis pergulis, cryptisve, per alias minores fissuras rimasque delatos fuisse in istam cavitatem, ibique ceu in conclusa Camera Cellave collectos; in quam cum penetrassent, temporis progressu in prædictam pretiosam Metallum massam confederint.

Altera historia *Germanica* est celebris illius Peregrinatoris & laboriosi Chymici *Johannis* (non *Georgii*) *Agricola*, qui in suis in *Poppi* de Antimonio scriptum notis memorat, se, cum inter Fodinas *Hungaricas* in profundis specubus versaretur, observasse, sæpè in iis calidum Vaporem (non ex viroso illo genere, quod *Germanis Schvvaet* appellatur, quodque, inquit ille, merum est virus, & fossiles suffocat) fuisse exoriri, qui parietibus adhæresceret; cumque post diem unum atque alterum ad revisendum eum rediret, se eum omnem unctuosum admodum & splendentem conspexisse; cumque exinde eum collegisset; distillasseq; per Retortiam, subtillem ex eo Spiritum se obtinuisse : Fossoribus (quod addit) ipsum informantibus, hunc Vaporem, sive Halitum (quem *Angli* retento *Germanorum* vocabulo insigniunt) in Metallum, Aurum puta, & Argentum, abiturum fuisse.

In aliam (inquit *Carneades*) occasionem Vsum illum rejicio, qui erui ex his Narrationibus potest, ad Metallorum, eorumque Fixitatem, Ductilitatem; aliarumque Qualitatum in ipsis conspicuarum naturam explicandum. Interim, hoc mihi impresentiarum deducere ex his Observationibus liceat, non esse aded probabile, quod, quoriscunque Minerale aliquod, vel etiam Metallum, in visceribus Terræ debet generari, opus sit, Naturam præstò habere Salem, & Sulphur, & *Mercurium*, ad id indè componendum.

Etenim, ne urgeam, duas historias posteriores minus videri Chymicis favere, quam *Aristoteli*, qui Metalla ex certis quibuldam Halitibus sive Vaporibus generari statuit, prædictæ observationes omnes magis reddunt vero simile, Glebas Minerales, vel Vapores illos Metallicos (quibus probabile est istiusmodi Glebas abundare) Rudimenta quædam Seminalia, vel quid ei *Æquivalens* in se continere, cujus virtute plastica reliquum Materiæ, etsi Terreum fortè, & ponderosum, tractu temporis in hanc vel illam Metallicam massam formatur, perindè ferè, ut supra notabam, limpidam Aquam, virtute seminalis Principii Menthae, Peponum, aliorumque Vegetabilium, in Corpora seminibus ejusmodi respondentia effigiari. Atque impossibiles non esse tales Materiæ Terrestris Alterationes, manifestum videtur ex insigni illa Nitri-Coctorum praxi, qui unanimes hic in *Anglia*, æquè ac in aliis Regionibus, observant, quod si Terra aliqua, Nitro foeta, per affusionem Aquæ, ab omni vero suo & dissolubili Sale oibetur, Terra tamen, elapsis aliquot annis, denuò Nitrum ipsis suppediet: qua de causa quidem ex insignioribus peritioribusque eorum in acervis, ut perpetuam Nitri Fodinam, eam asservant. Undè videre est, seminale Nitri Principium, in terra Latens, gradatim vicinam materiam in Corpus Nitrosum transformare. Licet enim non negem, volatile quoddam Nitrum ab ejusmodi Terris ex Aëre posse (ut loquuntur) attrahi, partes tamen interiores magnorum ejusmodi acervorum, qui tam procul ab Aëre distant, ab eo omne Nitrum, quo abundant, mutuare, probabile non est propter alias, præter Aëris distantiam, rationes, licet nunc non vacet eas commemorare.

Ac memini, mihi affirmasse Virum integerrimum, inque modis parandi Vitrioli benè versatum, se observasse, quoddam Minerale, Sale isto abundans, intra ædes asservatum, nec libero Aëri pluvisque (ut fieri solet) expositum, sua sponte, intra temporis spatium non aded longum, in Vitriolum, non modò in exterioribus, superficialibusve, sed etiam in ipsis interioribus maximeque Centralibus partibus se convertisse.

Atque etiam recorder me in genus quoddam Marcasitæ incidisse, magna copia accumulatum sub Terra jacens, quod, vel in cubiculo meo, intra tam paucas horas sua sponte in Vitriolum mutari incipiebat, ut non sit, quod Historiæ modo memoratæ dissidamus. Sed, ut ad id revertar, quod de Nitro dicebam; uti Natura hoc Nitrum ex insipida & inodora ferè Terra, in qua fuit productum, confecit, vel saltem in quibusdam regionibus conficit, nec quævis valdè foetentem & corrosivum Liquorem Acidum, & iis saltem in locis acrem Salem *Alcalizatum*, undè illud componeret, licet hæc fiat Corpora, in quæ Ignis ipsum dissolvit; ita.

ita necessarium non esset, Naturam omnia Metalla aliaque Mineralia ex præ-
 existente Sale, & Sulphure, & *Mercurio* componere, licet talia Corpora, Ignis ad-
 miniculo, obtineri indè possint. Quæ unica consideratio probè expensa magni
 in præsentî Controversia momenti est. Atque huic benè consonant duorum no-
 strum è *Germania* Chymicorum Narrationes; præterquam enim quod liquido
 nequeat evinci, ne quidem est verosimile, tam languidum moderatumque Calo-
 rem, ut est ille Fodinarum, in tantam altitudinem, licet in fumorum forma, Salem,
 Sulphur, & *Mercurium* esse evecturum; cum in Distillationibus nostris deprehen-
 damus, insignem Ignis gradum requiri, quo vel ad bipedalem altitudinem, non
 Sal duntaxat, sed etiam *Mercurium* ipse, in Vasis clausis, subvehatur. At si quis ob-
 jiciat, ex fœtore, qui interdum observatur, quando Fulgur hic infra decidit, vidè-
 ri, vapores Sulphureos in magnam altitudinem, sine ullo insigniori Caloris gra-
 du, posse ascendere: Responderi inter alia potest, Sulphur Argenti à Chymicis
 dici, esse Sulphur fixum, quamvis non tam benè omni ex parte ac Sulphur Auri
 digestum.

Sed, pergit *Carneades*, ni voluisssem Tibi suggerere quædam de Metallorum
 Origine monita, non opus mihi fuisset, quidquam ex his Observationibus dedu-
 cere; cum ad Argumenti mei Validitatem non sit necessarium, meas exindè fa-
 ctas Deductiones esse irrefragabiles, quoniam Adversarii mei, *Aristotelici*, atque
 Vulgares Chymici non magis, arbitror quam Ego, à priori sciunt, ex quibus In-
 gredientibus Natura Metalla & Mineralia componat. Argumentum enim eorum,
 quo probatum eunt, ista Corpora ex ejusmodi Principiis esse composita, ductum
 est à *posteriori*; ab eo pura; quod, facta Mineralium Corporum *Analysi*, in Sub-
 stantias illas diversas resolvantur. Vrgitur hoc Argumentum examinemus, per-
 gamus expendere, quid asserti in gratiam Elementorum possit à Resolutionibus
 Corporum per Ignem; quod, ut memini, Topicum erat secundum, undè tibi di-
 cebam esse deducta Argumenta meorum Adversariorum.

Ac, ut primò expediàm quæ dicenda habeo de Mineralibus, residuam sermo-
 nis mei partem exordiar à modi, quo Ignis ea dividit, consideratione.

Et primò, supra ex parte notavi, quamvis Chymici obtendant ex quibusdam
 Salem elicere, ab aliis fluentem *Mercurium*, & ab aliis Sulphur, eos tamen hæc-
 tenus nos non docuisse, ulla via apud ipsos usitata, ullum aliquod Principium, sive
 Sal, sive Sulphur, sive *Mercurium*, ab omnibus sine exceptione Mineralium gene-
 ribus separare. Et indè mihi concludere fas est, non esse ullum ex Elementis;
 quod sit omnium Corporum Ingrediens, quoniam quædam sunt, quorum illud
 Ingrediens non est.

Proximo loco, posito, vel Sulphur, vel *Mercurium* ab omnibus Mineralium ge-
 neribus posse impetrari, hoc tamen Sulphur, hicve *Mercurius* nonnisi composi-
 tum, non verò Elementare Corpus foret, ut jam alia occasione animadverti. Et
 farè, quicumque mirandas *Mercurii*, sive communis, sive à Corporibus Minera-
 libus elicitî, Operationes observaverit, vix aded erit inconsultus, ut ejusdem
 planè naturæ esse existimet cum immatura illa & fugitiva Substantia, quam in
 Vegetabilibus & Animalibus Chymicis visum fuit *Mercurium* suum appellare.

Adcò ut, quando *Mercurius* ex Metallo quodam, vel alio Corpore Minerali, Ignis ope obrinetur, si supponere nolumus, ipsum in eo non præ-existisse, sed Ignis in Concretum actione productum fuisse, supponere saltem possumus, hunc *Mercurium* perfectum sui generis Corpus fuisse (licet minus fortè Heterogeneum, quam magis Mixta secundaria) quod contigerit *per minima* misceri, cumque cæteris Substantiis coagulati, ex quibus Metallum vel Minerale constabat: uti ostendi id potest *partim* Cinnabaris Nativæ exemplo, in qua Argentum Vivum & Sulphur, exquisitè secum invicem Mixta, & ambo cum illa rudi Materia Minerali (quidquid id sit) in qua illa hospitantur, Corpus rubrum, satis ab utroque discrepans, constituunt; ex quo tamen pars *Mercurii*, & Sulphuris, satis facillè potest obrineri; *partim* Fodinis illis, in quibus Natura adèd curiosè Argentum cum Plumbo incorporavit, ut admodum sit difficile, & tamen possibile, priùs à posteriore separari; *partim* etiam Nativo Vitriolo, in quo Corpuscula Metallica arte & industria à Salinis sunt separabilia, & illa cum his adèd sint (ut sic dicam) con-coagulata, ut eorum Concretum Salibus annu-meretur.

Atque hic porò observo, me videte nunquam potuisse ullam Tetram; Aquamve, propriè sic dictam, vel ab Auto, vel Argento (ut alia nunc Metallica Corpora taceam) separati, & propterea, ad Argumentum in Adversarios retorquendum, concludere possim, quod, cum plura sint Corpora, in quibus, quantum quidem liquet, nec Aqua est, nec Terra, mihi concedi possit, ut inferam, neutrum duorum istorum Universale esse Ingrediens omnium istorum Corporum, quæ perfectè Mixta censentur; quod in usum mox sequuturum meminisse te velim.

Objici sanè potest, causam, cur nullam ab Auto, Argentove, humiditatem separare queamus, hanc esse, quod quando ex Gleba sua funditur, vehemens Ignis, ad eius Fusionem necessarius, aqueam omnem fugitivamque humiditatem expulerit. Idemque præstare Ignis in Materialibus Virri possit. Sed respondebo, mentem meam subire, me non ita dudum in erudito * *Iosepho Acoffa*, qui id fide propria refert, legisse: In *America* (ubi diu commorabatur) Argenti quoddam genus esse, ab *Indis* *Papas* dictum, ejusque valdè elegantis & puri frusta, parvis radicibus rotundis similia, eos interdum invenire, quod in isto Metallo rarum, at in Auro usitatum: de quo posteriori Metallo nobis narrat, ipsos præter hoc ipsum, reperire genus quoddam, quod Aurum granulatum appellant, quod ait exiguas esse Auri moleculas, quas, absque alterius ullius Meralli Mixtura, solidas inveniunt, quæque opus non habent, ut in Igne fundantur, vel depurentur.

Memini, peritum admodum & fide dignum virum apud me affirmasse, se, cum Fodinas *Hungaricas* intrasset, fortunatè Minerale quoddam vidisse, ibidem effossum, in quo Auri frusta, humani digiti longitudine, & ferè etiam mole, in Minera creverent, ac si parres ramique Arborum fuissent.

Et ipse ego albicantis Mineralis massam vidi, quæ ceu cimèlium Magno & intelligenti Principi offerebatur, in qua hic illic in Lapide, qui genus illud Marcasitæ, quod *Argli Sparr* appellant, refert, complures Auri puri (tale quippe

esse,

* *Acoffa Natur. & Moral. Hist. Indic. l. 3. c. 5. p. 272.*

esse explorando certo cognoveram) moleculæ creverant, quarum nonnullæ pisi magnitudinem habere videbantur.

Sed hæc evanescunt , si consideremus , quod * *Acosta* noster subjungit , estque valdè memorabile; videlicet, se nativi & puri Auri, de quo eum loquentem pronuper audivimus , molium quasdam aliquoties vidisse , quæ complures libras ponderarent. Cui adjiciam ego, me ipsum massam Metallicam vidisse, non ita dum effusam , in cujus lapidea parte complures non quidem Auri , sed tamen (quod Metallurgi magis fortè mirabuntur) aliterius Metalli portiones creverant, quæ admodum puræ, cumque ullis substantiis Heterogeneis impermixtæ esse videbantur, quarumque nonnullæ digiti mei magnitudinem si non excedebant, saltem æquabant. Verùm hujus Generis Observationibus , licet fortè possem , non tamen oportet me diutius immorari.

Quare ut nunc (inquit *Carneades*) ad *Analyseos* Vegetabilium Considerationem progrediar, licet Experimenta mea mihi dubitandi causam non dederint, ex maxima ipsorum parte Quinque differentes Substantias, Ignis adminiculo, posse obtineri , non tamen adeo facillè demonstrarum iri putem, Elementorum, sensu supradicto, nomen ipsas mereri.

Et priusquam ad particularia descendam , Generalem hanc Considerationem repetam, atque præmittam, differentes has Substantias, quæ Elementa vel Principia vocantur, à se invicem non discrepare, ut Metalla, Plantæ, & Animalia, vel ut ejusmodi Creaturæ quæ singulæ immediatè ex peculiari suo Semine produuntur, distinctumque propagabile Creaturarum genus in Univerſo constituunt, sed eas varia duntaxat esse Materiz seu Substantiarum Schemata , quæ nonnisi consistentia (quemadmodum *Mercurius* fluens, idemque vapore Plumbi congelatus) nonnullisque aliis admodum paucis accidentibus, Sapore pura, vel Odore vel Inflammabilitate, aut eorundem defectu differunt. Adèd ut mutatione Texturæ, quam impossibile non est , adjumento Ignis, aliorumque Agentium, quæ non modò faciliare minutas Corporum partes dissociandi , sed & postea novo modo eas connectendi possent, effici, eadem Materiz portio talia possit acquirere , vel amittere Accidentia , quæ ad Salis, vel Sulphuris , vel terræ nomen ipsi conciliandum possint sufficere. Si mihi incumbere provincia, meos de hoc Argumento conceptus plenè planeque ribi elucidare , obstrictus fortè forem, plures ex Conjecturis illis (necdum enim alio nomine illas vocare fas est) quas de rerum merè Corporalium Principiis foveo, exponere. Licet enim , quoniam Vulgaris sive *Peripateticarum*, sive *Paracelsicarum* Scholarum Doctrina mihi non videretur satisfecisse , multi eorum, qui me norunt, & (inrer eos fortè ipse *Eleutherius*) *Epicurea Hypothesi* me addictum crediderint (uri me alii *Helmontii* sequacem per errorem habuere;) attamen si nosset, quam parum mihi fuerit cum *Epicureis* Auctoribus commercii, quantaque sit illa pars ipsius *Lucretii*, cujus legendæ curiositas nunquam hæcenus me tenuit , aliud fortè de me sentiret; maximè si fusè Tibi, non dico, præsentem conceptus, sed priora de Rerum Principiis cogitata exponere deberem , Sed, ut modò dicebam, meos de hoc Thema-

* *Vide Acosta loc. cit. & locum Plinii ab eo allegatum.*

te sensus penitus tibi explicare, prolixiorē, quā cui nunc indulgere licet, dissertationē requireret.

Etenim, tibi exponere tunc oporteret, me aliquando non incongruū existimasse; Principiis illis, quæ assignari rebus possunt, prout nunc Mundus est constitutus, aliud, si ingentem materiæ Massam consideramus, qualis erat, dum Vniuersum condebat, esse addendum, quod congruè satis Principium vel potentia Architectonica possit appellari; per quam intelligo Varias illas Determinationes, sapientemque Directionem motuum exiguarum partium Vniuersalis Materiæ, à sapientissimo rerum Autore indutas, quæ necessariæ in Principio erant, ad confusum illud *Chaos* in Ordinatū pulcherrimumque hunc Mundum convertendum, & in primis, ad Animalium Corpora, & Plantas, ac semina earum rerum, quarum species propagandæ erant, contextendum. Fateor quippe, assequi me non posse, quo pacto ex Materia, nudè in motum acta, sibi quæ dehinc permissa, adeo curiosæ Fabricæ, ut sunt Hominum perfectiorumque Animalium Corpora, & ejusmodi, mirabilius adhuc concinnatæ portiones materiæ, ut sunt viventium Creaturarum semina, possint emergere.

Exponere itidem tibi deberem, ex quibus fundamentis, quoque sensu Principia mundi, prout ille nunc est Tria esse suspicatus sim, *Materiam* nempe, *Motum*, & *Quietem*. Dico, *Prout Mundus nunc est*, quia præsens Vniuersi Fabrica, atque in primis rerum Semina, una cum stabilito Naturæ Ordine, Requisitum est, siue Condicio, ex qua complura possunt per tria nostra Principia exponi, quæ secus valdè arduum foret, si possibile, explicare.

Tenerer insuper tibi declarare in Genere (non enim mihi sumo scientiam id aliter præstandi) non tantum quare concipiam, Colores, Odores, Sapores, Fluiditatem, & Soliditatem, cæterasque illas Qualitates, quæ Corpora diversa reddunt, denominantque, posse intelligibiliter ab his Tribus deduci; sed etiam, quomodo duo ex Tribus Principiis *Epicureis* (quæ non opus est tibi dicere esse Magnitudinem, Figuram, & Pondus) ipsamet deductæ ex Materie & Motu queant; cum horum posterior variè agitans, & quasi discerpens priorem, non possit non illius partes disjungere, quæ, actu separatæ, singulæ necessariæ debent esse alicujus magnitudinis, atque hanc illamve figuram obtinere. Nec adiciebam Principiis nostris *Privationem Aristotelicam*, partim ob alias rationes, quæ, ut iis insistam, me nunc morari non debent; partim etiam, quod ea videatur Antecedens potius, vel *Terminus à quo*, quā Verum Principium, uti Carceres non sunt ex numero Pedum Artuumve Equorum.

Explanandum quoque mihi esset, quare, & quomodo constituam *Quietem*, licet non tanti momenti Principium rerum, ac est Motus, tamen ut Principium earum: partim quia ipsa (quantum quidem hætenus liquet) Antiquitate ipsum saltem æquat, neque ex Motu, nec ullā alia Materiæ qualitate dependet; partim etiam, quia vim Corpori, cui inesse contingit, conferre potest, & in statu *Quietis* remanendi, donec vis quædam externa illud ex suo statu expellat, & concurrendi ad productionem complurium mutationum in Corporibus ipsis illis, vel sistendo penitus, vel diminuendo Motum (dum Corpus prius Quiescens illum omnem,

omnem, vel partem ejus in se recipit) vel novam Determinationem, aliquamve aliam Modificationem Motui conciliando; Motui, inquam, magno scilicet illi Primarioque instrumento, quo mediante Natura omnes mutationes, aliasque Qualitates, in Universo occurrentes, producit.

Oporteret insuper, post hæc omnia, tibi explicare, quo pacto, licet Materia, Motus, & Quies esse mihi viderentur Catholica Univerſi Principia, concipiebam, Principia Corporum particulatim commodè satis ad Duo reduci posse, *Materia* nempe, & (quod duo reliqua eorumque effecta comprehendit) emergens Aggregatum, vel Complexum istorum Accidentium, quæ sunt Motus, vel Quies (in nonnullis enim Corporibus, reperio, non est utrumque) Magnitudo, Figura, Textura, Qualitatesque minutarum partium inde emergentes, quæ necessariæ sunt ad Corpus, cui insunt, hæc illave peculiari Denominatione insigniendum, & ad illud, ab aliis distinctum, determinato rerum generi addicendum, (uti Flavido, Fixitas, talis Gradus Ponderis & Ductilitatis efficiunt, ut illa Muretiæ, in qua coneurunt, Portio perfectis Metallis annumeretur, nomenque Auri obtineat.) Hoc Aggregatum emergensve Complexum Accidentium poteris, si lubet, vel *Strucluram*, vel *Texturam* vocare (licet sanè id non aded propriè motum partium constituentium comprehendat, eo maximè casu, quo aliquæ earum sunt Fluidæ) vel ei quamcunque alia Appellationem, quæ maximè videbitur Emphatica, imponere: vel, si, servato Vulgari Terminò, id vocare velis rei, quam denominat, *Formam*, non multum refragabor; dummodò Vocabulum ita interpretersis, ut non nisi id, quod ego expressi, significet, non verò Scholasticam aliquam *Formam Substantialem*, quam tot Viri Intelligentes profitentur à se neutiquam posse intelligi.

Verùm, inquit *Carmades*, si meministi, Scepticum esse, qui tibi loquitur, nec aded nunc esse pensum meum, struere Assertiones, quam suggerere Dubitationes, spero, Te, quæ proposui, ceu Narrationem potius pristinarum mearum de rerum Principiis conjecturarum accepturum, quam tanquam fixam præsentium mearum de ipsis Opinionum Declarationem; cum inprimis, licet earum allegatio non possit non ipsis esse multæ admodum fraudi, si eas consideres, prout destitute Rationibus illis & Explanationibus proponuntur, quarum beneficio minorem ipsis inconcinnitatem possem conciliare, tempus tamen mihi desit tibi offerendi, quæ in harum notionum illustrationem ac patrocinium possunt allegari; cum eas Tibi impræsentiarum eo consilio commemorem, *partim*, ut quid Lucis & Confirmationis pluribus mei ad te Sermonis locis afferam; *partim*, ut tibi ostendam, me non amplecti (uti videris suspicionem fovisse) omnia Principia *Epicuri*, sed ab ipso in palmariis quibusdam rebus, æquè ac ab *Aristotele*, Chymicisque, in aliis dissentire; & *partim* etiam, vel potius præcipuè, ut tibi ea fundamenta innuam, ob quæ etiam ab *Helmontio* in hoc discrepo, quod, cum ille res ferè omnes, & vel ipsos morbos, determinatis suis Seminibus adscribat; ego in ea sum sententia, quod, præter peculiare Fabricas Plantarum & Animalium (& forsitan etiam quorundam Metallorum, & Mineralium) quas Principiorum Seminalium effecta esse existimo, complura etiam sint alia in Universo Corpora

Corpora, quæ distincta propriaque nomina habent, ac merentur, nonnisi tamen emergunt, ex talibus Materiæ, undè constant, contexturis, quæ absque determinatis Seminibus formari possunt Calore, Frigore, Mixturis, & Compositionibus artificialibus, pluribusque aliis causis, quas Natura inrerum sua sponte adhibet, quibusque homines crebrè, mediante sua potentia ac peritia, ad materiam juxta consilium suum effigendam utuntur. Hujus rei afferri possunt Exempla & in Naturæ & Artis productionibus. De priori ordine numerosa nominare possem, verum, ut ostendam, quam levidensis Texturarum Variatio, absque novorum Ingredientium addramento, alicui portioni Materiæ procurare possit diversa nomina, & efficere, ut res differentes existimentur.

Invitabo te, ut mecum observes, Nubes, Pluviam, Grandinem, Nivem, Gelu, & Glaciem esse duntaxat Aquam posse, cujus partes variæ sint quoad magnitudinem, & distantiam suam, habito ad se invicem respectu, atque quoad Motum, & Quietem. Ac inter Artificiales Productiones notare possumus (ut Crystallos Tartari prætereamus) Vitrum, Regulum *Martis Stellam*, & speciatim Saccharum *Saturni*, quod, licet ex insipido illo Metallo, acidoque S. l. c. Aceri Vini paratum, dulcedinem in se contineat Saccharum commune excedentem, compluresque Qualitates alias, quæ cum in neutro duorum ipsius Ingredientium reperiantur, agnoscendæ sunt ad Concretum ipsum, ratione Texturæ ejus, pertinere.

Hac præmissa Animadversione, facilius, spero, erit tibi persuadere, Ignem æquè producere posse in aliqua materiæ portione Texturas Novas, ac Veterem destruere. Quare sperans, Te oblitum non esse Argumenta prius adhibita adversus *Trium Primorum* Doctrinam, videlicet Salem, Sulphur, & *Mercurium*, in quæ Ignis videtur Vegetabilia & Animalia Corpora resolvere, adhuc compositas esse Substantias, non simplices, & Elementares; atque (uti ex Peponum Experimento patebat) *Tria Prima* ex Aqua fieri posse; sperans, inquam, hæc & reliqua, quæ superius in eandem sententiam exponebam, tibi in memoria hæere, nunc duntaxat adjiciam, quod, si de Veritate quarundam *Helmontii* Narrationum non dubitamus, jute nobis dubitare liceat, num ulla harum Heterogeneitatum (non dico præ-existat, ita ut una convenient, quando Planta, vel Animal est componendum, sed) vel in-existat in Concreto, undè obtineri debet, quando Chymicus primum id resolvere molitur. Erenim, ne Spiritum illum ἀπλῶς istorum Concretorum urgeam, cum ille argui possit nonnisi Phlegmatis Salisque esse mixtura; Oleum, sive Sulphur Vegetabilium, Animaliumve, juxta ipsum, Salium Lixivialium ope, in Smegma; uti illud Smegma, iteratarum à Creta Distillationum beneficio, in Aquam inspidam potest reduci. Ex quod substantiam Salinam attinet, quæ à Corporibus mixtis separabilis esse videtur, ejusdem *Helmontii* experimenta causam nobis suppeditant arbitrandi, esse eam posse Ignis productionem, qui Materiæ particulas transponendo, aliisque modis alterando, eam in naturam Salinam redigit. Novi enim (inquit ille loco suprâ in aliam

* *Helmont.* Omne autem Alkali in aqueum Liguorem, qui tandem mera & simplex, aqua fit, reducitur (ut videtur in Sepes, Lacturio-lapide, &c.) quoties per adjuncta sua semen Pinguetudinis deponit.

aliā sententiam allegato) modum omnes lapides in merum Salem reducendū, qui æquali sit pondere cum lapide, undē fuit productus, idque sine ullo planē vel Sulphure, vel *Mercurio*: Quæ Auctoris mei asseveratio minū tibi fortē incredibilis videretur, si mihi liceret omnia tibi exponere, quæ de istoc Argumento dicenda habeo. Atque hinc, in transitu, concludere etiam potes, Sulphur, & *Mercurium*, ut vocant, quæ Chymici à compositis Corporibus obtinere solent Ignis beneficio, fortē in multis Casibus productiones ipsius esse, cum, si eadem Corpora actionem sustinuissent Agentium ab *Helmontio* adhibitorum, nec Sulphur, nec *Mercurium* suppeditassent, istæque portiones eorum, quas Ignis in Sulphureorum & *Mercurialium* Corporum forma nobis exhibuisset, per *Helmontii* methodum in forma Salis se nobis stitissent.

Verū licet (inquit *Eleutherius*) Argumenta valdē speciosa adversus *Tria Prima* adduxeris, non tamen video, quomodo possis evadere, quin agnoscas, Terram, & Aquam, etsi non Mineralium, omnium tamen Animalium Vegetabiliumque Corporum Ingredientia Elementaria esse; cum si ullum horum, qualecunque sit, Distillationi committatur, regulariter & semper indē Phlegma, sive pars Aquea, & Caput Mortuum, sive Terra separentur.

Facilē agnovi suprà (respondet *Carneades*) non tam facile esse rejicere Aquam & Terram (inprimis priorem) quam est rejicere *Tria Prima* ab Elementorum, mixta componentium, qualitate; at non quidquid est difficile, etiam impossibile statuendum.

Considero itaque, quoad Aquam, præcipuas Qualitates, quæ nomen istud ulli visibili substantiæ imponi faciunt, esse, quod est fluida, liquidave, insipida & inodora. At quod posteriorem spectat harum Qualitatum, nunquam te vidisse putem ullam ex separatīs istis Substantiis, quas Chymici Phlegma vocant, quæ perfectē fuerit & Sapore & Odore destituta. Et si objicias posse nihilominus probabiliter supponi, quod, quia totum Corpus est Liquidum, Massa nihil sit aliud, quam Aqua Elementatis, Salinis quibusdam Sulphureisve ejusdem Concreti partibus, quas secum, facta à reliquis Ingredientibus separatione, retinebat, leviter imbuta: Respondeo, hujus Objectionis non tantam vim esse apparituram, ac est ejus Species, si Natura Fluiditatis & Firmitatis Chymicis esset perspecta, quodque, ut antehac observavi, ad Corporis esse Fluidum nil aliud est necessarium, quam ut in partes dividatur satis minutas, hæque partes in talem inter se motum cieantur, ut aliæ hac, aliæ illac, juxta suas invicem superficies, labantur: adēdē ut, licet Concretum aliquid esset siccissimum, nec ullam in se Aquam, aliūve Liqueorem contineret, ejusmodi tamen partium ejus Comminutio, Ignis aliorumve Agentium ope, effici possit, ut magna earum portio in Liqueorem vertatur. Hujus Veritatis exemplum quoddam afferam, ab Amico nostro, hic præsentē, adhibitum ceu unum ex maximē conducentibus, ejus Experimentis ad naturam Salium illustrandam. Si igitur capias Sal marinum, idque in Igne fundas, ut ab aqueis partibus liberetur, & deinceps ab ista Argilla, ullove alio tam sicco, ac libuerit, Caput Mortuum, vehementi Igne distilles, magnam, ut Chymici illud docendo fatentur,

Salis partem in Liquoris forma transduces. Atque, ut ingeniosis quibusdam Viris satisfaceret, magnam hujus Liquoris partem etiamnum verum esse Salem marinum, Ignis operatione in Corpuscula redactum adedò minuta, adeoque convenienter fortè figurata, ut Fluidi Corporis formæ induendæ apta essent, ipse, me præsentente, spirituosus ejusmodi Salibus debitam Spiritus (sive Salis) & Phlegmatis Vrinæ proportionem affundebat, qua cum superflua humiditatem evaporasset, mox tale quoddam obtinebat Concretum, & quoad Saporem, & Odorem, facilemque Sublimitatem, quale est commune Sal *Armoniacum*, quod compositum esse nosti ex crasso, nec distillationem passo, Sale marino, cum Vrinæ Suliginisque Salibus [quæ duo sibi invicem valdè sunt affinia;] juncto. Insuper, ut ostenderet, Corpuscula Salis marini, & Salina Vrinæ, distinctas suas Naturas in hoc Concreto retinere, convenientem *Salis Tartari* copiam illi miscebat, eoque distillationi commisso, mox Spiritum Vrinæ in liquida forma seorsim recuperabat, Sale marino una apud *Salem Tartari* tetrò manente. Quare valdè possibile est, sicca Corpota, Ignis ope, ad Liqueores reduci absque ulla Elementorum separatione, solummodo per Dissipationem quandam & Comminutionem Materiæ, quia partes ejus in novum statum rediguntur. Et, si quis instet Phlegma mistorum Corporum Aquam esse reputandam, eo quod Sapor tam languidus nonnisi exigua Salis quantitate egeat ad se communicandum; reperi potest, quod, quantum quidem apparet, commune Sal, & complura alia Corpora, utur distillantur siccissima, inque vasis optimè clausis, singula insignem satis Liqueoris copiam largiantur, in quo licet (ut nuper notabam) Corpuscula Salina abundant, præter ea tamen ampla Phlegmatis copia inest, uti ex Salinorum Corpusculorum cum ullo congruo Corpore coagulatione facile potest dignosci: quemadmodum nuper tibi narrabam, amicum nostrum partem Spiritus Salis cum Spiritu Vrinæ coagulasse; & uti ipse pluries Salem separavi ab Oleo Vitrioli (Liquore licet valdè ponderoso, & à Salino Corpore elicto) bulliendo illud cum debita quantitate *Mercurii*, & dehinc Salem modò coagulatum à Præcipitato, adminiculo Limpidæ aquæ, lavando. Iam verò, cui rei probabilius hanc aquæ Substantiæ copiam, talium Corporum Distillatione nobis suppeditatæ, adscribere poterimus, quam huic, Quod inter varias Ignis in Concreti materiæ operationes, complures istius materiæ particule ad ejusmodi figuram & magnitudinem reducuntur, quæ ad ejusmodi Liqueorem componendam requiritur, quem Chymici Phlegma vel Aquam solent appellare? Quo conficiam pacto hanc mutationem effici, nec mihi necessum est ut tibi exponam, nec possibile factu, quin in sermonem multò prolixiorem descendam, quam nunc tempus permetteret. Sed rogo te, ut mecum id recogites, quod superius de Argenti Vivi in Aquam mutatione tibi retuli: Illa quippe Aqua cum non sit nisi languido admodum Sapore, si modò ullatenus fortiori, quam complures Liqueorum istorum, quos Chymici Phlegmati accensent; videtur ex illo Experimento manifestum, etiam Metallicum Corpus, proindeque multò magis talia Corpora, quæ non sint nisi Vegetabilia, vel Animalia, posse simplici operatione Ignis magna ex parte, in Aquam converti. Ac, quoniam illi, quibuscum disputo, nondum possunt

possunt ab Auro, vel Argento, pluribusve aliis Concretis, quidquam, Aquæ simile, separare. Spero fas mihi esse adversus ipsos concludere, nec ipsam Aquam Universale & præ-existens Elementum Mixtorum esse.

Verum quod istos Chymicos spectat, qui unâ mecum veritatem ejus, quod *Helmontius* de mirandis *Alkabeſti* Effectis refert, supponentes, jus habent ipsius circa illa auctoritatem contra me urgendi, allegandique, illum omnia Corpora pro Mixtis habita in inspidam & meram Aquam potuisse Transmutari; illis expendendum proponam, Quod, licet Affirmationes ejus fortiter concludant contra Vulgares Chymicos, (adversus quos propterea adhibere ea non dubitavi) cum evincant, Vulgo sic habita Principia, sive Ingredientia Rerum, non esse Permanentia, & ab Interitu immunia, eò quod ulterius in inspidum Phlegma, ab illis omnibus discrepans, reduci possint; attamen donec nobis copia fiat hunc Liquorem examinandi rationi dissentaneum non arbitror, an Phlegma illud, de quo nobis sermo, non sit quid aliud, quam mera Aqua, dubitare. Nullam quippe aliam invenio rationem ab *Helmontio* redditam, quare eam talem statuerit, quam quod est insipida. Ac Sapor cum sit Accidens, vel Affectio materiæ, relationem habens ad Linguam nostram, Palatum, atque Organa Gustus, facile admodum fieri potest, ut minutæ Corporis Partes talis sint magnitudinis, & figuræ, ut vel insigni sua parvitate, vel exilitate sua, vel figura sua, ineptæ sint, quæ in Nervos, sive Membranosas Organorum Gustus partes, penetrant, inque iis sensibilem impressionem efficiant; & tamen aptæ sint, quæ aliter complura alia Corpora operentur, quam possit mera Aqua, proindeque se Naturæ esse longè satis ab Elementari differtæ prodant. In Serico tubo, ullove alio colore imbutum multa contigua fila stamen componunt, Color Serici est conspicuus; at, si admodum pauca eorum duntaxat intuearis, Color multò, quam antè, apparebit languidior; sed si unicum simplex filamentum exemesis, vix poteris ullum omninò Colorem dignoscere; objecto tam pusillo non valente Nervum Opticum satis fortiter movere, ut morus ille percipiatur. Observatur quoque, optimum Genus Olei Olivarum ferè inspidum esse, quam longè tamen natura sua Oleum ab Aqua distet, tibi dicere non est opus. Liqueor ille, in quem ex *Lullii* Autoptæ testimonio, tibi narrabam *Mercurium* transmutari posse, interdum valdè languidum, si ullum, Saporem habet, ejus tamen operationes, etiam in quædam Corpora Mineralia, admodum sunt peculiare. *Mercurius* ipse quoque, licet Corpuscula, undè constat, adèò sint minuta, ut in densissimi compactissimi que Corporum, Auri scilicet, poros penetrat, est tamen (ut noſti) omninò inspidus. Atque *Helmontius* noster pluries nos docet, Aquam limpidam, in qua parva *Mercurii* quantitas ad tempus aliquod fuit macerata, etsi nullum certum Saporem, aliamve sensibilem Qualitatem ab Argento Vivo acquirat, vi tamen valere vermes in humanis Corporibus necandi: quod ipse multum, sed non gratis evehit. Ac memini nobilem quandam scæminam, quæ aliquot Aulas sua pulchritudine præ aliis ornaverat, mihi falsam esse, inspidum hunc Liquorem inter omnia innoxia faciei Cosmetica esse optimum omnium, quæ unquam reperir.

Atque hic concludere mihi liceat sermonem meum de Aquis illis, sive Liquoribus,

quoribus, quos hæcenus examinarum iui, cum duabus hisce Considerationibus: Quarum prior est, quod, quia assueti sumus nil nisi Vinum, Cerevisiam, Pomacium, aliove foris saporis Liqueores bibere, in horum Liqueorum, qui pro insipido Phlegmate haberi solent, pluribus peculiare, admodum distinctoque Sapo- res esse posse, quamvis à nobis non notatos (nec forè perceptibiles.) Etenim, ut sileam, quod Physici affirmant de Similis. (quodque forsan de pluribus aliis Animalibus verum esse potest,) ipsos exquisitioris esse palati, quam Homines; in- ter Homines ipsos, qui nonnisi Aquam bibere solent, possunt (ut in me ipso fui expertus) magnum Saporum in diversis Aquis Discrimen valdè sensibilibiter di- gnoscere, quas quis bibendæ aquæ insuetus omnes æque haberet.

Atque hæc Observationum mearum prior est: posterior est, Non esse impossi- bile, Corpuscula, in quæ Corpus aliquod, Ignis ope, dissipatur, posse, ejusdem Ignis operatione, in figuris suis ita alretari, vel per mutuas secum invicem associatio- nes in exiguas talis magnitudinis & figuræ Massulas reduci, ut aptæ non sint, quæ linguam sensibilibiter afficiant. Atque ne ejusmodi alterationes habeas impossi- biles, mecum, si placeat, perpendas, non modò acidissimum Spiritum Aceti Vini, postquam quantum potest Coralliorum dissolvit, cum iis se in Substantiam coa- gulare, quæ, licet, Salis ferè ad instar, in Aqua sit solubilis, incomparabiliter mi- nus forti sapore est instructa, quam erat Acetum antè; sed (quod majoris est mo- menti) licet Acida Salia, quæ unà cum Mercurio subvehuntur in communis Sublimati præparatione, adeò sint actia, ut Aqua humectatum nonnulla ex Me- tallis ipsis corrodat; hoc tamen Corrosivum sublimatum, bis, terve re- sublima- tum cum larga insipidi Mercurii copia, constituit (ut nosti) Factitium illud Con- cretum, quod Chymici *Mercurium dulcem* nuncupant; non quia dulcis est, sed quia Salium Corrosivorum *Acrimonia* sic est per combinationem cum Cor- pusculis *Mercurialibus* ablata, ut totum Mixtum, quandò præparatum, insipidum judicetur.

Atque ita (pergit *Carnades*) explicatis tibi aliquot Rationibus, quare Ele- mentarem Aquam pro perpetuo Ingredientem mixtorum admittere derectem, proclive erit rationem tibi reddere, quare & Terram reliciam.

Primo enim, locus est suspicioni, multas Substantias inter Chymicos nomine Terræ venire, idè quia, illius ad instar, Sicca, sunt, & Graves, & Fixæ, quæ tamen longè absunt à Natura Elementari. Hoc improbable non judicabis, si in men- tem tibi revoces, quod antehac tibi tradebam de eo, quod Chymici *Terram Mortuam* terram appellant, inprimis de Cupro ex *Capite mortuo* Vitrioli extra- hendo; atque etiam si mihi permittas fortuitum quidem, sed memorabile Ex- perimentum, à *Iohanne Agricola* super *Terrâ Damnatâ* Sulphuris factum. Auctor igitur noster (in Noris suis in *Poppium*) nobis narrat, se Anno 1621. parasse Oleum Sulphuris, residuas *Faces* in mediocti Igne per 14. dies reverberasse; postmodum Furno ventri (ut loquuntur) probè lutato immisisse, intensoque Igne, sex horarum spatio, exercuisse, eo consilio, ut, *Faciibus* ad perfectam Albedinem calcinatis, aliud quid ex iis pararet: sed cum ollam frangeret, se in superiori parte nonnisi valdè parum *Fecum* reperisse, quæ & *Cælis*, non Albæ essent; in fundo autem elegantem

elegantem Regulum Rubrum subsedisse, quem primo miratus fuerit, ignarus quid de eo statueret, certus verò, ne vel minimum quid, præter *Faces* Sulphuris, in Ollam incidisse, ipsumque Sulphur nonnisi in Oleo Lini dissolutum fuisse; hunc Regulum ponderosum, & ductilem, Plumbi ferè ad instar, se deprehendisse, Aurisfabroque jussu, ut sibi Filum inde duceret, se illud pulcherrimum Cuprum reperisse, tamque nativo ejus colore ditatum, ut *Pragensis* quidam *Judeus* magno pretio illud licitaretur: hujusque Metalli se dicebat sex uncias ex una libra Cinerum sive *Facum* habuisse. Atque hæc Historia meritis nos proclives fecerit ad suspicandum, quod quia *Caput Mortuum* Sulphuris tamdiu servatum in Igne fuerat, priusquam quidquam esse aliud deprehenderetur, quam *Terra damnata*, plura esse possint alia Corporum recrementa, quæ duntaxat pro Terteis retum *Facibus* haberi solent, proindeque abjici, quamprimum Corporis, ea suppediantis, Destillatio Calcinatione est finita: quæ tamen, si diu periteque per Ignem examinentur, discrepantes ab Elementari Terra apparent. Atque notavi ego infrunitam illam vulgarium Chymicorum levitatem, qua res, inutiles *Faces* pronuntiant, observando quoties *Caput mortuum* Viridis *Aëris* rejiciunt; quod tamen tantum abest, ut mereatur nomen illud, ut non modò intensorum Ignium, & congruorum Additamentorum adminiculo, intra horas aliquot in Cuprum reduci queat, sed & ipse, Fluxi cujusdam Pulveris ope, quod animi causa interdum paro, intra duo vel tria minuta Metallum illud ab eo impetraverim. Cui subnectere liceat, me, cum experimenti ergo Talcum *Veneium* Calori non mitiori, ac est Calor Furni Vitæ, exposuissem, reperisse, post omnes insultus Ignis quos sustinuerat, Corpus residuum, fragile licet, & discolor, non valde multum de prioris suæ magnitudine deperdidisse, atque propius adhuc ad Talcum, quam ad meram Terram accedere visum fuisse. Atque etiam meminî candidum quandam Metallurgum, ob ejus in explorandis Metallorum Mineris peritiam celebratum, cum à me peteret aliquando, ut ipsi *Americanam* quandam Terram Mineralem ab ingenuo quodam Viro, à quo me repulsam non passurum credebat, procurarem, egoque sciscitaret ex eo, cur ejus tam cupidus videretur; mihi falsum fuisse, cum hic Vir Terram istam publicis Explorationum Magistris attulisset, ipsique nullis mediis eam ad Fusionem reducere, vel etiam Volatilem reddere valerent, se (Relatorem puta) parum ejus procurasse, ac, adhibito peculiari quodam pulvere Fluxo, tertiam ferè partem puri Auri inde separasse. Tanti nempe Errores possunt committi, dum res inutilem Terram esse festinanter concluditur.

Proximo loco supponi potest, Quod, uti in Corporum per Ignem *Analysis*, quædam partium dissipatarum vario occurso, à Calore effecto, reduci possunt ad ætætam adeo secum invicem coherescentiam, ut Corpuscula nimis ponderosa, quæ ab Igne avehantur, constituent; quorum Corpusculorum Aggregatum Cineres vel Terra solet appellari; sic alia Agentia resolvere Concretum in Minutas Partes modo tam diverso possunt, ut nullum *Caput mortuum*, siccumve & grave Corpus producatur: meminisse poteris, *Helmontium* superius nos informasse, se, præstantissimi sui Dissolventis beneficio, Carbonem in duo liquida & volatilia Corpora,

Corpora, Carboni æqꝫ iponderantia divisisse, nullo sicco fixove sedimento relicto.

Et profectò non video, cur necessum sit, ut omnia Agentia, quæ Corpora in portiones materiæ differentibus Qualitatibus instruæ resolvuntur, agere in ipsa uno eodemque modo debeant, eaque in tales præcisè, & quoad naturam, & quoad numerum, partes dividere, in quales Ignis ea dissipat. Cum enim, ut antè notabam, Moles & Figura minutarum Partium Corporum, earumque, ut in Motum agantur, Apritudo, vel Ineptitudo, tantam in liquoribus, aliisve substantiis, quas ejusmodi Corpuscula componunt, differentiam inter se invicem possint efficere, ac est illa, quam quædam ex Principiis Chymicis inducunt, qui non possint in hoc casu quid evenire non dissimile ei, quod fieri solet in rudiori Corporum dividendorum modo, per instrumenta Mechanica effecto: Vbi videmus, quædam instrumenta reducere, verbi gratia, Lignum in partes, figuris, magnitudine, aliisque Qualitatibus diversas: uti *Secures & Cunei* id dividunt in partes majores, earumque quasdam longiores, & exiliores, ut festucas; alias crassiores, magisque irregulares, ut assulas; omnes tamen mole notabili instructas: at *Lime Seræque* efficiunt Comminutionem ejus in Pulverem, qui, ut cæteri omnes, ex solidiori sit partium genere; cum alia quædam instrumenta id dividant in longas, laticæque, sed tenues ac flexiles partes, ut faciunt *Dolabra*: ac ipsarummer hujus notæ partium magna est varietas juxta Instrumentorum in Lignum agentium differentiam, cum ramenta à Dolabra facta in aliquibus differant ab iis segminibus, sive tenuibus ac flexibilibus partibus Ligni, quæ mediante Terebra obtinentur, atque hæc à quibusdam aliis, quæ Instrumentorum aliorum adminiculo possunt impetrari. Nonnulla exempla Chymica, quæ huic rei applicari queant, alibi tibi suggesti: quibus adjicere liceat, quod cum in mixtura Sulphuris & *Salis Tartari*, probè fusorum, & una incorporatorum, actio puri Spiritus vini super ea digesti sit, Sulphureas ab *Alcalizatis* partibus separare, dissolvendo priores, & posteriores relinquendo, actio Vini (fortassis ob copiam Phlegmatis ejus) super eadem mixtura est, eam in Corpuscula, ex *Alcalizatis* juxta & Sulphureis partibus unctis consentientia, dividere. At si objicias, hoc tantum esse Concretum Factitium, Respondeo, quod utcumque Exemplum usui esse possit illustrandæ, si non probandæ meæ Propositioni; quodque Natura ipsa in visceribus Terræ Decomposita Corpora construat, uti in Vitriolo, Cinnabari, ac vel in ipso Sulphure videre est; non urgebo, Ignem recens Lac in quinque Substantias differentes dividere; at Coagulum Lactarium & Liquores Acidi illud in materiam Coagulatam ac tenue Serum dispescunt: & contra, Agitatio id dividit in Butyrum, & Lac ferofum, quod utrumque in alias adhuc Substantias, à prioribus differentes poterit reduci. Non hoc, inquam, urgebo, nec alia hujus generis Exempla, quia paucis respondere nequeo ad id, quod objici poterit, hæc nempe Concreta absque Ignis ope separata, medianre eo, dividi ulterius in Principia *Hypostatica* posse; sed expendendum potius proponam, quod cum idem Spiritus Vini partes Caphuræ dissociet, easque in unum secum ipso Liqueorem redigat; *Aqua Fortis* etiam eas disjungat, & in motum cleat; sed ita, ut eas una simul contineat,

contineat, & tamen earum Texturam in Olei formam alteret. Notus mihi etiam est Liquor incompōitus, quem Eximius quidam Chymicus ne vel Salinum quidem volebat agnoscere, qui (ut expertus fui) ab ipso Corallio (utcumque fixum complures judiciosi scriptores illud Concretum esse asserant) non modò nobilem Tincturam obtinet, absque Nitri aliorumve Salium interventu; sed & Tincturam in Distillatione transducit. Atque ni quædam rationes id mihi prohiberent, sermonem instituere possem de *Menstruo* quodam, à me ipso parato, quod partes Mineralium in Igne admodum fixarum mirabilius dissociat. Aded ut non videatur incredibile, posse Agens sive Operationem quandam inveniri, quo mediante hoc illudve Concretum, si non omnia Firma Corpora, in partes aded minutas adeoque ad sibi invicem arctè coherendum ineptas resolvi possint, ut nulla earum fixa satis esse queat, quæ insoluta in fori Igne remaneat, & distillari desinet, proindeque nec pro Terra haberi debeat. Sed, ut ad *Helmontium* revertat, idem Auctor alicubi mihi aliud Argumentum suppeditat, quod probat, Terram ejusmodi Elementum, ac Adversarii mei volunt, non esse. Ille quippe alicubi affirmat, se omnes mixtorum Terreas partes in aquam inspidam posse resolvere; undè arguere possumus, Terram ex numero Elementorum non esse, vel ex ista Notione Elementi, quod memineris *Philoponum* ex *Aristotele* ipso recitasse, cum nuper Chymicorum suorum causam adversus *Themistium* asserbat. Atque hic animadvertere hac occasione possumus, quod, cum Corpus, ex quo Ignis solutiores partes ejus expulit, haberi pro Terra soleat eo nomine, quod utraque hac Qualitate, Inspiditate, & Fixitate, est prædita, (Sal *Tartari* enim, licet fixum, inter Chymicos pro Terra non habetur, quod vehementer gustum afficiat) si Naturalium Agentium vires *Caput Mortuum* alicujus Corporis orbare alterutram harum duarum Qualitatum possint, vel ambas eas in portionem aliquam materiæ inducere, cui prius ambæ non inerant, Chymici non facillè desinient, quæ Concreti resoluti pars Terra sit, vel ostendent, Terram istam primarium, simplex, & Interitus expertum Corpus esse. Iam verò Casus quidam dantur, in quibus peritiores ex ipsis Vulgaribus Chymicis sibi sumunt, posse se per repetitas Cohobationes, aliasque commodas Operationes præstare, ut distillatæ Concreti partes suam ipsarum *Caput Mortuum* in Alembico in Liquoris forma transvehant; in quo statu cum sit & fluidum, & volatile, facillè credideris, pro Terra habitum non iri. Atque sanè per peritum, at non vulgarem, Concreta quædam tractandi modum, plus præstari in hoc genere poterit, quam fortè facillè credas. Et è contra, vel Terram posse Generari, vel saltem Corpora, quæ prius non apparebant ad Terram in Toto accedere, sic posse alterari, ut pro Terra habeantur, valdè possibile videtur, si quidem *Helmontius* id Arte præstiterit, quod in pluribus locis memorat; maxime ubi dicit, * *Se modos nosse, quibus totum Sulphur semel dissolutum fixetur in Pulverem Terreum, & totum Sal-Petræ in Terram convertatur*; quod posterius alibi dicit, solo Sulphurei cujusdam Ignis Odore præstari. Et alio in loco modi cujusdam hoc efficiendi mentionem facit, quem tibi non possum exponere, quia Materialia,

* *Helmont. in Compl. atque Myst. Elem. Sect. 24.*

quæ ad id experiendū paraveram, infelici famuli errore abjecta fuerunt.

Atque postrema hæc Argumenta confirmari ex Experimento possunt, quod sæpè locus fuit commemorare, illud de *Mentha* puto, quam ex Aqua produxi: parim etiam observatione quadam *Rondeletii*, de Incremento, etiam Animalium, nonnisi Aqua nutritorum; quod memoria non suggererat, cum de rerum ex Aqua productione sermonem apud te faciebam. Diligens itaque hic Auctor in doctor suo * *De Piscibus* libro affirmat, Vxorem ejus piscem in Vitro Aqua impleto, sine ullo alio nutrimento, per tres annos conservasse; quo temporis spatio ille continenter creverit, donec tandem regredi per foramen illud nequiter, per quod immissus fuerat, & temporis progressu, ipsius Vitri, admodum alioqui capaxis, amplitudinem excederet. Ac quia nulla est iusta ratio dubitandi, hunc Piscem, si distillatus fuisset, similes Substantias diferentes, ut cætera Animalia, suppeditaturum fuisset; atque, utur hoc sit, quia *Mentha*, quam ex Aqua produxeram, mihi per distillationem bonam copiam Carbonis largiebatur, arbitror me inferte inde posse, Terram ipsam posse ex Aqua produci, vel, si mavis, Aquam posse in Terram transmutari, proindeque, quod, quamvis probari posset, Terram esse Ingrediens, actu in-existent in Vegetabilium Animaliumque Corporibus, undè Ignis adminiculo obtineri queat; non tamen necessario sequatur, Terram, cū præexistens Elementum, cum reliquis Principiis convenire ad ea Corpora componendum, undè separata fuisse videtur.

Dixis omnibus (inquit *Eleutherius*) aliquid adhuc mihi restat obijciendum, quod non possum non momenti alicujus habere, cum *Carneades* ipse cū tale illud allegaverit. Etenim (pergit *Eleutherius* subridens) ausum ego experiri, posse sine æquè feliciter, tuis ipsis Argumentis, ac tuorum *Antagonistarum* responderes: illam scilicet (continuat ille) tuarum Concessionum patrem, in qua non potes non meminisse, re Adversariis suis Exemplum suppeditasse, quo probetur, esse posse Corpora Elementaria, dum observabas, Autum esse posse Ingrediens in magno numero differentium Mixturarum, & tamen Naturam suam retinere, non obstantibus omnibus, quæ Chymici, ope Ignium suorum, & Liqueorum corroden-tium, præstare possint ad internecionem ejus procurandam.

Saris tibi eo tempore indicabam (reponit *Carneades*) me hoc exemplum proposuisse, præcipuè ut tibi ostenderem, quomodo Natura possit concipi, Elementa fecisse, non ut probarem, ipsam actu ullum formasse: atque nosti tu, *A posse ad esse* non valere consequentiam. Verum (pergit *Carneades*) ut magis dire-
 • objectioni ab Auro petitz respondeam, tibi dicam necesse est, quod, licet probè norim, complures ex Chymicis consultioribus de Chymicorum Vulgo, cū Agyrtis, vel impostoribus, questos fuisse, eo quod ira jactanter, ac hætenus ab iis factum, artem sibi sumptisint Aurum destruendi: arramen *Menstruum* quoddam novi (quod Amicus noster paravit, statuitque ingeniosorum ordini brevi impetire) aded penetrans, ac povens, ut, nisi, adhibita nequidquam multa sollicitudine, & nonnulla pericia, multum me ipsum sefellerim, adminiculo ejus purgatum etiam Aurum reverà destruxerim, illudque redegerim in Metallicum Cor-
 pus al-

* Lib. I. cap. 2.

pus alterius Coloris, & Naturæ, uti Experimentis de industria factis deprehendi. Ac nisi legitimæ quædam causæ pro tempore id prohiberent, possem fortè uno alterove Experimento alio, fide propria, tibi hic ostendere, ejusmodi *Menstrua* parari posse, quæ ex Corporibus eliciant retineantque partes aliquas, quas etiam magis efficaci & expetiores *Spagyrici* pronuntiantur non posse vi Ignis resolveri: quamvis (quod te notare velim) in neutro horum Exemplorum. Aurum, Gemmæve in ullum aliquod ex *Tribus Primis* resolvantur, sed solum in nova Concreta reducantur. Et sanè magna est disparitas inter Operationes diversorum illorum Agentium, quorum vi partes alicujus Corporis dissipantur. Vti si (exempli causa) purius Vitrioli genus in communi aqua dissolvas, Liquor absorbebit Minerale, ejusque Corpuscula ita dissociabit, ut videantur nonnisi unum idemque cum Corpusculis Aquæ constituere; singula tamen horum Corpusculorum naturam texturamque suam retinent, & Vitriolata Compositaque Corpora remanent. Si autem idem Vitriolum forti Igni exponatur, non modò in minutas partes, ut ante, sed in Substantias Heterogeneas dividetur; unoquoque Corpusculorum Vitriolorum, quod in Aqua remanebat integrum, post Texturæ prioris interitum in novas differentium Qualitatum particulas dissipato ipso, seu diviso. Verum Exempla, quæ congruentius applicari in hanc rem possint, jam suprà tibi suppeditavi. Quare, ut ad id revertar, quod de Auti destructione tibi dicebam, Experimentum illud me invitavit, ut tibi proponam, quod, licet Salinæ darentur, vel Sulphuræ vel Terræ portiones Materiæ, quarum partes tam exiguæ essent, tam firmiter unitæ, figurave conciliandæ secum invicem coherentiæ apta instructæ (uti videre est in Argento Vivo, in parvos globulos diviso, partes ad mutuum contactum adductas protinus in unum Corpus rursus coire) ut nec Ignis, nec usitata Agentia à Chymicis adhibita, satis sint penetrantia ad illatum partes ita dividendum, ut singulorum seorsim Corpusculorum Texturam destruant; non tamen necessarid sequeretur, ejusmodi Permanentia Corpora esse Elementaria, cum possibile sit, Agentia in rerum Natura inveniri, quorum quædam partes sint ejusmodi Mole & Figura præditæ, ut melius prehendant quasdam partes horum apparenter Elementarium Corpusculorum, quam hæ partes prehendant reliquas, proindeque avehere secum istiusmodi partes, adeoque Corpusculi Texturam, partes ejus disperdendo, dissolvere possint. Et si quis dicat, saltem hac via derege- re nos posse Ingredientia rerum Elementaria observando scilicet, in quas Substantias hæ Corpuscula: quæ habebantur pura, dividantur: Respondeo, Necessarium non esse, ut ejusmodi Detectio deducatur in Praxim. Etenim, si particulæ Dissolventis adeò tenaciter apprehendant particulas Corporis Dissoluti, constituant simul nova Corpora necessum est, æquè ac Vetera destruant; stricteque illa Vnio, quæ secundum hanc *Hypothesin* inter partes Corporis Emergentis non immeritò supponi potest, in causa erit, ut parum sit expectandum, eas aliter disperpi debere, nisi per minutas partes Materiæ, quæ ad eas dividendum sese Associant, & tenaciter admodum iis illarum partibus adhærent, quas à prioribus Adhærentibus separant. Præterquam quod impossibile non est Corpusculum ali- quod, quod supponitur esse Elementare, posse Naturæ suæ mutationem acquirere.

acquirere, nec tamen patrium suatum Divortium pati, sola scilicet Textura nova, à potenti aliquo Agente effecta; uti superius tibi exponebam, eandem materiæ portionem facile per Ignis operationem posse ad libitum in Fragilis Transparentisque, vel Opaci, Ductilisque Corporis, formam converteri.

Et sanè, si perpenderis, quousque mera Texturæ mutatio, facta vel ab Atre, vel Natura (vel potius à Natura, comitata, vel destituta adminiculo humano). exporrigere se queat in Novis ejusmodi Qualitatibus in una eademque Materiæ portione producendis, quotquot inanimata Corpora (qualia sunt omnes Chymicæ productiones Ignis) constar non tam à Commentitia ulla Forma Substantiali, quam ab harum Qualitatum Aggregato Denominari Distinguique, si, inquam, hæc perpenderis, quodque Variatio vel Figuræ, vel Molis, vel Motus, vel Sirus, vel Nexus corpusculorum, undè ullum horum Corporum componitur, mutare Fabricam ejus possit, fortassis una mecum induceris ad suspicandum, non adedè necessarium esse, ut Natura semper in promptu habeat Elementa, undè talia Corpora, quæ Mixta vocamus, componat: neque adedè esse facile, ut Chymici aliique hæcenus imaginari sunt, dignoscere (inter tot differentes Substantias, quæ sine ulla extraordinaria peritia obtineri ab eadem portione materiæ possunt) Quænam existimanda sint, exclusivè ad omnia reliqua, in-existentia ipsius Ingredientia Elementaria, multò minus determinare, quænam Præmixta & simplicia Corpora coiverint ad eam componendum. Vt hoc dilucidem, iis, quæ, datis aliquoties occasionibus, in medium jam attuli, unicum hoc exemplum adjiciam.

Memineris (*Elencherie*) me suprà tibi innuisse, quod præter Menham, & Pepones, plura alia discrepantium admodùm Naturatum Vegetabilia ex Aqua produxerim. Quare, arbitror, nec existimabis incongruum, supponere, quod, quando tener furculus Vitigineus terræ implantatur, & radices agit, ibi itidem Nutritum suum capere possit ab Aqua, ex Terra per radices ejus attracta, vel Calore Solis, Aërisve ambientis pressione in ipsam potos impulsâ. Arque hoc tantò promptius credes, si unquam observasti, quanta Aquæ copia ex vulnere, quod Viti, loco commodo & tempore Veris opportuno infligitur, existillet, quamque levidenti Sapore, Odoreve hæc *Aqua Vitis*, ut Medici eam vocant, imbuta, non obstante quacunque concoctione, vel alteratione, quam in suo per Vitem transitu subire possit, ad eam à Comuni aqua discriminandum. Supposito igitur, hunc Liquorem, sub primum ejus in radices Vitis ingressum, Communem Aquam esse; aliquantulum perpendamus, quot Substantiæ diversæ obtineri ab ea queant: quod tamen ut titè à nobis fiat, aliquid mihi de eo est repetendum, quod superius dabitur occasio delibandi. Et primò, hic Liqueor Digestus in Planta, & à diversis ipsius partibus assimilatus, in Lignum, Corticem, Medullam, Folia, &c. Vitis mutatur: idem Liqueor desiccari ulterius potest, & in Gemmas Vitigineas formari, hæcque, interjecto temporis spatio, in immites Uvas promoveantur, quæ expressæ succum illum Omphaci, *Anglis dictum Verjuice*, largiuntur, qui est Liqueor, in pluribus Qualitatibus valdè differens tum à Vino, tum

ab

ab aliis Liquoribus, qui ex Vire possunt impetrari. Immites hæ Uvæ, Calore Solaris concoctæ, & maturatæ, mutantur in Uvas lapidas; hæ siccantur ad Solem, distillantæque, Oleum fœtidum penetrantemque Spiritum *Emphyrenaticum* suppeditant, non autem Vinosum Spiritum: hæ Uvæ passæ, in convenienti Aquæ copia bullitæ, dulcem faciunt Liqueorem, qui maturè distillatus Oleum & Spiritum largitur, iis admodum similia, quæ ex ipsis Uvis passis eliciuntur. Si Uvarum Succus extorqueatur, & fermentationem subeat, primò fit dulcis & turbidus Liquor, tum minùs dulcis redditur, & magis clarus, ac tunc in consuetis Distillationibus non Oleum, sed Spiritum largitur, qui, licet Olei ad instar inflammabilis, multum tamen ab eo differt, in hoc nempe, quod pinguis non est, quodque promptè cum Aqua miscetur. Obtinui itidem sine additamento, progressu temporis [& via facili, quam te docere paratus sum] à quodam ex generosissimis Vini generibus, mediocrem quantitatem putorum affabreque figuratorum Crystallosum Salis, unà cum magna copia Liquoris, Mel ferè dulcedine æquantis; atque hæc non à musto, sed vero & generoso Vino obtinebam; præter Vinosum illorum Liqueorem, fermentatus Uvarum Succus partim in liquidas fæces convertitur, & partim in crustam illam ac siccam sæculentiam, quæ passim *Tartarum* appellatur, atque hoc *Tartarum*, Ignis ope faciliè in quinque differentes Substantias dividi potest; quorum quatuor Acida non sunt, reliqua autem manifesta aciditate *Tartaro* cedit. Idem iucessu Vinosus, exacto aliquo tempore, maximè si sollicitè non asservetur, in illum valde acidum Liqueorem, quem Acetum Vini dicimus, degenerat; à quò, Ignis beneficio, obtinere Spiritum potes, & Crystallinum Salem, satis à Spiritu & *Lixiviali Sale Tartari* differentes. Et si defæcatum Spiritum *Aceti* Vini affundas Sali *Tartari*, ejusmodi Confectus produceretur, & Ebullitio, ac si vix ulla Corpora magis contraria in rerum Natura essent: ac sæpè in hoc Aceto observare est, partem Materiæ in innumerabile natantium Animalculorum agmen converti, quæ cum Amicus noster ante complures annos detexerit, in quodam Manuscripto- rum ejus, modum nos docuit ea sine *Microscopii* ope clarè detegendi.

In omnia hæc varia Materiæ Schemata, sive diversimodè Qualificata Corpora, præter plura alia, à quibus commemorandis studio abstineo, Aqua, à radicibus Vitis imbibira, redigi potest, partim virtute Plantæ formativa, partim ab Agentibus, Causisve supervenientibus absque visibili ullius extranei Ingredientis concursu. Sed si permittamur, hujus transmutatæ Aquæ productionibus paucas alias Substantias addere, multum augere talium Corporum Varietatem possumus; cisi in hoc secundo Productionum genere partes Vinosæ vix quidquam de Corpore multo fixiori, quocum erant mixtæ, retinere videntur, sed tantummodò sua cum iis mixtione talem Dispositionem acquisivisse, ut in recessu suo, ejus causa Ignis fuerat, mutatæ fuerint quoad figuram, vel quantitatem, vel utramque, & nova ratione associatæ. Hunc in modum, ut suprà tibi dixi, facta additione *Capitis mortui* Antimonii, aliorumque quorundam Corporum, Distillationi ineptorum, à Crudo *Tartaro* copiam valde Volatilis & Crystallini Salis obtinebam, qui Odore, aliisque Qualitatibus à Vulgaribus *Tartari* Salibus admodum discrepat.

Verum (inquit *Eleutherius*, ad hæc verba illum interrumpens) si nihil est, quod te inhibear, lubenter admodum, priusquam progrediaris, magis particulatim vellem edoceri, quomodo hunc Salem Volatilem parces, quoniam (ut nosti) Chymici tanto numero, modis tantum non innumeris, frustra moliti sunt Salis *Tartari* Volatilificationem, de qua idcirco complures docti *Spagyrici* loquuntur, quasi sit impossibile, quidquam ex *Tartaro* parare, quod sit Volatile in forma Salini, vel ut quidam eorum id exprimunt, in forma *Sicca*. Longè absum, ut existimem (respondet *Carneades*) Salem, quem memoravi, illum esse, quem *Paracelsus* & *Helmontius* intelligunt, quando loquuntur de *Sale Tartari Volatili*, tantaque effecta ei adscribunt. Sal quippe, de quo ego loquor, longè à Virtutibus istis deficit, nec videtur Sapore suo, & Odore, aliisque obviis Qualitatibus, valde multum diffetere (etsi aliquantum differat) à Sale Cornu Cervi, aliisque Salibus Volatilibus, quæ ex Distillatis partibus Animalium elliciuntur. Nec satis hucusque feci Experimentorum, quæ me certum redderent, eum *phrum* esse Salem *Tartari*, nihil omnino de Nitro Antimoniove participavem. Verùm quia videtur vero similis, eum procedere à *Tartaro*, quam ab ullo Ingredientium reliquorum, & quia Experimentum in seipso non est Ignobile, satisque luciferum [novam quippe viam monstrans Sal Volatile, Acidis Salibus contrarium, ex illis Corporibus producendi, quæ alias observantur non ejusmodi Liquorem, sed vel solum, vel præcipuè, Acidis largiri] tu, ut tibi satisfaciam, primas inter amicos meos tenebis, cui modum impertiar, quo nunc [antehac enim quibusdam aliis usus fui] ad id parandum utor.

Cape igitur bonæ notæ Antimonii, Nitri, & *Tartari*, æquale singulorum pondus, & Calcis Vivæ dimidium pondus cujuslibet eorum, redigantur ea in pulverem, probeque misceantur; hoc Facto, præsto sit oblongi Colli Retorta fictilis, quam Fornaci aperti Ignis oportet immittere, cujusque summitas foramine convenientis Diametri instructum esse debet, per quod mixturam possis injicere, idque protinus rursus obturare: huic vasi, capaci Excipulo instructo, Ignis substruatur, donec fundus parsque laterum inferior candescant, & tunc mixtura suprâ parata injiciatur, dimidio cochleari [plus minùs] singulis vicibus, per foramen in eam rem factum; quo celeriter obturato, Fumi in Excipulum ferentur, ibique condensabuntur in Liquorem, qui rectificatus puro colore Aureo splendet istumque Colorem ad insignem altitudinem evehet: hic Spiritus eo, de quo tibi loquor sum, Sale abundat, cujus pars satis facillè separari ea via potest, qua ego in ejusmodi casibus utor, quæ est, Liquorem in Ovum Vitreum, vel in longi angustique colli Phialam infundere. Hoc enim si non nihil inclinatum arenæ calidæ imponatur, Sal elegans indè sublimabitur, quod, ut tibi dicebam valde affine esse Volatili Animalium Sali deprehendo: illorum quippe ad instar, Salsum ipsi, non Acidum Sal inest; sibilat facta Spiritus Nitri, Oleive Viatrioli affusione, Corallia in Spiritu Aceti dissoluta præcipitar, Cyanicum *Syrupum* Violaceum protinus in viridem convertit: solutionem Sublimati extemplo in albedinem lacteam mutat; verbo dicam, diversas edit Operationes illis similes, quas in eo Salium genere observavi, cui id assimilaveram; estque adèd Volatile,

ut

ut, distinctionis causa, *Salem Tartari fugitivum* cum appellem. Quibus viribus in Medicina valeat hactenus mihi defuit occasio experiundi; sed prout mihi est existimare, sperandas eas non fore. Et, præterquam quod Amicus quidam meus valdè ingeniosus mihi affirmat, se multum præstitisse contra Calculum, Medicamento quodam, Arte parato, non multum à via nostra differente, *Germanus* quidam Chymicus valdè expertus, percipiens, me Salis hujus parandi modorum non esse imperitum, mihi memorabat, in populosa quadam patriæ suæ Civitate, insignem quandam Chymicum tantum facere, ut antè aliquod temporis spatium Privilegium à Magistratu procuraverit, quo caveatur, ne quis alius præter se, vel cum, cui ipse faceret copiam, Spiritum quandam venderet eadem seicè cum meo via parato, nisi quod ipse unum ex Ingredientibus, Calcem vivam scilicet, omittit.

Sed (pergit *Carneades*) ut priorem meum sermonem resumam, ubi Curiositas tua me intercidebat; recepta est in *Gallia* praxis, tenuatas Cupri Laminas in Siliquis uvarum, ex quibus succus in Torculari fuerat expressus, immergere, quo medio magis Salinæ istarum Siliquarum partes, sensim in Cuprum agentes, sese cum ipsis in eam Cæruleo-viridem Substantiam coagulant, quam Viride Aëris appellamus: quod propterea animadverto, quia distillato eo in Igne aperto, reperi, prout expectabam, Salinarum cum Metallicis partibus associatione priores aded fuisse alteratas, ut Distillatus Liquor etiam sine Rectificatione videretur Odore ac Sapore ferè *Aquam fortem* referre, & vi sua purissimum, quem unquam paraverim, maximeque rectificatum Spiritum Aceti Vini plurimum excedere. Atque hunc Spiritum propterea Siliquarum adscribo Sali, per earum cum Cupro commisturam alterato, (licet Ignis postmodum ea divellat, atque transmutet) quia posterius, Cuprum scilicet, in Retortæ fundo in forma *Croci* ejusdam, seu rubescentis pulveris, inveniēbam; & quia Cuprum genio est nimis incerti, ut in Vasis clausis, calore, qui non sit intensior, transfigatur. Ac illud, quod etiam nota aliqua dignum, in boni Viridis Aëris (vel ejus saltem notæ, quo ego utebar) distillatione, hoc est, quod nunquam observare poterim, illud mihi Oleum suppeditasse (nisi paululum nigra ejusdam Substantiæ limosa, quæ separabatur in Rectificatione, Oleum haberi debeat) cum tamen & *Tartarum* & Acerum Vini (maximè prius) Distillationis adminiculo mediocrem ejus copiam largiatur. Si itidem Spiritum Aceti Vini Calcinato Plumbo affuderis, Sal Liquoris Acidum suum cum Metallis partibus, licet inspidis, commixtura, plusquam Saccharinam dulcedinem intra paucas horas acquireret; atque hæ Salinæ partes, intenso Igne à Plumbo, cui immixtæ erant, distillatæ, post se (ut superius alio consilio notabam) Metallum relinquent, in quibusdam qualitatibus ab eo, quod erat, alteratum, illæque ipsæ partim in Corporis unctuosi, seu Olei, partim in Phlegmatis forma ascendent; ut plurimum verd in forma subtilis Spiritus, qui, præter complures Qualitates novas, quas nunc animus non est annotare, fortè instructus est Odore, admodum ab Odore Aceti diverso, Saporeque penetranti, omnino tam ab aciditate Spiritus Aceti, tum à Dulcedine Sacchari Saturni discrepante.

Ut rem compendificam, uti differentia Corporum merè potest dependere à discrimine Schematis morum, quibus Communis ipsorum Materia induitur; ita Semina Rerum, Ignis aliaque Agentia poris sunt minutas partes Corporis alterare (vel eas in minutiotes differentium figurarum frangendo, vel hæc fragmenta cum Corpusculis infraactis, vel ejusmodi Corpuscula secum invicem Uniendo;) eademque Agentia partim figuram vel magnitudinem constituentium Corporis particularum Alterando, partim qualdam earum pellendo, partim alias cum iis miscendo, partim nova quadam ratione ipsas connectendo, poterit toti Materiæ portioni novam minutarum ejus partium Texturam, & hoc ipso novum Distinctumque nomen conciliare. Adeo ut, juxta quod minutæ Materiæ partes à se invicem recedunt, vel in se murò agunt, vel hoc illove determinato modo simul connectuntur, Corpus hujus illiusve Nominis producitur, uti aliud aliquod Corpus ista via mutari vel destrui contingit.

Quandoquidem igitur res istæ (Principia scilicet) quas Chymici Ignis ope producant, nonnisi Corpora inanimata sunt; quandoquidem talia Chymicorum producta à se invicem in adeò paucis duntaxat qualitatibus differunt, ut liquido videamus, nos Ignis, aliorumque Agentium, quibus uti possumus, beneficio satis facillè æque magnas in Materia alterationes posse efficere, ac sunt illæ, quæ ad unam Chymicarum harum Productionum in aliam murandum requiruntur; quandoquidem eadem Materiæ portio sic potest, absque eo, ut cum ullo extraneo Corpore, vel saltem Elemento, componatur, disponi, ut tantam Varietatem induat Formarum, proindeque (successivè) in tot differentia Corpora convertatur. Et quandoquidem Materia, tot formis discrepantibus amicta, Originariè nonnisi Aqua fuit, inque suo per tot transformationes meatu nunquam in ullam Substantiarum istarum, quæ mixtorum Principia, Elementave habentur, reducta fuit, quam Ignis violentia, qui ipse Corpora non dividit in perfectè simplices Elementaresve Substantias, sed in nova Composita; Quandoquidem, inquam, hæc ita se habent, non video, qui necessariò nobis sit erendum, Primigenæ & Simplicia Corpora dari, ex quibus, ceu Præ-existentibus Elementis, Natura omnia alia componere teneatur. Nec mihi liquet, quò fas non sit concipere, producere eam Corpora, quæ Mixta habentur, ex se invicem posse, variè minutas earum partes alterando, contextendoque, absque eo, ut materiam in ulla ejusmodi simplices Homogeneasve Substantias, quales obtenduntur, resolvat. Nec denique video, cur absurdum censeatur existimare, quod quando Corpus in supposita sua simplicia Ingredientia, Ignis ope, resolvitur, istæ Substantiæ non sint vera propriaque Elementa, sed potius Accidentaliter, quasi producta ab Igne fuerint, qui Corpus aliquod in partes minutas dissipando, si quidem partes istæ in Vasis benè clausis concludantur, ut plurimum necessariò efficit, ut alio sese modo ascoctent quam prius, atque ita eas in Corpora tam differentium Consistentiarum redigit, quibus constituendis prior Corporis Textura, concurrentesque Circumstantiæ dissociatas ejusmodi particulas aptas reddunt: uti experientia nobis ostendit (quod & jam notavi, & probavi) quod, quemadmodum quædam dantur Concreta, cujus partes, quando ab Igne dissipatæ, aptæ sunt redditi, ut ejusmodi Schemata

Schemata induant, quæ Oleum, Salem, & Spiritum appellamus; ita dantur alia qualia imprimis sunt maxima pars Mineralium, quorum Corpuscula cum sint alterius magnitudinis, figuræve, vel alio fortè modo contexta, largiri in Igne detrectant Corpora similium Consistentiatum, sed fortè alia differentium Texturatum. Ne memorem, nos non videre, ab Auro, nonnullisq; aliis Corporibus, Ignem ulla omninò Distinctas Substantias sepatate; neque vel similes istas partes Corporum, quas Chymici Ignis adminiculo obtineat, esse Elementa illa, quorum nomina gerunt, sed Corpora Composita, quibus, ob suam cum illis in Consistentia, nonnullisve aliis obviis Qualitatibus, similitudinem tales Appellationes imponere Chymicis visum fuit.

CONCLUSIO.

VLtima hæc *Carneadis* verba cum paulò post exciperentur à sono, qui ab eo loco proficisci videbatur, ubi reliquum Consortium erat, ille pro monito id habuit, tempus poscere, ut sermonem suum concluderet, vel abrupter, amicumque suum ita est effatus; Spero, jam te videre, *Eleutherie*, quod si *Helmontii* Experimenta vera sunt, absurdum non sit dubitare, num absurda sit ea Doctrina, quæ non affectit ulla Elementa sensu prius explicato. Verùm, quia, uti aliquot ex Argumentis meis miram vim liquoris *Alkabeſti* in resolvendis Corporibus supponit, ita effectus istis viribus adscripta adeò sunt incomparabilia, & stupenda, ut, licet certus non sim, ejusmodi Agens esse non posse, parùm minùs tamen, quam *autòſim* requiri videatur ad certum aliquem reddendum, illud *actu esse*; proinde judicandum tibi permitto quantum ista ex Argumentis meis, quæ nituntur Operationibus *Alkabeſticis*, infirmentur eo, quod iste Liquor parum non habet; idcòque te togatum velim, ne putes me hoc Paradoxum, quod omnia reſicit Elementa, proponere ceu Opinionem, quæ pari probabilitatis cum priore sermonis mei parte ambulet. Ex ea enim satis tibi factum spero, Argumenta à Chymicis afferri solita ad probandum, omnia Corpora vel ex tribus constare Principiis, vel ex Quinque, validitate multum cedere iis, quibus usus sui ad probandum, non certum ullum Determinatùmque ejusmodi Principiorum Elementorùmve numerum in Mixtis universim omnibus posse inveniri. Nec opus esse, tibi dicam, arbitror, Anti-Chymica hæc Paradoxa veti magis in rem eorum potuisse; nisi obstitisset, quod, cum Curiositatem meam intra Chymicorum Experimentorum Cancellis non coërceam, ego, qui Vit adhuc sum juvenis, & Junior Chymicus, nonnisi angustam hætenus eorum supellectilem mihi paravi, tam gravis difficillisque pensu respectu, ac mihi imposuisti: præterquam quod, ut verum fateat, uti quibuscumque vel ex optimis illis Experimentis, quæ mihi nota sunt, non audebam, quod nedum ea aperire mihi liceat. Verum utut sit, puto me præsumere posse, quod hætenus deserui, te adductum ut credas, Chymicos multò fuisse feliciores in Experimentis, quam in eorum Causis inveniendis; vel in assignandis Principiis, per quæ omnium optimè queant explanari. Et sanè, quando in *Paracelsi* scriptis mihi occurrunt nugatorii ejusmodi & intellectum fugientes sermones, quibus iste Auctor sæpe discituriat, fatigatque Lectorem, egregiis ejusmodi

ejusmodi Experimentis adscripti, quæ licet ille raro dilucidè doceat, ego sæpè deprehendo ipsum novisse; mihi videtur, Chymicos in suis investigationibus veritatis non esse dissimiles * *Tarsensis Salomonis* Classis Navigatoribus, qui ex longis fastidiosisque itineribus non modò *Aurum*, & *Argentum*, & *Ebur*, sed *Simios* etiam, & *Pavones* secum afferebant. Ita quippè scripta complurium (non enim dico, omnium) Philosophorum *Hermesticorum* nobis exhibent, unà cum pluribus solidis eximisque Experimentis, Theorias, quæ vel Pavonis plumarum ad instar, multum habent ostentationis, nihil autem soliditatis, nec usus; vel simiarum ad instar, si quandam rationis præ se ferunt similitudinem, hæc vel illa absurditate deturbantur, adeò ut attentè consideratæ ridiculæ appareant.

Carnæide ita finem imponente sermoni contra receptam de *Elementis* doctrinam, *Elenberius* judicans, sibi tempus defore multum cum eo loquendi ante ipsorum separationem, festinanter eum ita affabatur; *Fascor, Carnæide*, te plura in Paradoxorum tuorum gratiam dixisse, quam expectabam. Licet enim complura ex Experimentis, quæ memorasti, arcana non sint, nec mihi ignota fuerint, at tamen præterquam quod iis multa ex tuis propriis addidisti, tali ordine ea digestisti nrisque ejusmodi accommodasti, atque talia inde deduxisti, quæ mihi hæcenus haud occurrere.

Verùm, licet ea de causa propendeam, ut existimem, *Philoponum*, si te audisset, vix parem futurum fuisse, in omnibus articulis Chymicam *Hypothesin* adversus Argumenta, quibus eam impugnasti, propugnandi; mihi tamen videtur, quod utut Objectiones tuæ evincere videantur magnam ejus partem, quod sibi sumunt, totum tamen non evincant; ac numerosa Experimenta eorum, quos tu Vulgares Chymicos vocas, etiam ipsa aliquid ex altera parte probare dici possint.

Quare, si tibi concedatur, te reddidisse probabile; Primo, differentes Substantias, in quas Mixta, Ignis ope, solent resolvi, non esse puræ ac Elementaris Naturæ, ob hanc inprimis rationem, quod tantum adhuc de Natura Concreti, quod eas suppeditavit, retineant, ut etiamnum appareant aliquatenus esse compositæ, ac sæpè differre in uno Concreto à Principiis ejusdem Denominationis in alio: Proximè, quoad numerum differentiarum harum Substantiarum, nec eas esse præcisè tres, quia in maxima parte Vegetabilium & Animalium Corporum Terra & Phlegma etiam inter earum Ingredientia est repetire; nec esse ullum Determinatum numerum, in quem Ignis (prout is quidem adhiberi solet) præcisè & universaliter omnia Mixta qualiacunque, tam Mineralia, quàm alia, quæ perfectè Mixta habentur, resolvit.

Denique, complures esse Qualitates, quæ ad ullam harum Substantiarum, seu primariam istarum sedem, classemque referri commodè nequeant; ac nonnullas alias Qualitates, quæ quantumvis præcipuam suam maximèque usitatam sedem in uno aliquo ex hisce Mixtorum Principiis, Elementivæ, habere videantur, necdum tamen indè sic deduci possunt, quin & generaliora quædam Principia ad eas explicandum debeant accerseri;

Si, inquam, Chymici (pergit *Elenberius*) liberaliter tibi hæc tria concesserint,

rinc, spero te vicissim tam humanum & æquum fore, ut ipsis hæc tres proportionibus alias largiaris: videlicet;

Primo, complura Corpora Mineralia, proindeque reliqua probabiliter omnia, in Salinam, Sulphuream, & *Mercurialem* partem resolvere posse; atque ferè omnia Concreta Vegetabilia & Animalia posse, si non Igne solo, peritiamen, Artificis, Igneum seu præcipuum Instrumentum suum adhibentis, ope, in quinque discrepantes Substantias dispesci, Salem purum, Spiritum, Oleum, Phlegma, Terramque; quarum tres priores ob eam operandi vim, quæ duas posteriores tantoperè excedunt, haberi mereantur tria Principia Activa, & *ut' i' xxi* Tria Principia Mixtorum nuncupari.

Deinde, hæc Principia, licet omni omnino Mixtura non vacent, non incommodè tamen vocari posse Elementa Corporum Compositorum, nominaque istarum Substantiarum gerere, quas maxime refertunt, quæque manifestè in iis prædominantur; idque ob hanc inprimis causam, quod nullum horum Elementorum, dividi Ignis ope possit in quatuor vel quinque differentes Substantias, Concreto illi similes, unde id fuit separatum.

Denique, Complures ex Mixti alicujus Qualitatibus, ac Medicæ inprimis Virtutes ut plurimum in Vno aliquo vel altero Principiorum ejus residere, proindeque in Principio isto, à cæteris dispesci, utiliter posse vestigari.

Atque in hoc etiam (pergit *Eleutherius*) opinor & te & Chymicos inter facile posse conveniri, viam scilicet omnium esse certissimam, particularium Experimentorum beneficio doceri, ex quibus partibus differentiis particularia Corpora constent, quibusque viis (vel Actuali, vel Potentiali Igne) ea omnium optime & commodissime possint separari, uti non nimium Igne fidendo in Corporum resolutione, ita non contendendo incasum ad ea in plura Elementa cogendum, quam ex quibus Natura ea composuit, vel ad separata Principia aded nudandum, ut dum ea faciès exquisire Elementaria, tantum non inutilia reddantur.

Hæc (subjungit *Eleutherius*) propono, nec te ea concessurum despero, non modò quia novi, te aded anteponeere Existimationem *Candoris* famæ Acuminis ingenii; ut, veritas, non idèd quod semel eam semel impugnasti, te sit inhibitura ab eius amplexu, cum liquido tibi probata fuerit; sed quia occasione præfenti, fraudi non erit existimationi tuæ à quibusdam ex Paradoxis tuis recedere, cum genius & occasio superioris tui sermonis te non obstrinxerit ad declarandum Opiniones tuas, sed personam duntaxat, induere Antagonistæ Chymicorum. Aded ut [concludit ille, subridens] tu nunc possis, concedendo quod ego propono, existimationem *Amaroris Veri* jungere famæ dexteritatis acutè illud impugnandi.

Festinatione, qua urgebatur *Carneades*, ipsum responso ad callidam hanc blandiloquentiam interdicens; Donec [inquit] commodam nactus fuero occasionem, Opiniones proprias de Controversiis, de quibus disseruimus, tibi explicandi, non te spero expectare, me meam ipsius de Argumentis à me adhibitis sententiam esse expositurum. Quamobrem hoc duntaxat in præsentiarum tibi

tibi dicam; quod, licet non modò subtilis aliquis Physicus, sed vel ipse ego speciosas formare exceptiones adversus nonnulla eorum possem, complura tamen etiam eorum sint istius notæ, ut fortè non sit in promptu ad ea respondere, quæque Adversarios meos eo sint adauctura, ut *Hypothesin* suam saltem mutant, & corrigant. Percipio, mihi opus non esse, te monere, Objectiones, à me stru-ctas contra Quaternarium Elementorum, & Principiorum Ternarium, non tam necessum fuisse ipsis Dogmatibus opponere [quorum alterutrum, maximè verò posterius, multo poterit propugnari probabilius, quam factum hæcenus ab istis eorum Assertoribus videtur, quos mihi videre contigit] quam defectui ἀπειθείας & συλλογιστικῆς Experimentorum illorum *Analyticorum*, quibus vulgò nituntur ad ea demonstrandum.

Quare, si alterutra Opiniorum, quæ sub examen vocavi; vel ulla alia de Elementis Theoria, Rationibus & Experimentis liquidò mihi fuerit probata, officiosum erit, ac non absolum à ratione, ut expectes, me non adeò deperiturum Dubia mea distrahentia, ut non malim ea cum Veritatibus indubiis commutare. Atque (finem sic facit subridens *Carneades*) non ita probrosum foret Sceptico, tibi fateri, utur ex prægressa Dissertatione colligere poteris, *Peripateticorum* Chymicorumque de Elementis & Principiis Doctrinæ mihi non fecisse satis, me tamen tantum abesse, ut inveniam in quo acquiescam, ut aliorum Investigationes fortè vix minus quam meæ ipsius mihi satisfecerint.

FINIS.